



Максуд Шайхзода

ДУНЁ
БОКИЙ



ШЕРЛАР

ДОСТОНЛАР

ДРАМА

Тошкент


Гафур Руслан номидаги Адабиёт ва санъат нашриёти

1988

Ўз2
III 18

Тўпловчи ва нашрга тайёрловчи —
филология фанлари кандидати
Муҳсин Зокиров

18724
10 29



Шайхзода, Мақсуд.

Дунё боқий: Шеърлар. Достонлар. Драма.
/[Тўпловчи ва сўзбоши муаллифи М. Зоки-
ров].— Т.: Адабиёт ва санъат нашриёти,
1988.—424 б.

Мақсуд Шайхзода бетакор шеърияти билан ўзбек со-
вет поэзияси хазинасини бойитган сўз санъаткорларидан
эди.

«Дунё боқий» китобига шоирнинг әнг сара шеърлари,
шу билан бирга «Оқсоқол», «Тошкентнома» достонлари
ҳамда «Жалолиддин Мангуберди» драматик асари кири-
тилди.

Бу янги дийдорлашув, азиз китобхон, сизни ҳам мам-
нуни қиласи, деб ўйлаймиз.

Шайхзода, Максуд. Мир вечен: Стихи. По-
эмьи. Драма.

Ўз2

III 4702570200—28
M 352 (04)—88 37—88

ISBN 5—635—00019—3

УМРЛАР БҮЛАДИКИ...

Улкан сўз санъаткорларининг қадру қиммати, умрзоқлиги, бадий маҳоратдаги устозлик даражасини ўлчайдиган энг ҳаққоний ва ишончли андоза замон ва китобхон ҳисобланади. Бундай сермашақват синовдан шараф билан ўтолган нодир сиймолар қаторида Мақсуд Маъсумбек ўғли Шайхзоданинг табаррук номини ҳам фахр ва меҳр билан ёдга оламиз.

Мақсуд Шайхзода деганда ўзбек совет адабиётининг отахонларидан бири, улкан шоир, баркамол драматург, устоз муаллим, етук олим, оташнафас публицист, моҳир таржимон, ёшларга раҳнамо-ғамхўр педагог, ўзининг бутун ҳаёти ва ижоди билан халқимиз орасида машҳур ва манзур бўлган улуғвор, аммо бағоят камтарин инсон сиймоси тасаввуримизда жонланди.

Дарвоҷе, у ҳаётда ҳам, ижодда ҳам улуғвор инсон эди. Шоир ўзининг сербарака ижодий умрида 20 дан ортиқ маҷмуаларга жамланган шеърий бадиалар, баллада ва достонлар, «Жалолиддин Мангуберди» ва «Мирзо Улуғбек» каби драмалар, илмий-публицистик (улар 300дан ортиқ) асарлари билан юксак дидли, талабчан совет китобхонларига мақбул бўлди. Республика изадијати адабий-маданий ҳаётида маълум мавқе соҳиби даражасига кўтарилиди. Бу бежиз эмас, албатта. Шунинг учунки, Шайхзода ижодий корхонасида бунёдга келган бир мисра шеърдан тортиб достонгача, баллададан шеърий драмаларга қадар барча асарларда фалсафий мушоҳаданинг тераплиги, қўйилган муаммони ечишдаги мантиқий изчиллик, туйгуларнинг самимийлиги, фикрнинг парвози ва услубнинг муайянлиги каби аъло хислат ва ноёб фазилатлари туғайли уларнинг ҳар бири Шайхзодавор жило билан товланиб туради.

«Шоир,— дея қайта-қайта такрорлар әди устоз,— биринчи галда ўз Ватанининг граждани, халқининг хизматкори, партиянинг дастёридир».

Дарҳақиқат, 20-йилларнинг илҳомбахш романтик ҳавосидан баҳраманд бўлган, 30-йилларнинг қизғин қурилишларида чиниққан, 40-йилларнинг жанг синовларида суги қотган, 50-йилларнинг тинч ижодий меҳнат муҳитида фаоллик кўрсатган Мақсад Шайхзода 60-йилларнинг буюк илҳомбахш вазифалари ҳақида ҳам жўшиб-жўшиб куйлади.

Шоир қолдирган қутлуг адабий меросни жўшқин давримиз ва курашчан элимизнинг бадиий тарихи, адабий қомуси, мужассам лирик оиласи дейиш мумкин. Зоро, ўзбек деҳқонининг оғирини енгил қилган илк трактордан бошлаб, фазони забт этишдек барча улуғвор ҳодисалар, совет кишиларининг зафаркор ишлари, юртнинг сержило лавҳалари ва инсоннинг кўркам жамоли унинг қаламига ошно, шеъриятига илҳом ва мазмун бахш этди. Шунинг учун ҳам устознинг шеърияти чуқур гуманистик фикрлар, башарий ҳиссийётлар, инсониятнинг олам ва коинот сирларини, асрий ҳаётий жумбоқларни ечишдаги орзу-истаклари, журъаткор тилаклари билан тўлиқ. Ана шу ижод саҳифаларини бирма-бир вараглар эканмиз, илҳом париси Мавлоно Шайхзодага ҳамиша сирдош-ошно бўлганилигидан чуқур қаноат ҳосил қиласиз. Дарвоҷе, устоз муттасил ижодий меҳнат дарди билан, бунёдкорлик иштиёқи ва изланиш заҳмати билан умр кечирди. Шоирнинг таъбирича:

Кунларимни олдим елкага,
Бордим карвон билан йўлимдан...
Куплар ортди, узайди бўйим,
Соз суҳбатим мавзуи эмас,
Кишиликдир ўйлаган ўйим,—

деган гоялари унинг бутун ижодий фаолият ва эстетик қарашлари учун асосий мезон бўлди. У ўзбек совет адабиёти Ленинномасининг энг фаол ва барқамол ижодкорларидан. Унинг Ленин ва Коммунистик партия ҳақида яратган жуда кўплаб лирик-фалсафий манзумалари дунё-дунё мазмунни сингдирган мутафаккирона асарлардир.

Бадиий сўзнинг ҳикматини бутун вужуди билан ҳис этган ва унинг инсон маънавий оламига таъсир

құдратини терән англаган, шу боисдан ўзига ҳам, бошқаларга нисбатан ҳам қатъий талабчан бүлган устоз: «Шеър билан назм орасидаги фарқни шоирларимиз ҳам, танқидчиларимиз ҳам синчковлик билан аниқлаб олмагунларича «адаб бозори»да сүлгин ва ёвғон байтлар ҳақиқий юрак поэзиясига ғов бўлиб тургусидир» деган фикрни қайта-қайта такрорлар эдилар. Шоирнинг бу оқилона ўгит-насиҳати адабиётимизнинг ёш авлоди учун сабоқ бўлиши керак.

Шоир деган әдики:

Шеърият диёрин шоирларимиз,
Ҳар уй, ҳар кўнгилга байтлар бўлсин ёр!
Элга дастёр бўлса шеърларимиз —
Демакки, умримиз ўтмабди бекор!..

Ҳа, бадиий тафаккур мулкининг чин соҳиблари асло қаримас, ўлмас экан. Аксинча, улар яратган бебаҳо хазина орадан вақт ўтган сари ўзининг янгидан янги қирраларини намоён қилиб, тобора рангин ҳаётий жило билан товланаверар экан.

Шоир сўзи абадий барҳаётлик оташи билан йўғрилган. Бу фикрларимизга устознинг ижоди тўла кафил.

Мақсад Шайхзода давримизга гурунгдош, унинг нуроний сиймоси ҳамиша бизга сафдош ва ҳамқадам. У қолдирган қутлуғ обидалар авлодлар учун бир умрга азиз ва табаррук!

Зотан, устоз башпорат қилгандиларки:

Умрлар бўладики,
Тиригига ўликдир.
Умрлар бўладики,
Ўлгал одам тирикдир!

Ҳа, устознинг ижодий умри мангаликка сазовор!

МУҲСИН ЗОКИРОВ

ШЕТЬР ЧИН ГҮЗАЛЛИК СИНГЛИСИ ЭКАН...

*Шеърсиз қалбларга ачинаман мен,
Уларда на тонглар күндүзин бошлар,
На оқшом юлдүзлар уфқын очар кенг,
На баҳор чогида сайрайди қышлар.*

*Құшиқсиз уйларга күлги ёқмайды,
Хонадон ахлининг қовоги осиқ.
Ҳатто деразадан қуёш боқмайды,
Соатнинг ўзи ҳам тиқиллар босиқ.
Шеърсиз күчани толе қарғаган,
Бу жойда севгининг манзили бекик...
Қувонч бунда кезар кайфи тарқаган —
Кекса хуморидек қомати букик...*

*Бечора одамлар, билмаски улар,
Шеър чин гүзаллик синглиси экан.
Ҳар кимки у билан севишса агар —
Ҳүсніга чиройлар қўшилар айнан.
Шеърият диёрин шоирларимиз,
Ҳар уй, ҳар кўнгилга байтлар бўлсин ёр!
Элга дастёр бўлса шеърларимиз —
Демакки, умримиз ўтмабди бекор!..*

ХАЁТ ДАФТАРИДАН

Мен яшамоқ истайман
Уч рақамли бир сонда,
Коммунизмга кирай
Киём чоги бўлгандা.
Яшаймиз, аммо бизда
Ҳаракат ва сукунат
Еқалашиб талашар
Абадий бир зиддият.
Бир нуқтада албатта
Ўқилажак марсия,
Ўлим деган ҳодиса:
— Кимёвий реакция!
Турлича қўйилмоқда
Бу достонга сўнг нуқта:
Бири тираб мияга
Патлатар тўппончани.
Булут кўрса уфқда:
— Сўнг нуқта...
Бири ҳазрат олтунга
Эгилиб қиласар сажда.
Эриб неъмат ичида
Ўлимдан олар мужда.
Бизга бошқа учрайди
Ўлимнинг йўлтўсари,
Ҳар кун, ҳар кун келади
Унинг илдам чопари.

Түмшүгидан бир уриб
Қайтарамиз, у яна
Аччиғланиб, құтуриб
Тишлиайди номардона.
Биз умрнинг ҳар соат
Планига бир жақон,
Бир көннөт киргиздик —
Томирга қои, қонга жон:
Бизниң қадар ҳаётта
Ҳақли бўлган кимлар бор,
Сазоворми сўлмоққа
Бор экан қиши, ёз, баҳор?
Ол мени бағриннга, юв,
Эй замон шаршараси,
Соф тиззангга ястанай,
Эй руҳим музикаси!
Мен яшамоқ истайман
Уч рақамли бир сонда,
Коммунизмга кирай
Қиём чоги бўлганда.
Сочимни ҳилпиратди
Эсган тонг шабадаси,
Холи йўлакларида
Маст этди шўх нафаси.
Мен эмас, ҳар комсомол
Ҳар командир, ҳар аскар,
Ҳар ишчи истар ҳаёт
Бир асрга баробар.
Чунки буюк мўлжалнинг
Баҳри муҳит мазмуни.
Ҳар бир кашноф истарким
Маррада кўрсинг уни.
Истайман, гурилласин
Қўлингда иш зарбаси.
Истамайман, қарасин
Манхус ўлим шарпаси.

Қалдироқни севгайлар
Күркмайди қор-ёғиндан,
Тўлқинларнинг фарзанди
Чекинмайди оқиндан.
Яшамоқдан завқ олдик,
Музейга ўтди зулм,
Бироқ бизда сесканиш
Тугдира олмас ўлим.
Кураш истаса биздан
Яна янги қурбонлар,
Ҳар биримиз жонфидо
Қилувчи партизанлар.
Тақдирнинг ғижинлиги
Қаҳрамонга ўқ тиқар,
Ёнбошдаги бешикдан
Янги арслонлар чиқар.
Шахслар ўлар кетару
Узилмас тарихий ип,
Ғайратимиз устида
Гавдаланар принцип.
Мен яшамоқ истайман
Уч рақамли бир сонда,
Коммунизмга кирай
Қиём чоги бўлганда.

1933

КҮЗЛАР

У күзларки, маъноси бор бахмалдан,
У күзларки, ҳаётнинг ҳисобидир.
У күзларки, келаётир азалдан,
Абад унинг ёзилган китобидир.
Эркин элнинг қувноқ, шод нашъалари
Тўпланмиш гулдаста каби күзларда.
Элнинг машаққатдан тугмиш зафари
Ёзилибдир бу улуг шон — асарда.
Соқчилари — найзабардор киприклар
Соя солар бу шаҳло мисраларга,
Ҳар юракнинг ҳужрасига кўприклар
Йўлни очар, тақар ишқдан исирға...
Бу күзларнинг ўтли ялтирашига
Бор кучини шарқ қуёши йигибдир.
Бунинг учун «гўзаллик» калимаси,
Мажоз билан «кўз» у сўздан чиқибдир.
Бу гўзаллик эл ҳуснига боғлидир,
Қизлар асил гўзалликка ҳақлидир.

1934

КРЕМЛЬ СОАТИ

Ернинг юрак тепишидан бўлсам хабардор!..
Бунинг учун қулоқ керак, худди ой қадар.
Неча вулқон янглиг ўлим ва туғилишлар
Пайдо бўлар, сўниб кетар ҳар сонияда,
Неча сойлар кўлга етар ҳар сонияда.

Қариб кетар, яна яшиар ернинг қурраси,
Томирида қон зарбасин инсон мияси
Доктор каби санаб кўрар, борми нафаси?
Сониялар, сиз минутдан олинг ижоза,
Бир мижжада яшаб олай бир йилни тоза.

Ҳашаматли Кремлиниг соатидаи ман —
Тўғри соат кўрмаганиман, эшитмаганиман.
Доҳий соатеоздан олган маршрутга фан,
Томиб-томиб оқар унда замон томчиси,
У тонгларнинг, оқшомларнинг зўр низомчиси.

Үига қараб иш бошлиди ишчаи, зўр пойтахт,
Далаларга чиққанларга у кўрсатар вақт,
Намойишчи, учувчига уни кўриш — баҳт!..
Бу соатда ўз пайтида келар бир замон,
Бир замонки, бўлар барча ҳалқлар қадрдон.

Ер юзининг энг ягона, олим устоди
Куррамизнинг сийна сиррин унда санади,

Бу лаҳзалар минутларни түғиб ётади,
Улар эса ёш, курашчан соатни, кунни,
Кунлар эса беш йилликдай ўлмас достонни.

Үзи билар, вақти келгач соат уради,
Энг ҳаққоний бир соат бор — Кремль оти,
Эшитингиз, дўст-ошиналар, мурожаатим:
Қараб қўйинг соатларга, роса тўғриланг —
Умрларнинг маъносини бу соат билан!

Москва, 1935

ЮЛДУЗЛАРГА БҮЛДИМ ҲАМСОЯ...

(Авиамарш)

Юлдузларга бүлдим ҳамсоя,
Чиқдим күкка пояма-поя.
Бүлди менга олтин ой ёстиқ,
Гумонларим ҳаммаси — таасиқ.
Учар әдим хаёлдай юксак,
Оқ буулутлар остимда түшак.

Парвоз қыл, шонли юрт,
Қүёшдай баланд,
Тилакни қиласайлик
Қанотга пайванд.

Күкни құчдим, буюрди диёр,
Менга шамол нозанин бир ёр,
Ёгин — ёмгир пешонам тери,
Учқур бүлдим у кундан бери.
Юлдузлардай мен ҳушёр бүлдим,
Қанотландым, баҳтиёр бүлдим.

Уч Ватан, уч Ватан,
Яшин каби тез,
Илонлар бошыни
Яшин каби эз!

Күклар бүлди менга манзилгох,
Осында кезаман огох,
Бир шүңғисам калхатлар ётар,
Қанот қоқсам ўлжалар қатор.
Мени күрса ёвлар бенафас,
Мини қарғага битта кесак бас!

Қулочни ёз, Ватан,
Узоқларга уч,
Тоглар ҳассанг бүлсін,
Қитъаларни қуч!

БАХОРДА ЁМГИР

Тарк айлади толнинг бутогин
Чирқиллади, қочди чумчуқлар,
Булутлар ҳам солди қовогин,
Англадимки, кўқда бир гап бор.
Учиб келди ёгиш чопари,
Кишинар эди остида оти.
Қизиб кетган булут бағридан
Фарёд қўпди, яшин чақнади.
Сўнгра ёғди шаҳарга, қирга,
Салқин сувлар ғувиллаб бирдан
Гўё кўкка чиқиб денгизлар
Сузилади улуг ғалвирдан.
Шўх томчилар занжир боғлашиб
Осилибди бир ип сингари,
Гўё арқон учидан ушлаб
Тирмашилса мумкин юқори!
Юган узган, сўлиқсиз ёмгир
Шўнгигиб урди деразаларни,
Сувеаб қолган тупроқ тўшига
Дуч келтириди ҳўйл найзаларни.
Чиқди боққа: ечди қалпогин
Кўк сувларин қутлаб олай деб,
Пайпоққача чўмилиб кетди,
Бир нафаеда бечора адиб.
Томчилардан жимиirlаб бадан,
Дер эди: шу шоирлик нега?
Ёмгир билан ҳазиллашолмай


Пана қилди дарахт қавагин.
Сойга иниб тушган қатралар
Раңс этарди, кўпикланарди,
Чўмиларди сув ичра сувлар
Сўнгра тинчиб, тиниб кетарди.
Шувиллаган ёмғир чарчади,
Ингиштириди гулгуласини,
Энди эшит томдан сакраган
Томчиларнинг ашуласини!
Сўқмоқ йўлда эзилиб ётган
Майсаларда улуг масаррат,
Саҳроларда қолган йўлчидаи
Сув ичмоқда ташналааб ҳасрат.
Сойга тушиб чўмилган қиздай,
Ялтирайди чинорнинг сочи.
Боқчаларда визиллаган ел
Авж кўтарар гўё бир найчи.
Булат очди кўкнинг рухсорин,
Қош қорайиб кетганди кундуз,
Секин имлаб милтирас эди —
Онда-сонда бир-икки юлдуз.
Кирап эди кўкимтири туслага
Чамандаги ол-алвон ранглар.
Дарадаги булоқ сингари
Пичирларди дарахтда барглар.
Далаларда яна бошланди
Табиатнинг оқшомги куйи,
Кўринмас бир издан юксалди
Ер — тупроқнинг согломлик бўйи.

1936

МЕНИ АКА ДЕЙДИЛАР

Күшикларда, олишувларда,
Жаңгномада ва ашулада
Үтиб кетди ёшлик йиллари,
Күп ҳикматлар йигдим каллада.
Кечдим шундай умр чүлини,
Сакраб кетдим чорак асрдан,
Яқинлашди ўттизга ҳаёт,
Тўймадим мен нозли шеърдан!
Кунларимни олдим елкага,
Бордим карвон билан йўлимдан.
Тўхта,— дедим мастьул кунларга,
Чопди кунлар жанговар, хандон.
Тўхтамади замон дарёси,
Кунлар ортди, узанди бўйим.
Соз сухбатим мавзуи эмас,
Кишиликдир ўйлаган ўйим.
Недир, недир ҳаёт мантиқи?
Ўсиш, қариш қонуни нега?
Кўпларга мен ака дер эдим,
Энди мени дейдилар ака?!

Шундай ўтди умр йиллари,
Тўлқинларда кўтардим овоз.
Қайтмадим толган қадам-ла,
Ўзим қилдим шамолни пешвоз.
Энди мени ака дейдилар!
Сочлар аро синган оқ тола,



Лекин ҳар күн янгидир ҳаёт,
Тил учимда айланар ялла.
Тондим ўзим түгилган йилдан,
Тондим ҳатто ойдан, ҳафтадан,
Менга керак Толстойча умр,
Чинор қадар яшаяжакман.

1936

ҮРТОҚ НАВОИЙ

Баллада

Ҳирот қалъасида кўп қадим қўргон,
Асрлар йиқитмай, мужассам турган.
Яна айш-ишратда Темурийзода,
Сархуш қаллаларга амр айлар бода.
Яна мастдир Султон Ҳусайн Бойқаро,
Кеча кўп қоронги, ҳатто ой қаро.
У ҳам зуваласи нозик шоирдир,
Ғазаллар тўқишида анча моҳирдир.
Афғонлик, эронлик қуллар пайдар-пай
Кумуш қадаҳларда ташир эди май.
Дуторнинг, чаңгларнинг, уднинг садоси,
Осмонга чиқарди ҳофиз иидоси.
Олтин тахтгоҳида ўлтиришиб султон,
Елпигич елпийди оҳуи Хўтон.
Кўп дилкаш рақс айлар ҳинду қизлари,
Тизилар Урганчнинг инжу қизлари:
Султоннинг етса ҳам ёши анчага,
Жазманлик билдирап ҳар бир гунчага.
Сатанглар лабида учар жилвали —
Амир Алишернинг сўнгги ғазали:
«Кўнгулнинг хонумонин берди барбод,
Гами ишқингки, хонумони обод,
Мени ёд айламак иечун унутдинг,
Унутиб нетти тоҳи айласанг ёд?

Сенга сайд бўлгали урён бўлибман,
Қачон юлди тириклай қушни сайёд?
Кўнгул жинси башардин асраб охир —
Мени девона қилди бир паризод.
Навоий, ёр фарёдингга етмас,
Анинг фориглигидин айла фарёд!»
Не хуш дебди ул ғамли дардиманд,
Ғамгинлар дилига ғам қиласанг пайванд,

Лекин зиёфатда кўринмас шоир,
Султон буюради: «Топилсан ҳозир!»

Хирот қалъасида эски кошона,
Акс-садо берар тунда паймона.
Огир уйқуларга толғандир Ҳери¹,
Гўёки чарчабди азалдан бери.

Ҳерининг энг танҳо бир гўшасида,
Богларга элтувчи тор кўчасида
Пойтахтнинг хилватгоҳ маҳалласи бор,
Унда шинам уйнинг дарвозаси бор.
Боқчаси ям-янил, девори сариг,
Болохонасида доимо ёргу.
Бу ерда қаламни юргузар шоир,
Дунёи оламни ҳам кезар шоир.
Самарқанд, Иефиҳон ва Румни кезар;
Арманни, Ширвонни, Кримни кезар.
Файласуф шоирдир, ҳикматпаст у,
Унга ёр Афлотун, Луқмон, Арасту.
Ўзишар Низомий устози ила,
Ҳиерав-ла, Ҳофизи Шерозий ила.
Ипак варақларда не-не умрлар
Ўлган қаҳрамонлар яна тирилар.
Отланиб лашкарии бошлар Искандар,
Золим подшоҳлар қочар дарбадар.
Қувончлар мухлиси — шоирлар шоҳи,
Аммо кўп мунглидир Лайлиниңг оҳи,
Қафасда ўртанар вафоли қумри,
Мажнуннинг саҳрода ўтмоқда умри.
Ишиқининг ҳеч қайтмас мардиdir Фарҳод,
Эвоҳ, унинг ҳам насиби бўлмишиди фарёд.
Бу гамгин мусибат уни тиғлайди,
Шонрнинг ўзи ҳам бунга йиглайди,

¹ Ҳ е р и — Хиротнинг қадимги номи.

Нега ранглар ичра кўпdir қаро ранг?
Нега бу дунёда келишмас оҳанг?
Буни на замона ечди, на мози,
Кўп узоқ чўзилди тақдирининг нози.
На Сино ҳал қилди, на Арастуси,
Бунга жавоб берар буюқ келгуси.
Навоий ўйлайди бош солиб қуийи,
Қулоқда жаранглар иқболнинг куйи.
Ёзаркан «Хамса»нинг энг сўлим бобин,
Одамзод зеҳнининг гўзал китобин —
Эшикда тақиллар ясовул қўли,
Нечук фармон билан келган шоҳ қули?
Дараҳтлар уйгонган, яшиаган кўклам,
Қоғия дурларин тизмоқда қалам.
—«Хайр эртагача, биродар Фарҳод!
Баҳлул, буюринг эгарлансин от!»

* * *

Эҳтиром ичида адиб кутилар,
Биринчи шоирга гуллар тутилар.
Вазирлар кўзида совуқ гайирлик,
Ясама кулгилар эмас хайрлик.
Кийимлар зардўзи, руҳлар ёввойи,
Кўп яхши билади буни Навоий.
Султон буюради: «Қани, эй шоир,
Шеърнинг амири, ўқинг битта шеър!..»
Навоий чертади бармоқларини,
Созлайди танбурнинг қулоқларини.
Йиглар ва йиглатар тор пардасини,
Айтиб инсон дардин энг каттасини:
«Май ичингким, даҳр эли ичра кўп истаб
топмадик,
Аҳду паймонида бўлган устивор, эй
дўстлар!
Ерингиз васлин ганимат англабон шукр
айлангиз

Ким Навоий бўлди бекасликда зор,
эй дўстлар!»

Кўп нозик илинار газалнинг тиги,
Асира дилбарлар бошлайди йиги.
Оҳ, яна эсига «Хамса»си тушди,
Навоий хаёли Арманга учди.
Ижозат истайди сархуш султондан,
Шеърга майл қўйган соҳибқирондан,
Чунки уни кутар уйида мисра!
Лайлиси, Ширини, Искандар, Хисрав.
Навоий қўлида сўнгги май жоми,
Уни чақиради Фирдавсий, Жомий...
Маҳрамлар таъзим-ла кузатар уни,
Машъаллар ёритган шоир йўлини.
Инесоннинг инсонлик шаънига доир —
Ҳаётнинг бевафо нозига доир
Бир байтни тўқииди шу пайти шоир:
«Тут гадолигни Навоий мугтанам,
Шоҳлар олида бош индурма кўп!»

Сен тинмай юз минглаб байтлар битгансан,
Адолат ахтариб ўтиб кетгансан.
Сен ҳусн ошиқи, қанча ҳам лирик,
Ишонгил, шу кунда бўлсайдинг тирик
Ленин нипоннига бўлардинг сазо,
Олий Советга ҳам сайлардик аъзо.
Ағсуски, беш аср ажратди бизни,
Лекин сўндиролмас шамол юлдузни.
Бошингда сақлардинг ақл нуқрасин,
Даҳонг ёриб ўтди аеринг маррасин.
Эй ўртоқ Навоий, зўрсан, йириксан,
Кўп тирик шоирдан букун тириксан.
Сен ўзбек халқининг ўлмас виждони,
Миннатдор элингнинг соғ граждани.

МИСРАНИНГ ТУФИЛИШИ

Уфқларда қизил бир оташ —
Ботаётган оловли лола,
Гүё бутун олам шаробин
Кўтарувчи гулгун пиёла.
Кўк юзига булат сочилган
Таралмаган чигал соч каби,
Қуёшнинг сўнг шуъласин эмар
Булутларнинг паришон лаби.
Райҳонларнинг сархуш ҳидини
Тўплаб чўкар боғларга оқшом,
Хиромон бир шабада билан
Келаётир менга ҳам илҳом.
Сойга қараб эгилган толга
Эрка сувлар шивирлар сирни,
Чўкиб келган кўк сояларда
Шоир топди хилват бир ерни.
Қарши ёқда ойнабандли уй...
Осма чироқ, дераза, айвон...
Кун чекиниб моҳтоб чиқади,
Чечаклар ҳам ярқирав, алвон.
Қалбга томиб йигилмиш дунё,
Зеҳнда бор кунлар мазмуни,
Дилда ватан севгиси бордир —
Сўлмас баҳтнинг ҳаққи — қонуни.
Оқшом чоги эшикни қоққан
Азиз, гўзал, лекин ногиҳон,

Кутилмаган меҳмонлар каби
Хаёлимда образлар бесон.
Ҳар бири ҳам ўсмоқ истайди,
Ҳар бири ҳам истар навозиш,
Ҳар бири ҳам иорасида ёш,
Қилемоқ керак уни парвариш.
Үймаланганд қатор ташбихлар
Карвон эрур, сарбон истайди.
Шитирлаган баргдан тўкилган
Қофиялар мени қистайди.
Ой сузади ўз манзилига —
Жим бўшлиқда олтин бир воҳа,
Мана энди қалам тебранди:
Қўнди шеър учун сарлавҳа.
Ястангандир сой орқасидан
Тоққа қараб адир-газалар,
Тоғлар, баланд ва догоиз тоглар —
Ойни чўққи билан найзалар...
Бу гўзал юрт, ҳусндор ватан,
Бу ҳур нафас олатурган эл.
Бу чўққилар, қорли чўққилар,
Чўққилардан эсиб келган ел,
Тегмай асло тошга, қояга
Сойда соя каби бир қайиқ,
Унда тўрт қўйл эшкак тортади.
Ойдин туннинг сеҳрига лойиқ
Ишиқни улар сувга сўйлади,
Ишиқни улар куйлади балки,—
Бу ишиқ, ошиқ, бу эл, бу дарё,
Бу соҳиллар... бари меники...
Бу тасаввур хаёлга ҳоким,
Қалам қилар ҳукмини ижро.
Бу лаҳзада чўқди дафтарга
Интизор-ла кутилган мисра.
Фикр кияр хаёл либосин,
Ўхшар суратхонага мия.

Рұхим күчар шеъристонға
Шүх қанот-ла учар қофия.
Ватан берар шоирға ишқни,
Шүх қофия унға баҳона,
Шу Ватандан шуғыла — нур олған
Мисра учун, айт-чи, баҳо на?!

1940

КУРАШ НЕЧУН?

Зафарнинг нашъасин тотиган эрлар:
«Сулҳ десанг урушда енгиб чиқ» дерлар,
Бу кураш ҳәётнинг қонуни учун,
Бу — чорак асрнинг яқуни учун.
Бу кураш истиқбол машъали учун,
Лениннинг мужассам ҳайкали учун.
Пушкиннинг достони, Толстой учун,
Вақтингча тўхтаган холис тўй учун.
Бу элнинг гўдаги, чоли, гўзали,
Навоий мисраси, Бобур газали.
Дуторнинг бемалол унлари учун,
Ижоднинг муҳташам кунлари учун.
Онанинг меҳрибон алласи учун,
Ватанинг нефти ҳам ғалласи учун.
Халқдаги қўшиқлар, мақоллар учун,
Ўрмонлар, чаманлар ва толлар учун.
Тер тўкиб қазилган каналлар учун,
Фируза кўрфазлар, ороллар учун.
Паранжи ташлаган аёллар учун,
Шоирнинг ташбиҳи, илҳоми учун,
Абадий саодат айёми учун.
Тоғлар этагининг майин еллари,
Ўзига хўжайин меҳнат эллари,
Болалар уйқуси, севги туйгуси,
Арслонлар юртининг ори, номуси,
Мунаққаш иморат, ҳусни, зарҳали,

Фарғона пахтаси, Оқтош асали,
Улугбек дахмаси, Хоразм нағмаси,
Құшиқлар, рақслар... ҳамма, ҳаммаси...
Шу учун курашмоқ бизга фарз бўлди,
Юраклар муқаддас нафратга тўлди.
Кўз юммай биз топган улкан ютуқлар
Ва яна муҳташам алвои уфқлар,
Қузгуилар, илонлар учун бўлмас ем,
Лочинга қалхатлар бўлолурми тенг?
Ҳаётни севганлар ўлимдан қўрқмас,
Муқаддас бурч бўлди душмандан қасос.

• • • • •
Эртанинг иқболи кечадан базёр,
Бу кундан кечамас, эрта тугилур.
Булут сўндиrolмас ёруғ кундузни,
Шапарак тўёсолмас олтин юлдузни.
Эй ватан, эй дунё, эй инсон, қардош,
Халқлар эрки учун берамиз бардош.
Шу учун, шу учун муқаддас кураш,
Ўгри пачоқлангач, дермиз, Бас, кураш!
Зафарнинг нашъасин тотиган эрлар:
«Эрк десанг, урушда енгиб чиқ» дерлар!

1941

БЕРЛИНДА СУД БҮЛГУСИ

Кўзларим ўнгидаги жонланар алвон,
Катта зал: деворда бир сурат — Тельман.
Тарихнинг ҳаками беомон, жиддий,
Курсида қотиллар — палид, ашаддий.
Судъялар олдида мункайган ўгри
Ва яна бир гуруҳ оғзи қон бўри
Тимсоҳдай билмасди нимадир аянч,
Кўзлари сичқоннинг кўзидаи жирканч.
Горилл маймунидай бир нусха — мурдор,
Шаллақи, зог каби беҳаё, беор.
Уч минг йил кечикиб келган одамхўр
Бошин индиради боқса прокурор.
Миллионлар қони бор айбномада,
Санашга сиёҳлар етмас хомада:
Хушбўй беҳизорлар бўлмиши вайрони,
Санъат музейлари бойқушга хона.
Бўстоннинг барглари соврилган кулга,
Гўрларда кезади ғамли кўланка.
Бахтсиз Европада ёниқ ўрмонлар,
Ёнгинда соврилган донлар — хирмонлар.
Боласиз оналар, куёвсиз қизлар,
Зўрланган, пичилган мазлум бахтсизлар.
Бомбалар тирнаган шикаст майдонлар,
Калладан қуббалар, бўгиқ зиндонлар,
Элларни бўгувчи заҳарли еллар,
Елларда бўғилган улуслар — эллар,

Хароб шаҳарларнинг фигони, оҳи...
Буларни қилибди номардлар шоҳи.
Умрида билганми нимадир севги?
Унинг онаси ҳам бўлмаган балки!
Бу жаллод айтганми она лағзини?
Олганми шеърдан лаззат ҳиссини?
Бола табассумин пайқаганми у?
Хачирдай фарзанддан маҳрумми мангур?
Қувончлар берганми унга шалола,
Кўзин сийлаганми қирмизи лола?
Хаёл тугдирганми унда ойдин кеч?
Эшитганмиди у Бетховени ҳеч?
Бирорни қардош деб унданганмикан?
Бир кун меҳнат ила ион еганмикан?
Йўқ асло! Булардан бехабар чаён,
Унда инсон ҳисси бўлмабди аён.
Уч минг йил кечикиб келган одамхўр,
У ҳалок бўлажак бенишон, бегўр.
Албатта Берлинда суд бўлгусидир,
Тарихнинг ҳукми ҳам ўқилгусидир.
Ҳукм қатъий бўлур, шикояти йўқ:
Дарранда кўкеига кифоя бир ўқ.

1941

КАПИТАН ГАСТЕЛЛО

Умрлар бўладики,
Тиригига ўлиқдир,
Ўлимлар бўладики,
Ўлган одам тириқдир.
Тарихчи ёзар экан —
Улуғлар айёмини,
Капитан Гастеллонинг
Унутмайди номини.
Ўша кун Гастеллонинг
Кўп қирди самолёти,
Ёвга тобут бўлганди
Осмоннинг булути.
Шер юракли бу лочин
Қоқиб қанот-қулочин,
Қузгуилардан асрари
Элининг хотин-халожин.
Калхатларнинг бағрига
Қизил ўқлар ёғдирди,
Безбет босқинчиларнинг
Кўзида хавф тугдирди.
Бирмунчаси қочдилар
Баланд демай, паст демай,
Гастелло зарба ураг,
Қирмагунча бас демай.
Лекин ҳужум чогида
Оловланди самолёт,

Гастеллони ўради
Куючан қирмизи ўт.
Оловлар ялар эди
Ҳатто қошу кипригин,
Құнмоқни истамасди
Пастга, ерга у лекин...

Чунки ерни изларкан
Унинг қиргий нигоҳи,
Кўринади бир қатор
Душманнинг қароргоҳи.

Мард фаҳмида туғилди
Яшинвори бир қарор,
Ғанимга асир тушмак
Ботир учун не ярап?

Ўлмакликнинг ўзи ҳам
Зарба бўлсин душманга,
Ёнаётган қўшини
Шўнгитди ёв томонга.

Яна бир он, бир зарба
Қозонларга тўқинди,
Бу тўқиниш зарбидан
Портлаб кетди ёқилғи.

Ёнаётган машина
Бензинларга дуч бўлди,
Ловиллаган даҳшатдан,
Машиналар пуч бўлди.

Ҳалок бўлди Гастелло
Жангда мардимардона,

Ҳалокининг ўзи ҳам
Зафарларга тарона.

* * *

Умрлар бўладики,
Тиригига ўлиқдир,
Ўлимлар бўладики,
Ўлган одам тириқдир...

Мен яшамоқ истайман
Бир асрча мутассил,
Аммо ўлсам розиман,
Гастеллодай мард, асилик.

1941

ҚҮЁШ ШАРҚДАН ЧИҚАДИ

Қирлардан эсади илиқ бир шамол,
Паранжи ташлади соҳиби жамол.
Булутлар чимматин йиртди қуёш ҳам,
Шарқдан кунботарга босади қадам!
Шарқдан кунботарга тилайман оқ йўл!
Юр қуёш, тезроқ юр ва саломат бўл!
Ялтирас шуъласи чопқилар узра,
Толларда, зирҳли ёнқилар узра.
Ўтниинг хосияти ёндириш, ёқини,
Сувниинг хосияти шилдираш, оқини.

Чавандоз одати қулунни суриш,
Қуёшнинг одати гарб томон юриш.
Шуълалар юради читирлар босиб,
Аскарлар юради адирлар босиб.
Шуълалар тараиди дарахтнинг сочин,
Шуълалар ювади тоғларнинг бошин.
Шуълалар рақе этар шалолаларда,
Шаробга қўйилган гуллолаларда.
Бахшининг қўлида тори тараанг, соз,
У чертар ва қилар қўшиққа огоз.
—«Тезроқ юр гарб томон полвон офтоб,
Жангчилар бошида кунботарга чоп!
У ерда bog йиглар, bogbon йиглар.
Чироги ўчгаидир, чароғбои йиглар.
Нажот элт, зиндонлар аҳлига нур элт,

Юр, қизил мардарга йўл бошла, юр, ет!»
Қуёшнинг одати шарқдан туришдир,
Қуёшнинг одати ғарбга юришдир.
Хужумда жонбоздир жангга пухталар,
Иўлларда қирилмиси жувонсўхталар.
Найзалар ялтирас, сафлар жимиirlар,
Оёқлар зарбидан ерлар қимиirlар.
Дудама ханжарлар, аждаҳо тўплар,
Ёвга қон қустирас, жаллод қон ҳўплар,
«Чу, ҳо!»дан ўйнайди бедов — арабий,
Қасосдан қайнайди элнинг ғазаби.
Самолёт қаноти чўмилар нурда,
Босқинчи ўгрининг ярмиси мурда.
Белгисиз гўрларга қаланган — лоллар,
Қаерга қочарди афтода ҳоллар?
Уларнинг қиесмати ғурбатда чириш,
Қуёшнинг одати ғарб томон юриш.
Қуёшим остида юраман мағур,
У ёвга оташдир, дўстлар учун нур.
Уни «сен»сирайман, уни боқаман.
Ҳаттоки чилимни ундан ёқаман.
Унга раҳмат дейман, дейман: «Оғайнни,
Бизга сен келтирдинг қирмизи майни,
Келтир оламга ҳам сўлмас бир кўклам,
Кўзлардан ёш ўчсин, лаблардан алам.»
Қуёш шарқдан чиқар ғарбга борай деб,
Йигит этик кияр ҳарбга борай деб.
СССР жанг этар ёруғ бўлсин деб,
Одамзод эрклиги қутлуғ бўлсин деб,
Баҳор ойларининг ҳамда Майининг
Қаҳрли зафари улуғ бўлсин деб.

ЧОРАК АСР

Бўлса эди иккита умрим,
Бўлса эди юрагим икки,
Ҳаётларни, қалбларни, билки —
Аямасдим сендан, эй қумрим!
Мен қумрининг «ҳу-ҳу»ларига,
Водийларнинг оҳуларига,
Дорбозларнинг «ёҳу!»ларига,
Созу наво доҳилларига —
Шайдо эдим балки азалий.
Фузулийнинг ўлмас ғазали,
(Ишқ гулидан сўрган асали)
Тилнинг эди зарбулмасали.
Ширин эди яшамоқ, чунки —
Лаҳза-лаҳза қўйилиб айём
Ой ҳафтани, ҳафта ҳар қунги
Соатларни ундарди мудом.
Қўшиқлар кўп нозанин, янги,
Шундай жўшқин, шунча жарангки,
Қойил эди сайроқ булбуллар.
Қад кўтариб эрк топган қўуллар —
Тугни олди, қип-қизил ранги.
Иллар ичра сўлим, инжу йил —
Минг тўққиз юз ўн еттинчи йил
Бошлиганди янги бир даврон.
Янги тарих бошлангичи у,
Календарнинг ҳур, тўнгичи у.

Құчоқлашиб күришди ёрон.
Хәёт бүлди шириң ва лазиз,
Илк мұхаббат сингари азиз.
Учиб кетди йиллар карвони,
Дашт bog бүлди, қызычалар она.
Париллади эл чарогони,
Гиламлар-ла безалди хона.
У йил эди Ильичдан туҳфа,
Баҳт ва әркка олтин сарлавҳа.
Менинг ҳәёт дағтаримга ҳам
Сарномадир у йил муazzам.
Бирга ёздик умр китобин,
Чорак аср варақма-варақ.
Зар косада дүстлик шаробин
Ичар әдік ҳар йил мунтазам,
Баҳт соҳиби бўлолдик алҳақ,
Ватан бўлди чин Боги Эрам...
Юрт — дарехона, Партиям устоз,
Халқлар шогирд, ўқир әдік соз.
Севиб-силаб чорак асрни,
Қуриб олдик олий қасрни.
Ҳеч кўчарми бадандан диллар?
Ё ӯчарми умрдан йиллар?!
Чорак аср қарайди бизга —
Минг йилликлар қадар серсавлат.
Кўршапалак порлоқ юлдузга
Қанот кериб солмоқчи зулмат.
Чорак аср давом истайди,
У бўлмоқчи бутун ва серсон.
Унинг амри жангга қистайди,
Унинг ўғли бўлмайди сарсон...
Чорак аср бизга қарайди,
Бир онадай, ҳақли талабгор,
Ғарбдан келган босқинчи дайди —
Тўқипти бир хулёки, бекор...
Коинотда тўхтарми замон?

Синса ҳамки соатда шиша,
Вақт учундир юрмоқлик пеша —
Куррамизнинг меҳварисимон.
Соатсиз ҳам минутлар, йиллар
Ўз кезини босар муқаррар.
Замон қайтмас, замон ушланмас,
Замон юрар, ортар ҳар нафас.
Чорак аср бизга қарайди,
Чунки уни қутар асрлар,
Уни қутар башарнинг ҳайти,
Забаржад арқ, мармар қасрлар.
Диллардадир соат миласи,
Йўқ, тўхтамас бахтнинг ялласи.
Яқин кунда зафар палласи
Очар бағрин жанггий қўшиқлар —
Ғазалларни айтсин ошиқлар.
Бўлса эди иккита умрим,
Бўлса эди юрагим икки —
Ҳаётларни, қалбларни, билки,
Аямасдим сендан, эй қумрим!
Ҳозир эмас... У кун яқиндир,
Ҳозир ишқим — нафрат, чақиндир.
Сен шошилма!.. Менинг нафратим
Ишқимнинг бир соясидирки,
Ва балки бир поясидирки,
Хоҳламайди — қолгайсан етим,
Хоҳламайди — бўлгайсан чўри.
Ёки сени қопгай пес бўри,
Севгимизнинг ўйноқи қуйин —
Айтишармиз зафардан кейин.

ФАРХОДГА ХАТ

Салом Фарҳод, ошиқларнинг сийначок пири,
Ноланг ўти диллар ёқди азалдан бери.
«Севги» сўзин тўқиб берган тилчи ўзингсан,
Мусибатнинг диёридан элчи ўзингсан.
Пешталқин¹ бир ҳофиз эдинг севги боғида,
Дарвишларинг «Ёндим дилбар!» деган чоғида.
Модомики йиллар қўйимас, олдингга борай,
Асрларни тескарилаб нома юборай.
Ўтганимисан бу дунёдан, ё бу афсона,
Еки номинг арманларга бўлмиш баҳона?
Бахши сени қуйлаб берди соз пардасида —
Ийлар экан тутқин Ширин ўз ўрдасида.
Алишерни танирмидинг, яратиб достон,
Борлигингга ишонтирди бизларни ростдан.
Қоғиясиз узилганди севги мисраи,
Ёш умрингни нобуд этди замон Хисрави.
Бўлса ҳамки елкаларинг базур, муносиб,
Тоқ кишига тоғ кўтармоқ бўлмайди насиб.
Авлодларинг тогни талқон қилолди бу кун,
Эл зеҳни-ла ечилади ҳар қандай тугун.
Хафа бўлма, энди сенинг афсонанг тамом,
Бу шаҳарга Фарҳодобод бўлгусидир ном.
Сенинг тогинг Ширинсойга сувлар қуяжак,
Юрting нурга чулгонажак, сингиб тўяжак.

¹ Пешталқин — қўшиқни бошлиб берувчи.

Кекса Сирнинг камарини бўғиб белидан,
Куч ва қудрат олғусимиз унинг селидан.
Ўтни сувга, сувни ўтга душман дебдилар,
Энди қара: иккаласи ҳамкор — биродар.
Сувдан ўтли қуч туғилар симларда кезиб,
Ўт қудрати дастгоҳларни туртиб юргизиб,
Ўт қудрати ёв бошига олов сочгуси,
Сув қудрати ёв тўғонин ёриб очгуси.
Қаердасан, қўзғалиб кел, қадимги Фарҳод,
Баҳт йўлини тўсувчилар бўлмоқда барбод.
Ана шунда Ширин сойи, Ширин дашти бор,
Баҳор чоги бу ерларнинг бўлақ гашти бор,
У азалий маъшукангни — Ширинни топгин,
Улуг меҳнат қўшинида ерингни топгин.
Баҳт ва эркнинг овчилари — биз камарбаста,
Кел, қўяйлик Ширин қабри узра гулдаста.

1942

ИККИ ШЕТЬР

1. БҰСА

Шириң бўлса бўсалар,
Бахтдан сўйлар қиссалар.
Сени ўпган лабларда
Қолмас ғаму гуссалар.

Бешотарнинг қайишин
Ошираман елкамдан,
Зўр Ватан ишқи ила
Кетдим туққан ўлкамдан.

Хайр, гўзал жононим,
Севимли хиромоним.
Биз сен билан севишдик,
Барқарордир паймоним!

Дилимда бор икки ишқ —
Улуг ватан ила сан.
Сенга жоним ғидодир,
Агар буни тиласаңг.

Аммо биздан ҳимматни
Талаб қилса шу ватан,
Сен ҳам, мен ҳам қурбонмиз,
Ўзинг яхши биласан.

Бир түйсам гулханингдан,
Зебо ҳусни қаддингдан.
Омон қайтиб қучоқлай
Нозанин қоматингдан.

Ёвни енгмоқ бизга фарз,
Аммо сенга бордир арз:
Биз келамиз унутма —
Сен бўсадан бизга қарз!

2. ОТА

Тўрт ўғилни толеим
Менга ато айлади.
Тўрт ўғилмас, тўрт шерга
Мени ота айлади.

Чалингач жанг карнайи
Ўғиллар деди: «Лаббай!»
Тўрттаси ҳам «Ҳа!» деди,
Гўё худди бир лабдай.

Тўнгичи бўлди сержант,
Ўртанчаси лейтенант,
Иккиси аскар бўлиб,
Ҳаммалари ичди онт.

Жабҳаларда тўрт ўғил
Қувди душманини нуқул,
Лекин энди эшитдим —
Бир келиним қолмиш тул.

Тўнгич ўглим ҳужумда,
Қалъа босиб бир зумда,
Бош қўйибди мардона,
Ёш порлади кўзимда.

Табаррукдир юрт ва ер,
Халок бўлди шу деб эр.
Мен чол, лекин арслонлар
Кекса бўлса ҳамки шер.

Талаб қилса шу Ватан
Ҳаммамиз бир жону тан.
Оиласдан жанговар
Кам бўлмайди тўрттадан.

Мени ҳам сиз бир аскар
Қилинг, ўртоқ комиссар.
Босмачини қирган қўл
Хом бўлмайди муқаррар.

Набирамга топширдим —
Тезроқ ўсиб бўл ўсмир.
Керак бўлса ўрнимни
Босиб олгин бир умр.

Чол бўлсан-да, ёшим-ку,
Ошган эмас Рустамдан,
Чоллар аҳди рост бўлур,
Ҳеч қайтмайман қасамдан.

1942

САЛОМАТ ҚОЛ!

I

Саломат қол, эй яшил боқча,
Сира чўкма ойнаванд айвон.
Қўримасин сувинг, булоқча,
Мажнунтолим, бўл доим омон!
Маҳкам тургин сен ҳам, дарвозам,
Очилмагин ётларга ҳеч ҳам!
Сарвинозим, саломат қолгин,
Бер лабингни, минг бўса кўпми?
Дуторимни пардалаб чолгин
Соғинганда ёрингни, ҳўпми?
Манзилимдир кўп узоқ йўллар,
Дуо бирла мени ёд айла.
Йўлларимга толе не йўллар?
Сўнгги гал бир ширин сўз сўйла!
Биламанми, не бўлур унда,
Биламанми, нелар кутади?
Биламанми,— у қонли кунда —
Кимга ажал тиги етади?
Умидворман бир кун келарки,
Дарвозангни қоқарман балки!
Балки... Қайтиш насибам эмас,
Ҳа, эшитдим: пичирлайсан-ку:
— Сеникиман, жонгинам, мангур!..

04

II

Сарвинозим, эшит бу менман,
 Ҳа, бу менман, дарвозангни оч!
 Аждаркуш бир полвонга тенгман,
 Ҳозир тилим дилимга тилмоч!
 Қонли жангда емрилди душман,
 Босқинчилар қочар дарбадар.
 Қоф тогидан Карпатта қадар
 Қалпоқ ташлаб қирилди душман.

Оч севганим, азиз дилдорим,
Дарвозангни тақиллатган мен.
Васлинг дея келаётган мен!
...Ох, негадир жавобсиз ёрим?!

Бундай эшик қоқишим шояд —
Туюлади сенга бегона.
Билки, ўнг қўл емиш жароҳат,
Чап қўл ундар сени мардона.
Шу юлдузлар, осмон гувоҳ,
Кўп ганимлар дастимдан ҳалок.
Бир ҳужумда ўнг қўлим, эвоҳ,
Зарба еди, бўлдим сийначок.
Бундай эшик қоқишим шояд
Туюлади сенга бегона,
Билки, ўнг қўл емиш жароҳат,
Чап қўл ундар сени мардона!
Ҳай... у кимдир айвонда боқар,
Бу ҳолатим кимгадир ёқар?
Ҳа, бу сенсан, меҳрибон дилбар,
Танидим о, жонон бу сен-ку,
Эшитаман лабинг шивирлар:
— Сеникиман, жонгинам, мангур!

ЙҮҚ, МЕН ЎЛГАН ЭМАСМАН!

(Фронтдан овоз)

Фақат олий ниятлар яшамоққа сазовор,
Фақат олижаноблар коинотда баҳри бор,
Фақат нурнинг ҳаққи бор фазоларни қучишга,
Фақат қизил лочинлар булут узра учишга.
Фақат севги яшайди, фақат нафрат яшайди,
Евга қарши ҳақ нафрат, ҳақли ишққа ўхшайди.
Ўлмасликка ўлим йўқ, ном номусга эгадир,
Сендан узоқ юрганини ўлди дейини негадир?!
Ўлим нима, хотирдан кўтарилиш эмасми?!
Ўлган киши хотирот дафтаридан ўчмасми?
Йўқ, мен ўлган эмасман! Йўқ, мен ўлган эмасман!
Яшил баргман, қишилардан чўчиб сўлган эмасман.
Балки мени сўрарлар қўуни-қўшини, колхозлар,
Йўлларимга тикилган шаҳло, баҳмал у кўзлар,
Мен уларга дейманки: бекор эмас бу сўзлар,
Қаҳрамонлар яшайди яшаганча колхозлар?
Балки мени сўрарлар балиқчилар соҳилда,
Мен уларга дейманки, ўлим йўқдир мард дилда!
Балки мени сўрарлар эгат очган деҳқонлар,
Мен уларга дейманки, сизга шира бу қонлар!
Балки мени сўрарлар шоирлар ҳалқасида,
Дерман, ана қофия, тезроқ ёзинг қасида!..
Ўлмасликка ўлим йўқ, ном номусга эгадир,
Шараф буюк кошона, шуҳрат унгаbekadir.
Балки таним ўлгандир, сўнган эмас овозим,
Шунқорманки, тўхтамас бир бошлаган парвозим.
Баҳор чоги қирларда жилваланган лолалар

Шу покиза қонимдан ўсиб бўёқ олалар.
Ёв кўксига қадалган ҳар ўқда газабим бор,
Ғалабанинг қалбида ҳимматимдир барқарор.
Тракторнинг зўрида сақлангандир нафасим,
Шамширларнинг дамлари тирногимдан ҳаммаси.
Пулемётнинг лентаси тишларимдан куч олган,
Мен ўлганиман. Дўстларим мен учун кўп ўч олган.
Мен ўлсам ҳам қонимда гарқ бўлгуси ғанимлар,
Аммо шу қон бергуси элга ҳосил-унумлар.
Мен ўлсам ҳам қўймайман жаллодларнинг бўзини,
Қотиб қолган қўлларим бўғар ёвнинг ўзини.
Мен ўлганда ўгириб юзимни Шарқ томонга —
Сўнг нафасни ўптиму йўлладим ўз онамга.
Аммо ўлим олдида бир қайрилдим гарб сари
Ва юбордим ўқимни... Аскарнинг сўнг асари.
Ул ўқ ҳали жаранглар... Наъралар... Аксисадо...
Ўқ учмоқда бехаёл самовотда, кўк аро.
Ўқнинг аксу садоси — етимларнинг нидоси,
Ўқнинг биздан душманга «илтифотлар» атоси.
Эркин йўллар лоласи, асир эллар ноласи,
Мурда бола бувиси, гўрда жиян холаси —
Ҳаммаси ҳам тўпланди ўша сўнгги ўқимга,
Ҳаммаси ҳам кўмгуси босқинчини тош-қумга.
Тош-қумлоққа, токи у кўтармасин калласин,
Кўтармаса калласин, эрклиқ айтар ялласин.
Васиятим, ниятим, амниятим ўша ўқ,
Эл яшасин! Бўлакча армон-орзум асло йўқ.
Мен ўлсам ҳам ўқимнинг жаранглайди қасоси,
Ҳаёт яхши, (яширмай) гапнинг будир чин-rosti.
Аммо қуллар умридан эркин ўлим афзалдир,
Тирик сичқон танидан ўлик арслон гўзалдир...
Улгурмаган бўсам бор, бориб етсин ёримга,
Чала қолган гапим бор, улгурсин диёримга.
У бўсанинг эгаси сезиб олсин ҳаводан,
Шаббодада қуйлаган хиргойи бир наводан.
Шамол сокит ва равон, эгилмайди ва таниз,

Гүё Тошкент шаҳрида торга чиққан бир дарбоз.
У етказар бўсамни, интизорлик, гуссамни,
Жангномада ёзилган ўша ўлмас қиссамни.
Йўқ, мен ўлган эмасман! Йўқ, мен ўлган эмасман,
Умрим буюк пиёла, ҳали тўлган эмасман.
Мен яшайман боламда, экиб қўйган даламда,
Дами синмас қиличда, учи ўчмас қаламда.
Агар боғлар гулласа, демак, боғбон ўлмапти,
Агар чароғ порласа, ҳа... Чароғбон ўлмапти.
Агар қанот қоқилса, демак, шунқор ўлмапти,
Агар газал ёзилса, демакки, ёр ўлмапти.
Ширилласа агар сув, демак, мироб ўлмапти,
Агар бўлса китобхон, демак, китоб ўлмапти.
Агар қўнса нурлари, демак, қуёш яшайди,
Йўлда ёлгиз бўлмасам, демак, йўлдош яшайди.
Қизил байроқ яшаркан, азиз Ватан яшайди,
Модомики, номим бор, демакки, тан яшайди.
Йўқ, мен ўлган эмасман! Йўқ, мен ўлган эмасман,
Мен танимни жонимдан асло бўлган эмасман.
Мен келаман, кутинглар, пиёла чой интизор,
Севганимнинг ваъдаси... У, бўсадан бир қарздор.
Фоя ўлмас, билинглар, ҳаёт сўнмас, билинглар.
Эркинларнинг ватани эрксиз бўлмас, билинглар.
Ҳаёт эмас бир танда, ҳаёт бутуни Ватанда,
Бир кун эрк хўп, наинки юз яшаган бир банда.
Овозимни эшитиб мендан қўрқди Азроил,
Азроиллар чўчиса мен яшарман юзлаб йил.
Эшитдимки, суратим машҳурдир Фарғонамда,
Демакки, мен ўлмапман, ўлмаслик пешонамда!..
Йўқ, мен ўлган эмасман!

ЕТТИ ЮЗ ЎТТИЗ КУН¹

Балки дерсан: сочларингда нега оқ тола,
Нега кумуш қаҳқаҳалар занжири узик?
Қани энди газаллингга эш бўлган лола,
Қошлиаринг ҳам чимирилган, лабларинг қисиқ?!
Балки дерсан... Йўқ, буни сен сўрамайсан ҳам,
Ўз қоп-қора кипригингда паришон соя.
Шўх бўсалар манзилига қўйнишлар алам,
Кўз термилган уфқларга билониҳоя.
Синоқларнинг қайногида яшадик бутун,
Синоқчимиз — етти юзу ўттиз кун.
Кўкрак кердик тўфонларга сен билан бирга,
Бирпас тингла, ўша кунни солай хотирга:
Сутдек оппоқ нурланарди шарқнинг саҳари,
Яшил кўлга чўлғонгандек Тошкент шаҳари,
Чаҳ-чаҳ уриб сайрар эди бехабар булбул,
Анҳорларда шалолалар соларди гулғул,
Трамвайлар парклардан чиққанди энди,
Шаббодалар ёзга таслим бўлиб тинганди.
Пойтахт аҳли bogларига чиққанди кечা,
Ҳар кўнгилда бу оқшомга бир умид — режа...
Қоровуллар қайтар эди кечки навбатдан,
Чол ҳаллослар олчаларга тўлган саватдан.
Кун қизимай воҳаларга етмак армони,

¹ Улуг Батан урушининг икки йиллиги муносабати билан ёзилган.

Шошиларди Қызылқұмда түя қарвони.
Станцияга яқинларди полвон паровоз,
Йүлчиларни кутар әди boglar — меҳмондүст.
Жануб ёқнинг у лимонзор соҳиллариға —
Йўл олганди ёзги Ватан гул элларига.
Сафарчилар тахлаб әди ўз юкларини,
Қизлар тақиб тўй белгиси — узукларини.
Наҳор бўлмай ўз газалин битирай дея
Излар әди хаёл ичра шоир қоғия.
Сен билан ҳам бир ваъдамиз бор әди у кеч,
Бир соат сўнг ие бўлурин ўйламабмиз, ҳеч...

Иўқ, ўша кун роҳат қилмоқ бўлмади насиб,
Ёвуз душман ногоҳ босди аҳдини бузиб...
Ҳалқлар баҳтии ўйлаб турган буюк Кремль
Қўшинларга штаб бўлди, фронтларга дил...
Шарққа томон чекинарди буюк Россия,
Чанг йўлларга чўкиб қолди кўланка-сиёҳ.
Кунчиқарга, кунчиқарга юртлар шошилар,
Ҳатто учар кунчиқарга кечиккан қушлар...
Шарққа томон чекинарди буюк Россия,
Йўлларида қолдирмайин на сув, на гиёҳ.
Шарққа томон, лекин юзин гарбга ўгирган,
Ва қуёшга белин тиркар паҳлавон, улкан.
Биз билардик арслонларда бор шундай қонун,
Чекинмоқлик керак бўлур ҳатламоқ учун.
Оға-ини бирга бўлдик жанггу жадалда,
Дўст юраклар ҳамвази тепса жангчига далда.
Биз билардик тўхтамоққа бир марра бордур,
Шер сакрашин имо қилас, бир наъра бордур...
Энди ҳужум бошлиғанди буюк Россия,
Энди фашизм маддоҳлари ёзди марсия...
Етти юзу ўттиз кунни узиб умрдан
Биз қалъалар ясадикки — гишти темирдан.
Биз ҳужумлар яратдикки, оташин қуюн,
Зеру забар қилиғусидир ўгрининг уйин.

Фарбга томон қочар әди ваҳшат қашқири,
Соз юрарди Кремлнинг соатин мили.
Ажинларни чимиришиб, сипо, бешафқат,
Буюк тўйни, ғалабани ўйладик фақат...
Эсингдами?.. Қасам ичдик сен билан бирга,
Фақат ғаним хароб бўлгач, кўмилгач гўрга
Камарларни ечамиз деб... Ваъдамиз бутун,
Бўш ўтмади етти юзу яна ўттиз кун.
Сен демассан, соchlарингда нега оқ тола,
Нега кумуш қаҳқаҳалар занжири узиқ?
Қани, эски ғазалингга эш бўлган лола,
Қошлинг ҳам чимирилган, лабларинг қисиқ?!.
Сен демассан. Чунки қондан унади лола,
Чунки қорлар бўронида оқармиши соchlар.
Чунки янги ғалабалар бизга ҳавола,
Улар мангу бир ёшликка бизни йўлбошлар.
Ҳали қонли лаҳзалар бор, куилар, ҳафталар,
Синоқлардан ўтган Ватан бу майдонлардан —
Ғалабанинг байроги-ла имтиҳонлардан
Аъло ўтиб бажо келур буюк ваъдалар.

1943

МУҚИМИЙ

Кўҳна мадрасанинг танҳо ҳужраси,
Сарҳовуз лабида баланд чинорлар.
Баргларда ўйнашар нурлар зарраси,
Фалакка ёлворар ҳоргин минорлар.
Сўлган боғчаларнинг шаббодасидан,
Синган пиёланинг қон бодасидан,
Бевафо дилбарнинг бўш ваъдасидан
Нолийди шоирнинг ўртанган байти,
Айниқса, баҳорнинг илк келган пайти.

* * *

Севгидан қорилган чин зуваласи,
Севган қофияси жон билан жонон:
Бир гўзал дастидан оҳу ииласи,
Ишқнинг кўчасида йўқолмиси имон.
«Эй, яхшилар ҳайлини нозик миёни,
Гарчанд эрдим ёмонларнинг ёмони,
Базмларда қилган элдин ниҳони —
Лутғу эҳсонларнинг ёдимга тушди!»
Ўтга ошифтадир мисли зардунтий¹

¹ Зардунтий — эрамиздан илгари янги динга асос қўйган шахс. Эронда, Ўрта Осиёда бу динга эътиқод қилган кишилар — зардунтийлар ўтга, оловга топинганлар.

Ватан гулзорининг ўтли булбули,
Ҳатто тушларида яшил Фаргона.
Номардлар ишидан шоир қайғули,
Лекин бир кулгандада у ҳажвиёна
Ёлғону очкўзлик, бўҳтон ва туҳмат,
Жафо, риёкорлик, зулму қабоҳат
Шоирдан зарба ер навбатма-навбат.
Песлар тепасидан бошлар қаҳқаҳа,
Кулади жўр бўлиб маҳалла, даҳа.

* * *

Кўҳна мадрасанинг таиҳо ҳужраси...
Сарҳовуз лабида баланд чинорлар.
Баргларда ўйнашар нурлар зарраси,
Фалакка ёлворар ҳоргин минорлар.
Эгнида эски тўи, тиззада қогоз,
Чўққи соқолига оқ тушган бир оз.
Хаёлда қушларга, қизларга ҳамроз,
Гул бўлса дунёning етти иқлими,
Үнга хуш бу юртнинг тикани, қуми,
— Шудир Муқимий!

1943

ХАРИТАНГ ОЛДИДА

Арслон ёлли қизил харита!
Ха... бу сенсан, Ватаним, юртим,
Қалбимдаги ишқ дафтарида —
Үнгу тушда нақшингни кўрдим.
Сен яхлит бир достон сингари
Ёд бўлмишдинг эсда ҳамиша.
Зотан, бўлар бизга андиша —
Тушиб қолса шеър байтлари.
Сен бутун бўл, саломат бўл деб —
Сафар қилди ўқ ва яра еб
Қилич осган уруғлар, эллар,
Қизларинг ҳам кийди шинеллар.
Минг кундан ҳам ошиб кетмишdir
Мен сўғишга тушган чоргимдан,
Чиққанимга у чорбогимдан —
Бу кун роса уч йил ўтгандир.
Аммо яқин висол айёми,
У висолнинг нозик илҳоми —
Қўлга мадор, ханжаримга дам,
Тулпоримга беради чидам.
Арслон ёлли қизил харита!..
Ха, бу сенсан, Ватаним, юртим!
Қалбимдаги ишқ дафтарида —
Үнгу тушда нақшингни кўрдим.
Сен бутун бўл, эй муқаддас хок!—
Дер фарзандинг бўлиб сийначок.

Бир яхшилик чиқмайды эсдан,
Бирда чиқмас ёмонлик сира.
Ҳаромилар айлади қаседдан —
Езимизнинг ilk тонгин хира.
Биз ҳам ёвнинг тамом умрини,
Тахту иқбол, тегу томирини —
Маҳву барбод айлармиз аниқ,
Замбараклар бу онтга таниқ.
Мен биламан, қизил харита,
Азиз танда яраларинг бор.
Меникидир улар. Албатта —
Партиямиз буюк шифокор —
Ленин илми, бу эл қудрати —
Яраларга даво беради.
Битиб кетар яралар, дардлар,
Жаҳаннамга ўтар номардлар.
О, Ватаним, бегубор, бедоғ,
Сен яшнарсан баҳордай тоза.
Қишлоғимда қолган дарвоза —
Тақиллатсам очилар у чоғ!

1944

О Л М А

Баҳор каби нозик келинчак
Асрар экан олмазорини,
Гүё дилда интизорини —
Олмаларга сўйларди юрак.
Бу кун бодган бир қизил олма,
Олмалардан энг асил олма
Узиб қайтиб келди уйга у,
Гул кўттармиш гўё бир оху.
Истар эди бу ол мевани
Бир кун есин жондан севгани!
Шу деб осгай олмани шифтга,
Ўзи эшиб қўйган бир ипга.
Севган эри, севган ёр дея
Жанг қилмоқда. Фронтда — ёри.
Хотинлардан вафодир ҳадя.
«Албат қайтиб егач, олмани,
«Олмам» дея ўпар у мани!»
Дерди ўйлаб юриб париноз...
Дарвозада шуида ногаҳон
Ўзатдилар унга бир қоғоз,
Қаради-да, тушинди ҳамон:
...«Вой у ўлган!» деди қайгули.
Ерга томди кўздан олмаси,
Нола тортди, бўшашиб қўли,
Чангга тушиб кетди олмаси.
Қизил олма, қирмизи олма,
Тупроқларга беландинг нега?
Гўзал келин, олмадай сўлма,
Ўч ҳақига ўзингсан эга:

МАКТУБИНГ

Бу воқеа яхши әсимда...
Қўлимда бир нома, кўп эзгу,
Бир номаки, ҳар чизиқ-чизги,
Ўз номимдай яхши әсимда.
Ундан эди бу табаррук хат,
Ўқимоқчи бўлгандим... Фақат —
Узилди ўқ, бошланди ғовға,
Чап қўйнимда қолди у совға.
Ўқилмасан қолди азиз сўз,
Лашкар билан тушдим жанггоҳга.
Олга босиб юрди ротамиз,
Шумлар ўзи тушдилар чоҳга.
Кириб, бўгиб, эзиб, пачақлаб,
Ўрмалашдик ерни қучоқлаб.
Мурдорларнинг сони бепоён,
Кўп даҳшатли жанг бўлди у кун.
Оғир бўлди ёв учун якун —
Фалабамиз бўлмишди аён.
Бу воқеа яхши әсимда...
Аммо бирдан қизгин кўксимда —
Елим каби оқсан терларни
Сеза бошлаб, кўздан ерларни —
Тогу дара, чўлу саҳрони,
Шамолларни, бутун дунёни
Ниҳон қилдим шунда, бир зумда,
Зеҳнимдаги деразалар берк,
Учди дилдан иродай эрк,
Ва у ёги йўқдир әсимда!
• • • • •
Кўзим очдим хастахонада,
Гўё оғир бир афсонада —

Нече соат, неча кун ўтган,
Нече ҳафта умримдан кетган...
Хабарим йўқ... яралар оғир,
Гёё куйган жигару бағир.
Аммо мактуб, мактубим қани?
Ҳар сатрида қўксимнинг қони.
У сақлабди юракни ўқдан,
Қутқазибди борлиқни йўқдан.
Олиб ўзиб, исқадим уни,
Гёё бўлди нағасим эркин.
Гёё оғир жароҳат секин —
Битар эди, томирлар хуни
Энди ура бошлади вазмин,
Гёё энди замон ва замин
Менга, яша, хуш келдинг, дерди,
У хат менга янги руҳ берди.
Эндигина ўқидим уни!
«Қонсизлансанг қонимни берай,
Лозим бўлса жонимни берай,
Аммо яша!.. Унутма шуни!»
Ўлмасликни сездим ўзимда,
Бу воқеа яхши эсимда.

1944

УЧ ИСТАК

Истаксиз қалб саҳронинг тоши,
Умид — қалбнинг содиқ йўлдоши.
Умрларга сарлавҳа истак,
Саҳардаги йўлчи юлдуздак.
Илк орзу: тез кел, азизим,
Еруғлансин соғинчли кўзим.
Тилагимнинг иккинчиси шу:
Маҳв этилгай душман жинси шум.
Учинчиси... учинчи тилак:
Учраш чоги, бу тинмас юрак
Унутмасин исташ масдарин,
Тугатмасин хаёл дафтарин,
Тугсин янги-янги истаклар,
Қоғиямни улар етаклар.
Истаксиз қалб саҳронинг тоши,
Умид — қалбнинг содиқ йўлдоши.
Умрларга сарлавҳа истак,
Фазалларга жон берган қиздек.

Фарғона, 1945

ОЙ

Гүё бутун коинот жимжит..
Гүё уйқу олам әгаси.
Үй қаерининг тушдир бекаси,
Ой зар гулдир, осмон — кўк чит.
Гүё ҳаво шунчалик сокин,
Юрак зарбин санамоқ мумкин!
Аммо жимлик фақат бу ерда,
Жаҳон сокит демаклик хато.
Тушса ҳамки тунлардан парда
Фронтларда тинмас жанг-садо.
Ёт элларда ур-урлар, мудҳиш!
Сенга оғир, биламан, кутиш!..
Лекин бу кун самода ой бор,
Ҳа, сен мафтун бўлган тўлини ой.
Фурсат топгач бу кеча бир бор
Кўрингандаги сенга сўлим ой —
Мени ёдлаб унга бир қара,
Унга қара фақат бир карра.
Билки, мен ҳам ўша лаҳзада —
Ойга қараб сени эслайман,—
Топишгандай лаблар бўсада
Хузур бирла сени кўзлайман.
Ой севгилар гувоҳи мангур,
Ярим кеча бўлсин оқ кўзгу.
Ойга боқсак иккимиз тунда,
Кўзларимиз учрашар унда.

ГЕНЕРАЛНИНГ ХОТИРАСИ

Генерал Собир Раҳимовнинг тобути олдида ўйлаганларим.

Салом генерал!

Ижозат бер, турай бугун сенинг ёнингда,
Ижозат бер, турай солиб бошимни қўйи,
Ўйлармидинг, шоир турар посбонингда —
Сен-ку, шеърим посбони ўз умринг бўйи!
Суратингдан таниб олдим, ўша мард чехра!
Раҳим ўғли Собиржон... У... Эски қиличбоз,
Кўп чопонгич бедовларда ўзгин чавандоз,
Танти улфат... Хаёлимни чулғар хотира.
Хотираки, ўрлаб борар осмон сари —
Мўрилардан учиб кетган тутун сингари.
Қани ўша шамшод қомат, магрур вазият?
Ундан қолди ёзилмаган азиз васият,
Васиятки, диллардадир табаррук ери,
Мен эслайман, сени дўстим, кўп йилдан бери...
У йилларки, мозий босди унга муҳрни:
Сен Бокуда хурсанд бўлиб юрган замонда,
Эсингдами, денгиз бўйи — кўк хиёбонда
Пиво ичиб, согинганинг Шайҳонтоҳурни?
Сен Бобурнинг ёддан сўйлаб шу машҳур байтин:
«Ёр қадрин билмадим, то ёрдан айрилмадим,
Ёр қадри мунча ҳам душвор экандур, билмадим!»
Кулимсираб сўрар эдинг: «Бу қандай, айтинг?»
Ўтди йиллар селлар каби ва еллар каби,
Сардор бўлдинг, лашкарбоши совет элида.
Партиямиз бўлмиш эди сенга мураббий,
Юрар бўлдинг генералнинг бўз шинелида.
Шуҳратингни, шарафингни тўрт йил муттасил

Эл әшитиб ўғилларга ном қўйди «Собир».
Сени дерди ўзбек эли: «Фарзандим, асл!»
Рустамликка қиласар эдик исмингни таъбир.
Шундай сен-ла сўзлашардим... Эс олами кенг,
Хаёлот бир фазодирки, юлдузи — тилак.
Бирдан: Тобут!.. Эсга тушди қон юқи кўйлак,
Бир қути кул! Бир фуражка ва бешта орден!
Оҳ, азизим, кутармидим шундай бир висол?
Шундаймиди у ваъдалар, азиз генерал?
Бир қути кул... хоки-поки сардордир албат,
Ўткир кўздан, забардаст қўл, қўрқмас юракдан,
Юзлаб жангда қалқон бўлган пўлат кўкракдан —
Бизга қолган нишона шу хокингми фақат!
Мен сескандим бу хаёлот ичра якбора,
Хотирот туш бўлиб кетди, ўзим дилпора...
Элтдик уни ўз шаҳрингда сўлим бир боққа,
Киндик қонинг тўкилган у ошна тупроққа,
Токи бунда ўз ўғлининг тоза хокидан —
Хушбўй, сўлмас гул ўстирсин у севган Ватан.

1945

АКСИСАДО

Хотирдан чиқмайди у қонли лаҳза...
Құлымда Уралнинг оғир қуроли,
Орқамда Ватаннинг пўлат Урали,
Белимда бухорий дудама қилич,
Кўп улуг жанг бўлди —
Фавғо, тиқилинч...

Хотирдан чиқмайди у қонли лаҳза:
Бизга байрам эди, шаддотга аза.
Юракда қасоснинг эзгу олови,
Бош узра ҳилпиллар зафар ялови!
Қутқазиб борардим тутқун юртларни,
Аямай янчардим мурдор қуртларни.
У кун баҳор эди чўлда ҳам дилда,
Кунботар томонга юарди қўшин.
Ватан тупрогини пок қилмоқ учун,
Сардорнинг буйруғи — аскарга далда.
Йўлымда дуч келди қадим бир шаҳар,
Биринчи мен кирдим у тутқун ерга.
Ваҳима қилишган душман дарбадар,—
Ё қочган ва ёки ётгандир гўрда.
Ҳаммаёқ жимжитди, чор атроф хомуш,
Гўёки бу ерни замон унутмиш!
Паришон кўчалар, хароб уйлардан
Қўнарди ҳар ёққа бир кимсасизлик.
Тақдир қилган эди шунча хасислик,
Қадим ариқларда сувлар ҳам битган.

Бу мудҳиши манзара титратди мани,
Баралла қичқирдим: «Ҳой, ким бор, қани?!»
Саволим тарагиб харобаларда
Турғун ҳаво ичра кўп узоқлашди,
Йиқиқ деворларга бирнас туташди,
Бўшашиб кўмилди сардобаларда.
Узоқдан бир жавоб... гариб...бемаъни —
Етди қулогимга: «Ҳой, ким бор, қани?!»
Оҳ, бу инсон эмас, ўлик бир нидо,
Вайронна қайтарган бир аксисадо...
Бу жавобсиликдан ўйланиб маъюс
Ўтирдим тош узра кўп тортиб афсус!
Йўқ, эй юрт, сен шундай қолмайсан сира,
Сен энди эмассан тутқун, асира.
Озод уфқларга ярашар чаман,
Сени яшинатаман, қасам ичаман!
Кўп ўтмай қайтурман айтиб шўх ўлан,
Қўлимда бир болга ва болта билан,
Кўчангда кўп ишчан одамлар қайнар,
Богингда баҳтиёр гўдаклар ўйнар,
У маҳал «Ким бор?» деб келган наърани
Босгуси заводнинг қувноқ сурони.

1945

МУАЛЛИМ

Яшасам юз йил ҳам чиқмайди эсдан,
Менга илк алифни ўргатган устоз.

Кечирдим мен юзлаб китобни кўздан,
Биринчи дафтарга мен қўйган ихлос —

Яшайди кўнглимда нафасдай азиз,
Қаламим ёзгунча, миннатим чексиз.

Муаллим!.. — У қандай шарафли унвон,
Табиат сирларин, турмуш ҳикматин,
Шуурнинг қудратин кўп равшан, аён —
Насллар онгига у айлар талқин.

Унинг кўзи билан бизлар баримиз
Дунё китобини ўқий бошлаймиз.

Гуллаб борар экан элда фан ҳар он,
Асрлар, насллар сенга умидвор!
Элнинг муаллими, сенга бу фармон
Тарихлар номидан бўлмиш барқарор.

Улуғ муаллимдан сен олгин ўрнақ,
Юлдузлар қуёшдан нурни олгандак.

Яшасам юз йил ҳам чиқмайди эсдан
Менга илк алифни ўргатган устоз,
Кечирдим мен юзлаб китобни кўздан,
Биринчи дафтарга мен қўйган ихлос —

Яшайди кўнглимда нафасдай азиз,
Қаламим ёзгунча, миннатим чексиз.

БАРАКАТ

Ҳаракатда — баракат, кўп қадим ҳикмат,
Советистон юртида бу — темир низом.
Богимдаги олмалар, даламда тўзам...
Буларни асраб бермиши бир она — ҳиммат!
Каналларда мавж урган ҳаётбахш сувлар,
Ҳовузларнинг кўксидаги зангор кўзгулар.
Сойни қучган кўприклар, йўллар, хирмонлар,
Элга таом бахши этган шўх тегирмонлар,
Конимизнинг кўмири, тогнинг темири,
Узумларки — ҳусайниний, қовун — амирий,
Темир излар босувчи у пўлат филлар,
Давлатнинг планида азamat йиллар,
Жумласи, эй, азиз дўст, бу қўллар иши,
Меҳнатга ихлосманддир эрк топган киши.
Биз бинокор бир халқмиз, юртнинг соҳиби,
Файратмандлик, ботирлик элнинг лақаби.
Кошонамиз бўлгуси яна ҳам улуг,
Қўргонимиз басавлат, еримиз бўлуг.
Чунки, юрт мажлисида ленинизм — раис,
Шу учун қизил байроқ ҳилпиллар олий,
У билан бизга доим шерикдир толе:
Кўзнинг қорачигидай у элга азиз.
Бу баракат, неъматлар боғбони у,
Қасримизга нур сочган чароғбони у.
Каналларда мавж урган ҳаётбахш сувлар,
Ҳовузларнинг кўксидаги кўм-кўк кўзгулар.

Сойни құчған күпrikлар, йўллар, хирмонлар,
Дастурхонга зеб берган шўх тегирмонлар,
Темир излар босувчи у пўлат филлар,
Беш йиллар планида азamat йиллар,
Жумласи, эй азиз дўст, бизнинг ишимиз,
Меҳнатга ихлосмандмиз, озод кишимиз;
Бу Ватан бўлсин яна забардаст, олий!
Иқбол бизга ёр бўлмиш, шерикдир толе!

Каттақўргон, 1946

ОҚШОМ

У қирларда эркин шаббода
От ёлиниң торларин чертар.
Сүнгра ўйнаб бирпас саҳрода
Сайҳун томон югурап, йўртар.
Ёйдоқ елга отланиб чопар
Хур элларда оқшомги лапар.
Куркулдакнинг нари ёғида
Кўкимтири чанг қалқар уфқда.
Милтиллайди колхоз боғида
Электрлар нуқтама-нуқта.
Видолашиб кетганда балки,
Йўлга чиққан бир ошиқ каби —
Офтоб шунча қаттиқ ўпганки,
Қонагандир булутнинг лаби.
Бўйстонларнинг базму тўйидан
Қумриларнинг «ҳу-ҳу»си келар,
Адирдаги хирмон бўйидан
Шўх қизларнинг кулгуси келар.
Пахтакорни, голиб колхозни,
Жануб кузин, чинни тарвузни,
Ҳовузни ҳам, анов қизни ҳам,
Чўққисоқол дўст-раисни ҳам,
Ойни, сувни, богни, булутни,
Фақат севмак мумкин бу юртни.
Ҳаммасига муҳаббат ширин,
Сўрасангки: айтиб бер, сирин —
Дерман, бари сенга аён-ку,
Бу ер, бу эл бизники мангу!

Янгий ўл, 1946

МИРЗА

Күп соатлар куттириб турған
Хар образни шоир севади.
Севганидай милтигин мерған,
Қизнинг гулга сиққандай ҳадди.
Рақамлар-чи... Қуруқ сонлар-чи,
На атри бор ва на куйлади.
Йўқ, азизим, сонларда гарчи —
Қоғия йўқ, аммо сўйлайди,
балки ўйлади.

Бир мирзани танир эдим ман,
Колхозда у саркотиб эди.
Жадвалида рақамлар қасдан
Қучоклашиб саф тортиб эди:
— Бу сонларни сиз қуруқ деманг,
Ашула ҳам, палов ҳам бундан,
Тандирдаги олов ҳам бундан,
Шеърингиз ҳам бундандир, дейман.
Қачон ёзсан қоғозга «юз» деб —
Севинчимдан тунда йўқ уйқу.
Биласизми, ишга зағар эп,
Зағардан хуш, ширин хат йўқ-ку!
Хирмонларнинг тарозисидан,
Аравалар «ҳою ҳу»сидан,
Пахталарнинг оқ чўққисидан
Мирза дили бағоят хурсанд,
Одамларга мафтун, ихлосманд,
Ҳу... пахтакаш карвонлар юрар,
Мирза ҳам жадвал тўлдирад.

Янгиийўл, 1948

ВАТАН

Монолог

Олам ичра Ватанимнинг мисоли йўқ, тенги йўқ,
Ватаним бир диёрки,
Инсонликка бир ёрки,
Бу мангулик офтобининг сўниши йўқ, сўнгги йўқ.
Биз бу юртнинг гулларига қонимиздан сут бердик,
Пок тупроқдан газандалар жасадини супурдик,
Жаҳолатни битирдик,
Одамга баҳт келтирдик —
Мардона!
Ҳақиқатга айланди бу азалий афсона!
Бу қардошлар ўлкасида менинг ҳам бор овозим,
Тароналар сафида жаранглар ўзбек сози...
Менга берди ҳуррият
Улугвор жумҳурият.
Менинг элим офтобга ҳамсоя,
Қирларида чечаклар бениҳоя,
Оқ олтинга ганжинадир чўллари,
Фирузадир кўллари...
Дарёлари юрт белига куч баҳш этган камардир,
Офтоби — тоғларининг бошида гулчамбардир.
Бу юртнинг мен соҳиби,
Боғларда боғбон каби.
Менинг азиз рус қардошим менга бўлди раҳнамо,
Оғир кунда қўллади,
Ёргуғ кунга йўллади.
Партиямиз қўёш бўлди, Ватан ери кенг само,

Бу табаррук гулистонни мен суймайин, ким суйсин?
Бу чирогни кўролмаган бахил кўзлар тез куйсин!
Оlamda бир қувват борми, қайтаролгай йўлимдан?
Оlamda бир қудрат борми, кетга тортса қўлимдан?
Йўқ, оламда у қудрат!
Йўқ, бўлолмас у қувват!
Бир ўғилдай тиз чўкаман мен онам ҳузурида,
Бир фарзанддай бош эгаман мен онам ҳузурида,
У шафқатли бир онаки, муқаддас номи Ватан,
Оналикнинг севгисини олгандир Москвадан.
Сен буюрдинг, она, дейман,
Буюргин яна дейман:
Бу меҳнатлар,
 бу гайратлар,
 бу садоқат — вафодир,
Оналикнинг ҳурматидай
 Улуг элга раводир.

1949

ТИРИКЛИК ШАТЬНИДА...

Биз ҳаётнинг ошиқлари,
тириклик дехқонлари,
Севганимиз,
экканимиз — Инсоннинг бахти...
Коммунизм водийсида инсофнинг карвонлари
манзилларга етяпти...
Биз — саҳрони йўқ қилолган ҳаётмиз,
Табассумни таълим қилдик чўлларга,
Хуш атрини бағишладик гулларга,
Кўпприк солдик унutilган йўлларга:
Совет Эли — адресимиз, отимиз,
Ҳар томчи сув,
ҳар машина,
галла донасин
Тиркаб қўйдик тирикликнинг
дафтарига биз.
Бир томчи сув
эрк ҳурмати,
аллалар учун
Меҳр қўйдик Пикассонинг капитарига биз!
Хўп тингладик оқ кўнгилли қора Робсоннинг
Душманларга ларза солган довул — наърасин.
Ва англадик таржимасиз мард Арагоннинг
Байтларида маъноларнинг асл — сарасин.
Сулҳ истадик саодатнинг саройи учун,
Халқлар аро салом-алик одат бўлсенин деб,
Тупроқларнинг томирига қувват тўлсенин деб,
Тинчлик дедик!
Тинчлик деймиз!
Ва дегусимиз!
Тинчлик дейсан!

Тинчлик дейман!
Тинчлик деймиз — биз!

Үрмонларга, хирмонларга, тегирмонларга,
Ойга сирдош, хушбўй, хилват хиёбонларга —
Осойишталик!

Севгиларга, кулгиларга ва юракларга,
Жўмардликка, ҳалолликка, оқ тилакларга
Осойишталик!
Галлакорга, кемачига, асил чўпонга,
Ошиолардан хат келтирган чол — почтальонга
Осойишталик!

Тириклика ва эркка,
Гўзалликка ва кўркка
осойишталик!

Енгар инсоф, енгар әрк, енгар тириклик!
Үлар ноҳақ, ўлар зулм, ўлар чириклик!
Мавсумларнинг галини
асло тўсиб бўлмайди!
Нозим Ҳикмат шеърини
дорга осиб бўлмайди!

Тинчликнинг оқ капитарин
овлай олмас қузғунлар,
Чунки миллиард қалблардан
ҳар бири — оқ кабутар.
Чунки ёруғ — тириклик
асримизнинг қонуни,
Истиқболнинг котиби
замонга
ўймиш уни!

Боқу, 1951

ТОВУС ПАРИ

Бухорода бир дўстдан айрилганимда,
Қўлимга тутган эди «дил армуғонин».
Эсдалик бўлсии дея ҳижрон кунимда —
Навоийнинг қўллэзма терма девонин.
Чарм жилди — қўлма-қўл ўтган чамаси,
Ҳар ёги сийқаланиб ялтирас эди.
Гўё улуг шоирнинг кичик кемаси,
Мисралардан йўловчи келтирас эди.
Қоғиялар бошма-бош ётибди хумор,
Радифлар қоровулдай ҳамиша бедор.
Байтлар тураг саҳифа бўйича қотиб,
Уларни тахлаб қўйган табризлик котиб.
Бу китоб, дўст қўлидан — шеър тўплами,
— Қалбнинг ёзи ва қипши, кузи, кўклами —
Менга тасалли бўлди кўп узоқ йиллар,
Эси еллар, замондан оқди кўп селлар,
Сўлди гуллар
ва қайта очилди гуллар...
Планларнинг насрига қўймай вергуллар,
Рақамлар босиб ўтди голиб насллар.
Аммо у дўст, девонни багишлаган дўст,
Навоийни сўнгги бор олқишилаган дўст
Жангга бориб қайтмади улуг сўгишдан,
Чиқолмади у қишдан,
у оғир қишдан.
Азиз Ватан шаъни деб қилди жон фидо,

Менга экан у тухфа сўнгги алвидо.
Варақлаб ўқир экан қайта-қайта мен
Ахтарардим дўстимдан бирон из — асар.
Варақлар орасида, нозик жойда мен
Белги кўрдим — товуснинг қанотидан пар.
Дўстим буни қолдирган ғазаллар аро
Шу ерда унга ёққан байт бўлса керак.
Ғазалдаги лавҳага берай деб оро
Товус парин бу бетга жўр этган юрак.
«Ложувардий ўсма бирла зеб берган қошларинг,
Жилвагар бўлган икки товус эрур гулзор аро».
Қарга эмас, гоз эмас, қалдирғоч эмас,
Товус пари қўйилган шу учун бунга.
Ҳа, ҳуснга гўзаллик бўлган ҳамнафас,
Товус пари муносиб тушган ўринга.
Аждодлари Сарандиб ўрмонларидан
Бухорога келганмиш, ким билур, қачон.
Кезиб юрган Зарафшон бўстонларида,
Қанотлари товланиб, секин, хиромон.
Маъюс бўлдим товуснинг парин кўрганда,
Кўз ўнгимга келтиридим биродаримни,
Шу мовий мисраларни ўқиб турганда,
Ложувардга буркадим эски дардимни.
Аллақайда кўмилган аскарнинг тани,
Аммо шу девондадир унинг Ватани.
Севар экан ҳаётни, шеърни кўп у,
Завқ оларкан девоннинг бағрини очиб,
Коммунанинг фусункор жамоли деб у,—
Бошин берган экан, бу эмас таажжуб.
Шеъриятнинг ҳуснidan оларкан лаззат,
Биламанки, менга шу тушди кўп қиммат.
Чунки ҳаёт ва шеър китобин юмиб,
Ўз умрини, қалбини курашда кўмиб
Дўстим кетган.

Бормикан бундан зўр ҳиммат?

КҮР КУЙЧИ БАЛЛАДАСИ

Шаҳло күз бир қизни күрди бастакор,
Шаҳло күз бир қизга бўлди ошиқ у.
Кўзлар дил овлашга ғоят устакор,
Кўзларга багишлиб тизди қўшиқ у.
Оҳ, шаҳло кўзларни севмаслик маҳол!
Уларнинг сеҳрига кимда бор мажол?!
Шаҳло күз бир қизни күрди кўз билан,
Шаҳло күз қизни деб яратди ўлан.
Шаҳло кўз ҳақида дил ашуласин
Тинглади кўчалар, ойдин кечалар.
Қандайки апрелда ойнинг шуъласин —
Шимирган ирмоқлар шўх нагма чалар.
Юракнинг торида чертди бастакор:
—«Оҳ, шаҳло кўзларнинг —

кўнглимни ёқар.

Шунданми

чимирган

қошингда

виқор!..

Бу зорим

қалбингга қилмас

асти кор!

Оҳ, эй шаҳло кўз,
Сеҳринг сақла, кўз!
Оҳ, эй шаҳло кўз,
Ишқим ёқла, кўз!»

Аммо:

Куйчи кетди қонли урушга,
Қиз бўлак куёвга чиқди турмушга!..
Унуди куйчини шаҳло кўз тездан,
Ўзганинг қўйнида бахти топилди...
Куйчи бир сўғишда ажралиб кўздан —
Дунёнинг ҳуснига соя ёшилди.
...Бироқ,

кўр бастакор дилида доим:
«Шаҳло кўз»,
«Шаҳло кўз»

бўлганди қоим.

Дер эди:

«Бир куни уйлансан шояд,
Ерим шаҳло кўзли бўлмоқлиги шарт!»
...Хаёт ўзгарувчан... Умр чопагон.
Ахирда ёр бўлди унга Лайлохон.
Ахир, ким яшабди умрбод ёлгиз!
Куйчининг дардини билган дўсту ёр
Хайрли ёлгонни афзал кўрдилар,
Сўраса Лайлонинг ҳуснин бастакор,
«Кўзлари шаҳло қиз — Лайло» дердилар.
Вафоли, меҳрибон ёр эди Лайло.
Ҳассос, шинаванда, санъатга шайдо...
Куйчининг илҳоми роҳатланарди,
Ҳар кун яратарди янги тарона.
Учагон товушлар бўлиб парвона —
Севги нурларида қанотланарди:

«Оҳ, эй шаҳло кўз,
Бахтим сақладинг,
Оҳ, эй шаҳло кўз,
Ишқим ёқладинг!
Кўзларнинг султони
Шаҳломсан менинг,
Дилим хонадони

Лайлomsan менинг!»

...Бир куни жарроҳнинг нозик ништари
Қайтарди куйчига қуёш ёргин,
Олами кўролди кўзлари тагин,
Лекин...

иљк сўроги қани хуштори?..

Аттанг...

Пайқадики, меҳрибон Лайлo,
Унинг илҳомдоши қадрдон Лайлo —
Оддий қиз...

чаккимас, дурусту,
аммо —

Сира эмас экан кўзлари шаҳло,
Ҳаттоқи, термилиб юзига боққач,
Сезилар —

чап кўзи озгина... қийғоч!

Шунда, куйчи туриб деди баралла:
— Ҳеч бир шаҳло кўздан қолишмас Лайлo!
Бу оқшом, бошлайман янги бир нағма,
Тингласин, англасин, куйласин ҳамма!..
Менга энди эмас шаҳло кўз тема,
Мен энди вафоли Лайлони дейман...
Нағмани атайман шундай:

«Вафоли»—

Лайлонинг вафоси — унинг жамоли!..

1952

СЕВГИ ВА ТИНЧЛИК

Сенинг меҳринг қалбимдаги ҳар бир тепишда —
Тор ва оҳанг дўстлигидай қардош, иттифоқ.
Ким билади, балки дерсан:— Биз илк ўпишда
Кам сўзлашдик...

Лекин сўзсиз баҳт келди қувноқ.
Биласанми, бўса нима?

У — сўзсиз газал:
Баъзан сукут баландпарвоз ваъдадан ағзал.
Биз севгини ёзиб қўйдик дафтаримизга,
Соқчиларнинг найзасидир ошиққа қалам,
Еки бизнинг қаламимиз аскаримизга
Уйдан келган мактуб қадар азиз, муҳтарам.
Истайманки, севгимизга қўйнисин ғубор,
Ишон, дилда ўзинг ёзиб қўйган туйғу бор.
Севгимизни ўғирлашга қасд этди ёвлар,
Аммо ишққа тегиб синди босқин яроги.
Коммунанинг муҳаббатин тўсолмас ғовлар,
Сочимизни кўп вақт тараф замон тароги!
Бу Ватанда чунки ҳаёт —

ўлимдан кучли,
Бадниятлар гўрга кирап,
гуркирап тинчлик!

Дерлар: оққу миниб учар болалар тушда,
Ниҳолини «қизим» дейди ота — боғбонлар.
Эртагача «хайр!» дейди қуёш ботишда,
Ҳар бир қўйга лақаб қўйган асил чўпонлар.

Тинч саҳарлар хушторидир мамлакатимиз,
Тонгга,—«тўхта, қайтгин!» — деяр қайси бетамиз?!
Истайманки, шўх термалар яратсин баҳши,
Наққош ўйсин гунафшани шинам бинога.
«Хўш, тинчликми?» сўрогига дўст десин: «Яхши!»
Самарқандда қизлар борсин оқшом кинога.
Истайманки, Ойбек ёэсин улугвор роман,
Бўз ерларда ўсиб-унсисин бошоқ ва ўрмон.
Истайманки, олам бўлсисин боққа намуна,
Салом бериб, салом олсин ўлкалар иноқ,
Тинчлик бўлсисин,

яъни: тезроқ келсин Коммуна,
Сўнмай ёнсин нур-чароғлар деразаларда,
Керак бўлмай қолсин қулф дарвозаларда.
Истайманки, қопламасин ойни қалхатлар,
Япроқларга қўниб тушсин шудринг бехатар.
Эшик қоқиб почтальон қиз келтирсин хатлар
Ва хатларда ёронлардан салом, хушхабар.
Истайманки, яхшиликлар қолсин эсдалик,
Йигитга ишқ,
қариларга осойишталик.

Истайманки...

Аммо истак — қурашмоқ демак,
Бўронларнинг қўшиғига жўр бўлиб куйлаш!
Хур халқларнинг қарори бу
иттифоқ, кўмак!

Партиянинг чақириги:

— Фитнага оташ!
Барбод бўлсисин эски сарқит!

Енгисин яхшилик!
Ғолиб бўлсисин чин кишилик,
ўлсисин ваҳшийлик!

Боку, 1954

ШОИР

Қўлингда хилқатнинг эзгу қалами,
Дилингда борлиқнинг яшил олами.
Аерлар яширган нидоларни сен,
Шамоллар келтирган садоларни сен
Туннинг жим қўйнида дафтарга битдинг,
Дўстларга ҳикматдан гулдаста тутдинг.

Сен тоҳо кечалар ёлғиз кезасан,
Шалола бўйида сирлар сезасан,
Севгилар боғидан гуллар узасан.

Кеча ёзганингни, эй қизғин ошиқ,
Эртаси әл айтар бамисли қўшиқ.

Ватанинг бошига тушганда хатар,
Сен билан фронтда юрди у дафтар.
Созингда сўзлатиб сен шоҳ пардани,
Куйладинг Ватани ва партияни.
Хужум амрларин, ярадор оҳин...
Барчасин торига чертди у нохун.

Юртнинг байроқлари ҳилпирав олий,
Халқлар китобида порлоқ бир толе.
Сени ёзилмаган мисралар кутар,
Зафар нашидасин булатга кўтар!
Кел, бирга куйлайлик қутлуғ замонни,
Кел, бирга ёзайлик улуг достонни...

1954

ЯХШИЛИК

Шоур Faфур Гуломга

Марғилон. Ёз. Ҳаво жим ва турғун. Оқшом.
Эрмат ака меҳри-ла қурилган ишком.
Шашмақомлар, қўшиқлар, ўйин, ашула
Радио карнайидан оқар баралла...
Унлар, нағис овозлар, тезоб товушлар...
Пианино, рубоб, най, гижжак ва танбур,
Гёё кўзга кўринмас ҳавойи қушлар
Узумнинг бошлирига ёпишиб қўнур.

Бу садолар топади барг қўйнида жой,
Боқ, уларни тинглайди ариқ, инсон, ой.
Бирдан — ғоят ёқимли мардонавор сас!..
Ким экан Фузулийдан айтаётган у?
Дуторга жўр бу вазмин, бу магрур нафас!
Мулла Тўйчи, у буюк ҳофиз тириқ-ку!
«Шифойи васл қадрин ҳажр ила бемор ўландан сўр,
Зилоли завқ шавқин ташнаи дийдор ўландан сўр.
Лабинг сирин келиб гуфтора, мандан ўзгадан

сўрма,

Бу пинҳон нуқтани бир воқифи асрор ўландан сўр».
Унинг баҳмал овози тушиб пиллакка¹
Ясантирган газални бархит кўйлакка.
Нозиклик, асл санъат нақадар гўзал!
Озарбайжон шоири яратган газал,

¹ П и л л а к — халқ ўртасида патефон пластинкасини шундай дейилади.

Ва ўзбек ҳофизининг ўлмас овози,
Ошиқнинг севги сўзи, Тўйчининг сози,
Бу икки зўр полвоннинг қудрати, кучи
Бирлашди нафосатни яшатмоқ учун.
Сўз билан соз ва овоз бўлишиб ҳамроз
Вақт торида юрарлар мисоли дарбоз.
Биттаси тўрт асрлик ошиқ — дардманд,
Айрилиқ водийсида овора йўлчи;
Иккинчиси ошиқлар бўлсин деб хурсанд
Тўйларнинг нағмасози, лақаби — Тўйчи.
Ким билар. Мулла Тўйчи Фузулий дардин
Кўйиб-куйиб кўйлаган ўзи ҳам йиглаб:
«Билмади деб замона шоирнинг қадрин.
Энди бўлса мен унинг ишқин улуглаб,
Еткизардим маъшуқа васлига аниқ,
Ўзим бўлиб тўйида хушхон муганий!»
Шунинг учун ҳофизининг хониши ёниқ,
Шунинг учун мақомда минг битта маъни.
Тинглар эдик у ўлмас ҳофиз садосин,
Офарин деб санъатда мангув софликка,
Ким эшитса Тўйчининг хушбаҳт нидосин,
Аттанг, дейди ўтмишда иоинсофликка.
Шундай қилиб, тўқилган элларда масал:
Умр темир бўлса ҳам эрир бир маҳал,
Абадий тирик экан қўшиқ ва газал.

Марғилон, 1955

ЛУҚМА

Гоҳо бир имо ҳам сақланар эсда
Каттакон романнинг қаҳрамонидак,
Кўкракка ярашар гарчи гул-чечак,
Қолар тикандан ҳам чақа кўксда.
Бир куни Ёрдоңда — булоқ бошида —
Гулеум турган эди баҳор ёшида.
Қошлари ўсмадан пайваста қиздан:
«Бир коса сув бер», деб сўрадим қасддан.
Ҳўплаб, мақтаб кетдим тиниқ сувини:
— Шунча тоза экан, шунчалик шаффоғ,
Апрелнинг тонгдаги нағасидай соғ!..
Ҳамроҳим дедики:
— Булоқ сувини
Шунча тиниқ қилган Гулсумнинг юзи,
Эгилиб сув олиб тушганда кўзи...
Тагин ҳўпладиму мақтадим сувни:
— Ажаб хушбўй экан, шунчалар маза,
Чаманлар қўйнидан сизгандир дейсан!..
Ҳамроҳим дедики:
— Ундеймас, сувни
Хушбўйлик важи шу бўлдики,
Гулсум —
Булоқдан сув олиб, қилди табассум.
Тагин ҳўплаб сувдан, мақтадим:
— Бай-бай,
Шунча совуқ экан, бамисоли муз,

Кечаси аллалар айтганми юлдуз?

Ҳамроҳим дедики:

— Йўқ, эмас ундаӣ,

Совуқлик шундаки, қиз сизга боққач,

Кўрди бошингизда қор каби оқ соч.

Шу важдан кўнглига совуқлик чўкди,

Сочингиз қорини косага тўқди...

— А-а-а-а!!!

Шоҳимардан, 1955

ҚҰШИҚ

Тамарахонимга

Биласизми, сақнага чиқиб,
Сиз куйларда қиларкан жавлон,
Құлингизни хаёлан сиқиб
Завқингизга бўламиз ҳайрон.
Гўё куйдир бутун танингиз,
Куйлар кўзлар, куйлар дудоқлар.
Титраб куйлар нозик бармоқлар,
Сиз ва қўшиқ, ҳамиша — эгиз.
Үнлаб элнинг рақси, оҳанги,
Ҳар оҳангнинг ўзича ранги.
Адриатик денгиз ҳавоси,
Андалуснинг жўшқин ялласи,
Ихенъяннинг магрур садоси,
Хоразмнинг ширин алласи,
Чиннинг майин ва тез навоси,
Ереванинг шўх ашуласи
Гавдалана пар ўйинингизда,
Эй, санъатнинг сеҳргар қизи!
Балли, сизнинг ҳар куйингизда
Порлар бирон халқнинг юлдози.
Гўё сизнинг ўз уйингизда
Машқ ўтказар бутун ер юзи.
Сизни бир бор эшитган кўнгил
Шеъриятга бўларкан мафтун,
Сизга тиллар ётлиги тугул,
Сарҳадлар ҳам бўлолмас тўсқин.

Ким тингласа сизни бир карра,
Бир умрга унутmas сира.
Чунки ҳар бир қўшиқдан сўнгра
Ҳислар қалқиб заррама-зарра
Гўзалликни англаймиз ортиқ,
Будир сиздан Ватанга тортиқ.
Чунки ўлмас туйғудир дўстлик,
Нақорати санъатда ростлик!..

1956

ФОНТАН

Бу сувнинг лақаби лугатда — «Фонтан».
Аслин суриштиурсанг: «Чашмайи хандон».
Соддороқ айтилса кулувчи чашма...
Ўртоқ сониялар, югурманг, шошманг!
Бунда ўтиришга ҳаққим зўр, улкан,
Бу ер ошно бўлган менга қадимдан.
Ёдимда бу ердан кечганиларимиз,
Йигирманчи йиллар охирларида
Сувфуруш боланинг пақирларидан —
Жомда ҳовуз сувин ичганларимиз.
Бу ерни атарди: «Пиёнбозор» деб,
Каталак дўконлар, боққол ва аттор,
Сархуш файтунчилар, чайқовчи айёр,
Хуллас, тирик эди ҳали бунида НЭП...
Наҳот, бу гулистон у майдонмикин?
Ўшал сув ўрнига шу фонтанмикин?
Мен-ку, шу шаҳарда улгайдим, ўедим,
Йилларнинг фарқини бунда кўр, дўстим!
Боқиб кўр: чироғлар товланишида,
Нурлар нуқта-нуқта уланишида
Фонтан ярқирайди кумуш кулгидай,
Юлдузлар ҳам унга хуштор ўлгудай.
Қайси ўхшатишу, қайси киноя —
Бу фонтан ҳуснини қилсин ҳикоя?!

Дегайсан: у олмос гулдаста эмиш,
Эрирмиш чопагон оқ сонияда,
Гўёки товуш-ла ўзишиб товуш
Чопишиб тургандай симфонияда.
Гўё Венерага бир даста қумуш
Мисрада саломлар юборилармиш.

Е шабнам қадар соғ бир қучоқ бўса
Ой лабин ўпмоққа сўрар ижозат!
Фонтаннинг гаштини биласанми сен?
Келаман деб әдинг, келасанми сен?

Меҳнат ўлкасининг оқшомлари бор,
Оқшомнинг эртаги илҳомлари бор.
Бу хандон шуълалар, билур садолар,
Бу олмос гулдаста фонтан аталар.
Ху, катта бинода ишчилар бардам
Кечалар ухламай ҳарғлар тизар,
Юқори қаватда эҳтимол шу дам
Муҳаррир янги бош мақола ёзар.
Бу ёқда Навоий мармарда қотиб —
Боқади — Театр иморатида.
Гўё беш асрни тарих йўқотиб
Ноҳоедан топгандай уй суратида.
Сувни, сугоришини сувсаган шоир
Иморат шаклида бир томошабин:
«Мен-ку, кўп куйладим сувларга доир.
Бу кун ўғилларим сувга соҳиб чин!»
Бу гапнинг маъносин тушунасанми?
Сени кўп соғиндим, ишонасанми?

Миллиард томчилар фонтандан шу тоб —
Баҳорнинг кўксига армугон бўлиб,
(Пойтахтим жўмардлик завқига тўлиб)
Сочилар нақ қумуш пулдай беҳисоб...
Фонтаннинг баҳорин биласанми сен?
Фонтаннинг бағрига келасанми сен?
· · · · ·

Аҳа, яна, қара, әгилди сувлар,
Фонтан таъзим қилиб, букилди сувлар,
Пиллапояларга бош эгди улар,
Ха, бу сен, зинадан тушувчи дилбар!..

ЧАРОФБОНЛАРГА¹

Илк ёзув ихтиро қилинган қундан
Тинчликни унутди изловчан фикри,
Айирмоқ истади ёлгонни чиндан —
Нимаси тўғри-ю, нимаси эгри?
Кўп замон ахтарди, қидирди буни,
Кўзга илмай кетди, уйни, уйқуни...
Нимада ҳаётнинг магзи, маъвоси?
Дарвоқе, бормикин арвоҳ дунёси?
Қаерда негизи адлу инсофнинг?
Билимнинг қаноти қайгача учар?
Қанча узоқлиги Миррихнинг, ойнинг,
Ўйларди билимдон толиқмай, ўжар!..
Истади меҳнатга берсин енгиллик,
Яратсин ҳусндан кошоналарни.
Битган китоблари турсин минг йиллик,
Сақлаб келгусига афсоналарни.
Яшнасин оналар меҳрибонлиги,
Жанг әмас, ижоднинг қаҳрамонлиги.
Аммо истакларга топмади чора,
«Ҳақ-у, ҳақиқат!» деб бўлди овора.
У олий ниятлар, азиз ҳисларни
Жаллодлар топтади, эзди, сўлдирди.
Ақли зўр, зўрий йўқ у ожизларни
«Бизга итоатли банда бўл!» дерди.

¹ 1956 йил, 11—14 октябрда Тошкентда бўлиб ўтган Ўзбекистон зиёлилари қурултойида ўқиб берилган.

Сенинг ихтироинг, қўшиқ ва қурол
Бизга каниз бўлсин ва ёки қарол!
Зеҳнинг машъалин сўндиromoқ бўлди,
Илмнинг қаламин синдиromoқ бўлди.
Чириди зинданда Бу Али Сино,
Улугбекнинг нурли боши кесилди.
Гулханда ёқилди Жордано Бруно,
Ростгўй Машраб Балхда дорга осилди.
Радишчев Сибирга кетди сургунга,
Қотил ўқин узди жўшқин Пушкинга.
Муфтахўрлар билмади талантнинг қадрин,
Хуноб бўлиб ёзди Фурқат ҳар сатрин:
«Чархи кажрафторнинг бир шевасидан доғман,
Айшни нодон суриб, кулфатни доно тортадур...»
Серзаҳмат бўлганди дононинг йўли,
Хурофот ичида маънонинг йўли.
Аммо емрилмади башарнинг ақли,
Ҳақсизлик олдида чўқмади ҳақли.
Нурни қилич билан чополмадилар.
Бўрилар офтобни қополмадилар.
Агар бўлса әдим мен ҳайкалтарош,
Энг қадим карвонлар йўлида балки,
Йўниб қўяр әдим шундай ҳайкалки,
Унинг бутун қадди бўлса қора тош.
Номаълум олимга бўлса шу ҳайкал,
Кўлида қирмизи ёқутдан машъял,
Тагида шу ёзув: «Ахтар ва юксал!»

* * *

Дўстлар, чароғбонлик унвони билан
Элда кўп мўътабар мавқеимиз бор,
Коммуна уфқидан дилимиз равшан,
Ўтмишни англашга уқувимиз бор.
Кечани ўқиймиз ва ибрат деймиз,
Бугуннинг эркига кўп раҳмат деймиз.

Эртани севамиз ва ҳиммат деймиз.
Советлар асрида бўлдик зиёли,
Биз меҳнат фарзанди, нурга хизматкор.
Кўрсинг европалик, билсин осиёлик
Ўзбек пойтахтида академия бор.
Кўпайсин чироғлар, чорағон бўлсин,
Илмнинг, санъатнинг уруғларидан
Ҳар кўча, ҳар қишлоқ гулистон бўлсин,
Файз олиб камолнинг ёруғларидан
Юртда ҳар бир киши чорағбон бўлсин!

1956

УЧ ТАБАССУМ

I

Баланд айвон, кўк ойнабандда
Бола ухлар, юзида ханда,
У нимага кулимсирайди,
Нима кўрар, нима сўрайди?
Биламизми бунинг сирларин,
Унинг кезиб юрган ерларин?
Балки она қўйинини эслар,
Балки бодга шафтоли излар.
Ё қитиқлар уни парранда,
Ёки булут устида учар,
Юлдузлар-ла ўйнар ва қучар!
Шуларнинг бир жилvasи — ханда!..
«Балки» деймиз...
Лекин биродар,
Булар бари бўлгай мұяссар...
Келажакни кезиб кулади,
бу гап бўлади.

II

Ану қизга ташладим кўзим,
Ўзи сўлим, юзда табассум.
Шоду хуррам кўчада юрар,
Ўз хаёли ила гапирав.
У нимага кулимсирайди,
Кимни «ёр» деб у сенсирайди?

Биламизми бунинг сирларин,
Орзуларин ва ғикрларин?
Балки тилар — ўз мактабида
Ўрта эмас, аълочи бўлмоқ,
Ёки меҳнат — иш талабида,
Янгиликнинг қулочи бўлмоқ.
Балки тилар — туйгуларининг
Сув бўйида тилмочи бўлмоқ,
Йигит тортган қайгуларининг
Ягона бир иложи бўлмоқ...
«Балки» деймиз...

Лекин биродар,
Булар бари бўлгай мұяссар.
Бахти билан сўзлаб кулади,
бу гап бўлади...

III

Чол ўтиргай толнинг тагида,
Умри узок, хотири тетик.
Гёё унга бахши раҳматлик
Ҳайкал қўйган ўз эртагида.
Кўзлар юмуқ, зеҳни-чи, уйғоқ,
Ана, қўлда қимирлар таёқ.
Соқолининг тукларида ҳам
Оқ ханданинг ёруғи кезар.
Элнинг бахти гулистон экан,
Хандада бахт уруги кезар.
У нимага қулимсирайди,
Хаёлида нелар асрайди?
Биламизми бунинг сирларин,
Бу манглайнинг ўй-ғикрларин?
Балки ўтмиш айёмин эслар,
Инқиlobнинг илк замонини.
Ўтмиш чогга ўғрилган кўзлар —
Кўтар қонли жанг майдонини?!

Голиб ёшлик лаззатин эслар,
Қаҳрамонлар иззатин эслар.
Эккан боги мева берганин,
Набиралар ундан терганин,
Эллининг унга ташаккурини,
Юртниң ёргуғ чароғ нурини —
Балки олар хотирга кекса.
Яхши ишлар юракка дилбанд...
Отахонлар нимаки экса
Самарасин кўргани хурсанд...
Чехрасида майин табассум,
Ўтмиш бўйлаб учади бир зум.
«Балки» деймиз...

Лекин биродар,
Булар унга бўлмиш муюссар.
Шу кунларнинг томирин силаб,
Кулимсирап у чогни эслаб,
Шарофатни якунлар энди:
Бу гап бўлганди.

1957

УНИНГ ҚАЛБИ

У бизнинг онамиз

ёки синглимиз,

Е бизга сингилу

қизига она.

Бари бир эмасми

агар дилимиз

Куйласа бир боғда айни тарона!

У эрклик боғига киргандан бери

Ватанинг ери —

Унинг ўз табаррук хонаси бўлди,

Бу хона тириклик нурига тўлди.

Ильичнинг чироги —

уйнинг

юраги...

Шу ёргуғ уйларга

дарднинг йўли берк,

Ҳар она,

ҳар хотин орзу-тилаги:

— Бор бўлсин тинчлигу омон бўлсин эрк!

— Ҳеч шикаст емасин сув кўзалари!

Ёргисиз қолмасин деразалари!

У элнинг иқболин,

Ватанин ўйлар,

Унинг ўзиники корхона,

дала.

Хонаси келганды хүп айтур алла,
Пайти келганида потиқдай сўйлар...
У — раис,

планни бажарап,
севар;

у,

пахта жангига устакор, чевар.
У — доктор,

ҳунари — касалга шифо,
Меҳри ва шавкати ўзи бир даво.
У бир муаллима:

юртнинг фарзанди
Алифни ёзмоқни ундан ўрганди.
«Ватан»

ва

«Партия» сўзларин аввал
Машқ қилиб ёздирар

авлодларга у.
Бу улуг сўзларни ёзаркан ҳар гал
Уни хотирлаймиз умрбод,

мангу...

У пухта инженер:

унинг амри-ла
Машина юради мисоли аскар.

У ишчи:

эгнида жомакор ила
Коммуна йўлида бўлмиш сафарбар.
У машҳур қўшиқчи:

куйласа бир бор,
Унга жўр бўлади севгили диёр.

У давлат арбоби:

унинг имзоси
Ишларга якундир
ва ёки режа.
Большевик партиясин лойиқ аъзоси,

Постида устивор

кундуз ва кеча.

Сен ғоят улугсан совет аёли,
Қалбингга ёзуғлик асллик нақни.

Вафокор, одобли, доно, ҳаёли,
Шоир ҳаёли —
Қанча мақтай олса ундан ҳам яхши.
Истайман,

бахтингга құйнmasин губор,
Сира йўлиқmasин балога
қалбинг.

Ҳандасиз, кулгусиз қолмасин лабинг,
Азизим,

йиллар бор,
ҳали йўллар бор!

Ҳали ўқилмаган китобимиз бор,
Сен ила саволу жавобимиз бор.

Ўртоқсан,
онасан,
севгили ёрсан,
Коммуна қуёши остида борсан!..

1957

РАҚАМЛАРНИНГ ҲУСНИГА ДОИР

«Рақамларда бўлолмайди жон,
Уларда йўқ, хаёл, ҳаяжон,
Рақам қуруқ қоғоздаги сон!»
Ким деганди бу бежо сўзни?
Хато, хато ва яна хато.
Йўқ, рақамлар қилади ато
Бахтимизга порлоқ юлдузни.
Ҳа, шу кўҳлик, руҳли тезислар —
Худди қалбим қадар азизлар!
Коммунизм рақами ўзи —
Ишга дастак, иқболнинг кўзи.
Бугун — рақам,
Эртага — уйим.
Бугун — рақам,
Эртага — либос.
У — эртанги ва янги қуйим,
У — эртанги газнамга олмос.
У — эртанги шеъримнинг вазни,
Дастурхоннинг барака — ҳусни.
Сингиб Кремль курантларига,
У Ватанинг фарзандларига
«Юз яша!» деб берганда муҳлат —
Муҳр босар паспортларига
Ва қўнгали Ой портларига
Қўлимизга беради билет.
Йўқ, рақамлар, жонли рақамлар,

Қаҳрамондай шонли рақамлар.
Жадал бўлиб қиласлик ҳамма
Биз уларни ишга таржима!
У чоқ сонлар бўлиб жамулжам
Коммунизм қурар мужассам.

1958

ЧОЙ

Баланд чинор — гүдайиб турган
Паст күчанинг охирида тик.
Мисрадан сўнг баъзан қўйилган
Узун уидов аломатидек.
Чой ичаман пиёладан мен,
Сир оламан ол лоладан мен.
Ярашиқли чинни пиёла,
Иzzатлайман, сени, пиёла!
Жиндеченинг азиз тухфаси,
Ҳар нақшингда дўстлик шеваси.
Пиёлада бугланади чой...
Буглар гўё ёсиман гулнинг
Ҳандасидай оппоқ ва майин.
(Ваҳоланки, қора қўллар-ла
Терилади — тахланади чой!)
Олтин ёзни эслатар аниқ
Чойнинг иси бахш этиб ором.
Балки дейсан чалинар тиниқ
Олисдаги дуторда мақом.
Ичилган чой лаззатида бор
Ширин дўстлик — сухбати тайёр.
Қора чойнинг буғдой рангида
Иссик жануб уфқи кўринар.
Ундей эмас, балки янгидаи
Уни терган цейлонлик дилбар —
Қора қошнинг ҳусни билинар.

Е ҳинд қизин чарос күзларин
Бунда топса бўлар изларин.
Ҳинд қизининг кўзида ханда
Ёки чойнинг ўзида ханда!
Бу атирни ва бу рангларни,
Эшитилмас бор оҳангларни
Қандай қилиб бекитсан экан
Байтларимнинг хонасига ман?
Йўқ, сиғмайди сўзга, сатрга,
Торлик қиласар байтлар атирга.
Чойни дамлаб келтирган уста
Унинг гаштии, қудратин билар,
Шу туфайли ҳурматин билар —
Чойни дамлаб келтирган уста.
Оқпар чойга тўлган қўк чойнак
Менга азиз чин армуғондек.
Чой маъносин хўп билганимдан
Дейман:— Уста, тагин бир чойнак!

1958

ЛУБНОН, ЛУБНОН¹

Лубнон, сени хаёлда кўраман ҳозир,
Аммо қалбим ташвишда, қалбим беҳузур...
Ўрта дengиз қиргогин Шарқ бурчагида
Лимонзорлар ичида ўликлар ётар.
Ҳакимларинг деб эди әрк тилагида:
— Золимга қул бўлмоқлик ўлимдан баттар!
Лубнон, қўшиқ ўлкаси, дилбарлар ери!
Босқинчилар кўчангга киргаидан бери
Қўшиқ маршга айланди, қизлар — аскарга.
Ўқ ва қўшиқ:

— Йўқ! —

деди қароқчиларга...

Лубнон, Лубнон,

сен инон,

сен эмас ёлғиз...

Минг йиллик ошнодир сенга миллатим,
Гарчи қўшни эмасмиз, юртимиз олис,
Аммо қалблар ёрлиги ой қадар қадим.
Кўп ўхшашлик шеъримиз қофиялари,
Сиз ва бизда «Ассалом!» — айни маънода.
Ҳар икки эл авлоди, тоифалари —
Ҳурриятни севдилар жондан зиёда.
Ҳатто менинг ўз исмим — арабча лугат,

¹ Арабларда ва умуман шарқ мамлакатларида Ливанни Лубнон, деб юргизадилар.

У тупроқда юради адашлар беҳад.
Бугун сенинг бошингга машаққат тушди,
Ғазаблардан юртимда муштлар уюшди!
Лубнон, Лубнон,

сен ион,
ўртада бир ион...

Ўша қадим ошиолик, янги дўстликнинг,
Халқимнинг лағзи қадар азиз ростликнинг
Ҳурматига сен билан барчамиз ҳамдам
То сен қутулганингча бу мудҳиши ғамдан...

Лубнон, Лубнон,

сен ион,
ўзбек элида

Садоқат ўз лугавий мазмунин сақлар,
Худди сақланганидай араб тилида.
Бу сўз чин қардошликини қўллар, ардоқлар!..
Лубнон, Лубнон,
Сен ион,
Бўлгайсан омон!..

1958

БУ КЕЧА...

Бу кеча бутун коинот ухламас,
Нега мен ухлайнин оламдан бехабар?!
Хозир туриб ётогимдан мен
боққа, йўлга чиққум келади.
Одамларни ўпгим,
майсаларни қўзга суртгум келади.
Доктор эса бермас ижозат,
«Қон босими ошиқ,— дер сизда»,
«Асабият, бор сизда», дейди.
«Склероз бор, дейди, сизда!»
Етмоқ керак, ухламоқ керак,
тиб илмининг барча ҳикматин
интизом билан оқламоқ керак.
Йўқ, бу кеча ухлаб бўлмайди,
табобатнинг ҳикматларин оқлаб бўлмайди.
...Ўчганида чирог айвонда,
тушиб кетдим орқа нарвондан.
Яширинча кирдим боққа мен.
Доктор мени уришар албатта,
таъналар эшитарман катта.
У, албатта, ана-мана дер,
насиҳату алланима дер.
Аммо ўзингиз айтингиз, дўстлар,
мен қандай чидай?
Ахир мен нетай?
Учирилган бўлса бугун самога

Ер йўлдоши, совет юлдузи —
хасталикка нима ҳаққим бор?
Склерознинг не дахли менга?
Мен боғда кутиб турдим,
ва кўзим билан кўрдим,
осмоннинг ложувард йўлларида
учиб борган олтин йўлдошни.
Ва шундан сўнг, ишонасизларми, дўстлар,
ўзгача бўлиб кетди аҳволим.
Ўз жойига тушгандайин қоннинг босими,
асаблар ҳам гўё менга мутедай.
Склероз эса...

Мана, менинг ҳофизамнинг қуввати:
Ўша гаплар әсимда-ку, бутунлай.
Азиз доктор, меҳрибон хоним,
даволаниш тартибини бузиш, бу ёмон,
аммо шу туфайли тузалиб кетса касал —
шунга нима дейсиз, а, қадрдон!
Йўлдош ҳам даво экан, хулласи калом.
Сизнинг собиқ хастангиздан
соппа-сог салом!

1958

ҲАКИМНИНГ ҲИСОБИ

Бир ҳакимдан сўрабдилар
Умрининг сарҳисобин.
Шунда устоз
шу зайлда
айтибди ўз жавобин:
— Ҳакимлар сўзи сиқиқ,
Иилим саксон, ёшим қирқ!
«Тушунмадик!» деб тургандек
турибди қаровчилар,
ундан ҳикмат ўргангани
йигилган сўровчилар...
Устоз, шунда ўз жавобин
англатибди батағсил:
— Саксон йилдир бу дунёда
тирикдирман муттасил.
Шу саксондан уйқу билан
Кечиб кетди ўттиз йил.
Биз уйқуни
умрларга, санамаймиз,
яхши бил!
Мен, бир йили
бемор бўлиб,
ётоғимда тўлғондим;
тузалганда қайта бошдан тугилгандай
уйғондим.
Касал бўлиб ожиз ётиш

түлиқ умр әмас-ку!
Шу туфайли
умрларга ҳисобланмас
бизда у.
Жаҳонгашта бўлганимда
ҳаётимнинг чўлида,
уч йил
озиб довдирадим
етти иқлим йўлида.
Рост йўл топгач,
суюнади
хатосини емирган.
Шу туфайли
янглиш йиллар
ҳисобланмас умрга!
Мен —
то олти ёшимгacha
хат-саводим бўлмаган,
кўзим
оқни қоралардан
асти ажратолмаган.
Демак,
баҳра топмаганиман
билимлар китобидан,
олти йилни
ўчираман
ҳаётим ҳисобидан.
Олимликнинг алангаси
уйғонганди томирда,
ҳақиқатга хизмат қилмоқ!—
Шудир ҳисоб умрда.
Фақат
ижод, онг йўлида
одамзод маъно кўзлар,
чунки фақат ўз йўлидан
сузиб келар кундузлар?

Үзинг ўйла.
Үзинг топ!—
Бу қиссага
керак бўлмай қолар эди
таъбирлар:
Мазмунига қараб фақат
ўлчанади
умрлар!..

1958

БОШ МАСАЛА

Турмуш — ҳар хил,
ката-кичик масалалар
рўзномаси...
Дам тўйларнинг ҳангомаси,
дам курашлар жангномаси.
Умрнинг бор ўз косаси,
кўк чойнинг ўз пиёласи.
Квартира,
сергўшт палов,
нафис қўйлак масаласи.
ВУЗга кириш анкетаси,
кимёгарлар корхонаси,
кун нуридан ўргилувчи
Москванинг ракетаси,
одам ишин достонларга
айлантирган
автоматлар силсиласи...
Ҳозир бирин ҳал этарсан,
тагин бири қотиргай бош,
Масалалар... Масалалар...
Умр бўйи бизга йўлдош.
Лекин улуг бир гап борки,
масалалар асосидир.
Барча ишлар унга аъзо,
бу рўзгорга ўзи мудир.
Масалалар булоқлар-у,

азим дарё худди удир.
Асосий бош масаладир
аеримизнинг шу палласи.
Нима десанг:
— Коммунизм
қурмоқликнинг
масаласи!

1959

КОММУНИЗМ МАНЗИЛИ ЁНОШАР ҲАР Дақиқа

Мен кўп ёздим шеърлар, тинч, ё жангий шеърлар,
Гоҳо кичик шеърлар, аксар янги шеърлар.
Гоҳ ўткинчи истаклар, гоҳо мангу тилаклар.
Гоҳ кечаги азалий орзуларнинг даврони,
Орзуларнинг рўёбга чиқаётган замони,
Коммунизм манзили ёношар ҳар дақиқа.
У — тунов кун туши эди, у — эртаги ҳақиқат.
Мана ўтди бир соат, камайди йўл ораси,
Уфқларда кўринар адл бино қораси.
Кечадан бугун яқин, бугундан эрта яқин,
Мехнатдошлар устида балқийди қуёш ёрқин.
Кошки эди қўшиғим бир пиёла сув бўлса,
Чанқогини босгали йўловчига тутилса!..
Шундай қўшиқ саналгай сағларнинг қатиашчиси,
Шунда шоир бўлолгай гўзаллик йўловчиси!

1959

СЕН БИЛАН ЁШЛИКНИНГ

Сен билан ёшликтинг бошлангич чоги
Дилга нақш айладик беш йиллик сўзин.
Беш-беш қадамлади замон оёги,
Қасидалар тиздик узундан-узун.
Юртда совхозга ҳам, артелларга ҳам
Беш йиллик лақаби берилди у дам...
...Ҳозир балоғаттинг белгиси келди,
Йилларнинг беш эмас, еттиси келди.
Ҳам қувонч, ҳам суюнч режасидир бу,
Тўп-тўғри Коммуна кўчасидир бу!
Муҳташам бинонинг остонасига,
Нафис умрларнинг погонасига
Ватан келиб қолди, ғолиб эл келди,
Улуг иш мўлжаллаб етти йил келди.
«Беш»ларга биз берган бўлсақ, биродар,
Ёшлик қалбимизнинг илк ҳароратин,
«Етти»га багишлаб қўяйлик бу гал
Ақлли севгининг сўнмас қудратин...

1959

ЕТТИЛИК БАЛЛАДАСИ

Мен гўдаклик чоғларимда жазман эдим эртакларга,
Чоллар, дейман, эртакларни тўқир экан гўдакларга.
Навқирионлар, паҳлавонлар чиққанидек гўдаклардан,
Ростлик гули униб чиққан афсонавий куртаклардан.
Етти ўглон қутқарганда ёрни жинлар қафасидан,
Етти юлдуз балқар әди Сомон йўли тепасидан.
Етти тогни эшитгандим, ҳар қайсисин бориб кўрдим,
Қоф тогининг зумрад бошли зирвасидан боқиб турдим.
Шунда у пайт ишонгандим, ҳаволарни зангор қилган
Қоф тогининг тепасида ялтираган зумрад экан.
Ўсмир бўлдим, қиссаларнинг бобларини варақладим,
Азалардан хира бўлдим, шодликлардан чарақладим.
Сўнгра менга нақл этганди Фирдавсийнинг ўзи ростдан:
Кайковусни излаганин етти манзил босиб Рустам...
Бир манзилда дев ўлдирган, бир манзилда арслон
тилган,
Бир манзилда ҳув маккора жодусидан у қутилган...
...Шаҳзода қиз чиққанида етти йигит тўйласига,
Султон етти газна берган ботирларнинг сарасига.
Хонандалар етти парда оҳангига қуйлашаркан,
Етти кеча-етти кундуз тинимсиз тўй-тўйлашаркан...
Етти қарам қўргонбеги чўтлаб етти тортиқни бот,
Тўйчиларга юборганди васиқаси билан бисот:
Пулу гавҳар, молу либос, ер ва таом, еттинчи боғ,
Айвонларда ёқилганди етти рангда етти чирог.
Етти қалам, етти хат-ла битиб қўйди етти фармон,
Ҳар бир хатда бир котибининг кўз нуридан нақш
намоён.

Алишернинг «Хамса»сида етти иқлим йўлчилари —
Ёт элларнинг у дарбадар, багри ёниқ элчилари
Етти рангли кошонада етти қисса айтган эди,
Шайдо бўлган Баҳром шоҳни етти бека қутган эди.
Оҳ, савдои хумор кўзли оқшомларнинг соялари,
Соя эмас, баҳмал тусли ривоятлар уялари...
Етти пари... Етти само... Етти қат ер... Етти иқлим...
Қай бирини айтсам экан?.. Ҳайрон эди ҳуш-у, ақлим.
Етти сонин тушунгандা нафосатга меъёр эди,
«Етти» десам, ёнбошимда ағсоналар тайёр эди.
...Аммо дўстим, рақамлар ҳам балогатга бориб етди,
Гўдакликнинг либосидан ортиб қолди бизнинг «Етти».
Етти келди коммунизм йилларининг вазни бўлиб,
Тугилганлар, тугилгуси болаларнинг ҳусни бўлиб.
Етти йиллик план деса инсонларда гайрат тошар,
Шу замонда сонлар ҳусни хаёллардан учиб ошар.
Сўрасангки: нима деган шу таққосинг, шу қиёсинг?
Жавобимда айтаманки: нақлларнинг кенг миқёсин
Шу давримнинг еттисига ўлчайдиган ютқизади,
Ёш паҳлавон минг омонат қўғирчоқни ётқизади.
Модомики, баҳшиларни ағсонавий еттиликлар
«Куйланг» дея чақирибди, тирилибди ҳуд ўликлар.
Наҳот бизнинг нақд еттилар, шу ҳаётбахш еттиликлар
Нечук, нечук қўзгатмагай қаламларда янгиликлар?
Десаларки, қандай бўлди?

Айтаманки:— Шундай бўлди,

Ўтган ўтди, кечган кечди, кетган кетди, сўлган сўлди.
Бўлса эди минг йил умрим, тугилсайдим минг йил

аввал,

Менга ҳозир савол тушса, юрагингга қайси афзал
Нақллардан, эртаклардан, достонлардан, газаллардан,
Еттиларга мос қилинган минглаб-минглаб масаллардан?
Дер әдимки, тўплаб берсанг менга етти юз мингтасин,
Барчасига алишмайман етти йилим бир ҳафтасин!..

МЕН ЛЕНИННИ КҮРГАНЛАРНИ КҮРГАНМАН!

Мен Ленинни күрганларни
күрганман,
Ва уларга боқиб хаёл
сурганды.
Мен танийман нуроний
бир аёлни,
У күришгән Ленин билан
бир чоқлар.
Уни күрсам бутун
эс-у, хаёлни
Ииқилобнинг шеърияти
қучоқлар.
Сиққанимда унинг
ориқ қўлини
Гўё оқар томиримга
бир даврон.
Ленин қўлин тутган экан...
мен уни —
Олиб ўпсам юрагимда
хаяжон.
Бир мўйсағид партизани
танийман,
Кўрган экан Ленинни
у яқиндан.
Манглайида ажинларин
санайман,

Хар бирида кураш йўли
бор чиндан.
Боққанимда унга гўё
юраман
Октябрнинг кунларида
шавқ билан.
Оҳ, Ленинни кўрган,
азиз инсонлар!
Сизга ўтган ўлмас зотдан
бир қадар
Ўлмасликнинг хислати —
нур зарралар,
Нур олгандек қуёшдан
сайёralар.
Ленин турган шаҳарларда
юрганман,
Босиб чиқдим у чиққан
зиналардан.
Китобларин ўқиб маъни
терганман —
Ҳикматларга тўлган
хазиналардан.
Мен кўрганман Лениннинг қаламини,
Бир қаламки, ёзган сўзи
дилларда,
Олга қараб бораётган элларда...
У сўз янчар истибод оламини.
У қаламни кўрдим
кабинетида,
Аммо қўлим тегизмадим...
ҳурматан...
Чунки, фақат даҳонинг
хизматида
Уша қалам кашфларга
бермиш тан.
Мен Ленинни кўрганларни

кўрганман,
Мен Ленинга гувоҳ бўлган,
ҳамнафас
Буюмларниң қуршовида
юрганман.
Бу саодат умр бўйи
менга бас!
Аммо чопқир ҳафталарниң
ҳар куни,
Бажарилган планларниң
якуни.
Қурилгуси бинолар
вазифаси,
Ёзилгуси китоблар
саҳифаси,
Пионерниң галстуги,
салюти,
Туполевниң реактив
самолёти,
Етти йиллик баҳорининг
кўчати,
Йўлдошларки, коинотда учади,
Пок виждонли, олов қонли
одамлар,
Ўлкаларки, олга қараб
қадамлар...
Ҳаммасида, ҳаммасида
муттасил
Ленин яшар,
яшар Ленин хотири.
Ўлмасликка далилларниң каттаси
Ана шудир —
деймиз —
Ленин:— Ҳа, тирик!

ЙИЛЛАРНИ КУЗАТИБ,
ЙИЛЛАРНИ КУТИБ...

Шеърим, сен йилларни савлатин куйла!
Биламан, бу қийин...

Багоят қийин!

Шеърнинг ўлчовли мисраи ила —
Мумкинми ўлчамоқ йилларнинг бўйин!
Йўқ, ўлчаб бўлмайди,
Ўлчаб бўлмайди.

Байтларга вақт елин ушлаб бўлмайди.
...Лекин шу кунларни, дақиқаларни,
Бахтга ҳуқуқ берган васиқаларни —
Юракнинг баралла овози билан
Баланд пардаларда куйламоқ керак.
Токи, Коммунизм остонасида,
Улутвор ҳимматлар замонасида,
Чин ишдан туғилган афсонасида —
Гўзаллик ходими бўлолсин юрак.
Замоннинг гувоҳи — дафтари кўкрак!
Шоир, сен йилларнинг силсиласида
«Хайр»ни «салом»га қўшиб ҳайқиргин.
Бирига «Раҳмат!» деб ўқи қасида,
Бирига «Кўп япа!» дегин, чақиргин.
«Раҳмат!» де тинчликка хизмати учун,
Ватанинг обрўйи — ҳурмати учун.
«Раҳмат!» де, фазода йўлдошлар учун,
Ойга иноқ бўлган ойдошлар учун.
«Раҳмат!» де, чунки у келтирди шодлик,

Юртга — фаровонлик, уйга — ободлик.
Янги келаётган ҳар йилнинг эса
«Муборак бўлсин!» де одимларини,
Дегинки,— эй йигит, сен бирон лаҳза
Унутма кекса йил удумларини.
Яхшилик бобида ҳормай ишлаб тур,
Етти азаматдан галдаги ботир!
Унутма ўзингнинг умринг асосин:
Фарзандлар орттирас ота меросин!

1959

ШОИР ҚАЛБИ ДУНЁНИ ТИНГЛАР...

Шоир қалбин даричаларидан
Кириб келар турли овозлар.
Ер юзининг кўчаларида,
кундузида,
кечаларида —
келар унлар — дилга ҳамроzlар:
анҳор бўйи, оқшом чогида
ошиқларнинг пицирлагани,
жонон ўпиб ёр дудогидан,
«Жоним!» дея шивирлагани.
Мўгулистон бўз-қирларида
арғумоқлар дукирлагани.
Эльбурсенинг бағирларида
гулханларнинг гуриллагани.
Зангиборда найнинг куйлари.
У куйларда гуркирар очиқ
қалампирмунчоқнинг бўйлари.
Шундай ҳидки, куюк ва аччиқ.
Оҳ, англайман, сиздан оҳанглар,
Африканинг қаҳри жаранглар.
Жазоирда барбар қизининг
кўкрагидан қайнар нола-оҳ,
эсиз, унинг шу ноласининг
ҳатто ранги қора,
сим-сиёҳ.
Эҳтиросли Багдод нағмаси,

оқиб келар дилга ҳаммаси...
Шоир қалбин дарчаларидан
кириб келар турли товушлар,
Гуржистоннинг боғчаларидан
кўп ёқимли, нурли товушлар.
Дўстлик ели ширин визиллар.
Юрар,

юарар шўх етти йиллар,
янги-янги босиб манзиллар.
Мирзачўлда тупроқ ўпириб,
тракторлар чаққон пишиқирап,
Тиранада толда ўтириб
тонгни қутлаб хўroz қичқирап.
Ленин номли атомоходдинг
босимидан музлар тарсиллар.
Маррасига етган чопагон
суюниб ҳам толиб ҳарсиллар.
Шоир қалбин дарчаларидан,
талай товуш кириб келади.
Худди борлиқ парчаларидан
яратилар дунё сурати.
Товушларнинг кичик, улуғи,
товушларнинг ҳиди — бўйи бор.
Товушларнинг ранги, рўйи бор,
Товушларнинг ширин-аччиғи,
бордир ҳатто юмшоқ, қаттиғи.
Шоир рассом бўлсайди агар,
чизар эди шундан лавҳалар.
Улар келар сўрамай рухсат,
Ижозатга ахир на ҳожат!
Зотан,
рухсат бермай кўрсинг-чи!
Шоир агар бермаса жавоб
жабрин тортар ўзи биринчи,
шумшук бўлиб қолади шу тоб,
на соламлар унга, на хитоб.

Шоирлиги адо бўлади,
қулоқ битиб қурийди таъби,
нашъалардан жудо бўлади,
сув қуриган бир чашма каби.
Йўқ,

тovушлар бутун оламдан,
сувдан,
ойдан,
қишдан,
кўкламдан,
диёрлардан, азиз ўлкамдан
хуш келгайлар шоир дилига,
гўзалликнинг иш артелига.
Кўп хилма-хил бўлса товушлар,
ва шоирга шеър ёзишлар!
Ҳаво кирмас мангу берк хона —
гўристонда ғарib сагана.
Сагана — қалб! Кимга керак у?
Ахир, шоир ҳали тирик-ку!

1960

ҚИЛИЧ — ШАМШИР ЭРИБ ЙҮҚОЛСИН!

Олам бўйлаб тарқалди шиор:
— Қиличларни қайта чўкичлаб,
Биз уларни оловда ушлаб,
Омоч-ўроқ қиласлик тайёр!
Қилич — яъни ўлдирмоқликнинг,
Тирик жонни сўлдирмоқликнинг
Рамзи экан, уни йўқатмоқ
Одамзоднинг нияти шу чоқ.

Бу дунёда қотиллик эмас,
Қонхўрлик ва жоҳиллик эмас —
Шафқат, ҳурмат ва меҳрибонлик,
Ростлик, дўстлик, асл инсонлик
Ҳукм суриб яшар абадий!
Тинч умрда қалблар тепади!
Жанглар эмас, урушлар эмас,
Ғараз билан хуружлар эмас,
Ишонч билан тотувлик керак,
Зулмат эмас, ёғдулик керак.
Қилич — шамшир эриб йўқолсин!
Аммо фақат мисоли ўрнак
Музейларда биттаси қолсин...

1960

КРЕМЛНИНГ САДОСИ

Кремлнинг садоси — Ернинг армони —
Тинчлик!

Тинчлик истаги —
Замон фармони!

Ҳукуматим бошлиги әлларга қараб:
— Дунёнинг сарлавҳаси тинчлик бўлсин!
— дер,
— Ҳаётларни хавф эмас, меҳр ила ўраб,
Одамзоднинг дилига нурлар тўлсин!
— дер.

Ким қарши шу таклифга?

— Беш-ўнта ўгри,
Ўгриларки, ёргдан ёрилар бағри,
Ўлаксалар этига мазахўр бўри.
Ким ёқлар шу таклифни?

— Оналар, гуллар,
Дастурхонлар, бoggчалар, газаллар, йўллар.
Эртанинг кун ўлимни истамаганлар,
Ёшларни қиргинларга қистамаганлар.
Севгилар ва қаламлар, тўйлар, бешиклар,
Меҳмонларга мунтазир

зангор эшиклар.

Олам уйин безай деб заҳмат чекканлар,
Қўшнисига тош отмай,
салом берганлар,
Хуллас, бизнинг дунёнинг

улуг уивони —

Башар номин ҳақи-ла олиб юрганлар,
Үфқаларга йўл олган Иқбол карвони...
Бутун дунё ёқлайди бу таклифни, рост,
Ростин десам, ҳатто ой
беради овоз!

1960

КҮРЯПМАН ҲАР ДАМДА УНИ...

Мен шоирни кўрмадим, ағсус,
Учратмадим тирик чогида.
На Тошкентнинг катта боғида,
На у тогда ёққанда фонус.

Эшитмадим унниг сасини,
На Қўқоннинг дарсхонасида.
На ўзининг таронасида,
На ўқиркан манзумасини.

Бир асрда яшадик эса,
Мен шоирни кўра олмадим.
Босилган йил биринчи байтим,
Мангу юмди кўзларин Ҳамза.

Қандай эди шоирда овоз,
Кўз қараши, сўзлаш йўсини?
Мен эшита олмадим уни,
Кўролмадим шоирни, бу рост!

Аммо улуг айём, ҳар куни,
Кўраяпман ҳар дамда уни —
Ҳайкалларда
ва газалларда.
Боқчаларда
ва кўчаларда.
Расмларда
ва исмларда,
ва... базмларда.

1960

ҲАМЗАОБОДДА ИККИ МАНЗАРА

Кўкесув билан Оқсув тушиб туташган нуқта...
Бу иккита Шоҳимардон бўлган бир вақтда.
Икки бино, икки дунё ва икки замон —
Тепаликда юзма-юзга турибди шу он.
Бири — нурнинг ҳурматига қўйилган ҳайкал,
Бири — зулмат сояларга ошён тугал.
Бири — излаб талшинувчи фикр китоби,
Иккинчиси — ғафлат асрин бўғиқ хитоби.
Биттаси — оқ уйда қувноқ қўшиқлар гўё,
Иккинчиси — азалдаги марсия-дуо.
Кўкесув билан Оқсув тушиб туташган нуқта,
Бу нуқтани Ҳамзаобод дерлар шу вақтда.
Кўкесув билан Оқсув — икки дугона, дилбар,
Икки ёқдан, тог бағридан ўйноқлаб келар.
Гўё домла Ҳакимзода ўқитган қизлар —
Бир-бирига меҳр қўйған икки эгизлар,
Танаффусда синфлардан чиқиб шу чоқда,
Богда бирга ўйнагани чопқилламоқда.

...Тепаликда баҳслашар иккита бино:
«Бунда радио эшитилар, унда — Раббано».
Бири — ҳаёт ва иқболнинг машъали паққос,
Бири — ўлим, унутилиш мозори, холос.
Шу туфайли бу тогларга келган сайёҳлар
Биттасида тирилмаган ўликни пайқар,
Иккинчисида ўлмайдиган тирикка боқар.
...Кўкесув билан Оқсувларнинг туташган жойи —
Ҳамзаобод дейилгани учун бинойи.

1960

ҚҰШИҚ ҮРНИДА

Нега сўнди фонуслар,
Чарчаб тинди фонуслар
боқчада?
Нега соқчи юрмайди,
Трамвай югурмайди
күчада?
Нега бирдан уялиб,
Күзин юмди ўралиб
гунчалар?
Кечалардан күчага,
Күчалардан кечага
күчилар.
Май ўрнига дудоқдан,
Бўса деган булоқдан
ишилар.
Бунда юрган кишилар,
Кўшалоқ севгувчилар —
куйчилар.

1960

БИР МАКТУБ, БИР ТИЛАК
ВА МИНГТА АДРЕС...

Боболардан қолган удум
мехр қўйинш дўстларга.
Ўзбекларда бу гап қадим —
«Ҳорманг!» дейинш дўстларга.
«Ҳорманг!»
«Ҳорманг!»
Юртнинг олтин кузида,
саноқли кунларнинг
ва соатларнинг шу олтин кезида
кезиб олтин далаларни
терганлар «оқ тилла»ларни...
Балки дерсиз: ўртоқ шоир, бу нима?
Янгиликлар яратамиз биз ҳар кун
машинада, ҳар ишда, ҳамма...
Аммо сизнинг нуқул топган сўзингиз
«Оқ олтин...»
«Олтин фурсат»,
«Олтин қўл»,
ҳатто «Олтин кўз»ингиз...
Бошқа янги ўхшатишлар, таъбирлар
битдими?
«Олтин» сўзи ўзи ҳам тоғлар қадар
қадими?
Азиз дўстим,
Ўринлик бу эътиroz.
Аммо шошманг сиз бир оз...

Пахта — олтии... чунки элга хазина.

Пахта — олтии...

Чунки инсон қоматига у зийнат.

Нима қипти эски бўлса бу ташбиҳ?

Дебдилар-ку: олтин қанча эскирса
ошади шунча васфи.

Ахир, қуёш жамоли бўлса ҳамки азалий,
қуёшга ўхшатилса аразларми, айтинг-чи,
бирон юртнинг гўзали?

Йўқ, пахтамиз тилладур,

Бу ўхшатма унинг ҳусенин гуллатур.

Олтинни

албатта қадрлани керак.

Пахтани лозим термак.

Етти йиллик гавҳаридир пахтамиз,

Гавҳардан ҳам қимматбаҳо ваъдамиз.

Мен бу ҳафта Хоразмнинг ҳавосида ёшардим,

Хоразмга ҳамсаф бўлиб юрсайди вилоятлар,

Нормам бўлиб тайинланган умримдан

Зиёд бўлиб яна юз йил яшардим.

Шеър туздим Хоразмнинг шаънига,

Ўзбек богин шимолий гулшанига.

Хоразм... Хоразм...

Шоир учун ғоят қийин қофия.

Тилимизда ошкор ёки хуфия

Беш-ўн сўздан ошмас унга мос тушган,

Аммо булар бари унга хос тушган.

Хоразм — әтиб жазм,

Файрат-ла қилди азм.

Шу учун ҳам Хоразмга ярашади улуг базм,

Қанча ёзсан мадҳия,

Камлик қилар унга назм.

Тилак шуки, бизнинг ҳамма районлар,

Вилоятлар

Суръатларда Хоразмга тенглashingинлар,

баробар.

Машинани терлатиб пахта, күрак терганилар,
Қўлларини тезлатиб ҳосилларни узганлар
хоразмлашсинг ишида,
Аҳдни бажаришида!

Планларин ўринлатиб қўйганлар,
Манзилларга ҳали етмай қолганлар,
Пешқадамлар, илгорлар,
Юрт олдида қарздорлар
Ҳаммангиз,

ҳаммангиз

гўзаларнииг тупларида,
зарра пахта қўймангиз!

Фалабага одатланган улусемиз,
Аҳдимизда, жаҳдимизда холисемиз.
Бу мактубнинг гарчи ўзи биттадир,
Аммо унинг адреси:
Мингта,

мингта,

мингтадир.

Лекин менинг ёзгум бор
иккинчи бир номани...

«У қачон»ми?

Мухълатини мен сизлардан сўрайман.
Ишимизнинг зафарин кутиб-кутиб қарайман.
У келгуси кун билан олқишлийман ҳаммани!

1960

ИККИ ДЎСТ ВА БИР ТАРЖИМОН

Икки киши турганди Ҳазар¹ бўйида,
Красноводск портида, апрель ойида.
Биттасининг бошида Чустнинг дўпписи,
У бирининг бошида озарий попоқ.
Бирининг кўзларида Шарқнинг иуфузи,
Иккинчисин юзлари очиқ, хушчақчақ.
Тўлқинлар ўйнаб турад оёқ остида,
Дўстлар гапин тингламоқ, билмоқ қасдида.
Бири сўрар:— Ай гардаш ҳоролисансан?
Иккинчи дер:— Ҳай, қардош қаерликсансан?
Биринчининг жавоби:— Ман Губаданам.
Самур босар тарафда бир ўбоданам.
Иккинчининг жавоби:— Мен Қуваданман,
Фаргона тарафидан бир уваданман.
Бири сўрар:— Ай гардаш, одини сўйла!
Иккинчи дер:— Ҳай қардош, отингни сўйла!
Биттасининг жавоби:— Отим Пирмурод!
Иккинчининг жавоби:— Отим Пирмурод.
Тўлқинлар ўйнаб турад оёқ остида,
Дўстларга балки тилмоч бўлмоқ қасдида.
Бири сўрар:— Ай гардаш, сен на ишдасан?
Иккинчи дер:— Ҳай қардош, нима ишдасан?
Биринчининг жавоби:— Касбим — багбонлик!
Иккинчисин жавоби:— Касбим — багбонлик!

¹Ҳазар — Каспий денгизи.

Бири сўрар:— Ай гардаш, ҳарда дуурсан?
Иккинчи дер:— Ҳай қардош, қайда турасан?
Биринчи дер:— Ман «Ленин» колхозиданман!
Иккинчи дер:— Мен «Ленин» колхозиданман.
Тўлқинлар ўйнаб турагар Ҳазар устида,
Гўё улуг йўлларда — кўпrik остида.
Тўлқинлар қайдан билсин,
Била олмайди!
Икки дўстни бегона ажратолмайди:
Бу турганинг қай бири озарбайжонлик,
Суҳбатдошининг қай бири ўзбекистонлик?!
Даставал қулоқ солиб уларга, секин
Гапларин тушунтирай дегандим... Лекин —
Қарасам тил тошишган дўстлар бегумон.
Уларга нега керак тагин таржимон?!

1960

ҚУЁШНИНГ ЙЎЛИ

Қуёш ўз йўлидан
Янглишарми?
— Йўқ!
Мавсумлар навбати
Адашарми?
— Йўқ!
Май келмай қолурми
Бирон марта?
— Йўқ!
Кундузнинг юзида
Борми парда?
— Йўқ!
Қувончлар ва тўйлар
Элга хуш кепти!
Шоирлар қуёшни
Кўп мадҳ этибди!
Азиз Май, севгили айёмсан
ўзинг!
Чунки севгиларга илҳомсан
ўзинг!
Сен ўзинг бир қизсан,
Ешликка адаш.
Чеҳрангда қизиллик,
Кўнглингда оташ!
Бизга, ионъ сари
Оқ йўл тилагин!

Кияйлик ёз фаслин —
Юпқа күйлагин!
Бизни севинтиргин,
Кулдиргин, эй Май!
Құшиқлар янграсин
Ұлкада тинмай!
Хали биз сен билан
Күришармиз-ку!
Хар хил ютуқларга
Эришармиз-ку!
Хар гал ёшимизда
Ошса ҳам бир йил,
Биз сенга, биз Майга
Тенгқурлармиз, бил!

1960

ИЗЛАР...

Денгиздаги оқ қўпиклар
силкитар оқ рўмолларини,
Гўё мени табриклар,
ёки менга «хайр!» деб айтар.
Ким тушунсан уларнинг сигналларини!
Денгизларниң саломида икки маъно бор:
«Хуш келдинг!»
«Оқ йўл сенга!»
Қайси бирин ёқтирсанг
Ўзингдадир ихтиёр.
Шу туфайли кўп кезаман соҳилларда мен.
Чунки нуқул соҳиллар —
сафар ва йўл ва кема,
кўз ёши, бўса, нағма
кайфиятин тұғдирар.
Иод ҳиди келади
бўз тўлқинлардан.
Шу сабабли бу денгиз —
«Қаҳраболар денгизи» деб аталар.
Соҳилларда кезувчи ўпкасига
тўлар сарин бир ҳаво,
ҳар ютуми сершифо.
Денгиздаги бўз сувлар
кўз ёшидек тиниқдир,
соҳилдаги оқ қумлар
гуруч қадар аниқдир.

Бу қумларнинг устида босилган муҳр каби
одамларнинг оёғидан нақшлар.

Одамлар... Одамлар
из қолдириб, сўз қолдириб
ҳамиша қадам ташлар.

Мана: шошқин қадамлар,
Туфлисининг изларидан аёнки,
ёш бир хоним ўтиб кетган бу ердан.
Балки узоқ шаҳарлардан бунга келган

бир меҳмон,

Балки севги ваъдасига
талпинаётган жонон.

Мана, чуқур, оғир излар —
ўнг оёқнинг излари.

Унга ёндош тупроққа
Ўйилгандир бир таёқнинг излари.

Демак, битта инвалид
ўтган бу ердан:

Тинимга чин мустаҳақ мўйсафид экан.

Балки йитган оёғи Неманинг қиргогида,

Балки Брест қалъасин қуршаб олув чогида.

Тагин, ҳарбий этиклардан қолган излар бор.

Бу совет аскарларин юрганига исботдир.

Дам олинг, роҳат топинг,
менинг соқчиларим!

Бу — уйқусиз тунларнинг эвазига

Ватаандан мукофотдир.

Кичик, увоқ одимлардан енгил излар бор,

Бирон бола ўтгандир шоду қувноқ, баҳтиёр.

— Улгайгин ўғилгинам, эркин нафас

олиб юр!

Сенга сурур!

Сенга нур!

Оғир-оғир қадамлардан қолган излар бор.

Юра-тура хаёлланиб кезган,

ошкор.

Бу бир олим ёки шоир бўлган бегумон,
Уфқларни кузатиб завқ олган ҳамон...
Ўтиб кетган одамлар ҳар қайси бир хаёлда.
Ҳар бирининг бир умри,
Бир толеи,
Бир умиди.
Уларнинг номи нима?
Улар ким эди?
Улар бизнинг одамлар;
ватандошлар, ҳамдамлар.
Ҳар бирида бир якун,
Ҳар бирида бир режа.
Ҳар бирининг тилагида
айтилмаган мундарижа.
Бири балки жўнаган
денгизга чўмилгани.
Бири кетган ўрмонга
даражтлар аро ётиб
кўкатга кўмилгани.
Бири қайтиб етгандир уйига,
бири тарих музейига...
Бири кетган томошага жуфт бўлиб,
Бири эса ёр васлига
етолмасдан хит бўлиб...
Бу изларнинг ҳар қайсисида
бир инсоннинг сурати.
Чунки дунё йўлларида ҳар киши
ўз шахсий услубида
юради.
...Аммо қумлар кўчади,
Қумда излар ўчади.
Лекин бўлақ излар борки, яшар умрбод.
Излар борки,
нашъянгизни айлайди барбод.
Излар борки, қилиб қўяр
кўнглингизни шод.

Яхшилик ва ёмонлик,
құрқоқлик, қаҳрамонлик,
таҳлика ва омонлик,
юракдаги қувончли хотиралар
ёки битмас яралар...
Мана булар,
бу излар —
дунёмиз уммонациинг
соҳилидан кўчмайди.
Чунки инсон зеҳнидаги
ёдламоқ истеъдоди
ҳали-ҳали ўчмайди.

Болтиқбўйи, 1961

НАМАСТЭ, ҲИНДИСТОН!

Намастэ, намастэ, муazzам диёр,
Шаънингга яраша латофатинг бор.
Эркни деб кўп дардга сен бўлдинг дучор,
Сенга мен меҳримни қиласай деб изҳор —
Хат-патга овора бўлмайин зинҳор,
Шахсан қалбим олиб ерингга келдим.

Бегона эмасдир қалбим ерингга,
Ўсмирлик чогимдан дўстман шеърингга.
Қойилдим мармарда қотган шерингга,
Роестгўй Тагорингга, жасур эрингга.
Гўзаллик бобида эзгу пирингга
Бугун таъзим қилиб ерингга келдим.

Оlamга машҳурдир афсоналаринг,
Усталаринг қурган кошоналаринг.
Кўкларга ялиниди бутхоналаринг,
Дилларни овлайди тароналаринг,
Кўз ёши забаржад сагоналаринг...
Дўстлик созин чалиб ерингга келдим.

Дўстлик яхшилик тилар ҳар бир нафасда,
Саломат бўлгину бўлмагин хаста.
Бизнинг элда дерлар дўстга шу гезда:
«Гул бўлу булбул бўл, бўлма қафаеда!»
Намастэ, Ҳиндистон, салом, намастэ,
Кўлинг сиқмоқ бўлиб ерингга келдим.

БҮЛБУЛ

Ногоҳ чангалзорда сайради бир қүш,
Бу қандай қүш экан, бу қандай товуш?!
Бу ширин «чаҳ-чаҳ»лар менга кўп маъқул,
Бу-ку, ўзимизнинг ошнамиз булбул.
Юз йиллаб таърифин унинг ўқидик,
Бу ҳақда ўзимиз газал тўқидик.
Уни Шарқимизнинг гул боғларида
Тингладик оқшому тонг чоғларида.
Худди бизнинг булбул, азбаройи ҳақ!
Булбул эканига шубҳа йўқ мутлақ!..
Чехослав элининг хонанда қуши,
Бизнинг ошиқларнинг эзгу таниши.
Айнан Ўзбекистон булбулидек у
Сайрарди бир кумуш булоқ бошида.
Куйида чаманга ҳасрату орзу,
Гул балки уч қунлик, у уч ёшида.
Ўрта Европанинг булбул ҳофизи,
Ўрта Осиёда бордир эгизи.
Аммо икки бодга ҳар икки булбул
Миллатлар, қитъалар, ирққа қарамай
Севгини тараниум қилишар бир хил,
Гуллар қадаҳидан шимиради май.
На Фарб шеърияти, на Шарқ газали,
Шу учун булбулесиз ярала олмас.
Гўзаллик расмидир бу ҳол азали,
Булбул йигламаса гул яшнаб кулмас.
Сайрарди ўша кун Карлови Варида
Чехларнинг булбули ўрмон бағрида —

Хижрон қайгусини, висол лаззатин,
Гулнинг, гўзалликнинг қадрин, иззатин.
Дунё булбуллари ҳамдард, ҳамнафас,
Уларга таржимон керак ҳам эмас...

1961

СОХИЛДА ЎЙЛАНИШЛАР

Соҳил иуқул одамзодга
Тафаккурни, ўйлашни талқин айлар,
Ер юзида ҳар хил, ҳар хил жойлардан
Фалсафага кўпроқ мойил бўлган жой —
Соҳиллардир, соҳиллар!..
Соҳиллар — файласуфлар.
Улар инсон зеҳнига
муаммодан сўз сўйлар.
Соҳиллар хотирлатар ҳамиша
ҳаёт — ўлим низосининг кулфатин,
ўткинчилик ва мангалик нисбатин,
ҳижронни ҳам висолни,
ўтмишни, истиқболни,
узоқ — ўзга юртларники,
кўролганим йўқ.
элларники,
кўриб узоқ туролганим йўқ.
...Ўтирибман яна соҳилда.
Бу —
сув билан қуруқлик ўртасида чегара,
(Узилмайди лабларимдан сигара.)
Бу ёқ — ўрмон,
Бу ёқ — сув.
Бу ёқ — денгиз,
Бу ёқ — қум!
Оёғимнинг тагида ювош денгиз бор,

Эркаланиб у қўлбола мушукдек
яламоқчи бўлар товонларимни.
Сайр этаман булатларнинг карвонларини.
Кўринмайди денгизда биронта тўлқин.
Фақат бордир балиқчи қайигининг нуқтаси,
сув устида хол каби.
Фақат бордир чайкалар қийқириги,
үфққа савол каби..
Гўё мовий ялангликдир уфқлар,
Уфқларга бошин ёстаб сув ухлар.
Фақат денгиз нафасининг нозик буглари
тутилади
сигаранинг оппоқ дуди сингари.
Ўйлайманки, бу кўрфазнинг сувлари
Дунёдаги барча денгизлар билан,
Денгизлардаги ҳовузлар билан,
ҳамма уммонлар, бўғозлар билан,
ҳамма қўлтиқлар — кўрфазлар билан
дўстдир, қариндошдир, яшар ҳаминафас,
уланиб кетгандир бари чамбарчас.
Кариб денгиздаги эркин тўлқинлар
Адриатикнинг мовий сийнаси.
Сариқ денгиздаги тез оқиндишлар
Қизил денгизнинг иссиқ танаси.
Қора денгиздаги қора мармарлар
Оқ денгиз белида совуқ камарлар,
жаконий океан фарзанди бари,
барининг бир тарзда савиялари.
Агар билмоқ истасанг сен уларнинг меъёрин
ўлчаб кўр шу кўрфазда даражалар миқдорин.
Худди шундай: шоирнинг юраги ҳам
узоқ-яқин
башар зотига ҳамдам.
Худди шундай: шоирнинг байтлари ҳам
дунёнинг дардлари ва ташвишига,
зафари, кураши, интилишига,

ұар жой, ұар рангдаги истакларига
ростига, тушига, әртакларига
очар кенг бағир
меъёр-ку, ахир!

1961

БОМБАЙДА

«Осие ғевони»дан

Бу шаҳар зиддиятлар макони балки,
Йўқсили ғоят гадой,
Бойи ғоят бой.
Биз билан кезиб юрган гидлар айтарки:
Етти орол устига қурилган Бомбай.
Кўчаларда Осиёнинг оловин ютдик.
Боғлар кезиб айландик бозор — расталар.
Ҳашаматли саройлар олдидан ўтдик,
Йўлакларда ётганда уйсиз хасталар.
Муаттар чой ичилди чиний қадаҳдан,
Қовун узиб бердилар бизга дараҳтдан.
Гарчи етти оролга қурилган Бомбай,
Ороллар-ку кўчмайди. Бу жой — эски жой.
Нималарни ўйладим билсангиз, у дам,
Эсладимки, етмиш йил бундан муқаддам —
Бу ерда жаҳонгашта битта саргардон
Хўқандлик бир мусоғир юрган экан-ку!
Шу музейлар, шу деңгиз, бу боғи майдон
Гувоҳдай у йўлчини кўрган экан-ку!

Бошпанасиз қувгинди бўлган у ночор,
Фурбатчилик ғуссаси ёғандир дилга.
Биз бўлсак меҳмонлармиз, иноқ, ҳамдиёр,
Ичимизда уч шоир, етти олим бор,
Ва қўнганимиз энг зебо, кўркам отелга,
Дастурхонда кўп лазиз таомлар тайёр...
Биз муazzам давлатнинг панасидамиз,
СССРдек ўлкадан намояндамиз.
Фарғонасин соғиниб бўлди у аброр,
Тошкентнинг ҳасратида ёзди номалар.
Умри бўйи ватан деб қилди оҳу зор,

Аммо қайтиш бўлмади унга мұяссар.
Биз эсак, қисқа вақтга келдик бу ерга,
Ватандан рухсат олиб чиқдик сафарга.
Мактабда дарслар аро танаффус каби
Саёҳат ҳам биз учун тиним талаби.
Биз тез кунда қайтамиз ўз шаҳримизга,
Шошиламиз, оҳ, қачон келар муҳлати —
То боғаймиз тупроғин шу бағримизга!
Чунки ошар ғурбатда юрт муҳаббати...

У жаҳон йўлларида «адашдим», деди,
У ҳуррият изловчи бир ошиқ эди.
Истамбулни қидирди. Юнонда кезди,
Ўтиб Миеру Ҳижоздан Ҳинд сари сузди.
Аммо одам авлодин кишанда кўрди,
Булбулини вайронна гулшанда кўрди.
Бизлар эсак келганимиз эркин диёрдан,
Бир диёрки, эрк деган парига ватан.
Шиоримиз: қардошлиқ, аҳиллик, ёрдам.
Бу диёрни кўрмади ул гаріб, аттанг!
Ҳа, шуларни эсладим Бомбайда у дам,
Таққослашга мойилдир одатда одам.

Гарчи етти оролга қурилган Бомбай,
Бу муҳташам қасрлар пойдевори лой.
Уни юртдан қувгандага «фалакнинг чархи»
У фақирди. Шеърнинг маълумдир нархи.
Шоир эди, шу учун балки, ноилож —
Чайнар эди виждонин дунёнинг дарди.
«Майда пулга», афеуски, доимо муҳтоҷ,
Кўз ёшин сиёҳ қилиб газал битарди.
Бомбайда уни эслаб бўлдим мен дикқат.
Ўзим меҳмон бўлсанам-да, әсимни фақат —
Меҳмон бўлиб банд этди Зокиржон Фурқат.

Бомбай — Тошкент, 1961

УФҚЛАР...

Ү... нақадар зумрад уфқлар...
у ердаги күк соҳилларда
Фирузаңг күрғаз чайқалар
Ва ҳаворанг нагмаларнинг
мовий нақаротлари
куйланади тилларда.
Яшамоқ керак, биродар, яшамоқ!
Уфқларни умиднинг ишқи билан
қуршамоқ!
Яшамоқ керак, биродар!
Ва кезмоқлик у боғларда баробар!
Яшамоқ керак камида
Асримизнинг то кетигача;
Хатто яшаб йигирма биринчи юз йилликнинг
муаттар кўкламида
Ўқисак ҳаёт китобин юзинчи бетигача...

1961

ЙИЛЛАРНИНГ САЛОМИН ЙИЛЛАРГА ЭЛТИБ...

Йиллар ўтиб кетар биздан сўрамай —
Якшанба, душанба, сешанба каби.
Кундузлар тунларнинг сочин тарамай
Ўполмас тоигларнинг пуштиранг лабин.
Ҳа, йиллар ўтади, замон кетади,
Сен ва мен қоламиз азиз биродар,
Юрт қолар, эл-улус қолар абадий,
Ва биз қувонч ташиб почталъон қадар
Йилларнинг саломин йилларга элтиб,
Борамиз йўллардан-йўлларга ўтиб.
Инсон бир шаҳардан бўлак шаҳарга
Кўчиб борганида нелар ўйларкан?
У ерда қолдирган кўприкни, богни,
Кузатгани чиққан эски ўртоқни.
Бир йилдан иккинчи йилга кўчганда
Неларни ўйлаймиз, биродар, бугун?
Муаззам ютуқлар эсга тушганда
Юраклар яшамоқ ҳақидан мамнун.
Бу йил осмонга етди бошимиз,
Фазода учаркан ватандошимиз.
Улуг қурултойда қатнашган вакил
Мандати устига ёзилган шу йил.
Кенгайиб оламда эрк харитаси,
Узилди кўп ерда кишанлар манҳус.
Гарчи фожианинг сўнгги пардаси
Мардларнинг қонига бўялган, афсус!

Йилни нима билан ўлчамоқ мүмкін?
Уч юз олтмиш беш күн дейиш биланми?
Йиллар бир-бирига тенг келармикан,
Замон күн соними ёки планми?
Ха, ўртоқ, шу бир йил құттарған юкка
Арзир ҳавас қылса етім асрлар.
Шундай бино солди у яхшиликка,
Олдіда боп әгар мармар қаерлар.
Елчитиб ишлади коммунизмга,
«Рахмат!» шу ишчига, дүст йилимизга.
Мукофот одамға хосдур одатда,
Вақтга инъом беріш ҳозир расм әмас.
Лекин ихтиёрим бўлса, албатта,—
Шу йилнинг хизматин санаб рўйирост
Пенсияга чиққан устага ўхшаб,
Уни мен гулларга, олқышга қуршаб:
«Эътиборга олиб зўр меҳнатини...»
Кўксига илардим меҳнат ордени.
...Инсон бир шаҳардан бўлак шаҳарга
Кўчиб борганида нелар тиларкан?
Хиёбон йўлларни, шинам уйларни,
Ишнинг баракасин, янги куйларни.
Бир йилдан иккинчи йилга кўчганда
Неларни тилаймиз, биродар, бугун?
Истаймиз у ерда биз кўришгандা
Дунёни тинчликда қўрайлик бутун.
Йўллар ва ақллар келтирсии қувонч.
Тогдай маҳкам турсин шу Ватан — таянч,
Ва рақамлар тилга кириб куйласин,
Тиллар-чи: рақамдай ростгўй сўйласин.
Янги йил оширесин фикр ўтини,
Ишчининг, куйчининг қалб әҳтиросин.
Бор экан ҳукамо панди — удуми;
«Фарзандлар орттиар ота меросин...»

ХОРАЗМДА ҚИШ БҮЛМАС ЭКАН

Хоразмда қиши бүлмас экан,
Бүлса ҳамки, умри гоят оз.
Хоразмни «Кун ери» деган —
Лугатчилар айтган экан рост.
Осмон тиниқ, шаббода илиқ,
Пахтасини ушласанг агар
Бармоқларга юқар иссиқлик,
Ва юракка қувончлар чўкар.
Бу ўлканинг асфалът йўллари,
Байти беҳад, узун қасида.
Ёлгизлиқдан безган кўллари
Бир-бирига энди пайваста.
Уста қизлар, гиламдўзларни
Олқишиладим оқшом чогида.
Ерга қўнгани оқ юлдузларни
Кўрдим унинг шан тупрогида.
Кўллари гул, чевар теримчи
Ўлка аро илғор, бириинчи...
Тиймоқ учун дарёни бу гал
Бел боғлабди шоввозлар қаттиқ:
«Ҳай ёшуллу. Дарё, ҳай, қайсар,
Бўйсунасан бизларга ортиқ!..»
Хоразмда қиши бүлмас экан,
Бүлса ҳамки, умри гоят оз.
Хоразмни «Кун ери» деган —
Лугатчилар таъбири кўп соз.

Шу мавридда бергандим савол,
Сабабини англатди бир чол;
«Бу ер халқын қалбіда ҳар дам
Ёнаётган олов ваҳмидан
Киш ҳайиқиб, ўзин йўқотиб,
Пана излаб коризга кирган,
Чуқур чоҳлар тагида ётиб,
Совуқ зугмин унда яширган.
Шу туғайли сувлар қудуқда,
Бизнинг элда шунчак совуқ-да!»

1961

ФОНУСЛАР

Деҳлиниң бөгләрида рангии фонуслар...
Бир қирраси қип-қизил, ул бири зангор.
Ярқирайди ҳам қизил, ҳам яшил туслар,
Гүёки бир фонусда иккى нур ёнар.
Қизил рангдан гуллар ҳам күринур қизил,
Яшил рангдан йўллар ҳам күринур яшил.
Аммо, афесус, бу яшил ва қизил ранглар
Фонуснинг ойнасидангина таравалар.
Бу ранглардан ўзгача кезар ноилож,
Очликдан ранги ўчган, қорайган, қонсиз,
Садақага қўл очган, озгин, ялангоч
Тиланчилик овора ва хонумонсиз.
Улар кезар фонуслар теварагида,
Нон ва ётоқ орзуси бор юрагида.
Юзларига қўнгандан яшил пардалар,
Гүё қимирилаётган сўлгин мурдалар.
Юзларига қўнгандан қизил зиёлар,
Кўзларида газаблар қонга бўялар.
Бой тупроқнинг бемерос, ўгай авлоди.
Улар кимлар? Ишлашга ташна беишлар,
Хазиналар устида ётган дарвишлар,
Ерга эса кор қилмас улар фарёди...

...Деҳлиниң бөгләрида рангии фонуслар,
Бир қирраси қип-қизил, ул бири зангор.
Аммо ерда — тупроқда қаторма-қатор
Қора ранглар ва рангсиз гадойлар ётар.
Ү рангларни қолдирган абллаҳ, зулмкор,
Багритоп қелгинидилар, у беномуслар...

ТОВУШЛАР

Шўртепанинг алоҳида бир гашти бор кечаси...
Алалхусус август чоги
Ой сузилиб куларкан.
Гўё асал денгизида бутун водий,
Тоғ ва йўллар нур ичида чўмилар.
Аммо бу ер беморхона,
Мен хаста.
Дарду даво пайваста.
Хиёбонлар орасидан яшил йўллар кўринар,
Аммо бунда касалмандлар кезолмайди. Йўқ!
Ой жилмайиб чақиради чаманга,
Сой йўталиб чақирап анжуманга,
Булбулу гуллар эса
Соҳилдаги зиёфатга, меҳмонга.
Аммо... Аммо бу йўллардан,
Бу хилват, сокин йўллардан
Хаста киши боролмайди...
Кўп аттанг!
Унинг-ку, боргиси бор,
албатта;
Бироқ золим касалликнинг ўз иплари бор,
Ҳар бир беморхонанинг табиблари бор.
Ундан кўра хастага
Кўрайдин тунлар маъқул.
Кўрмайсан, лекин әшиятасан олами,
Кезмайсан, лекин сезасан олами.
Разм солиб тинглайман...
Болохона,
Айвонда
Менинг ётогим,

Ҳар товушнинг бор ҳикмати ва ўз сабаби,
Борлиқдаги барча ҳодиса каби.
Ана кўппак эснаб-эснаб увиллайди,
Демак, ҳозир ўтиб кетди уйига томон
Шаҳардан қайтаётган бир боғбон.
Ана машинанинг ўлчовли нафаси,
Бугун шанба:
Шаҳардан боққа келди бир меҳмон.
Ана девор орқасидан,
Балки жар ёқасидан
Ҳаволанди ашула:
Оҳ ила, қайгу ила
Уни айтар бир йигит,
Ёр кўйида бўлиб хит.
Нақадар зулмкорсан, эй муҳаббат!
Ухлатмайсан ошиқни,
Ухлатмайсан қўшиқни.
Ухлатмасанг ошиқ билан қўшиқни,
Бу майли!
Ухлатмайсан bemорларни;
Ухлатмайсан мени ҳам —
Хотиралар қўзгатганинг туфайли.
Ана товуш:
Синчалаклар чийиллар,
Чигирткалар чарчамасдан чириллар.
Ажабо,
Бу шўх махлуқлар
Қай соатда тинч ухлар?!
Зотан, бу жониворларни
Зўрлаб ётқизадиган
Докторлар йўқ чамаси.
Ё умуман улар касал бўлишмас;
Дарди бўлмас андишасиз махлуқнинг.
Ё туну кун уларга бир ҳаммаси,
Ёки уйқу нималигин билишмас.
Ана бошқа товушлар бор ҳовузда,

Вақырлар құрбақалар,
Сувда жимлик йўқолар.
Тавба, булар шунча ҳам бегам,
Аҳмоқона шавқ ила хуррам.
Бу ҳовуз улар учун ягона олам:
Тугиши бунда,
Кўпайиш бунда,
Ўлим ҳам бунда,
Сира сузиб қийналган эмаслар
Тўлқинда.
Вақт ўтади бир лаҳза, бир дам...
Қаҳқаҳалар янграб кетар олисдан,
Бозор томонда.
Хирилдоқ бу қаҳқаҳа кимники?
Бу чамаси, бир сархушники...
У жимиди. Ўчиб кетди.
Ёки уни олиб кетдилар —
Шериклари уйига,
Мунтазир хотинчаси олдига.
Визиллайди әнди ювош шаббода.
Товушида уйқуларнинг
Ипак хиромонлиги,
Ёки иноқ оиланинг
Майин меҳрибонлиги.
Бу нагмани бирдан босар йироқдан
Қоровулнинг нидоси:
—«Ким керак?»
Йўловчидан йўқ дарак...
Фақат бу саволнинг акс-садоси —
«Ки-ким ке-раааак...»
Бориб қўнар теракларнинг шоҳига.
Унга ҳамроҳ бўлиб ишлар тинмасдан
Худди тўғри соат каби дам олмай
Кичик ирмоқ — Чирчиқ наҳрин синглиси,
Элга қиласар хизмат у.
Шариллайди сувлари ширин-ширин,

Энг ёқимли таронадек,
Гўдакликдан эсда қолган
Сеҳрли афсонадек.
У шундайин мунтазам оқадики,
Унинг товуши ҳам одат бўлиб синггандир
Қулоққа
Юракнинг тепишидек.
Сонияларнинг бири бири кетидан,
Гўё сукут туғилади шу бир хилликдан,
Лекин йўқ!
Сукут қайта бузилди
Хаётдаги сахийликдан.
Трактор тариллайди далада.
У сахарни иш бошида кутмоқчи
Албатта...
Товушлар... товушлар...
Хастанинг қулогига келиб етар
Яқиндан, узоқдан,
Ҳар ёқдан.
Товушлар бор, демак, ҳаёт бор.
Товушлар бор, демак, йўқ ўлим.
Товушлар бор юртнинг тунида,
Демак, жон бор унинг танида.
Демак, биз ҳаммамиз тирикмиз,
Тириклика эса тиним йўқ.
Умидворман, умидворман, муқаррар:
Ҳеч қаерда,
Ҳеч қачон
Яхши инсон ўлмайди,
Упутилмайди.
Шунча мадор, севинч ва шонч
Қуйиларки менинг хаста танимга —
Розиман бутуи куррамиз учун
Бир карра мен тортсан барча дардларни.
Агар мумкин бўлсайди бу...
Аммо бу амримаҳол.

Яшамоқ керак курашмоқ учун.
Курашмоқ керак буюк гояга
Эришмоқ учун.
Товушлар, сиз тинчиманг, сизга муштоқман!
Англайманики, энг яхши дори хастага —
Хастанинг табибга эътиқодидир,
Ҳаётнинг ўлмаслик эътиқодидир.
Эшитилар яна товушлар:—
Ҳа... бу навбатчи докторнинг
қадамлари.
Ҳа... Кўзларни юмиб «ухламоқ» лозим.
Кўзларни юмиб уйғоқ дунёни
Тингламоқ лозим!..

Шўртепа. Беморхона, 1961—1962

ПАРТБИЛЕТ

Қўйнимда —
кўкрагимнинг тўрида,
юрагимнинг қошида,
гўё барча дадил фикрларимнинг,
сафда юрган тирик шеърларимнинг
дебочаси ўрнида,

яъники сўз бошида —
шу кичик алвон китоб:
юракдошим —
партбилетим.

Ҳаёт, дўстлик эшикларин
очадиган қалитим.
Кўп эмас бу китобга ёзилган сўзлар;
аммо олам қадар вазмин, серсавлат,
тарих қадар бадавлат,
қўшиқ қадар ёқимли,
тонглар қадар ёлқинли,
ростлик қадар сервиқор —
«Бутун дунё пролетарлари, бирлашингиз!»
Устоз Маркс қўли билан ёзилган
бу шиор.

Бу менинг башарий вазифам, ғоям.
Умримга сарлавҳа, мазмун ва якун.
Кишиликни бир бутун оила билмоқ
ҳам ташимоқ уйқу билмас ҳассос юракда
курамизнинг нашъалари,

ва дардлар юкин...

Бир хил гулни ёқтирасою шоирнинг дили,
бўлак гулни ёқтирмаса
ким нима дейди?!

Аммо мангу камалакда етти хил тус бор,
Ҳаммасига кўзларим хуштор.

Шундай, инсон ирқининг ҳамма хилини —
оқ ва қора, сариқ ва қизилини
эҳтиром билан кузатмоқ лозим.

Дунёмизнинг шу эски хонадонини
ранг-баранг инсон билан безатмоқ лозим.

Меҳнат аҳлини бирлигин қўлламоқ,
ер юзини бир юлдуз деб англамоқ,
чин инсонни қардош деб қучмоқ,
баҳордаги ёмғирларга қулочни очмоқ,
мева дараҳтини, оппоқ булатни,
Кремль минорида беш бурчак ёқут
юлдузларни, булоқларни,
тирик қўшиқларни, онани...

Алҳосил: ҳаётни, инсонни сўймоқ,
башарий севинмоқ: башарий қуймоқ.
Билетимда ёзилган иккинчи таъбир:
«Совет Иттифоқи Коммунистик партияси».

Бу хат устоз Лениннинг хатидир.

Менинг хизматимни эслатар ҳамиша.

Чунки мен —

Коммуна карвонининг бош кемасида сузаман.
Шу учун —

энг биринчи жавобгарлик сезаман.

Ҳар бир ишим кўмак бўлмоги лозим —
халиқимга, элимга, юртдошларимга...

Ҳар сўзим ўрнак бўлмоги лозим —

Кореяда, Болгарияда қардошларимга...

Билетимнинг номери — нолу тўққиз ва ҳоказо...

Қисқаси саккиз белгили бир рақам.

Демакки,

миллионлик уюшмага мен аъзо.
Бу китобда ёзуғлик исемим, фамилиям.
Демакки,
мен ёлғиз эмасман оламда.
Тоғлардек таяиган суюнчигим бор.
Демак, мен лозимман бу партияга,
бир томчи ўзи ҳам дарёга даркор.
Лозимман шеърим билан,
ўйим, шуурим билан,
«Коммунистнинг умри — коммунанинг умридир»
деган шиорим билан.
Шу билет узоқ йўлда қўлланма,
Коммунизм равшан уфқларига
борадиган йўлчиларга йўлланма.
Шу билет орқали менга қардошdir,—
коммунист космонавт Юрий Гагарин.
Баралла жар чақираман бугун —
балли Совет коммунистларига!
Қардошларимга оғарин!
Республикам шарафии улуглаётган
пахтакор коммунист билан ман
захмат чекаман, мукофот оламан,
гоҳ севинаман, гоҳ қийналаман,
бирга ёзамиз замона дафтариин...
Қўлимдаги шу партбилет!...
Кўпdir унинг уруғи — хеши.
Коммунистлик ҳужжатин олиб юрар
менинг дунёмда
қирқ миллион киши.
Бу билетда ёзилган чақириқ туфайли
иноқлашиб, ахиллашади
диёрларнинг меҳнат аҳли,
янги бино қураётган ишчилар,
муҳаббатнинг диёрига йўл олган
курашчилар...
Ифтихор-ла очганимда билетимни ман

сўзлашаман президент Хо Ши Мин билан,
сайр этиб кезаман Ханой шаҳрини,
Чилида ўтириб мунаққаш айвонда
тинглайман —
Пабло Неруданинг эркин шеърини.
Эшитаман —
жаҳоннинг энг кекса инқилобчиси —
XIX асрдан бери коммунист
Елена Стасова оғзидан
Ленин ҳақидаги таассуротин.
Парижда коммунист Пикассо —
давримизнинг буюқ рассоми,
ўз инхонасида менга танишириар
оқ кабутарлар суратин.
Луис Карлос Претес —
Бразилия Компартияси котиби,
афсонавор қаҳрамон,
енгилмас инсон,
менинг маслакдошимдир ва ўргонимдир
энг қадим оғайнини каби.
Қучоқлайман —
индонез қайиқчисин,
Япония балиқчисин,
инглиз кўмирчисин,
Туниснинг теримчисин.
Биз ҳаммамиз коммунистмиз, ҳамма биродар,
инсоният поясида тенгу баробар...
Биз ҳаммамиз жаҳоний уюшмага аъзомиз.
Курапш — бизнинг тупроғимиз,
ёруг иқбол — фазомиз.
Биз ҳаммамиз, ҳаммамиз
битта улуг оҳангда куй айтамиз.
Ҳар биримиз ўз тилимизда,
аммо барчамиз жўр бўлишиб дилимизда
айтиб турган биринчи нағмамиз —
ўлмас «Интернационал...»

У ёдаки зарбулмасал.
Яхшиликнинг
ва мардликнинг партияси партиям.
Кишиликнинг,
жўмардликнинг партияси партиям.
Жавобгармиз бу дунёга, инсониятга,
жавобгармиз, биз бу қунга, эртаги қунга.
Ойга, кўкка, китобларга, маданиятга,
ўрмонларга, уммонларга, тонгта, тўлқинга.
Хуллас қалом,
коммунистнинг ҳуқуқи бугун
тақдирларга кўпроқ масъул бўлмоқлик ҳаққи.
Чиқиб қолса муаммо —
устоз Маркс ҳузурига,
устоз Ленин ҳузурига
чиқиб бориб маслаҳат сўрмоқ.
Жилдариининг варақларига,
маърифатнинг хоналаридек
журъат билан бемалол кирмоқ!
Ҳамма гап шу: бошقا гапим йўқ.
Бироқ,
шу вазифаларни бажо келтирмоқ
шу ҳақда оғзаки айтгандан кўра
хийла қийинроқ!

1962

БИНАФША

Үйларнинг томида бор ҳали қор шиша,
Музлайди февралнинг календарь барглари.
Мен сенга келтиридим бир даста бинафша,
Бир даста бинафша... Вассалом... Шу бари.
«Эҳ, арzon совға!» деб қуларсан, билмасанг,
«Менга?!— Ҳа» қувониб оларсан, англасанг!

Чироқлар базмида, ҳашамат, нур ичра
Эртак парисидек қилганда сен жавлон,
Юзингга тикилиб боқолмайман сира.
Ўгринча бир қараш, фақат шу... Вассалом.
Бу сенга лоқайдлик туюлар, билмасанг,
Бу ўйлар айнимас севгидир, англасанг.

Сен билан хилватда дунёга эгаман,
Ҳисларки, қалбимда тиқилинч, издиҳом.
Сенга-чи? Гапира олмайман нега ман?!
Фақат «ҳа» деган сўз... Бир бўгин... Вассалом.
Бу балки гўлликдир, агарда билмасанг,
Бу соқов ғазалдир, сукутни англасанг.

Бинафша... Камтарлик... Ва сукут — ҳеч бири
Кибрли кўзларда маънога бой эмас.
Локин бор уларнинг ахир ўз томири,
Қийқириқ — куй эмас, кўпиклар — сой эмас...
Бинафша! Бинафша! Оҳ, умринг шунча оз!
Аммо сен гул фаслин бошлийсан, дилнавоз!..

ШАМОЛНИ КҮЗ БИЛАН КҮРИБ БҮЛМАЙДИ

Шамолни күз билан күриб бүлмайди,
Унинг на ранги бор, на қиёфаси.
Рассом ел суратин сола олмайди,
На эни-бўйи бор, на масофаси.
Аммо ўткир кўзли моҳир санъаткор
Лавҳада шамолни кўрсатар бизга.
Суратда на оқим, на тўлқинлар бор,
Аммо ел ошкор кўзларимизга.
Нега?

Бу қандай гап?

Қаерда сири?

Шамол йўқ, кўринар аммо таъсири.
Лавҳада дарахтлар чапга этилган,
Шохлари жанубга қараб букилган.
Мўридан тутунлар буралиб қалқар,
Аммо таноб тортиб жанубга оқар.
Лавҳага қарайман, англайман тамом;
Демакки, шимолдан жанубга қараб,
«Пўшт», пўшт!» деб ўзига очиқ йўл сўраб
Эслан бир шамолни яратган рассом.
Кунчиқар уфқидан қалқдан офтоб
Нурларин ювади шамолда шу тоб.
Нашъали ишчисан, баҳорги шамол,
Юртнинг йўлларини супурувчисан.
Тириклик юкини ортган зўр ҳаммол,
Тургунлик деворин ўпирувчисан.

Ишиңгни боплайсан ёзиб қулочинг:
Сувларни ўйнатиб, чивинни қувиб,
Чаманлар қўйнини губордан ювиб
Силайсан сен бедор ошиқлар сочин...
Қушларни уйғотиб, туманин қўзгаб
Очсан дераза пардаларини,
Севгилар юкланган отингни шигаб
Топтайсан хусумат зардаларини.
Йигитлар уйқусин олиб қўясан,
Қизларнинг қалбига согинч қуясан...
Сен ўз вазифангни қиласан адо,
Ваъдабозлик қилмай, мақтанмай асло.
Ҳавасим келади тўлқинларингга,
Ва баъзи ишёқмас ёзувчилардек
Асар ёзмай юриб олмайсан бўнак.
Эй, баҳор бағридан туғилган шоввоз,
Кўз ташлаб меҳнатинг якунларига —
Ишларда қоматинг кўраман паққос,
Биламан, ҳар қалай ҳаво-ю ҳавас
Шамол тугдирмоққа кифоя эмас.
Шу учун ҳавонинг қайнапи лозим,
Айғирдек сувлуқни чайнапи лозим.
Қолоқ соатларнинг ёриб ўтини,
Тонгда ловиллатиб замон ўтини —
Эртани қўлтиқлаб ўйнаши лозим.

1962

* * *

Бетинч ҳамда исёнкор одамнинг табиати:
Оппоқ қорни соғинамиз саратон ўлкасида.
Замҳарир қиши мавсумида офтобни излаймиз,
Баҳт дамларин қадирлаймиз қайғуга учраганда.
Афсусланиб хотирлаймиз биз қаригач ёшликни,
Тезроқ ўсиб-улгайишни истаймиз гўдакликда.
Севган ёрдан айрилганда уни куйиб қўмсаймиз,
Биргалик маҳали баъзан ранжитамиз бесабаб.
Шундай экан табиати одамзоднинг, ҳаётнинг,
Зиддиятлар савашида ютқизишлар, ютуқлар,
Имкон билан орзуларнинг қовушмогин истар у,
Гёё тагин иккинчи бир ҳаёт бордай шошилар
Ва биринчи ҳаёт отин қамчи саваб қистар у,
Боғ ва саҳро, жар ва кўприк олис йўлда қўшилар.

1962

КЕЧИР МЕНИ, «МАЙЛИ!» ДЕ!

Ойдин кечамизга шум соя қўнди,
Оҳ, лаънати соя, қайдан келди у?
Шу важдан ой әмас, ошиалик сўнди,
Қаранг-а, арзимас шарпадан қайгу!
Агар лозим бўлса, тиз чўкай ўзим,
Тилимда, дилимда, шу айтар сўзим;
— Кечир мени, «майли!» де!
Кечир мени, майлими?!

* * *

Ўртада ўтгандир гаплар, гийбатлар,
Наинки, гапу сўз ишқ уйин бузса?!
Наҳот, шафтолига тўлган саватлар
Битта қурт туфайли таъмин ютқизса?!
Наҳот, бир дақиқа йилларни енгса?!
Булбул ошёнига бойўғли қўнса?!
— Кечир мени, «майли!» де!
Унут, унут, майлими?!

Уқ, яхшилик майлини,
Кечир мени, майлими?!

Балки мен севгининг жазавасида
Кўзларинг имосин еча олмабман.
Гилосранг лабларнинг жозибасидан
Тириклиқ шаробин ича олмабман.

Бошқатдан бошланса эди йўлимиз —
Бегона қолмасди ишон, кўнглимиз!..
— Кечир мени, «майли!» де!
Узрим эшит, майлими?!

* * *

Ҳаётда гап кўпми, хотираларми!
Кечирмоқ яхшими ёки гиналар?
Жумлада сўзларми ё тиреларми?—
Юрак дафтарида мангу сийланар?
Ахир билмайсанми, қасосдан кўра
Кечирим лаззати ширин минг карра...
— Кечир мени, «майли!» де!
Ўчирир ғамни, «майли!» де!
Ичири майни, майлими?!
Унут жоним, майлими?

1962

СЕН — ЕР ЙОЗИННИГ ШЎХ ТАБАССУМИ!

Кўнглимда барқ урар қувноқ туйғулар,
Дунёда бу куннинг эҳтироми зўр.
Биламан, мен ёлғиз эмасман бугун,
Миллиардлар юраги юрагимга жўр.
Шаҳардан-шаҳарга одимлаб ўтар,
Ўлкадан-ўлкага у юрар илдам.
Қитъадан-қитъага кўчар тинмайин,
Қуёш йўли билан сафардош, ҳамдам.
Шу бугун Деҳлида катта тантана,
Сенегал ўлкаси ўйинга тушар.
Перуда йўқсиллар умидланади,
Бухарест шаҳрида қўшиқлар жўшар.
Аммо давлатлар бор, қўшиқ лабига
Тамгалар босилиб этилган тақиқ.
Эркка ташна, ҳалол юраклар эса
Овоз кўтармайин айтишар қўшиқ...
Ўлкалар ҳамқадам, диллар оҳангдош!
Миллионлар сафини ким тўсолур, ким?!
Баҳорлар фаслида қизил байроқлар
Жаҳон гумбазига тикилар муқим...
Бугун биродарлик, иноқлик куни,
Аммо муҳаббатга ғамхўрлик ҳамдам:
Мени Конго дарди ташвишга солар,
Мени ёдлаб турар занжи шоир ҳам.
Сен равшан байрамсан, Биринчи Майсан!
Гўё Ер юзининг шўх табассуми.

Инесон бахти ва эрклик учун тугилган,
Май — баҳор асрининг сўлмас мавсуми.
Жаҳоннинг гулчиси, боғбони ила
Дейманки, бу ханда бўлгай абадий!
Бир кунга, бир йилга эмас, асрлаб
Дунё чеҳрасининг мангу одати.

1962

СЕН ҰЗИНГ — ШЕЪР!..

Дўстим, сенга шундай таъриф ёзмоқ истайман,
На Хоқоний айтган уни ва на Саккокий.
Байтим менга бўйсунмаса, сўраб қистайман:
Тилагимни ўз бағрида куйласин токи...
Қасидамиз бошқа замон қасидасидир,
Бугун девон сафарчилар газетасидир.
Эски газал қолиб кетди аср бошида,
Бирон ками бўлмаса-да, кўзи қошида —
Ғазал ўзи ўҳшамайин қолди баногоҳ
Мадҳ этилган хушрўйларнинг ўзига, эвоҳ!
Чунки ҳуру пари билан Ернинг қизлари
Бошқа-бошқа эканлиги билинди бари.
Мен-ку сенга ой ҳақида, юлдуз ҳақида
Байтлар тизиб лавҳаларни чиза олмайман.
Узун-узун достонларнинг ҳар варагида
Сайёҳ бўлиб фазоларни кеза олмайман.
Юлдузларнинг сони қадар шоирлар ўтган,
Шоирларки, юлдузларга нағмалар битган.
Тасвирларни юлдузлардан оширмоқ учун
Ҳар қаламга қўшмоқ керак қирқ юлдуз қучин.
Мен севгимни таъриф этсан, бу гулистонда —
Айтилмаган гул ҳам қолган эмас чамаси.
Ишқни синаб гоҳ висолда, гоҳо ҳижронда
Куйлай берган чин шоирлар ҳамма-ҳаммаси...
Бу хусусда оғиз очсан, сен дерсан ҳайрон:
— Шиббаланган кўчаларда унмайдирайхон...

Қайтариқ сүз назм уйини қиласы вайрон!
Еки сенга мадҳ әтайми шаробнинг сеҳрин?
Кўнгилларда шароб ёқкан ўтними айтай?
Умар Хайём унга қўйди риндана меҳрин,
Бобур ўз шоҳ ғазалига тўкиб қўйди май.
Майни гуноҳ деса ҳамки, ҳазрат пайгамбар,
Уволидан қўрқмай ичди Навоий, Ҳофиз,
Улар-ку кам ичиб майни кўп мақтадилар,
Кўпроқ майни ичганда ҳам кам мақтаймиз биз.
Худди шундай: гоҳо севиб ўртанар шоир,
Аммо ёзмас тинчитмаган севгига доир.
Йўқ, мен сенга бўлак нарса айтмоқчи эдим,
Гарчи шеър водийсида машоқчи эдим,
Аммо ҳеч ҳам қўл тегмаган бу машоқларни —
Излаб топиб, бу хирмонга келтиридим ўзим.
Жону дилдан қутлай дедим чин иноқларни —
Нону неъмат рамзи билан билдиридим сўзим.
Дейман, кунда неча карра ҳалол ион есанг,
Ҳар тонгдаги оқ кундузга «ташаккур» десанг,
Ҳар лаҳзада шеър бўлсин сенга пайваста,
Ўзинг, сўзинг, муҳаббатинг, кўзинг, аламинг
Шеъриятга тўлиб қолсин ҳар бир нафасда,—
Бахтили умр сарлавҳаси бўлсин кўкламинг!
Қалби оташ, фикри учқур шоирлар ҳар дам
Сени ўйлаб сенга ёзган шеърин, эй одам!
А, мен бўлсам, тилайманки, эй азиз инсон,
Гўзалликни она сути билан шимиб сан,
Ҳанузгача ёзилмаган бир асарсимон —
Ўзинг тирик шеър бўлиб анқиб яшасанг!

СИМЛАР, ҚАЛДИРГОЧЛАР ВА ҚИЗЛАР

Йўллар, йўллар ва яна йўллар,
Тик устуилар бамисли қўллар —
Бу йўлларни ёнлаб қучоқлар,
Устунларни кўк симлар боғлар.
Қалдиргочлар гўё мунчоқлар
Бу симларга тизилиб турган,
Тор устида қатор ўтирган
Нотадаги белгилар каби
Сатрларга ёпишган қушлар,
Бу симларнинг мазмуни — гапи
Қушлар учун маълум товушлар.
Қалдиргочлар, шўх қалдиргочлар,
Улар билан яшнар оғочлар.
Улар баҳор элчилари дири,
Яхшиликнинг йўлчилиари дири.
Тинглайдилар ҳар хил хабарни,
Хабарларки, симлардан оқар.
Эшитарлар хушхабарларни,
Ширин гаплар қулоққа ёқар.
Яқинлардан ва йироқлардан,
Шаҳарлардан ва қишлоқлардан,
Тинимда ҳам меҳнат авжида
Учиб келар симлар ичида
Яхши-яхши қувноқ дараклар,
Бир-бирига иноқ дараклар.
Телеграфнинг кўк симларини

Ел тебратар кечә-кундузлар.
(Билмасак ҳам исмларини)
Телеграфчи меҳрибон қизлар
Ухламасдан сенга ва менга
Юборарлар хабар ва салом.
Кўнгилларда ёқмоқ аланга
Бу қизларнинг иши, вассалом!
Қалдиргочлар, қизлар ва симлар
Уфқларга қиласр таъзимлар.
Мен уларга раҳмат, айтаман,
Суюнчига шеърим битаман.
Қалдиргочлар хушхабар бўлиб
Симдан-симга қўниб кўчсинлар!
Симлар йўлга баробар бўлиб
Уфқларга қараб учсинлар!
Қизлар бўлса шўх, лобар бўлиб
Куёвларин севиб қучсинлар...

1962

СИЕХДОНИМ...

Қоракүз ошнам, эски сирдоним,
Ҳамиша мўралаб боқасан менга.
Бирга қўп ишладик, эй сиёҳдоним,
Ухламай-ухламай ўхшабсан тунга.

Байтларнинг ҳарфи-ю ҳар бир нуқтаси —
Меҳнатнинг теридан томган қатралар.
Ҳар қатра — кўз билан тун омихтаси,
Сен билан ўртада бор хотиралар.

Топилмай қолганда гоҳо қоғия,
Қоғоз чеккасига тизиб рўйхатлар,
Қанотли сўзларни уяма-уя —
Ахтариб овладик, туздик лугатлар.

Шу узоқ йилларда қора чашмангдан
Оққан сиёҳларни ўлчасак агар,—
Қўлласам классик муболага ман —
Дер эдим: тенг келар Қора денгизга!

Ҳали қиласиган ишларимиз қўп,
Ҳали, сиёҳдоним, қуримайсан тез.
Ҳали мавзулар бор, йигилган тўп-тўп,
Ҳали қаҳрамонлар кутиб турар кез.

Ҳали бор қаъриингда мен ёзолмаган
Үтли сарлавҳалар, сўнмас гоялар,
Балки кўра туриб мен сезолмаган —
Нотаниш ташбиҳлар ва ҳикоялар.

Сиёҳдон, замонга бизмиз жавобгар,
Йўқса, иккимизга ҳақли гап тегар.
Шу учун шоирга йўқ тиним куни,
Йўқ унга отпуска, хасталик узри.

На дуо, на омад ардоқлар уни,
На илҳом париси ниёзи, назри...
Уйда ва курортда, йўлда — юришда,
Ва ҳатто ҳаммомда, ҳаттоки тушда

Шоирнинг калласин ишхона дегин,
Юрагин бошига дугона дегин!..

Одамлар, ниятлар ва ҳодисалар
Дейдики: ярапмас сенга бегамлик!
Куилар эшик қоқиб, ёзгин!— десалар,
Икки қўл, бир умр қилади камлик.

Сиёҳдон, омон бўл, ишchan ҳамдамим,
Ишонки, сўққабош бўлмагайсан ҳеч!
Сени кўп безовта қиласар қаламим,
Сен ҳам ухлатмагин мени эрта-кеч!

1962

УНИНГ ДАВОМІЙ...

Лугатларда излаганим лазиз сўз —
«Октябрь» деган сўз...
Тарихларда учратганим азиз кун —
«Октябрь» деган кун.
Оҳангларда менга ёққан ширин куй —
«Октябрь» деган ун.

Гарчи у кун
дунёмизга келибди
ноябрнииг куз чогида, совуқда,
аммо унинг олов тўла юраги
эркинликка қуёш бўлиб
балқиб турди уфқда...
Танилгандек шоирлар
такаллусни пеш қилиб,
ноябрнииг шу еттинчи куни ҳам
«Октябрь инқилоби»
деган улуғ унвонни —
тақиб қўйди ўз номига
эш қилиб...

Бу инқилоб —
оламшумул бир қудрат
оқаётир Ер куррасин томиридан
муттасил.

Обиҳаёт зилолидек соғ, асил...

Ва шу кунда, шу онда,
бизнинг қадим жаҳонда —

қай бир ўлка —
мустамлака
эрк йўлида тиришса,
озодликка эришса;
бilmасангиз билингки,
бilsангиз ҳам билингки,
ўша юртда
Октябрнинг доим ёруғ руҳи бор,
келгуси нур боғларига
у сочган
уруги бор.
Қай шаҳарда ишчилар,
ҳақ учун курашчилар,
иш ташловга бел боғлашса аҳиллик,
хўжайинлар қилишса баджаҳллик —
бilmасангиз билингки,
bilsангиз ҳам билингки,
у шаҳарда ишчиларга Октябрь,
багишлар азму тадбир.
Коммунистик режаларин бажарган
ҳар корхона
бошласа шодиёна,
ҳосилини йигиб олган ҳар колхоз
рапорт ёзиб ҳукуматга айтса сўз,
Октябрнинг давомидир бу шодлик.
Октябрнинг давомидир ободлик!
Бахти қизнинг лабидаги хандалар,
тўйлардаги хушвоноз хонандалар,
менинг байтлар тизаётган қаламим,
ўтиб қайта келаётган кўкламим,
мавжудотим Октябрнинг давоми,
зурриётим Октябрнинг давоми
ва
ҳаётим Октябрнинг давоми.

ЛЕНИННИНГ УМРИГА ҚҮШИЛДИ БИР ЙИЛ...

Лениннинг умрига қўшилди бир йил...
Қушлардек учади йиллар муттасил...
Бу нима дегани?

Демак жаҳонни —
Маҳлиё қилмоқда Лениннинг меҳри.
Жаҳонни,
Замонни
ва осмонни
Олган тарбияга устознинг фикри.
Бу — яъни дунёнинг ва кишиликнинг,
Ёрглиқ, инсофнинг ва яхшиликнинг
Эзгу истаклари ўлмайди демак.
Бу — зулму жабрнинг ҳам ваҳшийликнинг
Муҳлати бир йилга камайди демак.
Лениннинг умрига қўшилди бир йил,
Севгининг кутилган васлидай асил.
Бу нима дегани,
Нима дегани?
Яъни коинотнинг йилномасида,
Курашлар, зафарлар ҳангомасида
Варақлаб очилди голибона боб,
Ҳар сўзи, ҳар сатри айнан инқилоб.
Лениннинг умрига қўшилди бир йил,
Апрель чаманида лоладек қизил.
Бу нима дегани?

Яъни оламда,
Қишлояга ёт бўлган мангур кўкламда
Бир йилга яшарди бу қадим башар.
Ёмонлик кўмилар,
Яхшилик яшар.

ҚУЁШ ДЕРКИ

Баҳор келди, қуёш чиқди оламга,
Қизил қуёш кўп ярашар кўкламга.
Қуёш келди, қалбларга қувонч чўкди,
Дунёмизнинг қуббасига нур тўкди.
Қуёшнинг ҳам ўз тили бор албатта,
Уни англар тилчи эмас, пахтакор.
Дехқон билан қуёш ҳамкор меҳнатда,
Ҳамда шоир бу лугатдан хабардор.
Қуёш дерки:— Ерга ёруғ сочаман,
Қучогимни эркинликка очаман.
Инсонларга уқдираман ҳақини,
Қардошликини, ижодни, тараққийни.
Мен табассум бағишлайман юзларга,
Мен латофат келтираман қизларга...
Ерга ҳаёт, қўлга қувват бераман,
Зулматларни ҳайдаб ғорга сураман.
Ишловчини, ишни яхши кўраман,
Эркни севиб ва кузатиб юраман!
Шу учун ҳам энг кўп турган манзилим
СССРнинг бу бепоён тупроғи.
Ҳароратдир чаманимда ҳосилим,
Эркин меҳнат аҳли ишда ўртогим!
Лекин бордир, афсус, нур ўғрилари,
Тўсиб тураг ёруғимни нокаслар.
Аммо бир кун куйдираман мен барин,
Бадкирдорлар асти мангуда эмаслар.

Олқышлайлик, дүстлар, қуёш, байрамни,
Оlam бўйи ёрг кунлар бўлсин бор!
Гўрга кирсин зулм, зулмат, ваҳшийлик!
Қуёш ўзи Коммунага дастёр.
Қуёш — яъни тинчлик, дўстлик, яхшилик!

1963

ҚҰЛЛАР

Күзларни дебдилар: «рухнинг кўзгуси»,
Уларда намоён қалблар сезгиси:
Ҳам қайгу, ҳам қувонч, ҳам ваъда, ҳам дўқ,
Шояд шу туфайли эркакларнинг йўқ
Хушрўйлар кўзидан кўзин узгиси.
Кўзларни қалбларнинг тилмочи дедик,
Қалбларнинг сирига шу билан етдик.
Негадир, одамнинг қўллари, бироқ —
Шоирлар лутфидан қолибди йироқ.
Ҳолбуки, қўлларнинг ҳар сиқувида
Не-не маънолар бор, аломатлар бор.
Бунга ким разм қўйса, ўз уқувида
Кўзнинг әгаси ҳам унга ошкор.
Қўллар бор — мулойим, гоят шафқатли,
Қўллар бор — аёвсиз, ёвуз, шиддатли.
Қўллар бор — ҳаётбахш қон билан илиқ,
Қўллар бор — гўр каби совуққа тўлиқ.
Қўллар бор — ишёқмас, лапашанг, танбал,
Қўллар бор — тезлиги билинар дангал.
Қўллар бор — қуийилар ундан яхшилик,
Қўллар бор — тирнайди, ёвлик, ваҳшийлик.
Қўллар бор — оширап сенга тўғрилик,
Қўллар бор — яширап қувлик, ўғрилик.
Қўллар бор — мағзида мардлик, қўрқмаслик,
Қўллар бор — рамзидир қўрқоқлик, пастлик.
Қўлдаги хусумат ёки дўстликнинг,

Уятыз ёлғоннинг ёки ростликнинг,
Құлдаги саҳијлик ё баҳилликнинг,
Боиси нима шу хилма-хилликнинг?
Шеъримминг аввалин ёдингга келтир:
Нима деган әдим құзларга доир?
Құзлар юракларнинг құзгуси дедим,
Бу еўзда ҳеч ҳато қилмаган әдим.
Хүш, құл-чи? Құллар-чи?
Бу құллар, құллар,
Құлларни қайси бир таъриф маъқуллар?
Дараҳт белгилайди құланкасини,
Құллар ҳам құллайди ўз әгасини.
Буйруқни бажармоқ құл ҳунаридир,
Ха, құллар — юракнинг иавкарларидир.

1964

МАРКАЗКОМГА САЛОМ!

I

Тонг отиб, чиқар қуёш — ишчан жўрамиз,
Аҳил бўлиб ишга борамиз...

Хизматимга киришмасдан илгари,
устозига шогирд боққан сингари,
Шимол ёқса, Москвага хитобан
айтаман:

— Марказкомга хайрли эрта!
Яша дейман сенга минг марта!
Чунки йиллар ва кунларнинг дебочасида,
катта карvon йўлида ҳам
Ишиқ кўчасида —
Партия бизни бошлар,
Партия мени бошлар
мисоли йўқ, эши йўқ ютуқлар томон,
бошлар бутун ер юзининг харитасида,
Ер юзининг ҳеч бир нуқтасида
тенг-туши йўқ уфқлар томон.

II

Қуёш чиқар авжига, иш қизиб кетар,
муҳлатлардан иш ўзиб кетар.

Ижодимнинг айни қизгин чогида
мен юзимни Шимол томон тутаман;

Шарқнинг озод ва тоза тупроғида
Москвамга меҳр билан айтаман:

— Марказкомга хайрли кундуз!

Галабали, фахрли кундуз!

Қүёш турар авжида юмушларинг сингари,
Юксаклиги ниятингнинг баландлигин эслатар,
Мусаффодир олтинларинг, қумушларинг сингари,
Қүёш нури Нуристонга йўлимизни тезлатар.
Қўёш турар авжида, рухсорини очиб кенг,
Аниқлиги тадбирларинг нақд эканин эслатар.
Қўёш турар авжида, шуълаларин сочиб тенг,
Тантилиги сиёсатинг ҳақ эканин эслатар.

— Ҳақсизликка йўл қўймадинг, емирдинг
ва тикланди ота Ленин удуми.

Фаразгўйлик қалъасини ўпирдинг,
Ҳар коммунист — офтобнинг ходими.

Адолатнинг нафасидан тирилди эзгу номлар,
Азизларки, бўғилганлар гирдобрларда — тухматда,
Туриб келар тириклардек планларга хизматда,
Эл ҳукмида белгиланди ҳалоллар ва ҳаромлар.

Ҳадсиз йўллар учида,
Коинотнинг ичида
порлаётган қўёшдир
муҳаққақ.

Инсоният тарихининг кўз илгамас авжида
Владимир Ильичнинг иши ҳақ!..

III

Оқшом чеги... Ватан бўйлаб қадам-қадамлаб
қуёш ўтди денгизлар, тоглар ортига.

Хизмат тамом...

Саркорлар кун меҳнатин якунлаб-жамлаб,
Ҳисоб берар Партияга...

Юрагимда фарзандона бурчим бор шу тоб,
Москвага қиласман хитоб:

— Марказкомга хайрли оқшом!
Ҳар иш куни — қувончли айём!

Куннинг иккинчи палласи
юртда бошланиб қолди.
Эллинг севимли ялласи
энди сўз олди.

Қўшиқ ахир меҳнатнинг давомидир бу элда,
меҳнат эса санъатнинг илҳомидир бу элда...
Нагмаларда улугланар Ленин даҳоси,
Коммунизм кўрфазига йўл олган
кемаларда тасдиқланар Ленин даҳоси.
«Шукр! Минг бор шукр!» дейман толеимга ман,
ўтмиш бўлак давронда туғилмаганман.
Қуюқлашар осмон... боғларни қоплар,
кундузларнинг астари — баҳмал қоронғу.
Усталар туш конидан келтириб уйқу.
Киприкларга улашар, хизматин боплар...
Фикр учар, учар бекёним.
Фикран дейман мен Шимол томон:

— Марказкомим,
Хайрли тун, бўл доим омон!
Аммо тун чоги:
Балки кўкда булат ухлайди,
Юлдуз эса сукут сақлайди.
Балки чўлда ухлайди шамол,
Ва энгашиб сойга ухлар тол.
Балки инда лочинлар ухлар,
Гулханларда учқунлар ухлар.
Балки... балки...

Аммо сира ухламайди Партиянинг идроки,
Партиянинг ҳушу зеҳни, виждони поки —
Ухламайди Ер курраси сингари,
Ухламайди замон қаби,
Бамисоли инсон қалби —
Тинмас унинг зарблари.
Ухламайди бирон кун ҳам ўз нашридан қолмаган
ҳақиқатгўй «Правда»миз сингари.

1964

ИНСОН, ШЕТЬР ВА ШОИР

Гарчи, биз кўп ўйлаб машиналарни —
Чиқардик донишманд ускуналарни,
Аммо биз на ашё ва на буюммиз,
Биз дунё соҳиби,
Жаҳон — уйимиз.
Биз инсон ўғлиниң фаол ўғлимиз,
Ақлли қўлимиз,
қўлли ақлимиз.
Биз инсон қизининг ҳалол қизимиз,
Яратган осмонда эмас,
Ўзимиз...
Инсондир оламда улуг муаллиф,
Қилди китобига сирларни таклиф.
Саройлар, чиройлар, куйлар яратган,
Қалбларни яхшилик сари қаратган.
Ариқларда сувни шовуллатган у,
Газлардан оловни ловуллатган у.
Ердан ва ҳаводан ғунча чиқарар,
Фазо диёрига кўча чиқарар.
Юлдузлар товушин әшитган ўша,
Узумдан шаробни пишитган ўша.
Шаҳарлар кўркини безайдиган у,
Бўсадан зурриёт ясайдиган у.
Йилни уюштирас дақиқалардан,
Минг йиллик осори атиқалардан
Келаси давронга саломлар элтар,

Тунларни кузатиб, қундузни кутар.
Қалбида әрк билан күркни жамлаган,
Башарнинг иқболин, нурин ғамлаган —
Иисон шарофати шеъримга мавзу,
У билан мушарраф қўшиқ ва ёзув.
Ҳа, бундай тарона қуёшга фарзанд.
Ундан юлдузлар ҳам, гуллар ҳам хурсанд.
Мисрага юкланса оғир ўй-хаёл,
Майли, ўша байтим аталсин ҳаммол.
Мисрага туйгулар бўлсалар ҳамкор,
Аталсин у байтим учагон шунқор.
Шабада согинган япроқлар каби,
Шеъримни қўмсасин ошиолар қалби.
Мен ҳам замонага очиб қучогим
Қутлайин Ватанини, әрклар ўчогин.
Куйни сиёҳ билан ёзиш шарт эмас,
Қўшиқлар юракка етса, ўзи бас.
Одамнинг, оламнинг ҳуснин бағишлай,
Сатрлар чизайин мен деворларга.
Куйлайин сувларга, жониворларга.
Булутга чертайин томчилар нақшин,
Ойда аке эттирай қизлар боқишин.
Ўляй қоялларга елнинг суратин
Ва замон багрига асрим савлатин.
Булар-ку орзулар. Орзуга айб йўқ,
Ният зўр бўлмаса нашъа йўқ, кайф йўқ.

1964

АСРИМИЗГА РОЗИЛИК

Бормоқдамиз у азиз айёмга қараб,
Бизга қараб келмоқда у айём ҳамон.
Биз борамиз,
У келар,
Қовушмоқда истак ва замон.
Томиримда тинглайман
нашъали уғқларнинг
дақиқа-бадақиқа,
ҳар лаҳза, ҳар гал
авжга юксалаётган
қўшигини мукаммал.
Шуқр, шуқр,
кўп қуттуғ замонга мен
бўлибман ҳамроҳ.
Чунки эзгу ва равишан
азалий ғояларнинг
қад ростлаб юрганига
бўлолдим гувоҳ...
Ахир, ўксиз ўн тўққиз,
балки бир юз ўн тўққиз
огир қадам асрлар
суқланиб ҳавас билан
қарайди менга
ва давронимга...
Мен асrimдан розиман.
Наслимнинг овозиман...

Кечасиз бугун бўлмас,
бугунсиз эртанги кун.
Отасиз фарзанд ахир
бўлолмас сира мумкин.
Бугун ташир ҳар она
келгуси шодлик юкин.
Коммунизм қўринар дунё
табассумида,
эркинлик мавсумида.
Уммонлар ошаётган,
ҳадикесиз учайтган
саломлар туҳфасида,
севгилар жилвасида.
Қизларимиз ясанган
хушбичим либосида.
Инсонларнинг инсонга
инсоний ихлосида.
Бизнинг гул дастурхоннинг
баракатида,
фазокаш сайёҳларнинг
ҳаракатида.
Қалбимдаги тоза ҳисларда,
янги дўстлар
ва адресларда.
Шарққа юлдуз ўлкамнинг
Шеърида, мақолида,
Машҳур Республикамнинг
таржимаи ҳолида.

1964

БИЛАСАНМИ?

Кечалар бошингни қўйиб ухлаган
Болишинг не учун шунчалик юмшоқ?
Парқувдан майинроқ, момикдан хушроқ,
Уни нималардан, ва ким тахлаган?
Нега? Биласанми? Билмасанг эшит,
Бошимдан саргузашт ўтган шу тахлит:
Тунов кун учганда самовотда мен,
Кўрдимки, булутлар учар паришон.
Югурик шамоллар қулоч очиб кенг
Чимчилаб қувалар уларни ҳарён.
Чопағон булутдан бир қучоқ олдим,
Тўзиб кетмасин деб қўйнимга солдим
Ва сенга ясадим ҳаводек ёстиқ,
То қилгай самодек севгимни тасдиқ!..

* * *

Сенинг пешайвонинг доимо ёруг,
Манбаи қуёшнинг азалий нури.
Бу чироғ ҳазилмас, юлдуз тенгқури.
Симсиз, киловаттесиз зиёга тўлуг.
Нега? Биласанми? Билмасанг эшит,
Бошимдан саргузашт ўтган шу тахлит:
Тунов кун учганда ман самовотда
Кўрдимки, ой сузар ғариб, кимсасиз.
Тентираб қолгандек у аросатда,

Адашиб, увушиб титради, эсиз!
Ачиниб мен уни ушладим — олдим,
Үраб бир бўгчага, Ерга йўналдим.
Сенинг айвонингга осдим мен уни,
То қўранг ёритсан ҳамиша фонус.
Еғду қўриқласин пособондек сени,
Мехримнинг рамзини эслатсан маҳсус!

* * *

Уйингда туну кун чиқиллаётган
Соатда бормикан бирор сир-аэрор?
У-ку, сира тинмай тиқиллаётган,
Аммо на қалиту на буров даркор.
Нега? Биласаними? Билмасанг тингла,
Соатда тиқиллаб турган зарбалар
Менинг юрагимнинг тепишлариdir.
Сен сония санаб билган шарпалар
Дилда лаҳзаларнинг чопишлариdir.
Қалбимни соатга созлаб қўйдимки,
Ваъдангни эслатсан ҳар дақиқада.
Ишонгин, мен сени шунча суйдимки,
Кўнглимни тошириб қўйдим дафъатан...
Гоҳо сўрайдилар одамлар ҳайрон:
«Нега бу одамнинг ҳолати сарсон?»
Улар не билсинки, қайдадир юрак...
...Соатдан бехабар бўлсалар керак!

1964

ГУЛДАСТА

Гулдаста, бу — яъни бир даста гулдир,
Уни совга қымоқ қадим усулдир.
Аммо бу гулдаста эмасди оддий,
Уни бир қышлоқи олиб келганди
Узоқ Сирдарёning қирғоқларидан.
Үрик ва шафтоли бутоқларидан —
Қирқиб олинганди хушбўй гулдаста,
Апрель тонгидаги тиниқ нафасдай.
Йўлда сўлмасин деб дарахт чечаги,
Мешга тиқилганди гулдаста таги.
Шаҳар марказида бир ҳайкал борди,
Владимир Ильичга ёдгорди.
Унинг оёғига қўйиб гулдаста,
Тингани ўтирди чол бир оз пастда.
Сўнгра ўз мешидан қуя бошлаб сув,
Тар қилиб яшнатди гулдастани у:
«Сирдарё сувининг баракаси зўр,
Майсага сепилса, на қурт — балохўр,
На губор кўкларин кемира олур,
На иссиқ — жазира емира олур!»
Гуллар сўлмасину саргаймасин деб,
Чечакларниң атри камаймасин деб,
Мехру таъзим билан Ленинга дехқон
Бутун кун пойлади у ерда ҳамон.
Ўйладим: мўйсафид гарчи кўп содда,
Бироқ ҳикматлар бор ушбу маънода,

Ленинга севгининг ажиб мадори,
Бирор буюрмаган, ўз ихтиёри.
Шунча ихлос билан келган экан чол,
Шу улуг севгига келмайди завол.
Лениннинг хотирин шод этмоқ учун
Деҳқон аямабди мажолин, кучин.
У кундан кўп йиллар ўтиб кетса-да,
Ёдимда у чолу ўша гулдаста.

1964

БАРЧА ЯХШИ ҲОДИСАЛАР УНДАН ТУГИЛДИ

Ҳар битта ҳодисанинг бир манбаи бор,
Бутун башариятнинг бор бўлгандек маскани,
Яъни —
бу Ер курраси...
Беиз ўчиб кетмайди шу ўлчовсиз оламда
куннинг бирон зарраси...
Ҳамма оналарнинг ягона ва шафқатли
бир бутун юраги бор.
Оталар дейилдими — демак, ўғил барҳаёт...
Ўғиллар дейилдими — демак, ота бор бўлган.
Қўшиқ борми —
демакки, бастакор бўлган.
Дастурхонда мева бор —
демак, дараҳт бор.
Ҳар битта ҳодисага
бир олим сабабкор.
Аммо битта сербарака манба бор:
Барча яхши ҳодисалар ундан тугилди,
Ҳамма эзгу тилаклар бир нуқтада йигилди.
Тарихларнинг соатини тўгрилаб
куррамизнинг йўналишин теззлатган —
Октябрнинг у ҳаётбахш айёми.
Қуёшни яхшиликнинг хизматига қўйди у,
у юксакка кўтарилиди.
Юлдузларга фарзандларин йўллади.
Зумрад ойнинг қопқасига

ташлади коптогини,
Планларда ўнглади
халқларнинг кўп азалий
тушини — эртагини...
Осмоннинг йўлларини ростакам
кишилиқнинг кўчасига
айлантирай деди у.
У бизларни шоир бўл деб асраган илҳом.
У тонгнинг шафақларин
ёрқин кундузлар сари
элтаётган пок салом...
У дунёнинг янги кунин эълон қилган кун.
У халқларга эркинликни келтирган виждон.
У ўзбекнинг тарқоқ элин — улусин
Битта муҳр савлатида тўплаган
ва шарафли бир ном қўйган:
Ўзбекистон!..
У ҳар кунда, ҳар ҳафтада, ҳар йилда
Меҳнатларга қалит берган ижодкор,
гўзалликка најоткор.
У бир кунки, асrimизни безади.
Бундан буён кўп асрлар устидан
шу бир кун
бўлиб олтин сарлавҳа
байроқ каби сузади.
Владимир Ильининг даҳосига тасанно...
У асарлар яратди бир-биридан сермъано.
Асарлари сафида ҳаммасидан салмоқдор —
большевик ўртоқлар-ла
бирга бунёд айлаган
«Октябрь инқилоби»
деган бир кун бор.

ҚҮЁШ, ОҚШОМ ВА ДЕНГИЗ

Оқшомларнинг ҳукми кирада денгизларнинг багрига,
Кўланкалар яқинлашар, кундуз силжир нарига.
Уфқларда ботаётган қуёш ҳоргин чеҳрали.
«Эртагача хайр!»

дейди, бу ҳам катта тасалли!

Эрта яна кўришармиз тонг отарда янгидан,
Боғлар топар бойлик нақдин унинг олтин рангидан.
«Эртагача!»
«Эртагача!»

Гарчи қисқа бу муҳлат:

Бир тундаёқ юз беради висол, ҳижрон, хижолат.
Зиёфатлар ва гаразлар, туғилишлар, ажаллар,
Яхшиликлар, ёмонликлар, ихтиrolар, жанжаллар.
Ким билади,
Ким воқифдир кечаларнинг сиридан?
Тугилган-ку, можаро

«кечаларнинг бири»дан...

Аммо менинг кечаларим, менинг кўчаларимга
Кўйманг, қўйманг шабпаракни асло боқчаларимга!
Аста-секин ботар экан қуёш сокит денгизда,
Кўп ғалати йўсинларга кирада эди шу кезда,
Денгизнинг кенг майдонида — уфқларда мунтазам
Айиргандир ерини кўкдан аллақандай бир қалам.
Ранглар борки, денгизники, ранглар борки, самовий.
Сувлар ранги тўқ зангори, само ранги оч мовий.
Гўё кўкда стадиондан сиргалган бир қизил тўп

Юмаланиб пастга тушиб, денгиз сувин ялар хўп.
Сўнгра бир оз тубга тушиб, инар қуи манзилга,
Энди ўхшаб қолди қуёш шипга осиқ қандилга.
Тагин бир оз сувга ботди, энди келар хотирга
Водийдаги ул ўтовки, ўхшар алвон чодирга.
Тагин бир оз сувга ботди фазомизнинг раиси,
Айнан ўзбек қизларининг қўйиган баҳмал дўпписи.
Энди қуёш яна иниб тўлқинларда сирғанар,
Қолган қисми қайиқ бўлиб уфқларда ирганар.
Лекин узоқ чўзилмади сузмоқлиги қайиқдек,
Кичрайди-да, бўлиб қолди ҳовуздаги балиқдек.
Яна чўкди, ундан қолди кўп ингичка хат — қиттак,
Езувдаги сўзни бўлиб кўчирувчи тиредак.
Яна чўкди... Оҳ, сўнг нафас! Қолган гаплар эртага,
Ҳатто тире мункайди-ю, эврилди бир нуқтага.
Оҳ, кетмасин, тура турсин шу ивиган уфқда,
Офтобнинг нишонаси, қизил учқун — шу нуқта.
Шошма, нуқта, сен кундузнинг сўнг хандаси әдинг-ку!
Фойиб бўлсанг, уфқларни ўчирмасми қоронғу?
Тилчиларга тан берайлик: улар низом битади,
Бу низомда ҳар бир жумла нуқта билан битади.
Битта нуқта қўйилганди кундузнинг эпосига,
У ҳам охир чўкиб кетди зулматга, ёппасига.
У ҳам чўкди, ниҳон бўлди, қолдирмай из — асарин,
Тугаллади ўзи билан офтобнинг сафарин.
Гўё, энди у ерларда, коинотга тенг қолдим.
Қуёш кетди,
Денгиз қолди,
Соҳил қолди,
Мен қолдим.

Riga, 1964

ХИЁБОН

Шоир Миртемирга

Лугатларда ўқигандим болалик чоги:
Дараҳт бўлса агар йўлнинг иккала ёги,

Уни дерлар «Хиёбон»,
(Йўлчиларга соябон)...

Умрим йўли бир хиёбон дея ўйладим,
Шу туфайли bogу чаман куйин куйладим.
Шаҳарларим кўчаларин мен тинмай кездим,
Дараҳтларнинг сони қадар мисралар тиздим.
Кундузлари хиёбонда пана изладим,
Ваъда берган бевафони оқшом кўзладим.
Оҳ, ёшликтининг оқшомлари ўхшамас тунга,
Ёшлиқдаги тунлар ўзи қовушар тонгга.
Оқшом пайти хиёбоннинг гашти ўзгача,
(Зумрад кўзли илк баҳордан олтин кузгача)...
Тобланганда фонуларнинг нури баргларда,
Барглар уни олқишиларди шўх чапакларда.
Мен Бокуда, Догистонда, Дарбанд томонда,
Москвада, Самарқандда ва Андижонда
Неча ларzon сояларда излар қолдирдим,
Неча ёзу, неча созу, сўзлар қолдирдим.
Хиёбонлар яшар эди хотиротимда.
Балки ҳар бир қўшиғимда, нақоратимда
Яшар эди бўсаларнинг тўплами каби,
Севгиларнинг апрелдаги кўклами каби.
Уйгонсам ҳам унutilmas ширин туш каби,
Мени тушдан уйготолган сайроқ қуш каби.

Хиёбонлар кўрганманки, хаёлот йўсин
Маснавийнинг байтларидек хушбичим, узун.
...Аммо толе мени доим эркаламади,
Баъзан замон йилни йилга ҳеч уламади.
Саҳроларга дуч келдимки, на ирмоқ, на кўл,
Сургунларга юборилдим, на уфқ, на йўл.
Лекин дёим эсда эди хиёбонларим,
У йўлларда яна кезмоқ чин армонларим.

Ноумидлик шайтонда,
Умид ўлмас инсонда.

Қулаганда гаразларнинг шумшук ҳайкали
Шеъримга ҳам келиб қолди тирилиш гали.
Чиқиб қолдим Ватанинг кенг хиёбонига,
Хиёбонки, элтар ёруг нур давронига.
Аммо энди бу хиёбон ўлчови эмас,
Кўча эмас, боғча эмас ва ҳовли эмас.
Якка толе офтоби бор, оқшом чўкар,
Елгиз умр хиёбони бир куни тугар.
У ё денгиз ёқасида адо бўлади,
Е шаҳарнинг орқасида битиб қолади.
Е тоғларнинг этагида охирга етар,
Мисли баҳши эртагида можаро битар.
Аммо тарих хиёбони битмас уфқда,
Башар ўзин тарихига қўймайди нуқта.
Зеҳнимга шу тушунча
Келмади осонликча.
Қиссамга чин гувоҳ, боқ —
Сочларимга тушган оқ...

1965

КЕЛАЖАКНИНГ САВОЛЛАРИГА ЖАВОБ

Иилларимиз ўтади, таҳликалар кетади,
башарият ўз олтин китобини битади.
Биллур каби шаффоф, ойдин асрлар,
асрларнинг эгаси

насллар —

ер юзида тузади
сўлмас гулистон.

Адолат ўзи бўлар
сайёрамизда султон.
Уфқларда жаранглар
баҳтларнинг қасидаси.
Сарҳадларсиз чизилар
дунёнинг харитаси.

Қитъалар ўртасида
қисқариб масофалар,
рўзномага қўйилар

фазошумул вазифалар.

Қўшнимиз Ой бўлиб қолар
Еримизнинг еттинчи қитъасидек,
Жугрофия бобларининг биттасидек.
Тиним куни одамлар
боришар Ой сайлига,
отланиб нур учқунларга
жўнар Сомон йўлига.
Ўртacha иинсон умри
бўлар юз йил камида.

Саксонида ёр кўйида куяётган ошиқлар
кезар ҳижрон гамида.

Кунлар келар бир-биридан нафис,
йиллар турар севимли, азиз...

Аммо...

аммо —

ўшанда ҳам зурриётлар
давримизнинг жозибасига
ўтирилиб суқ билан қаарар:
Бўронлар, тўғонлар, зилзилалар даврига,
инқилобий силсилалар даврига.

Қидирарлар китоблардан

замонамиз йилларин,

ижтимоий,

иқтисодий омилларин.

Енгиллатиб биз уларнинг
сўроқларин,

тўлдирайлик ўзимиз

Анкетанинг варақларин:

— Қачон яшаб ўтдингиз?

— Йигирманчи асрда!

— Юрtingиз, уй адресингиз?

— СССР деган ерда.

— Сиёсий қарашларингиз?

— Ленинизм деб билинг!

— Эргаштан устозингиз?

— Ленин!

— Ҳаққингиз, овозингиз?

— Ленин!

— Ўқиган дарсхонангиз?

— Ленин!

— Ишлаган ишхонангиз?

— Ленин!

— Аҳдингиз, паймонингиз?

— Ленин!

— Севган қаҳрамонингиз?

- Ленин!
 - Асриңизнинг мазмунни,
рухи,
тафсири?
 - Ленин?
 - Замонингиз сарлавҳаси,
ютуқлар сири?
 - Ленин!
- · · · ·

Ҳа, яшадик йигирманчи асрда,
Биз Лениннинг асирида.
Зотан, шу деб биз яшадик,
ва ўлмадик,
ва ўлмаймиз аслида.

1965

КҮРФАЗ, ЁМГИР ВА ЧОЙ

Ёмгирнинг томчилари,
шу ёмгирнинг кумупранг индек
қамчилари
игна бўлиб санчилар денизнинг юрагига,
биқинига, елкасига, кўкрагига.
Денгиздаги кўм-кўк сувлар
шунча тиниқки,
эслатади бизнинг ўз кўк чойимизни,
чайкаларнинг даврага тўпланиши —
бизнинг ўзбекча ўз тўйимизни.
Улар қараб сув ойнасига,
пардоз бермоқда
қоматларига.
Ҳаммаси ҳам ясанган бир хил,
қарашмас экан
даромадларига...
Денгиздаги кўм-кўк сувлар
шунча тиниқки,
уни бизнинг
кўк чойимиз айтарлик.
Шунча уммон-уммон кўк чойга
аниқки —
коса керак
ушбу кўрфаз қадарлик...

Боку — Тошкент, 1965

КАШФ

Қадимиий араб-испан нақлларидан

Биз у билан ўлгудайин
Қаттиқ душмандик.
Лекин сира танимасдик
Бир-биrimизни.
Күришмаган, гаплашмаган.
Учрашмагандик,
Билишмасдик уйимизни
Ва сиримизни.
На у менга зигирчалик
Қылган ёмонлик,
На мен унга етказғанман
Зарар-зиёнлик.
Жуда эски бир адсоват
Үртага тушган.
Оталардан, боболардан
Мерос сингари.
«Мен-менлік»нинг кибри билан
Олов туташган,
Чирманишган бир-бирига
Хўроз сингари.
Ғаразгўйлар турли-туман
Гийбатлар билан,
Ёлғон-яшиқ овозалар,
Тухматлар билан
Хонадонлар орасига
Қўйиб қўйган ғов,

Бир тоифа, ҳамشاҳармиз,
Аммо ёвуз ёв.
Орамизда на бир ишқал,
Ва на даъво бор.
Лекин сира тоқат йўқки,
Кўришсак дийдор.
Ўйлардимки, у бир ваҳший,
Йиртқич ва палид,
У ҳам мени санар эди
Шаксиз шу тахлит.
На бир йигин, на бир тўйда
Бўлардик бирга.
Юрмас эдик дуч келмоққа
Гумон бор ерга.
Бормас эдик бир масжидга
Ва бир гузарга.
Ўйлар эдим, бу кек қолар
Рўзи маҳшарга.
Бир кун танти ошиномиз
Қутлуг айёмда
Таништириб қўйди бизни
Бирдан ҳаммомда.
Биз боқишиб қўя қолдик
Шунда ноилож,
Иккимиз ҳам бекаму кўст
Тирик одамзод.
Бу дунёга келган йўсин
Холис, ялангоч,
Эгнимизда на либос бор,
На ёнда бисот.
На мансаб бор, на ақча бор,
На ханжар — қурол,
На шажара, на васиқа,
На мулқу, на мол.
Минглаб-минглаб кишиларнинг
Бири биз эдик.

Минглаб-минглаб забардастдан
Биз ожиз эдик.
У ҳам, мен ҳам араб ўғли,
Битта айирма:
Мўйловларим менинг калта,
Уники — бурма.
Хуллас калом, у ҳаммомдан
Чиққанимизда,
Аждодларнинг бидъатидан
Кечган эдик биз.
Икки қўллаб қўлларимиз
Сиққанимизда,
Мангу дўстлик қасамини
Ичган эдик биз.
Шаҳар бўйлаб шуҳрат топди
Бизнинг иноқлик,
Бирин-кетин узилмади
Базму қўноқлик.
Мамнун эди ҳамма дўстлар,
Бутун аҳоли,
Хусуматнинг тугашидан
Нима бор олий!
Бошланганди умримизда
Янгидан ҳамал.
Бу қардошлиқ бўлиб қолди
Тилларда масал.
Ниҳоят, у дунёмиздан
Кўз юмган дамда,
Мен соҳиби аза эдим
Ўша мотамда.

1965

ЧУНКИ...

Шаҳар.. Кўча ва кечада...
Ғўдайишган чинорлар.
Ҳарёқ гўё эскича:
Уйлар, боғлар, деворлар...
Ярим кечада... Совуқ тун.
Каҳрабо тусли тутун.
Деразалар ўчириди
Каттакон кўзларини,
Тун никоби яшириди
Трамвай изларини.
Жим ётибди кўчалар,
Инда ухлар жўжалар.
Ой булутни кўрпадек
Ўраб олган бошига,
Ухлаётган гўдакнинг
Қуён кирап тушига.
Сойда сувлар ухлайди,
Толлар тонгни ўйлайди.
Энди кетди пинакка
Ошиқлар якка-якка.
Аммо элнинг соқчиси,
Мерганларнинг яхшиси —
Юрар, юрар бетиним,
Шу туфайли тинч туним.
Кўзи билан титкилар
Ҳар бир қора бурчакни,

Сояларга тиқилар
Йүқлар шубҳа ва шакни.
Ухлар тошлар, юрт ва ер,
Ухлар она, гүдак, эр.
Ухлар ҳатто күк ва ой,
Чунки юрар ухламай
Бизнинг милиционер.

1965

ҚАЛАМ

Ҳар шоирнинг ўз қалами, хати бор,
Шеършунос бунга қилар эътибор.
Мана, бунинг қаламини зўр деймиз,
А, буни-чи, ҳали бир оз гўр, деймиз.
Бу қаламда кўпдир, деймиз, барака,
Унда эса сўз етмайди юракка.
Ёш шоирча — шеърнинг ҳаваскори
Ўйлар эди; «Қалам бўлса бежириш,
Нафосатда тенгезиз бўлур ҳар шеърим.
Қалам экан шеърнинг калитдори!»
Сотиб олди олтин учли бир қалам,
«Энди,— деди,— беш кетади ижод ҳам.»
Кечалари терлаб-пишиб ёзди у:
Майдан ҳўплаб, кўйлақ ечиб ёзди у:
Катта достон, рубоийлар, газаллар,
Марсиялар, қасидалар, масаллар —
Тугатди-ю, неча дафтар тўлдирди,
Ўсиб кетган соқолини олдирди.
— Олтин қалам фарзанди шу мисралар,
Кумуш ипга тизилган зар сиралар.
Олтин дараҳт меваси ҳам олтин-да! —
Деб мақтанди шоирча ҳар йигинда...
Чол муаллим унга бир китоб тутди,
«Ўқинг!» деди, бир парчани ўқитди.
Ўқиб кўрса, гоят ноёб шеър бу!
— Домла,— деди,— Навоийдан экан-ку!

— Хўш, арзирми буни олтин десак биз?
— Деганда ҳам, домла, қандай! Шубҳасиз!
— Баракалла, баҳоладинг инсоған.
Аммо билки, умри бўйи мавлоно
Най қаламдан шоҳ асарлар яратган.
Лекин қара: не-не ранглар, не маъно!
Олтин қалам терласа сув қуяди,
Қамиш қалам инжуларни қўяди.
Ўғлим, олтин қаламинг-ку, чин нағис!
Аммо сенинг шахсий хатинг қўп ожиз.
Гап қаламда ё жинсида эмасдир,
Қаламкашнинг қалбидадир ҳамма сир.

1965

ДЕНГИЗНИНГ АХЛОҚИ

Шуниси қизиқки, енгил ашёни,
Ашёлар сағида сур-бекеёнини,
Яъни мағзи сассиқ ҳар bemazани,
Ёки пўк, мазмунисиз, жўнроқ нарсани —
Денгиз асло, асло қучиб олмайди,
Бемъани буюнни олиб қолмайди.
Йўқ унинг буларга тоқати сира...
Ана, боқ тўлқинлар сирама-сира
Итариб,
куйтариб,
сиљитиб,
туртиб,

Иргитиб ва гоҳо елкага ортиб
Чирик бир олмани соҳилга ташлар.
(Ҳали уни сувга отганди ёшлар.)
Тўлқинлар қайтганда олма ҳам борар,
Денгизда вазминроқ мансаб ахтарар.
Аммо, йўқ! Жирканар ундан бу денгиз,
Ёқтирас чирикинг ярамаслигин.
Унинг фалсафасин билмоқ бўлсангиз,
Ёқтирас ялтоқнинг жойпаратлигин.
Ахири чиқариб соҳилга ташлар,
Оғир кемаларни уфқа бошлар...
Денгиздек жўшиқин бўл, жўмард бўл, қўзим!
Инсонга багри кенг бўлмоқлик лозим.
Аблаҳлар қўлига бермагин калит,
Юрагинг эшигин уларга бекит!

ДУНЁ БОҚИЙ

Шу номли шеңрлар дастасидан

ТУШ

Бир түш күрдим,
Тушимда гүё
Үн саккиз яшар эканман,
Ешгина ўсмир...
Сезишларим,
Кезишларим
Үн саккиз баҳорни
Күрган умр...
Үн саккиз ёшимдаман, аммо ғалати,
Күп күрганман,
Күп юрганман,
Күплар билан учрапганман,
Қанча дүстдан ажрашганман,
Юрагим үн саккиз яшар,
Аммо ғалати:
Эллик учда эканимни ақлим билади.
Инқиlobлар арафаси
Тугилганман.
Ленин вафотин гүдакликда эшитиб,
Ииглаётган модаримга қараб,
Ииглаб-йиглаб мен ҳам
Бўғилганман.
Беш йилларни қуришларда,
Ватан учун урушларда
Этдим иштирок,
Хеч қайсидан тушимда

Тонмади идрок.

Наримонов¹ пешонамдан ўпгани
Дилимга нақш бўлганди замонанинг
Муҳри сингари.
Эслар эдим кўришганим Горький билан
Ота меҳри сингари.
Хотирамда эди қутлуғ дўстлигим
Ҳамид Олимжон билан.
Икромовнинг нутқларин эшитганим
Комсомоллик иштиёқи,
Дилу жон билан.
Елена Стасова билан хат битишганим...
Нозим Ҳикмат билан Бокуда
Тонгларни кутишганим,
Фузулийнинг тўйида,
Ҳазар бўйида²...
Захматлару азиятлар чекканим,
Ҳаволар айнаганда ҳам
Умид тухмин экканим,
Ёдда эди бу ҳодисалар,
Фикрим мундарижаси
Нимаики десалар

¹ Наримон Наримонов (1870—1925) — буюк инқи-
лобчи, эски коммунист, адаб ва доктор. Совет даврида
Озарбайжон Совет ҳукуматининг бошлиги ва СССР
Марказий Ижрокомининг раисларидан бири бўлиб
ишлаган. Наримонов бутун Шарқ оламида катта обрў
қозонган улуг арбоблардан биридир. Мен ҳам болалик
чоғларимда Озарбайжоннинг Оқтош шаҳрида ибтидоий
мактабда ўқиганимда Наримонов у ерга бориб, аҳоли
билан катта мажлис ўтказган эди. Муаллимларимнинг
ташвиқи билан мен минбарга чиқиб, шеър ўқидим.
Ўшанда 11—12 яшар бола әдим. Наримонов бундан
таъсиранган ҳолда мени қучоқлаб олиб, пешонамдан
ўпган эди.

² 1957 йилда Фузулий тугилганига 400 йил тўли-
ши муносабати билан Бокуда катта тўй-тантана ўтка-
зилган эди.

Эсда эди барчаси.
Аммо қалбим тушимда
Үн саккиз яшар юрак эди.
Ха, бу ғоят ғалати
Бир әртак эди.
Қалбим ўн саккизу ақлим әллик уч,
Омихта бўлгандек тажриба ва куч...
Лавҳалар ғойиб бўлди,
Мен уйғондим шу заҳот.
Қани, оҳ, шу тахлит бўлсайди ҳаёт,
Лекин, йўқ!
Бу тушлар алдоқчи, ҳайҳот!
Алдоқчими? Ким айтди?
Йўқ, унча эмас!..
Нимталаб бўлинсайди тушим иккига,
Ярми рост бўлар эди, ярми гумон,
Эллик фоиз йўқ гапу,
Эллик фоиз рост,
Негаким, эллик уч —
Чин ростакам сон,
Үн саккиз эса —
афсуски, ёлгон!

1963—1966

ҚУЁШ БИЛАН ОЙ

Қуёш ботар эди маъюс ва ҳоргин,
Болтиқ денгизининг нариги чеккасида.
У кўп заҳмат чекканди,
экканди,
тикканди,
Йўлларни ёритганди,
қорларни эритганди
кун бўйлаб,
Энди бўлса, манзилларни адо қилиб,
уфқларга етганди
ўй-ўйлаб...

Ботар эди у хийла маҳзун
Болтиқ денгизининг нариги чеккасида,
бир куннинг тарихи унинг елкасида...
Янги ойнинг ўроги букук қад билан,
аммо иржайиб заҳри ханд билан
дер эди унга:

— Ҳа, шунча қайсан әдингиз,
аммо қаранг, бошланди заволингиз!
Хўш, нечук аҳволингиз?

Унга жавоб қайтарди офтоб:

— Шу тоб
кетаётган бўлсам-да, курранинг бу ярмидан,
лекин яна эртага келурман мен янгидан
айни шу турқим билан,
шу қудратим, шу хулқим билан...

Чунки мени меҳнатларга масъул саркорман,
ҳар субҳидамда
ўз постимда тайёрман.

Ўзгармас асло қилиқ-қиёфам.
Нурағшонлик
менинг вазифам.

Аммо сен-чи:

шу миллион йилда, бир лаҳза, бир он —
бирон майсага берганмисан жон?

Ўн беш кун мобайнида
ўн беш шаклга кирасан.

Эгиласан, қайриласан, юрасан,
хушомад қилиб букиласан.

Тўлин ой бўлиб
анқовларга куласан.

Ҳар кеча бошқасан,
ҳар кеча ўзга,
ҳар кеча тушасан ғалати тусга.
Биласанми нега, олифта қўшним?

Чунки мустақил эмассан, ҳаргиз.
Сендаги ялтироқ эса, шубҳасиз,
қулоқ ос,

эшит:

(бунга Ер шоҳид) —
Менинг деразамдан тушган нур, холос!..

1966

ҒАФУРГА ХАТ

Олтмиш йиллик умрнинг ҳаяжонларин,
Тўполонлар, ҳужумлар, қаҳқаҳаларин,
Кўприкларни, боғларни, чорраҳаларни,
Ғазабларни, меҳрни, сўз маржонларин —
Бир лаҳзада тарк этиб кўчдингми, дўстим?
Шаҳрингнинг рўйҳатидан ўчдингми, дўстим?

Абдулғафур, мавлоно, шошдим зовталаб:
Хабарларми янгишган, йўқса қулоқлар!..
Faфур Fулом ва ўлим — қовушмаган гап,
Мисоли қиши ва райхон, дашт ва булоқлар.
Faфур Fулом ва сукут — икки ёв лашкар,
Нуқул урушаётган душман тарафлар.

«Хайр!» демай кетганинг не деганинг у?
«Тез қайтурман бемуҳлат!» деганингми у?
«Ўлим асли ўткинчи бир ҳодиса-ю,
Ҳаёт мангу бир ҳолат!» деганингми у?
Қайдин сени қидирай, адресинг қаер?
Кимдан сени сўрайин? Одамлар не дер?

Мангу элда эсадалик бўлсин деб мендан,
Бориб етгай бу хатим сенга дафъатан.
Оҳ, қардошим, оғажон, пири баркамол,
Қирқ йиллик бир дафтардир хотира, хаёл.
Эҳ-ҳе, не-не кунларни кечирдик бирга,
Наҳот, улар барчаси чўкди қабрга?

Тинмас, толмас, жонпарвар кўз борди сенда,
Қирқ шоирга етарлик сўз борди сенда.
Ҳофизангда юз минг байт, ўн минг латифа,
Минг саргузашт, юз қисса, сонсиз саҳифа...
Мутойиба, ҳажвлар, панду танбеҳлар,
Яшин каби чақнаган кескин ташбиҳлар,

Ҳаммаси сенда эди ва сендан эди,
Идрокингдан, зеҳнингдан, кўксингдан эди.
Халқ дардига қўшилиб нола ҳам тортдинг,
Етимлар дийдасидан кўз ёшин артдинг,
Толе сени дўстлардан ажратган дамлар
Сен Ҳомиднинг¹ шу байтин дердинг серкадар:
«Эвоҳ, на ер, на ёр қолди,
Кўнглим тўла оҳу зор қолди!»

Аммо...

Хулқан ўзгача манзиллар учун,
Тугилгандинг кулгилар, ҳазиллар учун,
Қувончлар, мулоқотлар ва тўйлар учун,
Қаламинг багишлаган обрўлар учун.
Курашларнинг қизигин, дабдабасини,
Муҳаббатнинг кўп асов жазавасини
Ҳаёт деган китобдан ўқиб олгандинг,
Чирой гулин чаккангга тақиб олгандинг.

Кўп согиндим, ўртоқжон, кўп согинтирдинг,
Ногоҳ кетдинг, шодликлар уйин ёндиридинг.
Гўё сенсиз ой эмас кўкда порлаган,
Гўё куёв эмас у тўйга чорлаган.
Кўп согиндим, ўртоқжон, азбаройи ҳақ,
Ҳали ўтмай тўқсон кун, шу заҳотиёқ
Сенга айтар гапларим, ҳасратим чексиз,
Даврамизда ўрнинг бўш, кимсасиз, ўкеиз.

¹ Абдулҳақ Ҳомид (1851—1937) буюк турк маърифатпарвар шоирларидан. Нозим Ҳикматнинг севикли устози бўлган. Қелтирилган парча шоирнинг «Мақбар» номли марсиясидан олинган.

Дардлар борки, замона унуттиради,
Үчкүн янглиғ ўчади бир он лишиллаб.
Аммо шундай дард борки, куйиб тураси
Ўрмондаги гулхандек доим ловиллаб.
Ха, йиллар сўниб қолмас, тўхтамас карвон,
Совимас шеъримизда ҳарорат — ҳовур,
Дўстларинг номинг билан йўл босар ҳамон,
Аммо юрмас сафларда иккинчи Гафур.
Кўп согиндим, ўртоқжон, бир оз гаплашсак,
Бурунгидек Хадрадан тушиб Ўрдага,
Яёв юриб муздайин пиво ҳўплашсак,
Навоийнинг қаломин солсак ўртага...
Ёри азиз, қайдасан, қайдан қидирай?
Ҳасрат тўлган хатимни қайга юборай?

Танаффус чўзилдими, Вақт узилдими?
Е хазон нафасидан гул тўзицими?
Қайдасан, эй қадим дўст, эшитгин мени!
Шаҳрингнинг менга аён бўйи ва эни.
«Арпапоя Й»данми ахтарай сени?
Йўқ, унда эгасининг ўчибdir уни.
Е самода, жаниатда ётибсанми тинч?
Йўқ, у жойга бормайсан чақирсалар ҳам.
Қаердасан, нидо бер, сенга шу ўтинч!
Кўнгилларни кемириб эзмоқда-ку ғам.
Ўлим шундай бир мулкки, султони жимлик,
Унда товуш чиқармай ётар фуқаро.
Қаро зулмат у жойда қилар ҳокимлик,
Шу туфайли ўлимнинг туғи ҳам қаро.
Оҳ, уфқлар куйчиси, сен ётган мозор
Қоронгу бир маскандир, эшиксиз ва тор!

Билмам, қандай чидайсан совуққа, ўртоқ!
Бош устида ёстиғинг зил-қаттиқ тупроқ.
Йўқ, ўртоқжон, йўқ, дўстим, шоири аъзам,
«Чигатой»да кўмилиб кетмадинг ҳеч ҳам.

Адресингни англадим, адресинг маълум:
Адресинг юракларнинг айнан тўрида.
Шеърга қўл тегизма, йўқол, эй ўлим!
Шоирнинг соясидир ётган гўрида.
Гафур, байтинг зарб бўлиб миллион дилга
Сўзинг кўчар масалдек тиллардан-тилга.

...Аммо бежо бўлсайди шу гамгин шеърим,
Оҳ, нақадар бўлардим хурсанд ва хуррам.
Агарда, сен нохосдан (бўлсин деб ирим)
— Қопқада гудок чалиб таниш машина,—
Менга меҳмон қўнсайдинг бир оқшомгина.

1966

АЙРИЛИҚ

Усмон Юсупов хотирасига

Баҳор йўқотдими зумрад чиройин,
Еки қўшиқларнинг ранги ўчдими?
Ҳижрон эгаллади сұхбатлар жойин —
Йўқса, бу боғлардан боғбон кўчдими?
Оҳ, дўстни кўммоқлик кўп оғир мотам,
Хуесан бўлса у зўр, улкан одам,—
Мотамнинг ўлчови сигмас юракка,
Фарёдлар аччиғи тепар кўкракка.
Баъзан фигон қиласар азани таъбир.
Бугун-ку бу жоиз, ўртоқ муҳаррир!
Бугун йигламоққа ҳақим бор, ионон,
Чунки, гоҳо йиги дилга таржимон.
Кечакирига эдик, бугун жудомиз,
Лабларда «Алвидо!» деган иидомиз.
Ҳа, олтмиш саналик умрида ҳаргиз
Бирон кун у қолган әмасди ёлгиз.
Эллар ва йилларга жўр бўлган у зот
Энди якка ётар қабрида, ҳайҳот!..
Ватаандада у эккан дараҳтлар сони
Юлдузлар қадарлик... Чин, тўгри гап бу!..
XX асрнинг азиз инсони
Замон заминида яшайди мангур!
...У «мангу яшайди» деймиз-ку, бироқ
Мангалик демай бу ўтар дунёда
Умри чўзилсайди ўн йил зиёда,
Не-не сұхбатларин тинглардик, ўртоқ!
Аммо унинг бевақт ўлимига, оҳ,
Сенда ҳам, менда ҳам бор жиндан гуноҳ!..

1966

ҮРМОН, ТУМАН ВА У...

Севги юрмас умуман,
Унинг феъли хусусий.
Үрмонни босди туман,
Бу ёги не бўлгуси?
Келмасми ё келарми,
Келар йўлин биларми?
Кўринмайди кўприклар,
Ёмгир аста сепалар.
Кўл лабида тепалар
Булутларни табриклар.
Қовоқ солди хиёбон,
Ваҳоланки, ёз фаали
Ишққа бўлиб посбон
Ишлади кўп ҳавасели.
Хаф!.. Эшитдим бир товуш,
Гоят латиф бир овоз...
Шўхдир, гўё у сархуш...
Яrim ўнгу яrim туш.
Ҳовлиқади у бир оз.
Дейдиларки, шу хил ноз
Дилбарларга экан хос.
Бу имолар кимгадир,
Бу иидолар кимгадир?
Ҳа, албатта менгадир...
Балки... ваъда менгадир.
Аммо йўге... Минг аттанг.
Янглишибман бунда мен.
Кўшним деразасидан
«Лаббай!» деди спортсмен.

1966

БЎСАНИНГ УРУГИ

Осие балладаси

Хонанда лабидан узилган қўшиқ
Учди қанотланиб, кўп узоқ учди.
Қутлуғ қўшиқларга уфқлар очик,
Нозанин уиларни чинорлар қучди.
Қўшиқ қанотланди, кўп узоқ учди,
Охир ҳолдан тойиб чамангта тушди.
Чамангта тушди-ю, аммо ўлмади,
Унинг нақорати, куйи сўлмади.
Унинг уруғидан ўша чаманда
Үеди инсон учун азиз, арзанда
Соқов бир нағмаки, галати нарса:
Шоирлар унга ном қўйиши «бўса».

* * *

Тонг отиб уфқа шуъла солганда,
Булутнинг юзига боқиб қолганда,
Ҳазрати Офтобдан булат уялиб,
Қизариб, қип-қизил туслага бўялиб —
Лабида иссиқлик сезар шу лаҳза,
Шундан туғилармиш, дейдилар, бўса.

* * *

Ухлаган дилбарнинг занохдонида
Табассум тун бўйи панада яшар.

Аммо боқ, тушларнинг гулистаннида —
Қиз кўнгил истагин топганга ўхшар...
Шу дамда табассум чиқиб инидан,
Лабларга энгашиб тушар дафъатан.
Шоҳидлар шу ҳолдан қилиб хуроса,
Хандадан туғилар дейдилар бўса.

* * *

Бўсанинг уруги қай бири экан?
Буни кўп ўйладим ҳижрон чогида.
Васлида унудим: ким нима деган?
Ургун не қиласай ёр қучогида?
Бўсанинг ургун излаб нетайин?!
Бўсанинг тарихин кўзлаб нетайин?!
Муҳаббат бобида энг қизиқ қисса
Лаблар қовушмоги — бўсадир, бўса!!!
Ҳаловат базмида шириндан-ширин,
Ширинни шимиргин, қидирма сирин.
Ўпу суриштирма асти у ёғин,
Гилосин егину, сўрама богин...

1966

КАМТАРЛИК

Ана, баланд устунга осиқ
Сув бўйида ёнар бир чироқ.
Ўзи жимит ва лекин қизиқ:
Шуълалари ёйилар йироқ.
У Анҳорнинг белини қуршар,
Сиймин тўнда олтин белбоғдек.
Сувга ёруғ гоят ярашар,
Оппоқ нонга суртилган ёгдек.
Уни қаранг: унинг кўнглида
На дағдага ва на «мен-менлик».
Ҳажми кичик, аммо ўнгида
Ёргуларга чулганар кенглик...
Шунга ўхшар камтаринлик ҳам,
Яхши феъли билан муҳтарам.
Камтар экан, шу учун бешак
Турган жойи, ҳурмати юксак.
Шоирнинг ҳам қатра шеърида
Баъзан не-не уфқлар аён.
Қалб муштек-у, аммо меҳрида
Жилваланар бутун бир жаҳон.

1966

ХОФИЗНИНГ ИККИНЧИ УМРИ

Африка балладаси

Мардонавор савашда ҳурриятни деб,
Шаҳид бўлди қўшиқчи бағридан ўқ еб.
Табаррукдек улуглаб ҳофиз мақсадин,
Бир чаманга кўмишди унинг жасадин,
Жасад ва нагма билан бирга ҳасратин.
Тезлаштириб ва кутиб қасос фурсатин
У чаманда, у жойда илк баҳор фасли
Униб чиқди бир гунча — ширин нафасли.
Ёз фаслида шамолдан ғунча яйради,
Ичидан булбул чиқиб жўшқин сайради.
Булбул тилин англамоқ багоят мушкул,
Ўша тилга тушунар шоир билан гул.
Чаҳ-чаҳлардан кўп улуг мазмун туюлди,
У қайноқ товушлардан маъно қўйилди:
— Мени булбул турқида кўрган ўглонлар,
Мени булбул санаманг, тириқ инсонлар.
Мен бир вақти бўлгандим машҳур муганий,
Суҳбатим ашулали, лабим — ўланли.
Мен гулдан вафо кутган булбул эмасман,
Мен Ватаним шайдоси — мисрлик араб.
Бу иккинчи шаклимда асло ўлмасман,
Яшарман қўшиқ янглиғ қурашга яраб.
Одам эдим, одамлар дер эди ҳофиз,
Овозим мавж уради тўйларда нағис.
Порт-Саидда ўлдирди мени инглиз,
Похол сочли галамис, лаънати иблис...
Аммо энди ўлмайман... Сира ўлмайман.
Иккинчи ҳаёт топдим... Асло сўлмайман.
Эслатаман ўзимни сайраб озода,
Босқинчилар маҳв бўлсин, дея, дунёда!

РИКШАНИНГ ҚҰШИГИ

«Осие ғевони»дан

Калькуттада мендан ўтар рикша¹ йўқ,
Бенгалияда менга етар рикша йўқ.
Оёқларим бақуввату қўл чаққон,
Онам мени рикша бўлсин деб туққан.
Сиз раҳм этинг, аравамга ўтириинг,
Қайга бўлса оборайин, буюринг!
Ўтириинг, ўтириинг, ледилар!²
Ўтиинглар, мистерлар, ағандилар!

* * *

Рикшадан ҳам арzon нарса нима бор?!
Эллик пайса!.. Эллик пайса!.. Харидор!
Эллик пайса, эллик пайса кўп эмас!
Сиз ўтириб лутф этсангиз менга бас!
Бу шаҳарда мендан чопқир рикша йўқ,
Аммо ағсусе, ҳамёнимда ақча йўқ.
Ўтириинг, соҳиблар, ағандилар!

* * *

Тез чопаман, соз чопаман, кўп равон,
Корним оч-у, ўзим енгил, чопагон.
Қайга бўлса югураман дарҳол мен,

¹ Рикша — аравасига одамларни ўтқазиб, ўзи тортиб олиб борадиган киши.

² Леди — инглиз хонимларига хос унвон.

Ўз вақтида улгураман дарҳол мен,
Сиз ўтириңг, тез ўтириңг, ал-замон,
Болаларим еган эмас бугун ион.
Ўтириңг, ўтириңг, боёнлар!
Бонулар, хўжалар, аъёnlар!

* * *

Афандилар, аммо бўлинг эҳтиёт,
Тинкамизни қурилди дард — эҳтиёж.
Агар мени йўлда таҳқир этсангиз,
Агар йўлда сиз белимга тепсангиз,
Мен Хаури¹ қўпригидан мабодо
Иргитмайин сизни сувга бенидо.
Чўчиманг, чўчиманг, боёнлар!
Қулдорлар, муфтахўрлар, йўонлар!!!

* * *

Тортинасиз, қўрқдингизми?! Ё тавба!
Калькуттада йўқ бунаقا арава.
Бу гапидан ҳайиқманглар!.. Ҳазил бу!
Фақат очлик асорати ҳозир бу!
Аммо худо кўрсатмасин бу ҳазил
Чин-ростликка айланса-я, беҳазил!
Ўтириңг, ўтириңг, ледилар!
Ўтириңг, мистерлар, афандилар!

Калькутта—Тошкент, 1967

¹ Хаури — Калькутта шаҳрининг ўртасидан ўтиб, денгизга қуйиладиган дарё.

РУБОЙ ВА ТҮРТЛИКЛАР

1

Неларни мақтайди у дахрий Хайём?
Бошқа бир замона, бошқа бир айём.
Биринчи рубойим Ильичга оид,
У менинг қофиям, илҳомим, дунём.

2

Егингар бир оқшом ўтиб майдондан,
Хайкали олдида түхтадим ҳайрон,
— Ленин ивимасин, чодирни тутгин!—
Қизча онасини қистарди чандон.

3

Биринчи синфда кўп зийрак бир қиз,
Деди муаллимга:— Домла, сўраймиз:
«А»дан бошламангиз сиз алифбени,
«Л»дан бошлаб беринг: «Ленин» ёзамиз.

4

Қардошлиқ — қўнгиллар аро қўприкдир,
Кўзларнинг соқчиси нозик киприкдир.
Тиллар ҳар турли-ю, тилмоч керакмас,
Ҳар тилда беш бурчак юлдуз — табрикдир.

«Салом» битта сўзки, жавобсиз қолмас,
Ҳеч қайси тарози уни тортолмас.
Юрак саломига «алик» деганлар —
Юракдош, шу учун ёт деб аталмас.

Гарчи ҳар кишининг бўлак баҳти бор,
Гарчи ҳар ўлканинг ўз пойтахти бор.
Аммо харитада қизил юртларнинг —
Бир дили, бир эли, битта вақти бор.

Иккидир ўлкамнинг фасли баҳори,
Иккидир шоирнинг қофия, ёри.
Бириси ҳар йилда уч ойлик меҳмон,
Бири Баҳористон — совет диёри.

Офтоб азалий эски чорагбон,
Унинг ўз ҳовлиси — қадимий осмон.
— Нега илтифоти бизга шунча зўр?
— Меҳмондўст хонани севар ҳар меҳмон!

Мен сени танийман — лафзинг ҳалолдир,
Ишни чала қўймоқ дилга малолдир.
Қўйганинг — ютқизиш, терганинг — ютуқ,
Илгор донг чиқарар, қолоқлик — лолдир.

Яшасин ақл ила қўл ҳамкорлиги,
Бор бўлсин тил ила дилнинг ёрлиги.
Меҳнатдир ҳаётнинг зилол чашмаси,
Не хуш бу чашманинг тиниқ борлиги.

Меҳнатнинг озоду, виждон озода,
Юлдузинг айланиб порлар фазода.
Яқинда тўйингга борумиз бешак —
Шаҳарлик дўстлар-ла, Мақсуд Шайхзода.

ҚЎЛ ВА ФИКР

Қўлнинг мускулига қўшиқлар керак,
Қўлнинг давлатидан тепади юрак.
Қўлимга чапдастлик баҳш этар фикрим,
Фикримни тез қўлим айлайди зийрак.

ҚЎЗЛАР

Қанча нафис эди унинг нигоҳи,
Сузилиб боққанда у гоҳ-гоҳи —
Ўйлардим гўзаллик билан қўзларнинг
Азалдан ўқилган мангу никоҳи...

ҚУШЛАР ВА ТУШЛАР

Қўшиқ — қўзларингнинг шўх боқишидир,
Қўшиқ — хаёлимнинг тилак қушидир.
Ҳар тилақ рўёбга чиққан дамгача —
Қўшиқ шоирларнинг ширин тушидир.

ДУШМАН

Ганим гоҳ түхмат дер, гоҳо қилар дўқ,
Ҳабиснинг шериги — заҳар билан ўқ.
Қуёшнинг йўлини шабпарақ тўсмас,
Коммуна қалбida ҳайиқсираш йўқ.

ЎРНАК

Ёт — ўзга элларда инсон инграйди,
Кар эмас қулоқлар, ҳақни тинглайди:
Тилмочсиз англарлар: «Совет» сўзини,
Одамлар одамлик умрин тилайди.

АЙТМАКИ...

Айтамаки, романдан жўнроқ рубоий,
Уни ардоқлади Хайём, Навоий.
Сигмас газетага қучоқ-қучоқ байт,
Газета бағрида рубоий жойи.

УЧ САВОЛГА БИР ЖАВОБ...

- Ким берди дилингга ёруг, тарбия?
- Кимга сен қойилсан устозим дея?
- Ким сени яшатар ва яшартирас?
- Лениннинг коллектив ўғли — Партия.

УЧ ДЎСТ...

Файрат:— Мен тўхтамай жадал юрдим, дер,
Меҳнат:— Экканимни барвақт тердим, дер.
Билим:— Мушкулларни тез емирдим, дер,
Уч дўстнинг кучидан ўлка баҳра ер.

ВИСОЛ

Эй дўст, кўришмадик биз кўпдан берй,
Сен йироқ, мен эса — висол шонири.
Қалбимиз — оҳангдош... Бир қофияда —
Қовушиб қолгандай Советлар ери.

ОМОНЛИК

Оталар удуми келинларга сеп —
«Омон бўл!» тилаги саодатга зеб.
Кўприклар устида: «Сен кимсан?» демай —
Аввал сўрашамиз:—«Хўш, тинчликми?» деб.

ШУ АЗИЗ КУНЛАРНИНГ

* * *

Шу азиз кунларнинг тарзини англа!
Англасанг, виждонинг қарзини англа!
Виждоннинг қарзини англасанг, дўстим,—
Эртанги айёмининг арзини англа!

Ганимат саналур ҳар лаҳза, ҳар пайт,
Айтганингни қилгин, қилғусингни айт!
Гўзаллик диёрин граждани сен,—
Ёмонни йўқотиб, яхшини кўпайт!

Етти йил қудратли, ардоқли йиллар,
Ҳар дамини чулгаган салмоқли эллар.
Уларни яратар рангин лавҳадай —
Ақлли, илмли, атоқли қўллар...

Кундуздан сўрадим,— Мухолифинг ким?
Дедики:— Шабпарак, бойўғли, бўри.
Кундуздан сўрадим:— Ишқибозинг ким?
Дедики:— Кабутар, қалдирғоч, қумри...

ДАВОМ ЭТМОҚДА СЪЕЗД...

Съезд қарорлари бизга йўл бошлар,
Бу кунни эртанги қуёш олқишлиар.
Дилларда, қўлларда ва ақлларда
Давом этмоқдадир съезд, йўлдошлиар!

УФҚЛАР

Шу нареа аёнки. Коммуна яқин,
Бахтимиз қуёши кундан-кун ёрқин.
Э, олтин уфқлар етамиз сизга,
Фитналар тўсомлас бу даврон чархин!

МИНБАР

Минбарда сўзлаган ўз делегатим,
Қўлида мен берган юрак йўлхатим.
У қарор чиқарди: оша берсин деб —
Темирим ва умрим, қуйим, кўкатим,

1936—66

ЯХШИЛАР ҚАДРИ

Дүстлар, яхшиларни авайлаб сақланг!
«Салом» деган сўзининг салмогин оқланг.
Үлганга юз соат йиглаб турғандан,—
Уни тиригида бир соат йўқланг!

ДОСТОНЛАР

ОҚСОҚОЛ

ПОРТРЕТ — ДОСТОН

Йўлдош Охунбобоевнинг асл руҳига

«Давлати жовид ёфт, ҳарки никином зист!»

Саъдий шерозий¹

I

Дўстим, ҳамроҳ бўл менга бир нафас,
Оборай сени хотиротимга,
Бўктарги қилиб учқур отимга,
Ёд диёрида кезайлик бирпас.
У инсон эди, холис, сершафқат,
Большевик эди пўлатдай маҳкам.
Гоҳо кўзида кўзёшлари ҳам —
Одамзод гами кўринса бирдан...
Енгил қисилган меҳрибон кўзлар,
(Кўзларки, ҳар дам яхшилик излар,
Кўзларки, хафа пастликдан, кирдан.)
Кўп ҳакимона, очиқ пешона,
Сўймас зеҳига кўзгу — нишона.
Виқорли потик, ҳикматли гапдон
Ва табассумга бўлган тайёрдай —
Маънидор лабки, нозик сўзга шай,
Ўзи воқифдур ҳар турли гапдан...
Елкадор жусса паҳлавонвори,
Балки Рустамнинг соғ ёдгори,
Тоғ савлат, худди оталикка эб,
Онаси туққан раис бўлсин деб.
Уни ҳамма ҳам билар ва севар,
Бамисли ҳалққа ёқимли мақол,
Тупроқ баҳорга қилгандай бовар,

¹ «Ҳар кимнинг яхши номи яшар экан, у абадий давлат топган бўлади.»

Юрт унга дебди:— Сен бўл оқсоқол!
У — доим сергак миллион қўздек,
У — деҳқон ўғли, меҳнаткаш ўзбек.
Халқ уни қуйлаб либосга ўпар,
Бу ўлка бўйлаб оқсоқол юрар.

II

Улугвор эди соҳиби фармон,
Аммо эмасди на амир, набий.
Унга эҳтиром, иззат доимий,
Элдаги ишқдан эди бефармон.
Ўлкани билар беш қўли каби:
Нима хоҳлайди деҳқоннинг таъби.
Неча сўм бўлди Хоразмда ион,
Шу кўклам қалай кўкнинг авзи,
Игвогар кимни қилмиш сазойи.
Қанчалик қалқди шу кун Зарафшон...
Пайқайди гўза пояси шу дам
Неча зарралаб ўсиб ортади,
Оlam гулига неча қатра нам
Чустда шабнамдан қўниб ётади.
Эшитади у Тошкентда туриб
Хевада қандай учишар гозлар.
Ё Бухорода болгалаб уриб
Темирни тоблар тунукасозлар.
Ўзига беклиқ ўзбекка чирой,
Ҳамма дер: «Мен ҳур, менинг кучим ҳур!»
Охунбобонинг ўғли Йўлдошбой
Элга биринчи раиси жумҳур.
Яни қалб қўяр чоллар багрига,
Касалга далда беради меҳри,
Гаввосдай тушар ҳаёт баҳрига,
Сафарда бирга имзоси, муҳри.
Гоҳо англатар, гоҳо буютар,
Гоҳо жазолар ва гоҳо сўпар,
Бу ўлка бўйлаб оқсоқол юрар.

III

Уни кутарди серсоя боғлар,
Ноклар танирди ўз боғбонини.
Кулимсиради қувноқ чироглар,
Миннатдор қутлаб чирогбонини.
У билар ҳар бир дараҳтнинг ёшин,
Исмин билмаган меваси йўқдир.
Санайди юртнинг бугдойин, мошин,
Тузатар кўрса шикаст трактор.
У ўзи очган ариқлар бошин,
Кўплар сўрайди ундан ўз ёшин.
Юртнинг йўллари кафтидай ошина,
Шоферга бўлар ўзи раҳнамо.
Янглишмас асло йўлда машина,
Ер — тўшагидир, кўрпаси — само.
Уни тўхтатмас уорма — бўрон,
Уни тўхтатмас душман иғвоси.
Кўҳна одатлар, кураш ғавгоси,
Чунки йўлларда, кўприкда ёрон...
Шарқнинг бу доно, асл фарзанди,
Сиёsat илмин кимдан ўрганди?
Партия, турмуш — бу икки устоз —
Унга дарс берди, у бўлди шоввоз.
Унинг йўли ҳам ўзидай улуг,
Бу йўл чаманили, боғчали, сувли.
Табассумидай гулзорлар сулув,
Экинзор ерлар серҳосил, бўлуг.
Деҳқон элида биринчи деҳқон,
Унинг ўтқазган олмалари қўп.
«Туғилиш ўзи бўлмаскан бекон!»
Дейди у сўзни келиштириб хўп!
Истар бўлмагай ўлка ичра оч,
Қадим армонга оқсоқол тилмоч.
Ийлар қадамлар, ойлар югурап,
Бу ўлка бўйлаб оқсоқол юрап.

Уни «ака!» дер умрдошлари,
 Үнга «ота!» дер ўспирин, қари.
 Болаликдаги күп сирдошлари
 Гурур-ла сўзлар: «Бизнинг ҳамшаҳрий!»
 Қадим дўстларин танир йироқдан,
 Ёдида юрар ўтмиш айёмлар.
 Гоҳо сўрида дўстлар-ла ҳамтан,
 Давра айланар сирланган жомлар.
 Бошлар Фарғона ялласин бирор,
 Усулга қараб тебрана бошлар.
 Гарчи соқолда бордир оқ қиров —
 Оқсоқол ўзи куйни йўл бошлар:
 «Энди сендеқ жоно жонон қайдадур,
 Кўриб ғунча ҳуснинг, богда бандадур».
 Бутун бир қишлоқ бунга қўшилар,
 Ҳа, бундай севги ўша тандадур.
 Гоҳо тушади чойхонага у,
 Болалар учун байрамдир, чини.
 Бирорга конфет, бирорга шинни...
 Хотамтой келмиш замонага у.
 «Билимдон бўлиб ёшинг тўлганда,
 Комиссар бўлиб катта бўлганда,
 Башарти тушса уйингга йўлим,
 Меҳмон қиласан, майлими, ўглим?»
 Қизлардан сўрар: «Қани, тўй қачон?»
 Ўзи тўйбоши бўлур шўх, чечан.
 Гоҳо қараса, эринчоқ йигит
 Кўп танбал ишлар, ожиз кетмончи.
 Олиб кетмонин: «Ана шу тахлит
 Ишлардик бизлар ёшлиқдан, сен-чи!»
 Дейди-ю, девкор, паҳлавонсимон —
 Ерни парчалар бирпасда ҳамон.
 Гоҳо мажлисда, энг бошда, тўрда,
 Йўлдошбой ака мўътабар раис.

Шунда узоқдан күп ширин пarda
Авжга күтарар хушхон бир ҳофиз.
Шунда оқсоқол дейди гашт билан:
«Тұхтанглар, дүстлар, ҳу... авжни қаранг!»
Кабутар каби учган савтларга
Мажлисдан чиқар шүх бир қаҳқаҳа.
Кулади боғлар, дарё ва даҳа,
Ҳамма ҳам хурсанд, ҳамма хуштақчақ.
Ҳамма ишлайди у кун яхшироқ,
Ҳамма қасамда мустаҳкам турар.
Ишларкан унга юзин ўгирад,
Бу ўлка бўйлаб оқсоқол юрар.

V

Унинг имзоси базёр, бақувват,
Қонуилар шуидан бўлур қонуний.
Президент дейди әлчилар уни,
Намойиш ундан сўрайди рухсат.
Зуваласида гўё азалдан —
Шоирлик борди. Гоҳо айвонда
Кўрпача узра «Чаҳор девон»да
Изларди ҳусини шеър-у, газалдан.
«Бу янги фармон хўп фармон бўпти,
Бу қўл қўйишим газалга жавоб.
Унга ҳайкални қўймоқлик савоб,
Навоий руҳи шодумон бўпти!»
Ва гоҳо эски табобатлардан,
Варақлаб излар сариқ бетлардан
Бедаво, ёвуз дардларга дармон,
Китобин ёпар, кўз ғамгинсимон.
Бирдан кўзига илинар дараҳт,
Ҳовлида уни ўтқазган ўзи,
«Қанча тез ўсан, шунча қисқа вақт,
Мевасин егай болалар хушвақт,
Ана кишининг қолгуси изи!»

Ўзи эшикка чиқади пешвоз —
Келган меҳмонга, мулла Насриддин
Латифасидан сўйлайди бирин,
Зални қоплайди кулги ва овоз.
Ҳатто кўчадан эшитган кулар,
«Яхшилик яшар, ёмонлик ўлар!»
Булутга қарап деразасидан:
«Баҳор кўп таниз, сўлимдир терак,
Бундай ватанда яшамоқ керак!»
Сўнгра олади ўз мирзасидан —
Лойиҳа, фармон, илтимоснома,
Бевага маош, экин режаси,
Беш ойлик жангнинг зўр натижаси —
Ҳаммасин ўқир, қўлида хома...
Қўл қўяр, сўйлар мирзага яна:
«Ўша бевага тезроқ иона!»
Булутга қарап у деразадан:
«Баҳор кўп таниз, сўлимдир қўшиқ,
Шу ёр ватанга бўлмайми ошиқ?
Шундайми?» дея сўрар мирзадан.
«Душман енгилур, яшнар яна эл,
Ерга ўғитдир у аблаҳ ғаним,
Тошлиқ тогларни йиқитолмас сел,
Ўша кунни тез кўрмоқ армоним!»
Кўзларни юмиб у хаёл сурар,
Бу ўлка бўйлаб оқсоқол юрар.

VI

Дўстлар, нега умр абадий эмас,
Хусусан бўлса яхшиники у?
Гарчи яхши ном яшайди мангу,
Фазода сўнмас олижаноб сас.
Аммо биз уни кўрмоқ истардик
Боғда, майдонда, қурултойларда.
Минбарга чиқиб виқорли, тетик,

Янги канални очган жойларда,
Афесүс қўймади у шошқин ажал,
Мотам нишига у экан мўлжал!

Кишининг сўнг туни... Соат бир паққос,
Очар коинот қўйнин кўкламга.
Қуёшли кундан даракчи аёз,
Эл ботиб кетди бирдан мотамга.
Биз ҳам вагонда эшитдик шуни,
Сўнгги қиши туни... Сўнгги қиши туни.
Нега яширай, серрайдик пича,
Бевази қолгандай мисранинг ичи.
Сигдиролурми ғамзада мия,
У номга ўлим тушмас қофия!
Пахмайган соchlар қўзгалди тикка,
Қушлар тепалаб учдилар, кўкка...
Отлар туёғин уриб тепинар,
Қаерда менинг чавандозим деб,
Интизорида олмалар унар,
Келсин бօғбоним ва шоввозим деб.
Унинг ҳақи бор ашулаударда,
Сирланган чинни пиёлаларда.
Назм тизилгай унга раҳмат деб
Ва қисқа ёзгай энг катта адиб.
Дўстлар, у тирик, бизлар-ла боҳам,
Кўзларин тикиб уфққа ҳар дам
Зафар-ла кутар фарзандларини,
Жангга жўнатган дилбандларини.
Улар келтирган хушбўй гулчамбар
Йўлдош акага энг баҳтли хабар.
Дўстлар, у бизга ҳамсаф ўтирад,
У бизни севар, у бизни кўтар.
Бизга буюрар ва гайрат сўпар,
Бу ўлка бўйлаб оқсоқол юпар.

ТОШКЕНТНОМА

БАҒИШЛОВ

Шаҳарлар боқийдир, умр ўткинчи,
Дарёлар сабитдир, сувлар — кўчкинчи.
Ҳар ким ўз шаҳрида қўйган эсадлик,
Е бино қуришда катта усталик,
Е ширин латифа ёки ихтиро,
Е дараҳт, ё фарзанд, кўприк ё мисра,
Е қўшиқ, ё дори, мактаб, соқчилик,
Хулоса: дунёда бирон яхшилик...
Бир вақтлар мен сенга шаҳримни мақтаб,
Қиларкан таърифин, сен бир оз тўхтаб,
«Шунчалар бормикан?» деб гумон қилдинг,
«Кўрганда айтамиз!» деб имо қилдинг.
Ва айтдинг дарвоҷе кўргандан кейин:
«Мақтовинг оз экан, соз экан уйинг!»
Қоматга муносиб бўлсин деб либос,
Шаҳримга дилдаги муҳаббат, ихлос
Достонга қуйилсин дегандим у чоқ,
Кечикиб ёзганим кечиргин, ўртоқ!
Бу ерда турғанлар ёки кўрганлар
Ёки кўрайин деб истаб турғанлар,
Ёки Тошкентимнинг шаклини сўрганлар,
Нақшини дилида олиб юрганлар
Сизга бу таронам — қуйим армуғон,
Наср — оғир қадам, назм — чопагон.

Оҳ, билсанг, нимани эсладим бугун?

...У ярим асрлик курашлар юкин —
Елкада ташиган тошкентлик бир чол
Оқ пошшо даврида бўлганин ичор
Сўйлаб берган эди менга бир маҳал.
Озодлик йўлида курашиб жадал,
Сургунда қон ютган йилларни айтиб,
Қочқинда дуч келган элларни айтиб,
Дер эди:

— Эсимда, бир вақтлар йироқ
Юртда бошимизга тушганди фироқ...
Тайгалар қуршови ичида бутун,
Ажратиб бўлмасди кундузми ё тун?!
Замҳарир қиши эди, совуқди ғоят,
Ўйда хавотирлик, тўнгармиз шояд!
Машаққат сафардан безиб, толиқиб,
Не-не заҳматларга йўлда йўлиқиб,
Судралиб борарди одамлар хомуш,
Аёз чанғалига тушган эсу ҳуш.
Битта қўналгага ўтирдик ҳоргин,
Юраклар музлаган кўллардай тургун.
На қуёш бор эди, на кундан асар,
Изгирин... Нафастан гўё муз ўсар.

Шу тоб:

Ногоҳ эшитилди согинчли хитоб:
«Оҳ, Тошкент, Тошкент!»
Ҳаммамиз қайрилиб қарадик дарҳол,
Арчага суялиб туарарди бир чол.
Бир маҳал бу ерда у бўлган экан...
«Оҳ, Тошкент, Тошкент!»
Бу сўз қуёш юртин келтирди эсга,
Хаёлда уфқлар жонланди ўзга.
Десамки бу номдан томиришимизга

Бир оз иссиқ сингди, ишонинг сўзга...
Оҳ, нега жизиллаб ўтди у дилдан,
Мен-ку айрилгандим кўпдан у элдан?!
Энг совуқ кунларда қуёшни эслаш,
Бу — яъни тун бошин нур билан силаш!!!
Нега тўлқинлатди руҳни у овоз?
Ҳа, «Тошкент» деганда эсга келар ёз...

II

Ҳар қачон, ҳар қайдада дейилса Тошкент,
Дегайсан ёзларга ёзлар туташган.
Ҳа, Тошкент дейилса эсга келар ёз,
Ҳа, Тошкент дейилса қуёш эсада шай.
Қуёшки, умрзоқ авлодга дамсоз,
Бу ерда ҳамма дер:— Қуёшча яшай!!!
Дўст бўлғанмисан бунда айни ёз фасли?
Йўқ эреа, ёзларни кўрмабман асли!
Чирчиқ увасига қўнгани шаҳарда,
Қуёш хизматини бошлиб саҳарда,
Меҳнатга бел боғлар одамдан бурун,
Олтин жомакорин ечар кечқурун...
Шу улуг ишчини олқишилай дейман,
Шаънига қўшигим бағишлай дейман!
Умрида ким келса бир бор бу ерга,
Қалбига экади Тошкентнинг меҳрин,
Шу учун Тошкент ҳам қуёшли муҳрин
Босар паспортларга, хотираларга.
Дейдилар: Тошкентда сув ичган чумчуқ
Қайтиб келар экан Макатуллодан.
Юзи ҳам, сўзи ҳам, кўзи ҳам очик,
Табаррук тупроги зару тиллодан...
Қуёшга инсон иом қўйған кунидан
Куйчилар ўхшатди нозанин қизга,
Аммо, полвон ишчи, дейман уни ман:
Ишда ҳамкор бўлди у ўлкамизга.

Тошкент қүёшининг кўпdir таърифи:
Лола ҳам, келин ҳам, гул ҳам, чироғ ҳам.
Аммо меҳнат тўла унинг тарихи
Шоирлар шеърида қолибди мубҳам.
Биламан баҳорнинг эрка шамолин,
Севаман тупроқнинг уйғониш чогин,
Бўсалар фаслини, ёрнинг жамолин,
Ҳай-ҳай, шайдолигим тутмасин тагин!..
Баҳорлар ҳақида куйламоқ осон,
Ёзнинг шеъриятин топа бил шоир.
Гул ила булбулни жуфтламоқ арzon,
Июлни мақташда бўлолгин моҳир.
Мен-чи, қўёшимиз ишин ҳар важдан
Ўлчаб, уни деймаи:— Бизнинг граждан!
У бизга ризқ берар, бизнинг отахон,
Дегайсан, пишиқ қўл, уста ионпаздир.
Тонгда — оппоқ хамир, зуваласимон,
Туш вақти қизариб, қизиган тандир.
Аммо ботиши олди, саргайган пайти
Уни ширмойи ион дегинг келади.
Шалшайиб кетгаида саратонда ер,
Қуёш чаққон бўлиб хизматда турар,
Кураш майдонига тушган полвон — эр,
Беллашиб олмоққа ҳариф чақирап...
Асадда етилган ўёза подасин
Боқиб, пойлаб юрар офтоб — чўпон,
Бирор кун бузмаедан у ўз ваъдасин
Келади, эгнида зарҳалли чопон.
Мен жондан севаман ёз қуёшини,
Иссиги, шуъласи, ҳусни ҳаётбахш.
Текширсам Солорнинг ҳар бир тошини —
Қуёшининг хандаси унга тушган нақш.
Баракат, баракат қуёшдан келар,
Шу қадар очиққўл, шу қадар сахий!
Аммо ёлчимади ундан боболар,
Ҳамиша у шундай бўлганимас ахир!

Социализмнинг улуг режаларига
Қүёшнинг рўзгорин қўшамиз дедик,
Ленин бошлаб бахтнинг кўчаларига,
Нурли уфқларга йўллади тетик...

III

Эҳ-ҳей, менинг шаҳримнинг кўҳна қиссасин,
Қиссасинки, минг йиллар қаърига чўмган,
Ер қатларида қотган сир-ҳодисасин,
Ҳодисаки, вақт уни тупроққа кўмган,—
Кимлар айта олади? Борми гувоҳлар?
Ахир, минг йил яшамас қушлар, гиёҳлар!
Тушди не-не заҳматлар бу ер, бу элга,
Балки тошлилар айтарди, кирсайди тилга!

Саргайган қўллётмалар, жимжима хатлар,
Мулла боболаримиз чизган санадлар...
Варақладим бирма-бир ўтмишни эслаб,
Асрлар қадамида бир маъно излаб.
Бир авлоднинг умри-ку, бағоят қисқа,
Аммо талай авлодлар мангуда халқ демак,
Халқ кураши ўлмаслик учун васиқа,
Дадилликка умидлар берарди кўмак.
Узилмасин замоннинг риштаси дея,
Асрларнинг ораси қолмасин деб бўш,
Емасин деб тарихнинг варагин куя,
Қулликка эрк тилаги кериб турди тўш...
Ҳа, билим қолар экан, ёзув қоларкан,
Ёзувдаги азалий орзу қоларкан.
Емоилик ўлар экан, пастлик ўларкан,
Истибдоднинг қалъаси бир кун қуларкан!..
Оҳ, китоблар, китоблар, мангуда ишчилар,
Бегараз хайриҳоҳлар ва кенгашчилар!
Меҳнатнинг таърифин ёзган китоблар,
Мардлар номин ҳарфма-ҳарф чизган китоблар,

Иилларим оқиб кетди саҳифаларда.

Сиз гоҳо қулдирдингиз латифаларда,

Гоҳо мудҳиши жангларни тасвир қилдингиз,

Қирғинларни нақл этиб, таъсир қилдингиз.

Гоҳ усталар ҳунарин баён этдингиз,

Олимларнинг кашфини аён этдингиз.

Лекин сизлар шоҳиди бўлган замона

Минг йилдан нари ўтмай турар ҳамона.

Нари ёқнинг кечалари ва қундузларин

Халқ эсида қидириб топдик изларин.

Қолган-қутган нақллар, афсоналар бор,

Ном-нишонсиз куйчилар қўйғанилар ёдгор:

Аждодларнинг девлар-ла панжалашгани,

Келганида ғанимнинг қанча лашкари

Паҳлавонлар ёвларни қириб қувгани,

Булоқларда қон юқи қилич ювгани...

Эртакларнинг тог каби эски мағзида

Ўтган можароларнинг чувуқ иплари,

Достонларнинг сув каби равон сўзида

Гўзалликнинг, мардликнинг сўнмас типлари.

Нақлларга, қўшиққа, ривоятларга,

Мақолларга, эртакка, ҳикоятларга

Мен умримда жуда кўп қулоқ осибман,

Эшитибман боғондан, нонвой, косибдан,

Пахсазонлар — тупроқни пишитганлардан,

Улар ўзи эшитган эшитганлардан.

Археолог курагин тупроққа қоқиб,

Туртди мозий белини боғсан юкларни,

Нумизматлар¹ кўзига ойнагин тақиб,

Ўқидилар тангада минг йилликларни.

Исадан, Искандардан, Кайковуслардан

Илгарироқ бу ерда бозорлар бўлган.

Тақачилар сув ичган кўк ҳовузлардан,

Айвонларни ойнасоз ойнабанд қилган.

¹ Нумизмат — қадимги тангаларни текширувчи мутахассис.

«Шони камони» таърифи мерганилар аро
Эрон билан Туронда бўлган овоза.
Полизларда узоқдан кўринар қаро,
Чалинарди кўзларга баланд ҳавоза.

IV

Аждоду боболарнинг фаҳмига балли,
Илк деворни урганилар, кулба қурғанилар.
(Пана экан ёмғирдан, қордан ақалли!)
Бу ерни макон қилиб бунда турғанилар.
Тупроқ — семиз, сув — яқин, ҳавоси очиқ,
Қуёш эса йил бўйи бу ерга ошиқ.
Катта элга қўналға бўладиган жой,
Шарқу гарб ўртасида катта бир манзил.
Чин-Мочиндан¹ толиқиб келган карвонлар
Тойлаган ипаклари ранго-ранг, асиł,
Румга қараб жўнаркан қадим замонлар —
Бинкат равотларига қўниб хотиржам,
Тановул қилишарди нон ҳам, кабоб ҳам.
Баракалла боболар фаросатига,
Разм солиб топғанилар шаҳар нуқтасин!
Кўчиб-кўчиб етганда Чирчиқ сатҳига
«Турр!» деб тортиб қўйғанилар отнинг нўхтасин.
Аммо ариқлар қазиб, кўприк солғанилар,
Дастурхоннинг бошида қуруқ қолғанилар.
Ер ҳам, сув ҳам, қуёш ҳам, обу ҳаво ҳам
Камбагал ионин бутун қилмади. Нега?
Зўравонлар ҳукмида қул әди одам,
Толе хонадонида меҳнаткаш ўгай...

V

Эсимда, Аиҳорнинг ёгоч кўприги,
Бу ерни азалдан дейишган Ўрда.

¹ Чин-Мочин — Хитой ва унинг шарқи-жанубидаги ерлар.

Жисми йўқ, исми бор. Бекларнинг арки,
Ном қолган, аммо ном эгаси мурда.
Тошкентнинг ҳокими, беклар бегиси
Шаҳарни сўраган Ўрдада туриб,
Лекин говак экан қалъа негизи,
Девор ҳам, давлат ҳам қулаган чириб.
Замон пўк нарсани тез унуттирас,
Яъни тургуниликдан ҳаёт ўч олар.
Эски лой қалъа йўқ, қиссаси турар,
Ерга чўкиб кетган эски кўчалар...
Ҳозирда бу ҳолат... Аммо бу ерда —
Аввалги асрнинг ярмига довур
Ҳукумат дейилса мазмуни — «Ўрда».
У йиллар ўтгандар Сайҳундай оғир.
Ўн икки қопқадан, ўн икки йўлдан
Божгирга пул тўлаб кирган карвонлар.
Ҳар юртнинг матоин қув бозорбонлар
Жойлаб қўяр экан, ўтказиб қўлдан...
Гоҳо ютқизишда, гоҳо ютуқда
Бир-бирин англарди олиқ-сотикда.
Бир-бирин тилмочеиз тушунар эди,
Уларга аниқ тил — молнинг сифати.
Ўн икки қопқадан, ўн икки йўлга
Жўнаб кетар экан юкли карвонлар,
Жанубга, Шимолга, ўнгга ва сўлга
Қатнаб юрар экан юкли карвонлар.
Ўн икки қопқадан гоҳо бемаҳал
Отлиқ босқинчилар киргани ҳам бор.
Ханжарлар дамида санчилиб ажал,
Тинч халқни тунарди қилиб тору мор.
Гоҳо атрофдаги йўлтўсар беклар
Дастидан соврилди карвонлар — юклар.
Гоҳо олисдаги амирлар, хонлар,
Ишратга ўлармон, нафси ёмоилар
Хун дея, қул дея, пул дея босди,
Талон-торож қилди, зўрлади, осди.

Гоҳо ёт ерлардан «мен-мен»чи шоҳлар
Лашқар тортиб келди дағдага бирла.
Йўлларда ётарди кўп бегуноҳлар,
Фотиҳлар излари — бесон қабрлар.
Тилингдан, элингдан кеч, деб буюрди,
Тиз чўкмай «йўқ» деди ботирлар юрти.
Эл-элат қўзгалиб золимни қувди,
Қайтадан тупроқдан ахлатни ювди.
Аммо бири кетса баттари келди,
Янги очкўзларнинг хатари келди.
Гоҳо Бухорога, гоҳ Самарқандга,
Гоҳ Қипчоқ чўлига, гоҳо Хўқандга
Хирож тўлар эди Шош фуқароси,
Чўзилди узилмай жанглар ароси.
Эркесвар шаҳарнинг ёши, қариси
Топи ила, мушт ила, ўқ ва тиг ила
Эркинлик жазмида халқнинг бариси
Босқинчи лашкарга қиларди ҳамла.
Анқовроқ қўринса шаҳар ҳокими
Эл шаънин сақлаган мардлар туркуми
Муҳрини қўлидан тортиб ҳайдашди,
(Кўпdir фуқарою бек саргузашти!)

Шош аҳли баҳодир бўлса-да, асти
Бировлар шаҳрига бўлмаган қасди.
Ўзаро талашлар, фитна-ю, фасод —
Меҳнатни, савдони, қўшиқни эзди,
Экин пайҳон бўлди, кўприклар барбод,
Қонли жаҳанинамдан эл-улус безди...

VI

Қачонки балқиди Шарқнинг уфқида
Буюк Русиянинг қудрат юлдузи,
Ҳали ётар эди оғир уйқуда
Кўҳна Осиёнинг ёрқин қундузи.

Аммо Оренбургдан Тошкентга қадар,
Балки Бухородан Ҳаштархонгача
Пойлоқчини ёллаб, кундуз ва кеча —
Отга қамчи босди бетинч савдогар.
У вақтлар Тошкентнинг баззозларида
Чаққон мол — Московнинг мовути, чити,
Хўқанднинг қўли гул ошпазларида
«Ўчақбоп» Ўролнинг қозони эди.
Шимол салтанати қўлларин кериб
Кунгай тупроқларга чангин солгандা,
Дашту саҳро босиб жанубга юриб
Тошкент этагига келиб қолганда —
Найзаларни кўргач уқди эшикбон —
(Бу — бошқа савдо-ю, бу — бошқа карвон.)

Жамоат эшикни маҳкам қулфлади,
Аммо қарши тўплар олов туфлади.
Боёилар қочишди, қулади девор,
Оломон олишди кўп мардонавор.
Ҳар уйда, ҳар кўйда мудҳиш жанг бўлди,
Қалъя сарбозлари ҳанг манг бўлди.
Ул замон шаҳарнинг жавобгарлари,
Аёлманд оталар, ҳалойиқ бари
Жомега йигилди, катта кенгашга.
(Минорлар ларзадан гўё энгашган...)
...Бири чорвасини, молини ўйлар,
Бири оилани, ҳовлини ўйлар,
Бири тирик қолган бошини ўйлар,
Бири бобо гўрин тошини ўйлар.
Бири дўконини, савдосин ўйлар,
Бири масжидини, худосин ўйлар.
Бири пахта эккан тупрогин ўйлар,
Бири Қўйлиқдаги чорбогин ўйлар.
Бири янги мансаб — медални ўйлар,
Гўё хушқимордан чўтални ўйлар,
Бири вилоятнинг тинчлигин ўйлар,
Урушнинг қонларга ўчлигин ўйлар.

Яна бир чеккада турган бир ҳаким
Жаҳонгашта сайёҳ, қўлида асо,
Ўйлар Ўрусият¹ диёридаги
Кўрган шинаванда ва ақли расо
Яхши одамларни, донишмандларни,
Адолат излаган орзумандларни...
...Деди отахонлар:

— Ўруслага қарши

Яроқиз бўп қолди бизнинг аслаҳа,
Амри илоҳийдур фалакнинг иши,
Сулҳу саломатлик энди маслаҳат...
Не лозим тўкилгай қонлар ортиқча,
Гардиши Давронни билиб бўлмайди.
Урушнинг нафи йўқ бизга тариқча,
Қисматнинг аксига жилиб бўлмайди!
Ўзаро низонинг дарду марази
Тинкамиз қуритди, хуноба қилди.
Талашган хонларнинг кеку ғарази
Етди юрт бошига, хароба қилди.
Таваккал худога, у биру борга,
Тоймаймиз, суюнсак катта деворга!..
Афгоидан фаранглар ўтиб келмасдан,
Гурбатда занжидай қўул еотилмасдан —
Итоат этайлик оқ подшога,
Сигина қолайлик, олийпаноҳга!
Фатво чиқарилди, қарорга кўра
Бир гуруҳ оқсанол қози ва тўра
Чиқдилар Камолон дарвозасидан,
Бир кумуш баркашга қўйиб дафъатан
Ўн икки қалъадан ўн икки қалит,
Тилладан қуйилган кўп эски қалит.

¹ Эски китобларда ва умуман илгариги даврларда Россия ўзбек талаффузида «Ўрусият» яъни, «Ўруслар юрти» деб айтилар эди.

Топшириб қўйилди зафар аҳлига,
Шаҳсан чор қўшини генералига,
Ортди Россияда бир мустамлака...

Ярим подшонинг қўлида бу гал
Икки зулм остида ингради ўлка.
Корчалон — беҳаё, очкўз ва дагал —
Фоят ташна эди, амалга, пулга,—
Вақтида буларни ростқалам Шчедрин
«Тошкентчи жаноблар» атаб додлаган.
Хурмат қилганидан ҳалолнинг қадрин,
Аблаҳ ҳаромхўрдан кулиб боплаган...
Ким билар, Шчедриннинг ҳикоясида,
Аччиқ таънасида, киноясида —
Тошкент заргаридан бир улуш бордир,
Қочириқ, мазах бор, ё кулиш бордир.

Бироқ кўрар эди жуда кам киши,
(Амримаҳол эди кўпнинг кўриши,)
Қўшинлар ортидан Туркистон томон
Келганин Шимолдан иккинчи карвон.
«Приступ»лар эмас карвондагилар,
Археолог билан чилангар келар:
Келар «ўрус дохтур» ила муаллим,
Маърифат, янгилик, шафқат карвони.
Бирининг қонида дори ва чилим,
Бири ўлчаб тураг обу ҳавони.
Бири дурбин тутиб кўзларувани,
Бири орқасига ортган тўрвани,
Тўрвада гугурт ва Пушкин девони.

У чогдан ўлканинг ҳаёт-мамоти
Боғланди Россия қисмати билан,
Яъни Туркистоннинг ёғий¹ авлоди —

¹ Еғий — исёнкор, қўзголончи, бетинч.

Қалқди инқилобга хизмати билан.
У чоғдан ўзбекнинг ҳақсевар руҳи
Кўшилди Шимолнинг равшан фикрига.
Сочилди тупроққа иқбол уруги,
Жон тикдик ҳуррият гулин меҳрига.
Халқлар толелари тузди иттифоқ,
Тожу тахтлар билан курашда иноқ.

VII

Ҳозир ўрни ўчган картада,
Ўша ерда, собиқ Ўрдада
Бир кун шундай ўйланиб қолдим.
Анҳор бўйи айланиб қолдим.
Мисранг сувлар йироқни чоғлаб,
Ёз қуёшин ўпиб, қучоқлаб,
Элтиб борар эди Жанубга,
Ўзи оққан томонга, тубга...
Сувлар оқар қўйи томонга,
Ёпи десанг — ёш, чол десанг — кекса,
Худди шундай, кунлар замонга,
Қўйилади асрий Уммонга;
Ҳаракатда олам ҳар лаҳза...
Хонумонга қўшилар бола,
Тезлаштирас сувни шалола...
Анҳор гўё кечаги Анҳор,
Аммо шундай ўйлама зинҳор...
Ўзи у-ю, аммо у эмас,
Ичи сув-у, ўша сув эмас,
Худди шундай ёшлиқ ҳам фақат
Бир бор бўлар биз билан улфат.
Кечакундан шалдираб ўтган
Ўйноқ сувлар кўп йироқ кетган.
Ё боғзорлар тагига сингган,
Ё булатга қалқиб туташган,
Ё ҳовузлар бағрида тинган,

Е уфқдан-уфқа ошган.
Бугунгиси — яп-янги сувлар,
Кечагининг авлоди булар.
Мажнунтоллар барглари камбар,
Шитирларди сойнинг бўйида,
Енгил қарсак чалгандай қизлар —
Қўшинидаги никоҳ тўйида.
Кўкатзорда қайрагоч хўжа,
Қуши сигинар ҳимоясига.
Кириб қолган асфальт кенг кўча
Хиёбоннинг кўк соясига.
Юриб бордим сой ёқасидан,
(Бу — Абдулла Тўқай кўчаси.
Шеъру шаҳар алоқасидан
Кўчаларнинг мундарижаси,
Дарак берар алланечаси!)

Кўча... Шоир... Ҳар ўтган эслар,
Ҳар эшикда сақланган ҳислар!
Туяр экан сени девор-тош,
Сен ўлмабсан, азиз маслакдош!
У кўчанинг нақ ўртасида
Азим ҳайкал... Мен турамен тек,
Пойтахтимнинг харитасида
Ҳайкал тирик бир чақириқдек...
Ленин демак: Инқилоб ва эрк.
Йўл уфқа! Орқага йўл берк!

VIII

Қизил майдон эмас кўп эски,
Тарихчига лекин етарли.
Янги замон учун у кўзгу,
Ўзи очиқ китоб деярли.
Унинг ҳусни мангуд ёшлиқдир,
Эллар билан қадамдошлиқдир.
Ҳайкал гўё замон саҳнида

Ҳайкал гүё замон саҳнида
Бошлаб борар адил бинони,
Ҳикматини халқлар фаҳмида —
Тўғри ўқиб уқди маъниони.
Биз Лениннинг усулин қўллаб
Бу диёрда давлат қурганмиз,
Коммунизм уфқин мўлжаллаб.
Ўртоқлашиб ҳукм сурганмиз.
Олий бино... давлатхонамиз,
Оқ кунимиз, оқ кошонамиз...
У бинода, баланд равоқда
Эл бахтидан нурлар сочилган.
Кишанларни узган тупроқда
Оқ мармардан лола очилган.
Бу бинода мен сайлаб қўйган
Раисим бор, ҳукуматим бор.
Пештоқига нақш қилиб ўйган
Ўроқ-болга аломатим бор.
Республика муҳри шу ерда
Фармонларга босилар вазмини,
Эркин куйлаб ҳар бир шеърда
Эркдан тердим шеъримнинг вазнин.
У майдонда яшил курсига
Ўтираман, қўлимда дафтар.
Ў, болалар учирар капитар,
Мисра қўнтар қоғоз юзига!..
Оқ кошона, оқ равоқларда
Бинафшли нурлар товланар.
Қачон боқсам, бир вақтларда
Кўрганиларим эсда жонланар.
Ўттизинчи йилларда бунда,
Байрам чоги қувончли кунда
Намойишчи сағларни қатор
Кутиб олар эди Оқсоқол:
Баланд бўйли, доно, сўзамол,
Марғилонлик собиқ мардикор.
Охунбобо ўгли Йўлдошбой,

Маҳкамаси бу азим Сарой.
Энди мангу ухлар раҳматли,
Уйнинг умри бизга ибратли.
Қад кўтармиш байроқдор шаҳар,
Шарқда ёнар ёрқин машъалдек.
Осиёнинг кафтида гавҳар,
Жозибали мисоли эртак.
Бизни сариқ Осиё деган
Туҳматчининг уйдирма иши,
Келиб кўрсинг истаган киши,
Ким ёлғончи, ким ростгўй экан.
Тошкент ялпи қизилга чўмган,
Аргувонга, яшилга чўмган.
Камалакнинг етти хил ранги
Осмонда сўлим товланар.
У ёқимли ранглар, қарангки,
Чечак бўлиб ердан ҳам унар.
Шарқни таҳқир айлаган жаиоб,
Гулларки бор, сенга бу жавоб.
...Бу иморат: Шаҳар Совети,
Шаҳримизнинг эга — қуввати.
Мен сайлаган депутатларим,
Азизларим, азаматларим
Кенгашмадан чиқаётирлар,
Ҳар томонга оқаётирлар.
Улар менинг ғамимни ейди,
Янги уйни, сувни ўйлайди.
Боқ, уларнинг қўйин дафтари
Кўчаларнинг тўлган исемига,
Корхоналар, мактаблар бари
Нақш бўлган улар эсига.
Шаҳардаги дарвозаларни,
Кўча томон деразаларни,
Уйнинг чолин ҳам чақалогин,
Шифохона, ариқ қулогин,
Паркда дарахт ёшини, зотин

Беш құл каби биларлар ҳатто,
Хасан-Хусан туққан ҳар хотин
Меңнаткашдир атоқли, катта.
Бу шаҳарда ўртоқ, товариш,
Рафиқ, ибдаш... барчаси ҳам тенг,
Иш деганга бу ерда бор иш,
Шаҳримиз кенг, бағримиз ҳам кенг...

IX

Үтмишдаги құллик, йүқсиллик,
Қақатчилик, очлик, мұхтожлик,
Мансабдорлар қылған разиллик,
Жабру жафо, вабо, бебошлиқ,
Текинхүрнинг ҳар биттасидан,
Кичигидан ва каттасидан —
Бошға тушған мусибат, азоб,
Санаб адo бўлмас, беҳисоб.
Ёқалашди икки ҳамсоя:
Меңнат билан қонли сармоя.
Тошкентликнинг исёнкор руҳи,
Үн олтинчи йилда балқиди.
Ерга тушди эркнинг уруги,
Уруг эккан боғбон халқ әди.
Олмазорнинг чангли йўлига
Ризвониби тўкилған қони.
Наслларнинг қулоқларида
Янгираган сагир ғигони.
Ким унутар ғам навосини,
Етимларнинг хун даъвосини?
...Ҳақсизликни ўчириб ташлаб,
Юртни қизил уғқа бошлаб,
Коммунистлар қилди жонбозлик,
Эрк йўлида мардлик, шоввозлик.
Туркистонни чорлади Ленин:
— Мусулмонлар, қалқинг, юксалинг!

Қылдик зулм қалъасин хароб,
Эркингизга соқчи Инқилоб!
Коммунистлар жангда биринчи,
Хужум пайти хатарда-хавфда,
Чекинишида — кейинги сафда,
Большевикнинг зоти — ленинчи,
Унинг кўзи ҳар бир тарафда.
Коммунистнинг бўлсайди агар
Юз жони-ю, юзи ҳам ширин,
Халққа, юрга ва Коммунага —
Багишларди қолдирмай бирин.
Янги замон биносин қурмоқ
Бўлди Тошкент бинокорлари,
Биргаллашиб тузди иттифоқ
Султон араб ҳамқаторлари...
Саксонлардан ошган у чолни
Тинглаганда кўрардим гўё —
Ҳаёт қандай енгигб ажални
Ўпирганин зулматни дунё...
Унинг умри жонли бир тарих,
Камтарликка, мардликка таъриф!
Партия ҳам йўлловчи сардор,
Ҳам халқларга содиқ хизматкор.
Улуг Ленин чақиригига
«Лаббай!» деди Тошкент энг аввал,
Октябрнинг нур-ёругига
Деразасин очиб у маҳал,
Осиёда биринчи бўлиб
Ёкиб қўйди Шўро чирогин.
Қадоқ қўллар журъатга тўлиб
Маҳкам тутди давлат байробин.
Ҳакимзода, қўқонлик адаб
(Қўқон ўзбек шеърига қўргон.)
«Яша Шўро!» қўшигин айтиб
Очди янги шеърга даврон.
Туркистанда қаҳрамон Тошкент

Советларнинг бўлди қалъаси.
Ҳақ ўриатиб ҳар томон Тошкент,
Адолатнинг келди палласи.
Ҳарбу зарбда улгайди Тошкент,
Аҳвол тангу, гоя ва иш кенг...
Оҳ, ўн тўртлар, ўн тўртта ботир,
Тўнгич ўн тўрт қизил комиссар,
Кошки бўлса қаламим қодир,
Қонингиздай ёзсан пок асар!!!
У шум кечада... ва «Тупроққурғон...»
Писанд қилмай жаллодлар дўқин,
Узганда оқ ваҳшийлар ўқин,
Сийналардан на дод, на фигон!!!
Сўнгги кечада, сўнгги нафасда
Эслар эди Шумилов уста
Туркистоннинг темир йўлларин,
Фояпарвар умр йўлларин.
Билар эди жасур большевик,
Унинг ҳаёт йўли битса ҳам
Коммунанинг умри кўп йирик.
Коммунизм йўллари кўклам...
Қўйилгансиз битта қабрга,
Қучоқлашиб сиз ўн тўрт қардош,
Курашларда бўлгандай бирга,
Ўлганда ҳам бирга — қабрдош!..
Шаҳрингизга эмассиз қарздор,
Ўтадингиз бурчни мўътабар.
Сизни эслар тошкентлик ҳар бор,
Қабрингизга қўйиб гулчамбар...
Кўп қимматга тушди озодлик,
Кўз ёшлардан йўғрилди шодлик.
Шу туфайли азиз ҳуррият,
Эркимизнинг баҳоси қиммат.

X

— Нимаси кўп Тошкентнинг?
— Суви, сойи, сояси...
Тошкентга ихлосманднинг
Тугамас ҳикояси!..
— Нималар кўп Тошкентда?
— Ошлар, ишлар, кишилар,
Созанда-ю, пазанда,
Ишчилар, ишбошилар.
— Нима кўрдинг Тошкентда?
— Меваларнинг аслини,
Доим қуёш фаслини,
Қуёш бунда иззатда.
Ораста айвонларда
Янги қизлар кўраман,
Яшил хиёбонларда
Эски дўст-ла юраман.
Тонг ёриган чоқларда
Ерга қулги сочишар,
Шу учун дудоқларда
Шўх гунчалар очилар.
Тошкентда ёз иссиги
Дилга берар йигитлик,
Кабобпазнинг ҳар сихи
Кун туфайли хуш ҳидлик.
Теракзорлар хушбичим,
Боғларда ҳаммаёқ жим,
Ер ҳам, кўк ҳам мовийранг.
Ҳавонинг юзи тиниқ,
Шунча тиниқки, қаранг,
Гулларнинг атри аниқ —
Ҳавода билинади,
Кўзларга чалинади.
Ану дароз чинорлар
Ўтган кузни ва қишини,

Баҳорда келган қүшний
Тинмай-синмай санаарлар.
Булут осиқ Чотқолга,
Булут ўхшар соқолга.
— Булутлар, ҳай булутлар,
Сизда борми бургутлар?
— Бургутларни билмаймиз,
Аммо бор самолётлар.
Бизнинг шунқор ботирлар,
Учқур, девкор ботирлар
Шаҳримизга ҳар ёқдан
Учиб келаётирлар.
Бир шеъримда, бир маҳал,
Бундан етти йил аввал
Чирчиқнинг ёқасини,
Тошкентнинг воҳасини
Мен боғистон дегандим,
Боғу бўстон дегандим.
Шу таърифни шу замон,
Қайтараман уч чандон.
Ёзниг келиши ила
Токнинг томирида май,
Ейма саватлар тўла
Маржон каби қулупнай.
«Жаннат шунда экан-да»
Дейилса ким ишонмас?!
Шакар ангур деганда
Айтинг-чи, ким тамшанмас?!
Ҳусайнин узумимиз
Иттифоқда мўътабар,
У — совға,— у хушхабар.
Ўзи — ширин сўзимиз.
Донгдор Ризамат ота
Токчиликда соҳибкор,
«Соҳиби»син ҳар катта
Дастурхонда ўрни бор.

Биз юборған ҳар ўрик
Жанубдан олтин табрик!
Дараҳтларда бутоқлар
Мевалардан букилган,
Қарс-қурсе билан ёнгоқлар
Дўлдай ерга тўкилган.
Асл, қизил олмалар,
Уни қизим тилмалар.
Нега ариқ лабида
Тутзорларга хушторман?
Гўё дараҳт қалбида
Бир ҳисдан хабардорман.
Дейман келгач сираси:
— Тут боғлар шоираси!..
Қилган иши ширинлик,
Яхшилилка иримлик.
Дастлаб баҳор чогида,
Ҳали мева йўғида
Оғзимни ширин қиласар
Асал каби оқ тутлар.
Сабр қилсанам, баргидан
Ҳарир пилла ўралар,
Тутимнинг ипагидан
Ясанади жўралар.
Бу сир эмас, очиқ гап,
Ҳар ҳисга бор бир сабаб.
Қизлар эгнида кўйлак
Қайтага бўлса ипак,
Жилваланаар, товланар,
Севги тез оловланар.
Нега ариқ бўйида
Ўсган тутлар обрўда?
Чунки сувлар қиргогин,
Қиргоқларнинг тупрогин
Асрайди тут дараҳти,
Айниқса селлар вақти.

Балки шу ишчилигі,
Одамга яхшилиги
Важидан тут күп яшар,
Балли, юзлардан ошар.
«Қора тут» маҳалласин —
Чол шоҳиди — қадим тут,
Түрт асрнинг палласин
Ошгани бунга субут.
Шоирона тафаккур!—
Муболага, мақташлар!
Менингча оқ садағдир
Сой ичида оқ тошлар.
Кезар тут күланкаси
Ирмоқлар ёқасида,
Түқидим сурункаси
Тут шаънига қасида.
Еш тут худди синглимдай,
Шеъримдаги күнглимдай!
Қачон тушса унга күз,
Қалбимда қайнар шу сўз:
— Тутзорларим, кўпроқ ўс!
Ипаклашенин ҳар колхоз!
Ипаклашенин ҳар бир қиз!
Ипаклашенин эл-улус!

XI

Ташкентда уч фасл ёз,
Баҳор — шошган ички ёз,
Ёз — катта ва асл ёз,
Куз — кечиккан кечки ёз.
Гўё ёз зўрлик қилиб,
Ўнгу чапни талабди.
Қўшилари сиқилиб,
Унга божлар тўлабди.
Ҳар божи бир неча ой,

Шу туғайли ёз күп бой.
Езниң ұқми қучайған,
Қишининг зарби кичрайған.
Шунинг учун қиши гаранг,
Мұхлатин ўтар аранг.
Тошкент халқи күйлайди,
Еттидан то етмисшга,
Нақоратни бояглайди
Ошга, ишқа ва ишга.
Яллачилар шўх, башанг,
Аммо мен ўзим шоир,
Ўз-ўзимга бастакор,
Куйлайман баҳтга доир,
Бўлмасам ҳам устакор.
Оғайнилар гапида
Ош есам — ўз қошиғим,
Қўшиқчилар сағида
Куйласам — ўз қўшиғим.
Осиёнинг қўйнида
Яшил шаҳар бор.
Мен бу шаҳар аҳлиман,
Эркин, баҳтиёр!
Узоқ дўстим, яқин кел,
Қучоқлашайлик!
Бир келгандинг, тагин кел,
Иноқлашайлик!
Навоий хиёбони —
Узун хиёбон,
Бунда сени кутаман
Ўзим, хиромон!
Кечга қолсанг, бўлмас
Узур, а, жонон!
Бунда йигит учратар
Қизин нурафшон.
Кундуз яшил, кечалар
Қизил хиёбон.

Узоқ дўстим, яқин кел,
Қучоқлашайлик!
Бир келгандинг, тагин кел,
Иноқлашайлик!
Севги билан кулги ёр,
Бу ер — гул диёр,
Ошиққа қўшиқ шерик,
Тўйимиз йирик!
Дастурхонлар тузалган,
Уйлар безалган,
Ҳай, эшик тақиллади,
Тақ-тақ қилади,
Қандиллар ёқилади,
Меҳмон келади.
Эшик очиқ, келади,
Ўзи билади,
Уйимиз гоят шинам,
Ҳаммага жой бор,
Меҳмонлар юлдуз бўлса,
Ўртада ой бор.
Ошларимиз муҳайё,
Яна кўк чой бор.
Узоқ дўстим, яқин кел,
Қучоқлашайлик!
Бир келгандинг, тагин кел,
Иноқлашайлик.

XII

Азалдан Тошкент харитасида
Барча ирмоқлар боғларга мойил.
Унинг тарихий анкетасида,
Ёши сўралган илк моддасида
Дейилган: «Ёшим — салкам уч минг йил».
Шаҳарга тузсам анкета агар,
Саволлар сони қилади озлик,

«Асосий касби» деган саволга
Езилган жавоб — «Меҳмоннавозлик!!!

- Кимдан иборат сизнинг хонадон?
- Ўн бешта пойтахт, ўн беш қадрдон!
- Борми чет элда қавму қариндош?
- Ўн икки юртда ўн икки қардош!
- Кимларга хатинг боради расман?
- Дунёда барча шаҳарга дўстман.
- Тақдирлаганим ҳукумат сени?
- Кўксимда қўшдир давлат ордени!
- Сен партиявий ёки бетараф?
- Мен коммунистман, асrimга ҳамсаф!
- Ҳарбий хизматга муносабатинг?
- Тинчлик аскари — асл хизматим!

Эрталаб баъзан шаҳарга қўнар
Кўкимтири туман кечиккан тушдай.
Қуёшни кўргач инига жўнар
Учолмай қолган учирма қушдай.
Шаҳар-чи, уйгоқ аллақачондан,
У-ку, уйқучи бўлмаган зотан.
Нагмаси пўлат, нағаси темир,
Планлар билан пишган иромда.
Яшин қудратин сингдирган томир,
У ишchan уйлар, кўргин биродар!
Чиний косадан тракторгача
Яратиб берар бу моҳир қўллар.
Чарчамай-нетмай қундуз ва кеча
Машина ясар ёрқин ақллар.
Меҳнат аҳлининг хизматкорлари,
Деҳқоннинг доно дастиёрлари
Чиқар шаҳримиз эшикларидан,
Багрида «Тошкент» маркаси билан.
Тошкент ўлкага умуртқа суюк,
Ўзбекистон — тан, Тошкент-чи,— юрак.
Шарқнинг улугвор ишхонаси у,

Нур деразали кошонаси у.
Яхши лиbosга ўч қизларимиз,
Зебо киймоққа лойиқ одамзод.
Бу масалада оқ юзларимиз,
Бахтли келинлар ишимиздан шод.
Оламда машҳур текстлимиз,
Ҳар қайга борар чит маҳсулимиз,
Газлама бўйи узун тилимиз!..
Нилла ҳам ипак ўзимиздандир,
Нақшли гул кўйлак ўзимиздандир.
Пахтани экмоқ ўзимиздандир,
Либослар тикмоқ ўзимиздандир.
Шаҳрим ҳаётин бордир ўз вазни,
Бу — завод вазни, автобус вазни.
Ҳар фамилиядан энг камида бир —
Ишчи бор ёки уста, инженер...
Эрталаб кўприк бошида ҳар кун
Омонлашамиз сен билан сокит.
Еқимтой, чаққон елкадор, дуркун,
Танийман сени, «ўқчи»лик йигит!
Бошингда дўппи! Ҳар бодомига
Бир қизнинг кўзи нурлар томизган.
Бошингни силар ҳар бир дамида:
Бу қандай бошу, у қандай қизкан?
Ямоқчи эди, эсимда, отанг,
Ота қасби ҳам шу эди зотан.
Аммо сен олдинг қудратли ҳунар,
Омилкор, сенга мотор бўйсунар.
Асрнинг кескин чин қувватисан,
Шаҳарнинг маълум депутатисан.
Илгор синфнинг зийрак фарзанди,
Қистайсан кунни эртага томон.
Сени кутганди замин ва замон,
Қўшиқ ва шоир узоқ кутганди,
Токи ўзингнинг устахонангда
Тоблаб берасан зафар ярогин.

Равшан йўлингда, ўз замонангда
Бошлиб боргайсан меҳнат тупрогин.
Сен партиянинг меҳнат доҳиси,
Вужудга чиққан армон боиси.
Шу достонимдан мақсуд ва мурод,
Қоғияларнинг ташқи, ичкиси
Сенинг ўзингсан, совет ишчиси!
Бўлмасанг хаёл марказида сен,
Достон бўларди шикаст — тўлиқиз,
Бўлмасанг даврон ўртасида сен,
Замон қоларди йўлсиз-йўриқиз!
Сенинг виждонинг эл тарозуси,
Сенга вобаста башар орзуси.
Дилда таширсан кундузлар меҳрин,
Файратинг енгар мушқуллар сеҳрин.
Гарчи сен ёшсан, мавқеинг улкан,
Колхозчи чоллар сени дер —«Акам!»
Деворларга гишт қўйган ишчилар,
Қолипларда гишт қўйган гиштчилар
Иморатларин ўйларкан фақат,
Тинчлик ҳавоси уларга мақсад.
«Эҳ, мушт уймоқдан гишт қўймоқ яхши!»—
Деганлар ижод куйига соқчи.
Бу иморатнинг бетида эълон:
«Яхши ният-ла келганга салом!»

XIII

Тинчлик бизга қиймат тушибди,
Эрк йўлида эл урушди.
Хотирлардан чиқмас, эвоҳ,
Оғир синов ҳафталари.
Кўрмаганлар учун гувоҳ
Военкомат дафтарлари.
Хўп эслайман уни энди,
Ёзнинг аввал куни эди.

Кутубхона... Қун — яқшанба...
Үзим танҳо ўтиргандим.
Юрар эди секин — танбал
Дақиқалар одим-одим.
Катта шаҳар аҳли у кун
Боққа кетган эди бутун.
Варақлардим қўллёzmани,
Ўқир эдим Хондамирни.
Жимжимадор ҳар сўз — маъни,
Ҳар сўз сақлар эски сирни.
Навоийнинг замонасин
Сайр этардим кўзим юмиб,
Жавҳарлари намунасин
Тизар эдим эсга, жимиб...
Ён эшикдан кирди кимдир,
(Боқсам бизнинг ошна — мудир.)
Рангি ўчган, гўё ўзга,
Бу — ўзгами, ўшамидир?
Зўрга оғиз очди сўзга
Титраб деди: «Ёмон хабар,
Гитлер бизга қилди ҳамла,
Сарҳад бўлган зеру забар!»
Сирқиради дил алам-ла,
Хондамирни ёшиб у дам
Мен кўчага чиқдим илдам,
Хайр дедим нақлларга.
Янги жангномани очдим,
Юракларга, ақлларга
Ғазаб уругларин сочдим.
Тиккайди соч, юрак ва ер,
Шаҳар гўё ҳарбий лагерь,
Ҳар томонда одам... одам...
Шунча одам чиқди қайдан?
Қовоқ солиқ... Чидам! Чидам!
Бўғилгандай товуш найда,
Овозларда босириқ дам...

Күёв иногоҳ бўлиб хаста
Тўй бузилиб қолганидек!
Кечагина биз мажлиса
Тўйга қарор қилган эдик;
Лермонтовнинг тўйи қолди,
Душман ишга ишқал солди...
...Мен Лоҳутий кўчасида
Тўхтаб турдим ҳаяжонли;
Хиёбоннинг чеккасида
Кўрдим Ҳамид Олимжонни;
Ҳар галгидай хотири жам,
Қиёфати жипс, ихчам.
Лекин ўзин одатидан
Кўра шошқин ташлар қадам.
Эсонлашдик: «Уруш!» деди,
«Фашист қилди хуруж» деди.
«Жанг бўлади кўп ҳайбатли,
Ёв галамис, қув, шиддатли.
Босиб кирган еримизга,
Қасос дея қўзгалган эл.
Кел, биродар шеъримизга —
Кийгизайлик биз ҳам шинель!
Қурбон-ку кўп бўлур, ё Шайх,
Пироварди биз енгамиз.
Истайманки, кўп йил яшай,
Эришамиз, бил, бунга биз!»
Асл шоир эди, Ҳамид,
Шеъри кураш, баҳт ва умид!
Шаҳарлар-ла қатор туриб
Бажаролдик биз онтимиз.
Севиб, сийлаб, ишлаб, қуриб
Шухрат тоиди Тошкентимиз.
Қонли жангда қатнашди у,
Сардор эди Партиямиз.
Дўстлар билан улашди у
Фронтларга ҳадиямиз.

Инобатли севги бўлди,
Аҳлликдан белги бўлди.
Борни берган уялмайди,
Келиб кўрган ва эшитган
Ё ўқиган, ё нақл этган
Бизни хасис деёлмайди.
Тошкентимиз қурол билан,
Ақл, тадбир, камол билан,
Унинг иони, дастурхони,
Олмалари, қутлуг кони,
Сабри, жаҳли ва асаби,
Улуг меҳри ва газаби,
Ипаклари ҳам пахтаси,
Қасамлари ҳам ваъдаси,
Эртаклари, рубойси,
Гўрӯғлиси, Навоийси,
Қўшиналари, таронаси,
Кўмирлари, корхонаси,
Оқ шакари, зангор чити,
Дуолари ва мачити —
Ўчимизга қилди хизмат,
Зафар бўлди бизга қисмат.
Ғалабани яратмоқдан
У тўғрида ёзмоқ осон,
Жангга кирган кўп ўртоқдан
Қайтолмади кўпи эсон.
Ҳозир кўриб томошасин
Яйраганда гулбогларда,
Биламанки, бир ҷоғларда —
Бу гулбогни кўп яшасин,
Соврилмасин, сўлмасин деб
Окопларда ўқ-яра еб
Дўстларимиз кўзин юмган.
Бахтларини қонга кўмган,
Шу важдан гул қизил экан!

Тахтапуллик Собиржонни
Танир эдим мен Бокудан.
Зап чавандоз, миқти, жонли,
Хосиятли улфат жуда.
Ҳарбий мактаб табелида,
У Тошкентдан келган «курсант».
Озарийлар таъбирида
«Ўзбай қардош» деса хурсанд.
Икки гапнинг ҳар бирида
Айтган сўзи: «Бизнинг Тошкан».
«Бизнинг Тошкан,
Бизнинг Тошкан...»
«Бизнинг Тошкан
ошини денг.
Қизнинг учган
кошини денг!

Тошкан ошин
 ейман десанг,
Қалам қошин
 дейман десанг —
Гапинг чиройлик!
Хай-хай борайлик!
Таъбинг чиройлик!
Тур, тез борайлик!»

Хамшаҳарлар дуч келганда,
Собир бир оз ечилганда
Айтади ўз ашуласин,
Дейди пиво ичилганда:
«Ким ичмаса у тўласин!»

Хайр дедик биз Каспийга,
Хар ким кетди ўз касбига.
Биз — муаллим, у командир,
Айрилганда айтди Собир:
— «Хайр дўстлар, билинг, агар,

Бўлмасайдим мен бир аскар,
Буни ҳеч ким билмагандир,
Бўлур эдим бешак шоир!»
...Уқдингми дўст, у йигит ким?
У — генерал Собир Раҳим.
Ўттиз йилдан сўнгра уни
Мен кузатдим...

тобутини?!

У тошкентлик Собир — сардор,
Фашистларни қилди хароб.
Гўрсиз ётган ирқчи — мурдор
Осиёдан олди жавоб.
Паймонимиз ростлигини
Қони билан бирлаштириди.
Ўзбек — поляк дўстлигини
Дили билан улаштириди.
Киндик қони оққан ердан
Бўлмасин деб хоки жудо —
Биз Тошкентда, яшил гўрда
Кўмиб дедик:— Оҳ, алвидо!
Илгариги хайрлашув
Ҳеч гап эмас экан-ку!
Хайрлашув — ана шу!
На ваъда бор, на нидо,
Алвидо!

...Биз Тошкентни илгаридан
Авайлаган тугма бўгин,
Бироқ уруш йилларидан
Сўнг меҳримиз ортди тагин.
Чин граждан эди Ҳамид,
Сўзи билан феъли яхлит.
Айтганидек жангда енгдик,
Ғолиб чиқдик, хўп севиндик,
Аммо, ҳайҳот, бажармади
У иккинчи ўз ваъдасин,
Ҳалок бўлди ва кўрмади

Беш йилликлар тантанасин.
Ҳалоқ бўлди... фронтлардан
Кўп йироқда, ногаҳоний,
Бироқ офат еб хатардан
У ҳам бўлди... жанг қурбони.
Жарангли авж пардасида
Синди шоир қўлида соз.
Янги авлод ўртасида
У нагмага қўйиб ихлос
Қўшиқчилар қўшар овоз...

XIV

Улансайди Тошкентдаги ҳамма кўй-кўча
Бориб етган бўлур эди Москвагача.
Богчалардан хиёбонга, майдонга ўтиб,
Қанча кезсам адо бўлмас бизнинг кўчалар,
Шояд ёзсан хато бўлмас — юз минг кўчалар.
Мен Бируний майдонидан кўп ўтдим ёлғиз,
Ўтиб бўлмас у ердан ўйсиз-хаёлсиз.
(Муаллимниң вазифаси қатнамоқ дарсга,
Ёлғиз юриб ўйламоқниң гашти бор ўзга)
Бир қарайсан боги кўлда қайиқлар сузар,
Қайрагочлар сояларин сувларга чўзар...
Мен Муқимий театр қуббаларида
Каптарларни кузатаман тепаларида,
Ҳатто улар ишқибозкан ёқимли куйга,
Одам нечук мафтун бўлмас бу хушхон уйга!
Нари ёғда тугуруқхона... Серфарзандликда
Жаҳон аро ўзбек халқи биринчилардан.
Ўйлайманки, чақалоқлар-ку, эндиликда
«Инга-инга» ҳунари-ла ўланчилардан
Ўзолмасу, лекин пайти келганда булар
Саҳналардан қойил қилиб куйлар ва кулар.
Бола деса хотирланар болажонликлар,
Болаларга ғамхўрликлар, меҳрибонликлар.

Мен тошкентлик темирчига айтаман:— Раҳмат!
Үн тўрт бола асраб олган Шоаҳмад ака...
А, меҳрибон Бахри опа, сен чекиб заҳмат,
Ўз болангдай меҳр қўйдинг ўн тўрт ўқсизга.
Ўн тўрт бола, ўн тўрт миллат, турли ўн тўрт от
Шоаҳмадининг авлоди деб танилган авлод.
Бу гулзорлар, бу ҳовузлар, боғлар, боғчалар
Алланелар эслатади бу кенг кўчалар...
Ҳа, бу йўлдан борар эди ишига ҳар кун
Ўз севимли «Ҳамза»сига вазмин, сервиқор,
Интизоми соат каби, сухбати эркин,
Артистларнинг чин «Оғаси», буюк санъаткор.
Ўсиқ қошлиар остидаги кўзларда ханда,
Яхшиликдан сўз очарди ҳар кўришганда.
Биз у билан қўшини эдик ва ошна эдик,
Унутилмас бир жозиба бор эди унда.
Диди нозик, ахлоқи пок, идроки етук,
Ибрат магзин ахтарарди ҳар бир ўйинда.
У Ташкентда туғилганди «Занжирлик» ёқда,
Ҳозир ухлар киндик қони оқсан тупроқда.
Ўсмириликдан гўзалликка очди бағрини,
Санъатимиз мудом эслар Манион Уйгурни.
Бу майдонлар, туташ кетган асфальт кўчалар,
Доҳийларнинг, шоирларнинг, қаҳрамонларнинг
Номларини сақлаш билан зўр инсонларнинг
Ўзлари ҳам улуғликдан гўё куч олар.
Ўша куни неча соат, неча дақиқа
Кезганимни эслайман папирос чекиб,
Дилхуш мавзу ўйлар эдим хаёлга чўкиб,
Яёв юрсам нашъам бутун! Бу гап ҳақиқат...
Бу шаҳарнинг ярми таниш, дўст ва оғайни,
Омоилашиб юрмоқдаман, хаёлда мавзу.
(Ҳар мавзуни тинчитмоқнинг чораси ёзув,)
Мавзумининг замирида бу Ташкент, айни...
Машинада, трамвайдага ёки пиёда
Утаётган дўст-ошналар ҳаддан зиёда.

Саломлашиб бормоқдаман кўқракда қўлим,
Бу эл билан шериклиkdir ҳаётим, йўлим.
Мана артист, мана ишчи, талаба, шофер,
Мана доктор, бу министр, бу-чи, инженер...
Мен бу халқнинг шоириман... Шу учун гўё
Ҳар саломда эҳтиром бор ва бир оз даъво...
Кўп хаёллар, гоҳо равшан, гоҳо пажмурда,
Тахланмаган варақлардай турар фикрда...
Қумриларнинг «ҳу-ҳу»лари, гулларнинг иси,
Шабнамларда ҳали ўчмай қолган ой нури,
Тунов кунги зиёфатда қизлар кулгиси,
Лола ранги, най оҳанги, шийлонлик сўри,
Марҳумларнинг хотираси, тирик васият,
Ўтган кунлар, бугунги иш, эртанги ният...
Лекин билдим ва англадим ўйларга толиб:
Ёмонликлар ўтқинчидир, яхшилик ғолиб.

XV

Яшнаётган Тошкентимиз, мози қолди орқада,
Коммунизм диёрига элтаётир ҳар қадам.
Олмаота, Боку, Таллин, Киев билан қўлма-қўл,
Аҳд қилишган Иттифоқда, босилмоқда олга йўл.
Жаҳоншумул шаҳарларнинг сирасида шаҳrimиз,
Харитада унинг рамзи — беш бурчак қизил юлдуз.
Тошкентликнинг ифтихорга ҳақи улкан оламда:
Навоий театрига томошага кирганда
Нафосатнинг мактабида гўзалликдан ўқир дарс,
Ҳалимани эшитмоқлик — гражданлик бурчи — фарз.
Фонтанларда ярқираган гулдаста олмоссимон,
Бу — шаҳrimиз юрагида дўстлар учун армугон.
Кеча кўрдим самовотда дунёмизнинг йўлдошин,
Ҳайрон-ҳайрон қарабдикан минглаб ўлка ва шаҳар.
Қитъаларга келтиаркан биз ясаган бу яшин
Хайрли бир почтальондай ойдин салом, хушхабар.
Инсоният даҳосининг, тутувликнинг ҳамроҳи,

Ер юзига осмондан қарап фанинг нигоҳи.
Кўп ўтмасдан йўлдош билан барча олам танишди,
Бу йўлдошнинг бунёдида бутун Ватан қатнашди,
Бунда Тошкент илмининг ҳам иштироки бор бир оз,
Юлдузларга қизиқмоқлик биз учун эски мерос.
Барча совет олимлари бир оила — уругдек,
Асрларнинг муаммоси ўтиб қолди бизларга.
Севингандан мот қоларди тирик бўлса Улугбек,
Ер юлдози қовушар деб кўкдаги юлдузларга.
«Қори ака» деб танилган домла Қори Ниёзий
Илмимизнинг машаққатли ўтмишидан хабардор.
Иби Сино Бухорийнинг бизга ўтди мероси,
Машҳур илмий марказларга Тошкент бўлди ҳамқатор!
Донишмандлар анжумани бизнинг Академия,
Ўлкадаги билимларга юксак даргоҳ ва мия.
Боқ, Ильичнинг нақадарли мурувватли имзоси,
У қўл қўйди: яратилган Тошкентда Дорилфунун,—
Туркистонда барча олий мактабларнинг асоси,
Ленин амри — билимларга қанот берган чин қонун.
Дорилфунун даргоҳидан ёшлиар чиқиб ҳар ёққа,
Ленин нурии элтмоқдалар шаҳарларга, қишлоққа.
Ҳовлисига киргандай бизга келар пахтакор,
Кенгашли иши бордир олим — пахташуносда.
Аслин десам: шаҳрим ўзи пахтацидир миришкор,
Зарур бўлса ҳашарчимиз, кучимиз аямасдан...
Мирзачўлнинг агрономи, Тошкентдаги инженер,
Пахтамизни араб териб топширмоқнинг ғамини ер.
Янгиликнинг ихлосманди, эртани ўйлар нуқул,
Чинакам эл файласуфи Ҳамроқулов Турсунқул.
Ерининг, сувнинг, гўзаларнинг тилига хўп тушуниар,
Табиатнинг сир — китобин уқиб олмоқ зўр ҳунар.
Ўзича бир вилоятдир унинг машҳур колхози,
Ивановлик тўқувчи ҳам, Тошкент ҳам ундан рози.
Биз у билан қадимий дўст, шу билан фахр айлайман,
У Тошкентга келганида уни кўргач ўйлайман:
Рассом бўлсан солиб қўйиб унинг азим расмини,

«Ўзбек халқи — ўзига бек!» деб қўярдим исемини.
Алишернинг номидаги кутубхона шуҳрати
Навоий ва китоб сўзи бор ҳар жойда юради,
Қанча дўстлар орттирганман у маърифат ерида!
Гарчи булар кўпчилиги исемин қўйиб китобда
Иzzат кўрмай, заҳмат тортиб номардларнинг қаҳрида,
Кўз юмгаилар аллақайси асрларнинг қаърида,
Аспирантка варақлайди помин эслаб шу тобда...
Биламанки, кечак билан бугун пайванд туташган,
Кечак билан эртаниги кун бугун важи қариидош.
Бу кечаги Тошкент, аммо эмас, кечаги Тошкент,
Кечак билан бугун ёру, аммо эмас ўринидош
Жинкўчалар, эгри-бугри маҳаллалар ўринини
Замонага уйгун янги иморатлар эгаллар.
Шу ягрили кенг шаҳарнинг ўзига бош тўнини
Ўзбекнинг ўз услубида меъморчилар тикарлар.
Ишхоналар, ошхоналар, гўштхоналар, заводлар,
Идоралар, магазинлар, шифохона, мактаблар.
Шунча уйни кенг бағрига сунгиролган зўр шаҳар
Кийинтирас ва ўқитар, тўйдирас ва ишлатар.
Ҳовуз бўйи — чойхонада гул гиламда олиб тин,
Оқнапар чойни саратонда ичмаган билмас қадрин!
Бир пиёла чой узатган бизга бўлур дўст-ҳамдам,
Ошнамиз қанча ортса, ётлар бўлур шунча кам.
Ҳеч қаерда Тошкентчалик, балки, бозор топилмас,
Ҳафтамизниң етти куни раста-дўкон ёпилмас.
Нонин, гўштин, қандолатин, майизинми айтайнин,
Паловини, тар мевасин, қимизинми айтайнин?
Аммо нега яширайни, ҳали соқчи ҳуштаги
Гоҳо зарур бўлиб қолар бизнинг бозор-гузарда,
Ювса кетар лой ёпишган янги тўниниг этагин,
Қушиқўнимасни қўпорурлар, бош кўтарса гулзорда.
Биламизки, шаҳримизниң лойи чангни кўп ҳали,
Бу — қөронги кечалардан юқиб қолган сарқитлар,
Лой кулбалар гўё букик марсиялар ҳайкали,
Йиқик йиллар пучлигини қайта-қайта таъкидлар.

Аммо сақлаб ўғилликнинг удум-қоидаларин,
Ҳурматлаймиз оталарнинг машҳур обидаларин.
У мужассам биноларки, тагида тош пойдевор,
Халқнинг меҳнат даҳосига қотиб қолган тарона.
Кўкалдошнинг мадрасасин қураётган бинокор
Билар эди зиндан эмас у қургани — дарехона.
Тошкентликнинг мазмунида асрларнинг қиймати,
Тошкентга илк дараҳт әккан бобонларнинг ҳиммати.
Абурайҳон Берунийнинг букилмас ҳақиқати,
Навоийнинг муҳаббати, одамзодга шафқати,
Муқимиининг қаҳҳаҳаси, ёмонликдан диққати,
Маърифатнинг фидойиси, Фарғонанинг Фурқати,
Инқи lobnинг қўрқмас ўғли Ҳамзанинг садоқати,
Замонанинг дарёсига қўйилди бу чашмалар,
Коммунизм денгизига ўйл олди дўст кемалар.
«Эллик йилда эл ўзгарар» деган гап бор ўзбекда,
Шу қирқ йилда янгилиниб қолди одам ва тупроқ.
Кел, ҳаминаҳарим, олға томон, биз турмаймиз бир четда,
Шаҳримизнинг ўтмишидан келаси куни кўпроқ.

XVI

Шаҳарларнинг номи абадий,
Бу номларни қўйган эл-улус.
Манглайларни секин ўпади
Ўтиб турган асрлар холис.
Одамларга қўйгандаи лақаб,
Шаҳарларнинг шарафин олқаб
Қўйилганда унвонлар маҳсус,
Тошкентимиз олган тахаллус
«Саломобод» бўлар эди, рост,
Бу тахаллус шаҳримизга мос!
Шарқдан, гарбдан, жанубдан мудом
«Салом» дея келар меҳмонлар,
«Салом» деса, «алик-ассалом»,
Ва гулдаста олар меҳмонлар,

Улар кўнгил қўноқлариdir,
Чин дўстликнинг иноқлариdir.
Осойишнинг, равшан тинчликнинг
Устимизда эсар ҳавоси,
Шу учун ҳам босқинчиликнинг
Чўчитмайди бизни игвоси.
Ўн иккимас энди дарвоза,
Балки бир юз ўн учдан ошиқ.
Оlam аро, илиқ овози —
Шуки — Тошкент, қўли кўп очиқ!
Қул ерларда жабру зулмдан
Жафо тортган йўлчилар келар,
Беш қитъадан, етти иқлимдан,
Сузиб, учиб элчилар келар.
Шарқнинг ҳаво дарвозаси биз,
Янгиликнинг андозаси биз.
Дўстлар учун эшиклар очиқ,
Саломлар-ла нурланар қўшиқ.
Тинчлик бизнинг анъанамиздир,
Мехмон келса тантанамиздир!
Шаҳаримиз раиси ҳар гал
Танти меҳмон қўлини сиққандা
Деймиз: «Тошкент билан шу маҳал
Тинч шаҳарлар жўра экан-да!»
Қўлида уд таёги билан
Хиндистондан келганда Неру,
Шаҳримизни уйидай билган,
Ўз нутқида шу гапни дер у.
Президент Аҳмад Сукарно
Қўйган «Юлдуз» исемин кўтариб
Шаҳримизда ўсар шўх, барно
Бир қизчамиз эмаклаб туриб.
Ўз исемининг маъносин билиб,
Юлдузларга қарайди кулиб.
Индонезу — Совет дўстлиги
Қардошлиknинг асли, ростлиги.

Юлдуз каби порлайди доим,
Бир юлдузки, вафода қойим.
Тошкентликда бағоят қадим,
Яшаб келар әзгу бир удум:
Учрашганда биринчи сўроқ —
«Тинчликми?» деб ҳол суриштирмоқ...
«Тинчлик» сўзи ўзбекнинг айни
Тупрогидан тугилган маъни.
Бу — ёқимли, сероҳанг бир сўз,
Ҳаёт — булоқ, тинчлик — унга кўз.
Богбонларнинг еридир Тошкент,
Богбонларга тинчлик керак-ку!
Корхоналар шаҳридир Тошкент,
Ишчи қиласи тинчликни орзу.
Олимларнинг маркази Тошкент,
Олимларга лозим осойиши.
Қўшиқчилар ўлкаси Тошкент,
Сулҳни қиласи қўшиқчи хоҳиши.
Меҳмонлар, сиз — юрак қўноғи,
Хуш келибсиз уйимизга сиз,
Ортсин дўстлар сони-саноғи,
Жаңг балосин ҳеч кўрмагайсиз!
Сизга берар гулдасталарда
Анқир меҳмондўстликнинг атри,
Қалби-дили пайвасталарда
Кам бўлмайди меҳрнинг қадри!..
Добричадан келган булғорга
Багишладик уруглик чигит,
Олтин ҳосил йигғач омборга,
Эслар биздан рози у йигит!
Яшасин гул, яшасин кулги!
Яшнаб турсин шундай бир гулки,
Унинг номи бўлгай яхшилик,
Куйиб кетгай ёвлик-ваҳшийлик.
Курашларда сағлар зичлиги,
Шунда эллар, диллар тинчлиги...

XVII

Үйчан оқшомлар!..
Салқин оқшомлар!..
Нашъага элтар,
Күшикни этар —
Талқин, оқшомлар...
Кечалар кайфи!
Оқшомлар файзи!
Уни айтмаган,
Таъриф этмаган
Шоирлар қайси?!
«Эртагача хайр!»
Деб қуёш ботар,
Үйламанг ётар,
Ироқларни сайр
Этгали кетар.
Оқшом қуёшнинг
Кечки ёридир,
Соя оташнинг
Ўз меъёридир.
Ирмоқ бўйида
Кўм-кўк майсалар,
Майса бўйидан
Ел ҳиди келар.
Бодрингнинг иси
Бу ўтларда бор,
Шуки боиси:
Ҳамиша баҳор.
Оҳ, ўтган йиллар,
Ҳаваслар, майллар...
Интизоримга
Сирдош соҳиллар!!!
Сени бу ерда
Кутган чоғларим,
Ана бу жарда

Ётган чоғларим
Кетмайди қўздан,
Чиқмайди эсдан.
Борми хотирда
Бегам куиларинг?
Ана бу ерда
Куттирганларинг?!
Мен-чи, қалбимда
Ўз номимсизон
У илк бўсани
Ташийман ҳамон.
Қош қораймоқда,
Майин ирмоқда
Шу кечки чоқда.
Кундуз иссеигин,
Ҳаво босигин
Тинимсиз еллар
Шимириб элтар!
Чўкар қоронги,
Не хуш, қаранг, у!..
Богларда жимлик,
Нилранг ўсимлик,
Ҳаво шарбатдай
Хушбўй ичимлик.
Уйқулар кезар
Гуллар ароси,
Сукут — тушларнинг
Аксисадоси.
Сувда юлдузлар
Барқ уриб турар,
Гўёки қизлар
Сайилда юрар.
Боғларда гарчи
Уйқучил жимлик,
Аммо парклар-чи,
Шовқин, гавжумлик;

Раңсга тушганлар,
Пиво ичганлар,
Хиёбон аро
Жүфт юришганлар.
Бир ёқда суҳбат
Паловдан, чойдан,
Бир ёқда доклад
Миррихдан, ойдан.
Бу кеча яна
Юз хонадонда
Албатта, түй бор,
Сурон, ҳой-хүй бор.
Хофиз ва машшоқ,
«Лапар» ва «Ушшоқ»—
Учун талашув,
Ялни талаб шу.
Гоҳо мот қилар
Тирик күйчини
Эшитсақ агар
Пластинкадан
Мулла Түйчини...
Күйлар серқайғу
Фузулийдан у:

«Шифойи васл қадрин ҳажри-ла бемор ўландан сўр,
Зилоли завқ-шавқин ташнан дийдор ўландан сўр.
Лабинг сиррин галиб гуфтора мандан ўзгадан сўрма.
Бу пинҳон нуктани бир воқиғи асрор ўландан сўр!»

Буниси кўп соз.
У бахмал овоз —
Сақланган экан
Улуг ҳофиздан...
Мусиқа ўсар
Асл илдиздан!
Аҳли түй шу чоқ
Улфат, хушчақчақ...

Оқ мусалласни,
Ё май чаросин
Кўтарар дўстлар,
Айтишар тостлар.
Куёвни сийлаб,
Елкасин силаб,
Келинга эса
Ўн фарзанд тилаб
Кўярлар талаб.
Тонггача ўйин,
Ўйна ва суюн!..
Трамвай юрар
Одамни ташиб,
Кинодан чиққан
Ёш-яланг шошиб
Уйма-уй жўнар,
Қандиллар ёнар,
Худди шу пайтда,
Тунги навбатда
Цехида бу тун
Кўз юммай бутун
Ишчи иш қилар,
У яхши билар:
Маҳсули фақат
Эл учун неъмат.
У билан ҳамдам
Ётмас шоир ҳам,
Ўз халқин куйлар,
Шафақни пойлар.
Шоир билади:
Тун ҳомиладир,
Унинг бўлгуси
Ҳар иши китоб,
Ва тугилғуси
Фарзанди офтоб.

XVIII

Ватанинг маъноси улугвор, улкан,
Ҳа, Ватан сўзининг чеки бепоён.
Бу ерда тугилган, яшаган, ўлган,
Яратган, ишлаган, курашган инсон
Ватан меҳри билан ўз қадрин билган,
Ватансиз кимсалар дарвиш дейилган.
Юраклар — юлдузлар, Ватан — коинот,
Бир тилак, бир ғоя, бир тан коинот.
Ватан — Камчаткадан Ботумигача,
Барнавул гугуртии бир учқунидан
Электростанция атомигача;
(Асрлар ёрийди оқ ёлқинидан...)
Ватан — узукдаги зумрад тошлардан
Ернинг осмондаги йўлдошигача.
Серсоя, мўйсафид қайрагочлардан
Мўмин бинафшанинг кўз ёшигача.
Чапдаст, ҳозиржавоб сартарошлардан
Қишлоқда муаллим маошигача;
Ватан — мармар тўшли Қора дengиздан —
Гуллар бағридаги шабнамга қадар,
Кремль бурчида ёқут юлдуздан
Туркман қиз тўқиган гиламга қадар...
Ватан — бувилардан набирагача,
Чўпон сурнайидан операгача...
Ватан — гўзалликдан яхшилиkkача,
Қишидаги қорлардан яшилликкача;
Третьяков номида галереядан
Шаҳид Улугбекнинг мақбариғача;
Эртаклар айтувчи бир қариядан
Радионинг сўнгги хабаригача...
Аммо ҳар кимсага шу азиз юртда
Ёзилган биронта манзил паспортда.
Менинг паспортизни сўрасанг агар,
Мен эски тошкентлик... Жойим — бу шаҳар.

«Тошкент шаҳри» деган муҳр менга бас!
Ҳовлим, магазиним, чойхонам шунда.
Ёзда чаниқамаган чой қадрин билмас,
Кўк чойнинг нақши бор ҳар бир кошинда.
Тошкент қадамжодир... Азиз жой экан.
Фрунзе амирони қадамлари-ла,
Куйбишев большевик одимлари-ла
Тошкент табиатин пишитиб қўйган.
Мардликка қадамжо шу қутлуг тупроқ,
Замонлар елларин кўп кўрган бу ер...
Мирзатераклардан қилинса сўроқ,
Шимол елларининг қулочидан дер.
Эй шимол еллари, эй жўмард еллар,
Сиз олиб келдингиз эрклик ҳавосин.

Улуг россиялик азамат эрлар,
Бизга ўргатдингиз енгмоқ сафосин.
Шу учун ўзбекда мақолдай дерлар:
 «Йўлдошинг агар русдур,
 Билки, йўлинг дурустдур...»

Байроқда мұнаққаш ўроқ ва болға,
Доимо олға, доимо олға!

Коммунист зеҳнли, ўзбекча танти,
Социализм машъали, Совет Тошкенти!
Тошкентни севмоқлик юракнинг иши,
Шу учун шартмикан бунда тугилмоқ!
Шартми, бир романга ишқибоз киши
Ўзи у романга қаҳрамон бўлмоқ?!

Умрим бино бўлди Озарбайжонда,
Кечди болалигим у гул маконда.
Низомий ватани, Ганжа ўлкаси
Ўпкамга тўлдирди шеър ҳавосин.

Кур наҳрин мулойим, тинч музикаси
Кўнглимда уйготди куйлаш ҳавасин.
Лекин шоирликнинг нозик толеи
Кулди Сирдарёнинг ҳавзаларида.
Ўзбек қўёшининг чин оталиги

Акс этди мастоба косаларида.
Ҳазрат Навоийнинг ўпид қўлини
Ўзбек водийсида отимни сурдим,
Ижод карвонининг узоқ йўлини —
Азиз йўлдошлар-ла ўтолдим, юрдим.
Йўқ, мен тақдиримдан эмасман хафа,
Шоирлик унвони бахтимдан туҳфа!..
Қаламга нур олдик биз Советлардан,
Эшигтан эдимки мўйсафидлардан:
Кўчат кўчиб келиб экилган тупроқ
Унинг ватанидир дейиш тўгрироқ.
Бу шаҳар шеъримнинг тиниқ чашмаси,
Яшадим ўттиз йил бунда чамаси.
Бу ерда туғилганFaғур ва Ойбек,
Умримнинг бошлангич мавсумларида
Мени ардоқлашди қучиб оғадек,
Инилик кўреатдим таъзимларида.
Бири — шеъримизнинг ўтли юраги,
Бири — наср уйининг баланд тираги,
Очдилар уй билан қалб эшикларин,
Аямай ўгит ва мезбонликларин.
Йигитча эдим мен ҳаваскор; содда,
Бўлдим оқибатда шоир Шайхзода!..
Эҳ-ҳе, ўтган кунилар еллари эси,
Қалин сочимизни чимчилаб кезди,
Дўстлар-ла баҳёлашдик, ичдик, кулишдик,
(Офтоб мазмунли бир қадаҳ шароб
Юракка сингдирап шўхлик, иссиқлик.)
Огир замонларда ионни бўлишдик,
Шерикли ёзилди жанговор китоб...
Шарқи-жанубдаги шавкатли пойтахт,
Тошкент, сен ўзингсан азим поэма.
Сени асрраб келди она каби вақт,
Ҳеч қачон, йўлимни тугатдим, дема!
Сен мангу шаҳарсан, кундай безавол,
Сени таъриф қилган достончининг ҳам

Байтлари тугаши, бу — амримаҳол,
Ҳар қанча таранинум этилсанг, бу — кам!..
Сафар чоги сени тушда кўраман,
Шарқдан учиб келган қушда кўраман,
Нақши гул қўйлакда ва сур папоқда,
Шароб шиншасида, мармар равоқда,
Аччиқ мурч солинган ошида кўраман,
Ўсмалар қўйилган қошда кўраман.
Мен ўзбек шеърининг тўққиз вазнида
Сенинг достонингни оҳангга солдим,
Қиссага кескинлик бермоқ жазмида
Бахши бисотидан ўлчовлар олдим.
Дерлар, кам ўқилар узун достонлар,
Айниқса, саргузашт оз бўлса агар.
Аммо яхши кўрган нарса туфайли
Киши сергап бўлса бу узр, майли!
Ошиқ ўз ишқидан сўйласа, нуқул,
Ўйларки, ҳаммага севгиси маъқул...
Узрим шу тариқа, азиз китобхон,
Сергап бўлишилигим суйганимдандир.
Тошкент тақдирида келажак аён,
Дилда келажакни туйганимдандир.
Куйладим, ўн саккиз бобда — қўшиқда,
Ва «Тошкентнома»га қўйдим сўнг нуқта.

1957

ЖАЛОЛИДДИН МАНГУБЕРДИ

Беш пардали тарихий фожиа

Қатнашувчилар:

- ✓ Султон Мұхаммад Аловуддин Хоразмшоҳ — Хоразм шоҳи.
- ✓ Жалолиддин Мангуберди — унинг ўғли.
- Султонбегим — шоҳнинг қизи, Жалолиддиннинг туғишган синглиси.
- Амир Бадриддин — Самарқанд ҳокими, Султонбегимнинг қайлиги.
- ✓ Темур Малик — сардор. Хўжанд ҳокими.
- Элборс паҳлавон — чўпон.
- ✓ Мұхаммад Насавий — Тарихчи. Жалолиддиннинг котиби.
- Она — Жалолиддин ва Султонбегимнинг онаси.
- ✓ И мом Шаҳобиддин Хевақий.
- Яроқбек — Бадриддиннинг мулозими.
- ✓ Чингизхон — мўгул хоқони.
- Қодогон иёни — Чингизнинг саркардаларидан.

Девона чол, сипоҳлар, бозор аҳли, сарой хонимларя, канизлар, мўгул аскарлари.

Воқеа XIII асрнинг биринчи чорагида ўтади.

БИРИНЧИ ПАРДА

БИРИНЧИ КҮРИНИШ

Самарқандда Султон Мұҳаммад Хоразмшоғыннің мұхтапшам саройи. Султоннинг ўз қизи Султонбекимни Самарқанд ҳокими Амир Бадриддинга чиқариш түйи. Хоразмча кийинган қизлар қаторида келин — Султонбеким, Самарқандча кийинган йигитлар қаторида куёв — Амир Бадриддин ўтирада эди. Бир ёқда ҳофизлар, машшоқлар, раққослар, соқийлар. Келинга қараб қизлар ялласи.

Я л а

Васли аро лаҳза ҳузур күргали,
Хатти жамолига хирож бергали,
Хоки қадам жойига күз сургали,
Бир қарамоқ шунчага гуноҳми ҳали?
Аҳли жаҳон бўлди забун, яли-яли,
Ишқи яна бўлди фузун, яли-яли!

Бизни яна шунчага унутмоқ нечун,
Ҳажринг аро ғуссани ютмоқ нечун?
Севги дебон ўзгани тутмоқ нечун?
Гурбат аро бизларни отмоқ нечун?
Соҳиби баҳт айлар илоҳ, яли-яли!
Шоҳ қизи Султонбеким, оҳ, яли-яли!

Балки куёв күнглини шод айлабон,
Севги туни ваъдани ёд айлабон,
Нагмаи навзодни мурод айлабон,

Бир чақалоқ ҳар йили бас, яли-яли!
Йилда бири ҳеч кўп эмас, яли-яли!
Йилда бири ҳеч гап эмас, яли-яли!

(Жалолиддин ва Насавий кириб келадилар.)

Маддоҳ

Ассалом, давлатпеноҳ, ҳазрат Жалолиддин яша!
Ассалом, давлатпеноҳ, ҳазрат Жалолиддин яша!
Мангулик бирла яша, ё Мангуберди марҳабо,
Хоразмшоҳ давлати бўлгай музaffer доимо!

Ҳамма

Ассалом, давлатпеноҳ, ҳазрат Жалолиддин, яша!
Ассалом, давлатпеноҳ, ҳазрат Жалолиддин, яша!

Бадриддин

(келинга)

Хаёлингиз ишқида гўё девона,
Қалбим ичра тутдингиз шундай бир хона,
Унудим мен ўзимни, әлни, мансабни,
Виждонимни, диёрни, дину мазҳабни!

Султонбегим

Севги қилди шунчалик паришонхотир?
Үндай бўлса бўлайин мен ҳам хавотир,
Тагин севгим туфайли унутманг мени!

Бадриддин

Номимни ҳам унутсам, унутмам сени!

Ж а л о л и д д и н

Олинг, дўстлар, бодани кечикмай шу дам,
Бода оқар хонага сира ёғмас гам!

Султонбегим огасига май узатади. Жалолиддин ўзига
хос жойда ўтиради. Ёнида Насавий. Хоразмшоҳ ўз вазир
ва аъёнлари билан кириб келади. Ҳамма таъзим
қиласиди. Шоҳ тахтга ўтиради. Соқчилар ва маддоҳлар
шоҳ ҳузурига бориб мадҳия айтадилар.

М а д д о ҳ л а р

Ассалом, эй Хоразмшоҳ шаҳриёри — пурвиқор,
Бир қўлингда ганжи олам, бир қўлингда зулфиқор! ～
Қиблаи олам тасаддуқ, ё амиралмўъминин!
Давлатингда мустарихдир аҳли ислом, аҳли дин.
Тангрининг олам аро соясидурсан, ҳукмдор.

(Куёв ва келин келиб шоҳга таъзим қиласидилар.)

Х о р а з м ш о ҳ

Парвардигор менга айлаб улут иноят,
Беш иқлимда қура олдим шонли бир давлат.
Лашкаримнинг савлатидан титрайди жаҳон,
Халифаи Бағдод менга бош эгар алъон.
Тахтигоҳим пойгаҳида гурлар, афгонлар,
Тиз чўқдилар қаро хитой, салжуқ, наймонлар.
Шафқатимга сигинмоқда бир ёқда Ирок,
Ёнбошимда Ҳинду Панжоб, бир ёқда Қипчок.
Бир пуфласам иргиб тушар шоҳларнинг тоғи,
Карвонларнинг ташигани хазинам божи.
Салтанатнинг андишасин ўйлаймиз кейин,
Сусайтирмай давом этинг қизимнинг тўйин!

(Раққосалар ўйинга тушадилар, худойчи кириб келади.)

Х у д о й ч и

Чингизхондан келмиш элчи!

Х о р а з м ш о ҳ

(қалтираб)

Кира қолсингилар!

Х у д о й ч и чиқиб кетади.

(Үзича)

Оҳ, яна бу бадбашара, жинлар, малъунлар!..

Данги Қипчоқ сахросида беш йил илгари

Жанг қилдим, мўгул худди шайтон сингари.

(Кўрқинчли қиёфаларда мўгул элчилари кириб келади.)

Э л ч и б о ш ли г и

Улуг хоқон Чингизхон
Юбормишлар бир фармон:
Хоқон биру жаҳон бир,
Хоқонимиз жаҳонгир.
Таслим бўлиб хоқонга,
Бојк тўланг Чингизхонга!
Бўлмаса жанг жадал
Бошлиниади шу маҳал!

(Хоразмшоҳ иккиланган ҳолда ўйга ботади.)

Ж а л о л и д д и н

(шоҳга яқинлашиб)

Жавоб бер, шаҳаншоҳ, кутмасин улар,
Куттирасак қўрқишига аломат бўлар!

(Бадриддин келиб тўрдан жой олади.)

Х о р а з м и ш о х

(даҳилланиб туради.)

Ҳеч кимга бўйсунмас хоразмшоҳлар,
Мўғул ўғрисими менга баробар!
Йўқолинг, йўқолинг, бедин мажуслар,
Эгам бўлмоқчилар шу беномуслар!..

(Элчилар чиқадилар.)

Қуласа биргина қалъамда девор,
Остида минг Чингиз бўлур хокисор.
Қани, нима дейди аҳли маслаҳат?

Ж а л о л и д д и н

Қонларни қон бирла юварлар албат,
Багоят зўравон ғанимдир Чингиз.
Бунга кўз юммайин ростин билингиз.
Дедингиз, қуласа қалъамда девор,
Остида чингизлар бўлур тор-мор.
Лекин у ётмайди девор остига,
Иёл қилиб чиқади қалъа устига.
Вайрона остида ҳалок бўлмас ул,
Ўзи вайроналар ясайди мўғул.
Зинҳор қалъангизга яқинлатманг ҳеч,
Ииқилса пойтахтлар, омад қолур кеч.
Сирдарё бўйида бор кучингизни —
Мушт қилиб қайтаринг қонли Чингизни!

Х о р а з м ш о х

(асабий)

Амир Бадриддин?!

Б а д р и д д и н

Ҳайронман шунга,
Ҳайронман валиаҳд Жалолиддинга.
Оlam шаҳанишоҳга том камарбаста,
Бу нима?.. Чингизу Чингиз... пайваста?!
Чўлларнинг бўриси шерга не қилур? ✓
Беҳаё бир гадо элга не қилур?
Ўттиз йил дамо-дам қиблайи олам,
Хасмлар қасдини қилолди барҳам.
Чунки шиоридир: таваккал — оллоҳ.
У тангри сояси, удир зиблаллоҳ!

Х о р а з м ш о х

Имом Шаҳобиддин?

И м о м

Аҳкоми — қуръон
Буюрмиш: ватанини ҳифз айла ҳар он,
Ҳадисда Муҳаммад расул-зишон
Дебди: «Хуббил — ватан минал — имон».
Душман мажусийдир, бедин, будпараст.
Мусулмонободга айламишдир қасд.
Унга бермоқ керак ҳозироқ шикаст,
Ҳазрат валиаҳднинг таклифи хўп мос.

I - в а з и р

Фикри ожизонам: қиблайи олам,

Ағғон тупрогида аскар бўлса жам,
Бу ерда ҳар қалъа ўзи жанг этсун,
Душманини чарчатиб ҳолин танг этсун.

II - в а з и р

Ёвга кўринмаслик ҳунар дунёда,
Қўшинини жам қилинг Амударёда!

Х о р а з м ш о ҳ

(ўрнидан туриб)

Эшитинг амримни... Мулоҳаза бас!
Ҳозир жангта кирмак ақлдан эмас!
Кўпдир мамлакатда кераксиз чўллар,
Ёв келиб етгунча очидан ўлар.
Ёвга раддибадал қилгай ҳар қалъа!

(Бадриддинга)

Самарқанд қалъаси сизга ҳавола!

В а з и р л а р

Кўп доно қарор, таборакалло!

Х о р а з м ш о ҳ

(ўтириб)

Мен жангдан қочмайман, тангридир гувоҳ,
Аммо қумлоқ даштда урушеак агар
Мўғул кўп, озор тортади лашкар.
Ялмогиз мўғул шум, ётогидир қум,
Ичгани қимиздир, таоми заққум.
Мен кўрдим уларни Дашти Қипчоқда...

Ж а л о л и д д и н

Шаҳанишоҳ, бор эдим мен ҳам у чоқда:
Даштга сипоҳ тортиб яроқли, ўқли —
Босганди Жўжихон — Чингизнинг ўғли.
Сиз қўлга тушмакқа сал қолган эди,
Хосса аскарингиз қамалган эди,
У ҷоқ қиличимнинг дамини ўпиб,
Отланиб ҳамлага бошлидим чопиб,
Шаҳанишоҳ, у ёғи ёдингиздами?!

Х о р а з м ш о ҳ

Нажотни ёзганди тангри қалами!

Н а с а в и й

Машҳурдир сардорнинг шу қилган иши,
Эл дейди: «Мўғулни қочирган киши».

Б а д р и д д и н

(Насавийга)

Не керак тарихдан ўқимоқ қисса,
Тахтигоҳ қачондан бўлмиш мадраса?

Х о р а з м ш о ҳ

Бас қил, мақтанмоқни, Жалолиддин, бас!

Ж а л о л и д д и н

Ўзингиз гувоҳсиз, бу ёлгон эмас!
Ўтмиш бу саргузашт Дашиби Қипчоқда,
Ёвни қува олдик чўлда, қумлоқда!

Х о р а з м ш о ҳ

Одамзод умрида минг саргузашт бор,
Ҳаммасин эсламоқ, айтмоқ не даркор?
Буйругим буйруқдир, бошқа гап бекор...

Ж а л о л и д д и н

Бизнинг хонадонга бу номус, бу ор,
Тахтнишин бўлғандан сулҳу роҳатда,
Ўлкага бўлайлик сарвар оғатда.
Эмас ватанимиз Хоразм фақат,
Кунчиқар томонда Сирдарё сарҳад.
Буюринг, сипоҳга бўлай саркарда,
Сафарда тугилдим, ўсдим эгарда.
Қиличим ҳассадир, тулпорим ўртоқ,
Менга копонадан чодир яхшироқ,
Қўшин беринг менга, бошлий жангу жаҳд,
Шаҳаншоҳ нойиби, менман валиаҳд.

Б а д р и д д и н

(шоҳ қулогига)

Мақтанар мен шоҳни қутқаздим дея,
Сиз ҳаёт, у тахтга бўлмоқчи эга!

Х о р а з м ш о ҳ

Итоат... ҳаққимдир оталик, шоҳлик!
Бу қандай саркашлиқ, қандай густоҳлик?!

Ж а л о л и д д и н

Отамсиз валломат ва шаҳаншоҳим,
Гўдаклиқ чогимдан пуштипаноҳим.
Ўсдим бу ҳаётда пояма-поя,
Энди мен юртимни қиласай ҳимоя.

Х о р а з м ш о ҳ

Ү қандай ҳимоя?! Барҳаёт-ку, шоҳ?

Ж а л о л и д д и н

Ҳимоя қилмаса у хоҳу но хоҳ...

Х о р а з м ш о ҳ

(разаб билан)

Сен эмас валиаҳд... шу кундан бошлаб
Қарорим қатъийдир, ўзгармас матлаб!

Ж а л о л и д д и н

(тожни тахт олдига қўяди.)

Киши тугилмайди бошда тоҷ билан,
Тугилар эркликка эҳтиёж билан,
Бошимнинг тожидир онамга қасам!

(Кетади.)

И м о м

Шаҳаншоҳ, шаҳаншоҳ, қиблайи олам,
Туркистон элига чўқдирманг алам.
Мўгулни қочирган киши — шу киши,
Фақат шу Жалолдан қўрқар ул ваҳни.

Айвондан бир гуруҳ хотинлар йўргакда бир болани
олиб ўтаётганида Хоразмшоҳ уни имлаб.

Х о р а з м ш о ҳ

Бас, имом, валиаҳд ўзлиғ Қутбиддин,
Менинг кенжА ўглим. Итоат қилинг!

(Вазирлар у томонга қараб таъзим қилишади.)

Н а с а в и й

(ўзича)

Бировнинг давлатин оларкан худо,
Даставвал ақлидан қиласди жудо.

✓

Шоҳни Бадриддин қўлтиқлаган ҳолда вазир ва
аъёнлар чиқиб кетадилар.

(Орқаларидан Бадриддинни имлаб)

Чирикка ўхшайди бу қўлтиқтаёқ,
Насибни қарангки, битта чақалоқ
Ва яна алжираб қолган қайсар чол
Соҳиби фармонлар... Тахт эсиз, увол!
Кўп йиллар мен ёздим тарихи замон,
Кўрганим, билганим қайд этдим ҳамон.
Тахти олий топди Хоразмшоҳлар,
Фалакка рашқ берди баланд даргоҳлар.
Аммо бошга тушди ёмон тушкунлик,
Шоҳнинг донолиги бўлди уч кунлик.
Нифоқу низолар тушди ўртага,
Гирдобга ботмасак, ёраб, эртага:
Агар бўлмасайди Жалол оламда,
Қудрат бўлмас эди шу қўл, қаламда.

(Жалолиддин кириб келади.)

— Шаҳзодам, бу ишдан бўлмангиз ғамгин,
Бетож ҳам сиз — сардор, сиз — Жалолиддин!

Ж а л о ли д д и н

(бепарво)

Эл-ўлка соғ бўлсин, тож келиб кетар!

Н а с а в и й

Калла омон бўлсин, соч келиб кетар.

(Кулишадилар.)

Ж а л о ли д д и н

Фурсат оз, сўйлагин тез, хазинадор
Берсин лашкаримга бир юз минг динор!

(Насавий чиқади.)

Одамлар ўйларки, бўлмаса тожим,
Қаландар бўлурман, қолмас иложим.
Бечора отам-чи, фаҳми шунча кўр?
Билмаски шу билан тахтга қазир гўр...
Отами азиздур ёки салтанат?
Кўп оғир масала... Күфрдир албат —
Отага қарши кўтармак исён.
Айём хатарнокдир, бу менга аён.
Эл узра булутлар келса ҳаводан,
Майдонга кирмайми қўрқиб балодан?
Йўқ, келсин бўронлар, ёғсин тошлар ҳам,
Булар назаримда саҳарги шабнам.
Бу гал ўхшамайди отага ўғил,
Мулк аҳли мўғулга сира бўлмас қул.
Туғилдим қиличу қалқонга хуштор,
Бўлай ғаним узра мисоли аждар.
Ҳазар айламасман девдан, шайтондан,
Ҳатто Азроилдан, ҳатто Яздондан.

(Ҳазинадор ва Насавий кирадилар.)

Ҳазинадор

Буюргансиз лашкарларга бир юз минг динор...

Жалолиддин

Қани, қани?

Ҳазинадор

Кечиргайсиз!

Жалолиддин

Нима арзинг бор?

Ҳазинадор

Валиаҳдлик мухри керак, у сизда эмас!

Жалолиддин

(чакмони остидан қиличини күрсатиб.)

Мана муҳрим... Фармонимга шуни ўзи бас.

(Ҳазинадор таъзим билан қўрқиб чиқади.)

Насавий

(қаҳқаҳа билан)

Аммо сизнинг муҳрингизнинг одати бошқа,
Фармонларнинг тагигамас, босилар бошга.

Ж а л о ли д д и н

(шүх)

Бўлмаса-чи! Хазинанинг бор-йўги, ичи,
Муҳр билан топилганми дейсан, тарихчи?

М а ҳ р а м

(кириб)

Сиздан рухсат сўрар экан Элборс паҳлавон.

Ж а л о ли д д и н

Дарҳол келсин!

(М а ҳ р а м чиқади.)

Отахоним, қадимги чўпон!

(Э л б о р с паҳлавон киради.)

Ж а л о ли д д и н

(уни қучоқлаб.)

Кўрганимга ўн йил бўлди сизни, отахон!

Э л б о р с

Сиз шаҳзода, биз Сирдарё бўйида чўпон.

Ж а л о ли д д и н

(кулиб)

Қўйинг, қўйинг! Сирдарёнинг яшил, озода
Қирғозида чаман ичра битта шаҳзода —
Отни қўйиб ўтлоқларга най тинглагани
Сира эсдан чиқармикин? Ўша най қани?

(Элборс чүнтагидаги найни күрсатади.)

Қандай хабар билан келдинг, паҳлавон оға?

Э л б о р с

Подамизга кирган бўри багоят катта,
Мўғул босди Сирдарёни...

Ж а л о л и д д и н

Хой, кекса чўпон,
Бўри кирав бўшанг бўлса албат пособон.
Дарҳол Темур Маликка элт биздан фармон,
Хўжанд бўлсин, ёвга қарши баҳайбат қўргон.
Найни бекит, ёнига ҳам битта ханжар ос,
Чўпон ота, ҳунар кўреат, бўриларни бос!

Э л б о р с

Бадаҳшоннинг кўипагидай бўлиб мен ёвуз,
Йиртиб, бўгиб ташлагайман ёвни аёвсиз!

Бир гуруҳ мингбошлилар ва сипоҳлар ки-
риб келади.

Ж а л о л и д д и н

Дўстлар, бирга эдик доим тўйда, азада,
Яна энди ҳамсаф бўлсак қонли ғазода!

Б а д р и д д и н

(кириб)

Хоразмшоҳ бўлмиш сиздан багоят дилтанг,
Яқин бирон сирдошингиз қилдими найранг?
Сир бермангиз ҳар кимга ҳам...

Ж а л о и д д и н

Ха! Бу қандай сирдир?!

Б а д р и д д и н

Тахт ҳақида балки бирон ташвиш ёки қасд...

Ж а л о и д д и н

Хато! Амир! Жалолиддин эмас тахтиараст.

Б а д р и д д и н

Бўлмаса, бу қўшин — лашкар?..

Ж а л о и д д и н

Ниятимиз бир.

Эл-ўлкамиз Чингизхонга бўлмасин асир.

Б а д р и д д и н

Самарқандда гавгога йўл қўймайман сира.

Э л б о р е

(*Насавийга*)

Ана куёв! Истар келин бўлсин асира.

Б а д р и д д и н

Маълумингиз Самарқандда менман ҳукмрон,
Бир қалъада бўлмас икки соҳиби фармон!

Насавий

(Элборсга)

Кўп меҳмондўст ҳоким экан бу амир ёху,
Дарвозага келган ёвга пешвоз чиқар у.

Жалолиддин

Вилоятни ким сақласа удир ҳукмрон,
Кўкрагимга ошиодир селобу бўрон.
Бу қасрнинг соҳиби сиз, майли, бемалол
Ўтирингиз девон ичра ва лекин Жалол —
Шу оғойин сипоҳлар-ла жангга тайёрdir,
Ким элига ғамхўр бўлса эл унга ёрdir!
Сизга иззат ва эҳтиром, тўсмангиз йўлим,
Сипоҳларнинг хилъатидир мен учун сўлим
Ва билингки, сипоҳларнинг бир одати бор,
Жанг чогида сусткаш ёрни биз деймиз ағёр.

Бадриддин

Қайнаганинг домадига шуми ҳурмати?
Бу пажмурда сарбозларнинг кетмиш омади.

(Чиқиб кетади.)

Жалолиддин

Ким чарчаган, ким камарни белдан ечмоқчи,
Очиқ айтсин, ким сипоҳий ишдан кечмоқчи?

(Сукут.)

Ҳар ким тайёр қилиб кутсин ўз аскарини
Интизорда, мен бергунча жанг хабарини!

Маҳрамлар пиёлаларда май келтирадилар. Ҳар ким қўлида пиёла, тикка турган ҳолда.

Ж а л о и д д и н

Олинг, дўстлар! Элборс полвон, чиқар найингни!

Паҳлавоннинг найига мослаб ялла.

С и п о ҳ л а р я л л а с и

Сипоҳийлик ҳар кишининг иши эмас,
Номард ёвга ялинганилар киши эмас.
Номард ёвга ялинганилар киши бўлса,
Бу дунёда лочин шоҳлар қуши эмас.
Ўғлинг бор-ку, она қалбинг тинсун, шундай!
Кўзларингга бир оз уйқу қўнсун, шундай!
Биз сипоҳлик диёрига чиққанлармиз,
Ноинсофлар хонасини ёққанлармиз.
Ноинсофлар хонасини ёқиб, йиқиб,
Инсоф аҳли-жононларга ёққанлармиз.
Дилбаро, хайр, йигитлар от минсун, шундай!
Душманларнинг бошлари ҳам синсун, шундай.

Ҳаммаси майни ичиб, пиёлаларини бирдан ерга ташлаб
синдирадилар.

П а р д а

ИККИНЧИ КЎРИНИШ

Ойдин тун. Хўжанд ёнида, Сирдарё ўртасида бир орол.
Бу ерда Темур Малик бир тўда аскари ила бир неча
ойдан бери мўгуллар билан курашмоқда. Гулхан ат-
рофида бир гурӯҳ соқчи исинмоқда. Саҳна орқасидан
найинг товуши эшитилади. Соқчилар найдаги куйга
мослаб қўшиқ айтишади.

Соқчилар қўшиғи

Баланд учган оқ лайлак,
Бирпас менга боқ, лайлак,
Бухоронинг йўлида —
Ёр эшигин қоқ, лайлак!

Баланд учган оқ лайлак,
Кўйлагинг — шоҳи кўйлак!
Лайлак Урганч етарсан,
Ёрга салом элтарсан,
Ёр эшикни очмаса,
Сарсон бўлиб нетарсан?!

Ё Багдодга кетарсан,
Ё Сайҳунга қайтарсан!
Қийғоч учган кўқ каптар,
Бунда бирпас чўқ, каптар.
Фариб кўнглим интизор —
Интизорлик бас, етар!

Қийғоч учган кўқ каптар,
Ердан келтири хат-дафтар!

(Элборс паҳлавон қўлида най билан саҳнадан ўтиб
кетар экан, соқчилар уни кўриб қоладилар.)

1 - соқчи

Паҳлавон, ҳисобинг нечага етди?

Элборс

Кеча роса бўлди бир юзу етти!
Ҳали қўйларимнинг сонича эмас,
Мўгул ҳали менга уч юз калла қарз!

(Элборс ўтиб кетади.)

2 - с о қ ч и

(Унинг орқасидан.)

Нодону ҳисобда мунажжимдай соз!

(Орқадан ваҳима белгиси. Бонг.)

Т о в у ш л а р

Сувдан хабар о-ол, сарбо-оз!

Соқчиларнинг ҳар қайсиси ҳар ёққа тарқалишиб
кетади.

Темур Малик ўз маҳрами билан киради.

М а ҳ р а м

Мижжа қоқмай юрдингиз уч кечада қатор,
Мизгисангиз озгина дейман, ё сардор!

Т е м у р М а л и к

Майли, ўтсин туну кун, ҳафталар ўтсин,
Майли, қўёш ухласин, юлдузлар ўтсин.
Кўп ўтмай ётогига борсин ювони ой,
Аллаласин чўлларни бу алдоқчи сой.
Балки сувда ухлайди бетинч балиқлар,
Аммо тингла, дарёда жосус қайиқлар!
Гирдобларнинг қўйнида йўқ менга тиним,
Чунки кутар саркардам, Жалолиддиним!
Үйқу ҳаром отага, хавғ чоги ҳар дам,
Ухла, ўглим, шаҳрингда менинг учун ҳам.
Үйқу ҳаром сардорга йил ўтса ҳарчанд,
Чунки йиглар тутқинда уйқусиз Хўжанд!

Бир муддат Хўжанд қалъасининг ойдиндаги кўриши-
шига қараб туради.

Кўҳна Хўжанд магрурдир асоратда ҳам,
Унинг қаддин буқолмас ўлим ва алам.
Оҳ, не учун бу орол әмас бир қайиқ,
Токи улуг соҳилга сузиг чиқайик.
Асов, илдам Сайҳуннинг баҳтли сувлари,
Хоразм денигизига қовушар бари.
Қўшилиб тўлқинларга курашар, қайнар,
Қучиб Жайҳун сувларин жўр бўлиб ўйнар.
Аммо мен-чи, йироқда Жалолиддиндан,
Ватан ичра ғариман, вовайло, аттанг!
Бироқ мен барқарорман қоядай шунда,
Гарчи уч юз сарбозим қолмиш қўшинда
Ёв ўрдуси уч ойдир шунда овора,
Ғанимларнинг кўксига очдим кўп яра.
Бир киши қолганда ҳам, ахир енгамиз,
Шу шарт билан сипоҳ, деб туғди онамиз!

Темур Малик кетади, соқчилар кела бол-
лайди.

1 - соқчи

(қорнини ишқаб)

Ҳай Жўра, сомсага қалайсан ҳали?

2 - соқчи

Гапирма, кишининг чиқади жаҳли!

1 - соқчи

Бўлмаса мантига тоқатлари қалай?

2 - с о к ч и

Күйсанг-чи... Шу топда карнай.

1 - с о к ч и

Бўлмаса таъбингиз тортарми кабоб?

2 - с о к ч и

Сирдарё сувидан қиласи ардоб?

(Қорнини ишиқайди.)

1 - с о к ч и

Жим!.. Дарахтнинг орқасида ким?

(Н о м а ъ л у м к и ш и — т а б и б к и р и б к е л а д и .)

Т а б и б

Мусулмонлар, менман бир ҳаким,
Бедаволар дардига ғамгин!

2 - с о к ч и

Қандай чиқдинг оролга, айтгин?

Т а б и б

Пусиб келдим мен мўгуллардан,
Четлаб ўтиб қоровуллардан —
Бир қайиққа отландим дарҳол,
Билар эдим яқинидир орол.

1 - с о қ ч и

Не гаплар бор?

Т а б и б

Бечораларим,
Неча ойлаб овораларим!..
Жалолиддин ўлгандан бери
Урушмоқдан маъни қолмади...

С о қ ч и л а р

(ҳайрон.)

Жалолиддин ўлгандан бери?..

Т а б и б

Ҳа, бандалик!

2 - с о қ ч и

Ёлғондир бари!

Т а б и б

Сўзим ҳақдир, худованд гувоҳ,
Жангда ортиқ қон тўқмак гуноҳ!
Аёлмандесиз, серқайгу, йўқсил,
Оч сарбоздан афзалдур тўқ қул!
Ким бўйсунса хоқонга дарҳол
Иzzат топар, мана, мен мисол.



2 - с о қ ч и

Табибмисан, оғзингга қара,

Билиб қўйки, тиз чўкмас сира
Темур Малик сипоҳийлари.

Т а б и б

Жаҳлингни бос, тентак, гўреўхта,
Не бор шунда? Богми ё газна?!
Нон гадойи — чекасиз фарёд,
Ким ҳам сизни ҳозир қиласр ёд?
Мендан бошқа...

С о қ ч и л а р

Хўш, ҳаким ота?!

Т а б и б

Сарбозмиз деб бўлманг гўл-содда.
Бу оролда кўк капитарлар бор,
Овласангиз кабоб ҳам тайёр,
Бу сир! Аммо билмасин сардор!
Каптарларга у кўп ихлосдор!

2 - с о қ ч и

Каптар қиласр мозорни тавоғ,
Гуноҳ бўлур гўштидан кабоб!

Т а б и б

Оч қолишни ким дейди савоб?!
Тентак бўлманг, ботмай ҳануз ой —
Бориб овланг, тайёр-ку, ўқ-ёй,
Яна билинг овланса агар,
Оёгига ҳалқали капитар,
Каптарбозлар капитаридир ул,
Гўшти бўлур кўп ширин, маъқул,
Дарҳол боринг!

(Соқчилар кетишади.)

Күп шириндир кантарнинг гүшти!
Бу гўллар ҳам қўлимга тушди.
Яроқбек деб бу оворалиқ,
Ўглим бўлгай ҳоким ва малик!

(Кетади.)

Соқчилар киришади, Темур Малик сарбозларга
юзланади.

Темур Малик

Қаранг, йигитлар:
Сувдан эшқак садоси келар,
Ёв чиқмасин бунга мабодо,
Ҳар гўшада бўлинг омода!

1 - соқчи

Малик сардор, масала аён,
Жанг не керак, айт, бундан буён!

Темур Малик

Ким әкан у номард бояқини,
Лочин аро юрган, ҳой, бойқуш!

1 - соқчи

Жалолиддин, азамат раҳбар
Шаҳид, шаҳид бўлди, дейдилар.

Темур Малик

(ҳаяжон билан.)

Жим... Ким айтмиш бу шум хабарни?

Ўзи ҳам бошини ушлаб қолади. Шу пайтда саҳна орқасидан Элборс паҳлавоннинг найи эшигилади. Темур Малик қайрилиб чуқур таассурот ичра найни тинглайди ва бирдан:

Бу гап ёлғон... Тингланг уиларни!
У қуйларни, у қамиш найдан
Эшигандим Жалол ила мен
Сирдарёning лабида бир дам,
Неча йиллар бундан муқаддам.
Еш бир ўсмир эди шахзода,
Аммо найди тинглар аснода
Туриб, қараб осмонга у,
Деган эди:— Яшайди мангу
Шу қамиш найд, унинг қуйлари,
Шу эркин халқ, Сайҳун бўйлари!
Йўқ, шахзода ҳамон тириқдир,
Ҳар қаёқда бизга шерикдир!

Соқчилардан бир и

Қандай шерик, йўқ дому дарак?

Бошқа овоз

Бундан буён жанг ҳам не керак?

Темур Малик

(най чалинади.)

Эшигинглар у сас нимаси?
Саркарданинг ўлмас нафаси.
Жалол яшар, демак жанг яшар,
Юрт жангига ўлмайди башар.

Биз қасамда келтирдик құллуқ,
Жалолиддин буйруғи — буйруқ!
Ү, тур дебди, турамиз шунда,
Икки фармон бўлмас қўшинда.
Ким ён берса бирон қутқуга
Ўзим бўгиб ташлайман сувга!

(1-сөқчи секин чиқади.)

Борай деса ким юртга тириқ,
Ёвни қириб ясасин кўприк.

Элборс

(кириб.)

Мен ҳам бўлай бу ишга шерик,
Ҳисобимда юз етти ўлик.

Темур Малик

Жалолиддин ўлмас дунёда!

Ҳамма

Ҳеч ўлмайди бизнинг шаҳзода...

Темур Малик

Ким бўхтончи, у аҳли фасод?

(1-соқчи табибни ушлаб олиб келади.)

1-сөқчи

Сардор, шудир «олий хизмат зот!»

Элборс

(ҳужум қилиб табибни ушламоқчи бўлади.)

Шу бақани менга берингиз,
Хисоб бўлгай бир юзу саккиз.

Т е м у р М а л и к

(уни тўхтатиб)

Тўхта, Элборс!

(Табибга)

Сўйлагин, сен ким?

Т а б и б

(қўрқа-писа)

Жаноб сардор, мен эски ҳаким,
Шу оролда йигаман гоҳ-гоҳ,
Дору учун майсаю гиёҳ.

Э л б о р с

(ўзича)

Кўп сотқинга ўхшайди кўзи,
У шайтони лаъиннинг ўзи.

Т е м у р М а л и к

(истеҳзо билан.)

Хўш, қанақа дориларинг бор?

Т а б и б

Сизга лойиқ маъжун бор, сардор,
Бир иссангиз бир ҳафтага бас,

(бир шиша беради.)

Таом, уйқу ҳожат ҳам әмас.

Элборс

(шишани тортиб олиб табибнинг ўзига чўзади)

Аввал ичгин сен ўзинг бир бор,
Бизнинг элда шундай одат бор!

Табиб

(қалтираб, чўкиб)

Сардор... Сардор...

(Полвонга)

Тўхтагин, тўхта!

Элборс

Дорунг қалай, табиб гўрсўхта!
Таом, уйқу керак әмасмиш!
Ўзинг ухла энди, каламуш!

Табиб

Сардор, афв эт, олижаноб бўл,
Буюргандир бу ишни мўғул,
Сизга мажжун деганим заҳар!

Элборс

Ана холос, табиб баччагар.

1 - с о к ч и

Доринг заҳар бўлса, шарманда,
Каптар гўштинг заққум экан-да!
Ол, ўзинг е.

Этаги остидан бир каптар жасадини ташлайди.

Б о ш қ а б и р с о к ч и

Ол, ўзинг е, пес!

У ҳам бир каптар жасадини ташлайди.

1 - с о к ч и

Бу муттаҳам, биз бўлсак — беэс.
Каптар гўшти ширин бўлур деб
Бизга қутқу қилди бу «табиб!»
Жонимизга қасд айлабди у,
Қайдам? Каптар гўшти ҳам оғу!..

Э л б о р с

Бирдан ерга ташланган бир каптар жасадини олиб.

Сардор, сардор, ана шу каптар...
Ана ҳалқа, танидим, етар!
Тептак әмас, бу табиб, айёр!

Т е м у р М а л и к

Очиқ сўзла бунда не сир бор!

Э л б о р с

Самарқандга қиласкан сафар,
Бу оролдан беш-ўн кабутар —

Шаҳзодага совга элтгандим,
Оёқларига ҳалқа илгандим.
Ўша ҳалқа!

Темур Малик

Чиқар ҳалқани!..

Элборс кабутар оёғидан ҳалқани чиқаради. Унинг тагига ўралган бир хат чиқади.

(Севиниб.)

Менга бер-чи... менга бер, қани!

(Ўқийди.)

«Темур Малик, салому алик!
Мухрим: ихлос ва биродарлик.
Узиб сувда мўғул занжирин —
Сўл соҳилга сарбоз кўчиринг!
Сизга маълум шикоргоҳ томон
Ҳозир хавфу хатардан омон.
Банд бўлмоқлик у ерда тамом,
Менга тез ет,— ҳосили калом,
Сипоҳларга сипоҳий салом,
Жалолиддин».

Ҳамма

Алик салом!

Темур Малик

Хатни ўшиб букларкан, ҳамма сарбозлар ҳаяжонда.

Бу иш на тушдир ва на каромат,
Саркардадан жонли аломат.

(Табибга)

Жалолиддин ҳақида бўхтон —
Сен тўқидинг, табиб, бадгумон?

Т а б и б

Ёлгон эди. Тамоман ёлгон!

Э л б о р с

Сен табибми ёки капитарбоз?

Т а б и б

Инсоф қилинг, эшигинг бир оз,
Мен бегуноҳ табиб, савдогар,
Мажбур этди мени мўгуллар.
Топширдилар қўлимга заҳар,
Тилимга ҳам ёлгон, шум-хабар.
Буюрганди менга иўёнлар:
Орол узра номачи капитар
Учраб қолса овла ва йўқот,
Токи Темур Малик қолсин мот.

Т е м у р М а л и к

Юртфурушга йўқ амну омон.

Т а б и б

Тўхтанг, сардор, бир сир бор... Алъон,
Ой ботганда чиқмоқчи улар,
Тайёрланган юзлаб қайиқлар.
Сардор, валлоҳ, юрагим тоза,
Кетмоқликка беринг ижоза!

Т е м у р М а л и к

Сотқинларга йўқ амну омон!

Т а б и б

Лутфингизга сиғиниб ҳамон
Рост гапларни айтдим бирма-бир.
Тўғри гапга увол йўқ ахир!

Т е м у р М а л и к

Сенинг умринг бутун ифлос, дод,
Ёлгоналарга чулганган ҳар чор.
Умринг бўйи қонли губоринг —
Юволмайди ичор иқроринг!
Элборс тўлдир бир юз саккизни!

(Элборс олиб кетади.)

Т а б и б

(сағна орқасидан)

Фарёд... Мен-ку, ислом, бу нега?

Э л б о р с

Чўқингансан Чингиз бутига,
Бу ёққа юр, ҳой, бир юз саккиз!

Т е м у р М а л и к

(сарбозларга)

Кунботарга бориб турингиз,
Хабар олинг ҳар бир шарпадан,
Сувни кўзланг тошлиқ тепадан,
Майли, чиқсин соҳилга душман,

Барча қайиқ келгүнча шошманг!
Сүнгра қириб мүгүлни бирдан
Қайиқларга ҳатлангиз ердан.
Сүнгра соҳил, улуг эл, Хоразм!
Саркарда деб қылгусимиз азм.
Боринг, пусиб ётингиз жарда
Омон бўлсин улуг саркарда!

(С о қ ч и л а р кетадилар.)

(Маҳрамга)

Жалолиддин мени доимо
Ўнг қўлим деб қиласди нидо.

М а ҳ р а м

Забардастдир қиличга ўнг қўл!

Т е м у р М а лик

(кулиб)

Фотиҳам шу: сен ҳам сардор бўл!

Узоқда ҳаяжон бонги.

О в о з л а р

Қайиқлар... Мўгуллар!

Т е м у р М а лик

Чиқсин... Чиқсин!.. Чиқсинлар улар,
Бу ер ёвга гўристон бўлар.
Чириб кетинг бунда мурдорлар,
Соҳилларга чиқсин сардорлар.

Бир гурух мүгуллар саңнага чиқади. Пистир-
мадан сарбозлар чиқиб уруша бошлайдилар, Қо-
догон нүён күринади.

Қодогон нүён

(қиличиниң сүғуриб)

Энди ўзим ҳолингни күрай!

Темур Малик

Лаббай!

(Үңгір узади.)

Күрмаклика бир күз ҳам етар!

Қодогон нүён

Лаънати мерган!

(Чүкади.)

Темур Малик

Күрганингни хонга бер хабар!..

(Сипоғларга)

Чиққанларни қиличдан ўтказ,
Сарбоз... ўзни қайиққа етказ!..

(Кета туриб)

Калласини уз!

Әлбөрс

(узоқдан)

Бу, бир юз түккиз!

Парда

ИККИНЧИ ПАРДА

БИРИНЧИ КҮРИНИШ

Урганч... Хоразмшоҳнинг олий қасри. Саройдан базм
ва айшу ишрат нидолари эшитилмоқда.

Ҳофизининг ашуласи

Офарин, эй Хоразмшоҳ, шаҳриёри пурвиқор,
Бир қўлингда ганжи олам, бир қўлингда зулфиқор! ✓
Қиблай олам тасаддуқ, ё амиралмўъминин,
Давлатингда мустарихдир аҳли ислом, аҳли дин!

(Айвондан Султонбегим чиқиб ҳовлига тушади.)

Султонбегим

Оҳ, дилда ташвиш бор, улуг андиша,
Илонлар кўраман тушда ҳамиша...
Хабар йўқ, Бадриддин не бўлди экан?
Дарёда қайиқман гўё беелкан.
Севгини бир бало дебдилар: бу чин.
Оҳ, хотин юраги бетинчдир, нечун?!

Амир Бадриддин ёнида мулозими Яроқбек билан майдон томондаги дарвозадан кириб келади. Қўлидаги сандиқчани айвонга қўйиб, Яроқбек қасрга кириб кетади.

Бадриддин

Маликам, фариштам, қуёшим, ойим!

С у л т о н б е г и м

Бу тушми, ё ўнгми? Ростми илойим?!
 Инсофсиз, шунча вақт на хат, на паём,
 Интизорлик маҳв этди умримни тамом.
 Энди сизга берай катта бир жазо...

Б а д р и д д и н

Ҳукм сендан чиқса, дорга ҳам ризо!

С у л т о н б е г и м

Гуноҳингиз учун сизга зўр жазо:
 Мен билан доимо бўлмоқлик сазо...

Б а д р и д д и н

(кулиб)

Шундай жазо учун мен яна кўп бор
 Шу хил гуноҳларни қилмоққа тайёр!

С у л т о н б е г и м

Самарқанд нечукдир, сўйлангиз дарҳол!

Б а д р и д д и н

Чингиз оёғида бўлди поймол.

С у л т о н б е г и м

Уруш бўлмадими? Мардлар йўқмиди?

Бадриддин

Йўқ эди душмании енгмоқ умиди.

Султонбегим

Қалъада бўлдингми сўнгги дамгача?

Бадриддин

Чиқолдим қалъадан қоронгу кеча!

Султонбегим

Азизим, яширма, жароҳат бордир?

Бадриддин

Ёрга мажруҳ бормоқ биз учун ордир.

Султонбегим

(*хафса*)

Нима деб қилдингиз Хоразм азмин?

Бадриддин

Сени деб... Келтирган совғам ҳам вазмин!

Айвондаги сандиқчани олиб, қимматбаҳо тошларни ва
гавҳарларни кўрсатади.

Султонбегим

Самарқанд сийнамни илк очган шаҳар,
Севгимни қутлади у ерда саҳар.
Оҳ, эри ярасин силаб боғлаган

Бахтли келинларга ҳасад қиласан.
Ох, кошки шунчалар зийнатдан күра
Келтирсанг у ердан битта гиштпора!
Не керак Самарқанд лаъли, тилласи?!
Раҳмат дердим бўлса мўғул калласи.

Бадриддин

Айт, нега шунча ҳам тажсанг бўлмоқлик,
Васлингга етганда шундай бир қилиқ!
Ана, боқ, кокиллар худди малика,
Нақадар ярашар бу зийнат сенга!

Сандиқчадан чиқарган билагузук, гардонбанд ва ҳалқаларни маликанинг ўнг қўли, бўйинларига ва қулогига тақиб қўяди. Сандиқдан яна бир узук чиқади. Бадриддин уни тезда ўзи олади.

Ва лекин бу узук меники, бу сир,
Анчайин сир эмас, тилсимли сеҳр.
Менга багишлаган эзгу бир устоз,
Жангда тақсанг, дерди, ишинг бўлур соз.

(Узукни яширади.)

Бир оз кул маликам, очил ва сочили,
Мен ҳижронзадани қиммагин хижил.
Самарқанд борурмиз, бил иншооллоҳ!

(Секин)

Сен эркин малика, мен эса...

Султонбегим

(севиниб)

Ох!.. Ох!..

Бадриддин

Бу сирни мен билай... сен, ҳамда оллоҳ.

Султонбегим

(ўзича)

Ғалати имолар, таваккал оллоҳ!

Бадриддин уни қўлтиқлаб саройга кириб кетадилар.

Яроқбек

(қасрдан чиқади.)

Отами ташлаган Сирдарёсига —
Йўлиқай фалакнинг ҳар балосига!
Темур Малик экан отам қотили,
А, мен-чи? Дунёнинг тентак соғдили?!

(Бадриддин чиқади.)

Бадриддин

Яроқбек, нега сен шунча ҳам маъюс?

Яроқбек

Дардни минг айтсан ҳам камаймас, афсус!
Гумроҳ бир дарвишдай сизни пир дедим.
Бешни бир десангиз мен ҳам бир дедим.
Амир, юрагимни парчалар қасос!

Бадриддин

(кулиб)

Ўзингни тий, тентак, жаҳлингни сал бос,
Ваъдасин унутмас амир Бадриддин.
Манзилга оз қолди, маррага етдинг!

Яроқбек

Топмогим вожибдир Темур Маликни!

Бадрiddин

Қўй дейман, қўй дейман шу тентакликни.
Дарбадар юргансан дашту биёбон,
Аммо бўлмагансан асло шикорбон.
Бургутлар бошлиғин отмасанг агар —
Галасин тўзгитмас юз йил шамоллар.
Бошлиқдан қасос ол, аммо яширин,
Қўлга тушмагайсан, ҳаёт кўп ширин.
Яна бил: хун олай дегаисан, тақсир,
Ханжарни ким берса, сенга бари бир,
Кўп бордир ёвингта ёв бўлган дилгир!

(Унинг қўлогига пичирлайди.)

Яроқбек

(хурсанд)

Ҳа... Ҳа, тушунаман!

Бадрiddин

Қасосни ахтар —
Хароба чўлларда ўлимдан баттар.

Яроқбек

Отамнинг хуни... Отамнинг хуни!

(Чопиб чиқиб кетар.)

Бадриддин

Мўлжалга еткиз, баҳт, ушбу ўқимни!

Парда

Иккинчи кўриниш

Урганч. Бозор. Савдогарлар, дехқонлар, чорвадорлар, тўралар, косиблар, фолбинилар, амалдорлар, мирзалар, муллабаччалар, домлалар, сарбозлар, масхарабозлар... Юрувчилар ўртасида туркистонликлар, Мовароунинаҳр аҳли, араблар, қипчоқлар, хитойлар, кавказликлар, эронлар, ҳиндулар, славянлар, туркманлар ўз қиёфалари билан ажралиб турмоқдалар. Бозор аҳли ўртасида эрлар қаторида очиқ хотинлар ҳам кўринади. Созандалар соз чалиб, масхарабозлар ўйин-кулги қилмоқда. Қасоблар, бозор аҳли ва савдогарлар умумий ашула айтади.

Бозор аҳли

(хор)

Пойтахти жаҳонда,
Хоразмшоҳ томонда —
Ғаройиблар бор анда,
Ўлмай десанг армонда —
Урганчни бир кўриб кет!

Бозорлар раста-растা,
Дўконлар ҳам пайваста,
Таом тайёр бирпаста.
Қолмай десанг дилхаста —
Урганчда кайф суреб кет!

Иигит ва қизлар

(хор)

Хоразм эли дилнавоз,
Кўлларида ўрдак, гоз,
Қизларида кўп таниз,
Севай десанг бирон ёз —
Урганчда бир туриб кет!

Ажнабий савдогарлар, сайёҳлар ва карвонбошилар.

(хор)

Айландик оламаро,
Кўп шаҳри азимаро,
Халойиқ, одамаро
Қолмай десанг ғамаро —
Урганчда бир юриб кет!

Бозорда ҳар хил ўйин-кулги, масхарабозлик, сувчи болалар сув олиб ўтиб қичқирадилар.

Болалар

Обизамзам, обизамзам,
Оби Жайҳун!

1 - ч о л

(сувдан ишиб.)

Жайҳундан айланай, болам, сог бўлгин!

Болалар

(ўтиб кетади.)

Обизамзам, обикавсар!
Оби Жайҳун, яхдай!

1 - а ж и а б ий

(сүвдән ичиб)

Амударё табаррук, нимасин маңтай?

М а с х а р а б о з

Чингиз ҳайкалини күрсатувчи бир қўғирчоқни олиб
келиб ўртага қўяди.

Бўжи келди, бўжи келди,
Чингиз билан Жўжи келди.
Бир эснабон кўрай-чи,
Базўр кимнинг кучи келди?!

Масхарабоз узоқ масоғадан туриб эснаши билан қўғирчоқ йиқилади. Қулги. Бир неча қочқин ҳовлиқиб бозорга киради.

Қ о ч қ и н л а р

Мусулмонлар, мусулмонлар, огоҳ бўлингиз,
Бухорони хароб қилиб келмоқда Чингиз!

Халиқ дўкон-бозорни бекитиб қочади. Бозор майдони бўшайди. Орқадан ҳофизнинг танбур чалиб айтган ашуласи эшитилади.

Шому шариф лаббораси муштари, ё муштари,
Аҳли Қофқоз жуббаси муштари, ё муштари,
Бухоройи шариф жомаси муштари, ё муштари.

Шоҳ жарчилари бозор майдонидан ўтиб қичқирадилар.

Ж а р ч и л а р

Эшит ҳамма одам,
Шаҳаншоҳи олам,
Подшоҳи замон,
Ҳомий аҳли имон,
Султон ибн Султон, ибн Султон
Султон Муҳаммад Алоуддин Хоразмшоҳ,
Соҳиби мулук ва сипоҳ
Иродай шоҳонани
Баён қилгани
Аркдан чиқадилар.

Бозор майдонига ҳалқ тўпланади. Шоҳ орқасидан вазирлар, Бадриддин, мулозимлар сафар кийимида чиқадилар. Сарой ва ҳарам аҳли йўлдан ўтиб туради. Майдон ўртасида шоҳга кўчма тахт қурилади.

Х а л қ

Ё мадад, ё шоҳ!
Шафқат, давлатпаноҳ!

Х о р а з м ш о ҳ

Тинчланинг, эй ҳалойиқ, дунёдур фоний ,
Бу тақдири илоҳий, амри раббоний:
Ўттиз беш йил салтанат бўлди андишам,
Фуқарога ғамхўрлик шоҳона пепшам.
Энид пойтахт аҳлига катта дард келди,
Аллақайдан одамхўр бир номард келди.
Мен лашкар тўплагани кетмогим зарур,
Сизга бўлса итоат вазифа эрур!

Х а л қ

(ҳаяжон билан)

Бизлар-чи, подшоҳ!
Эвоҳ, эвоҳ!

Бадриддин

Бу қандай бир саркашлиқ... жим бўл, жамоат!
Бу қандай гап, исёнми, йўқса жаҳолат?
Хоразмшоҳ пойтахтин босолмас Чингиз,
Фил ўрнини босолмас каркидан ҳаргиз!
Эронда лашкар йигиб қиблай олам,
Бухорода қилмоқчи душманни барҳам!

Хоразмшоҳ

Подшоҳ бир, худо бир, ваъда ҳам бирдир,
Сабр қилинг халойиқ, худо — собирдур.

Хоразмшоҳ тахтдан туради. Синоҳлар йўл очмоқчи
бўлиб халқни итара бошлиайди. Халқ эса бирдан ёппа-
сига ерга ётиб йўлни тўсади.

Халқ

Қиблайи олам, қиблайи олам,
Жасадимиз устидан ўт, босиб қадам!

Бир ёқдан Хоразмшоҳнинг катта уламоларидан имом
Шоҳобиддин Хевақий пайдо бўлади.

Имом

Бу муртадлик, бидъатдир, тур, эй халойиқ!
Фақат тангри таоло саждага лойиқ.

Халқ аста-секин тура бошлиайди, имом Хоразмшоҳга
қараб.

Пайғамбар ҳам, чорёр ҳам бўлди саркарда,
Умр ўтказиб чодирда, жангда, эгарда.
Чарчадими қўлингиз ғазот жангидан,
Оёғингиз толдими от-узангидан?
Ё амиралмўъмин омад кутмак бас,
Пойтахтни ташламанг, тахтез шоҳ бўлмас.
Буюринг амирларга, бўлсингилар ҳамкор,
Сиз бўлинг лашкарбоши ва сипоҳсолар!

Х о р а з м ш о ҳ

Имом, имом қўйингиз, бу гаплар бекор,
Ҳақ таоло ўзидир менга нусраткор!

Й и г и т л а р

Биз тайёрмиз, йўл бошла бизни ҳукмдор!

Х о р а з м ш о ҳ

Қўйинг, қўйинг ўғлонлар, бу гаплар бекор!

Х о т и н л а р

Бизни аянг, ташламанг, мўғул кўп гаддор!

Х о р а з м ш о ҳ

Беклар, тортинг карвонни, муҳлат — фурсат тор!

Шоҳ туради. Беклар халқни итармоқчи бўладилар.
Саҳна орқасидан жанговар мусиқа эштилади.

Б и р н е ч а киши

Жалолиддин

Б о ш қ а л а р

Шаҳзода!

Я на б и р о в л а р

Мангуберди

Б и т т а с и

У гозийдир!

И к к и н ч и с и

У сардор!

З - к и ш и

Хоразм марди!

И м о м

Келаётир мўғулни қочирган киши!

Х а л қ

Бахтиёр айлангай дунё гардиши!

**Ж а л о л и д д и н, унинг ёнида Насавий ва бир
тўда аскар ила кириб келади.**

Х о р а з м ш о х

**Жалолиддин, мен сендан эмасман ризо,
Нега тахтим атрофи нифоқу низо?
Недур даъвонг?**

Ж а л о и д д и н

Даъвомга йўқ сизда даво.

1 - в а з и р

Шу жавобми ўғилдан отага раво?

Х о р а з м ш о ҳ

(ғазаб билан)

Даъвонг нима, мақсад на, бахти бад ўғлим,
Сен доною тентакми шу етти иқлим —
Бўйсунаркан фалакнинг кажрафторига?

Ж а л о и д д и н

Бўйсунмайман шум фалак ихтиёрига!

2 - в а з и р

Фақат сизми ихлоскор шоҳ диёрига?

Ж а л о и д д и н

Нифоқларга ошён қасрингиз, эй шоҳ,
Қинга қайтмас қиличим, шоҳиддир оллоҳ,
Бирлашмаса бу эллар, беклар, ўлкалар
Хоразмшоҳ тахтига пес мўгул келар...
Жавобим шу... Керакса эшитинг яна!
Тепиб турса юрак рост, чўкмайди сийна.
Улуг давлат тиз чўкмас, ботир ёлбормас,
Чинор синар, эгилмас, бедов от ҳормас.
Чингизхондан қўрқмоқлик — қурапсиз ўлим,
Сизга ҳамроҳ эмасман, ўзгадир йўлим.

Х о р а з м ш о ҳ

Бу хунрезлик, қонхўрлик... Оқибат бекор!

Ж а л о и д д и н

Эй падари бузруквор, шунда хатонг бор.
Таваккалнинг, сабрнинг йўқми пояси,
Сиз дейсиз, мен дунёда тангри сояси.
Лекин соя қочмайди нуқул бир томон,
У ҳам босар кечки чоғ тог-даштни, ионон!
Сирдарёда душманни қайтариш учун
Менга лашкар бермасдан кетдингиз нечун?
Гарчи сиздан берухсат талашдим, турдим,
Қўёnlарни қочирдим, ёвни кўп қирдим.
Ҳануз номим айтилса қалтирас Чингиз,
Бу лоф эмас, ота, сиз фахр қилингиз!
Муҳрингизнинг бор экан ҳукми, обрўйи —
Айтинг менга бош эгсин беклар юрт бўйи.
Қўшин бошлаб Чингизни қиласай тору мор.

Б а д р и д д и н

(шоҳ қулогига)

Шунчалик ҳам ўғлингиз тахтга ҳаваскор.
Эмиш унга лашкарнинг жиловини тут,
Сизга эса, султонга каған ва тобут.

Х о р а з м ш о ҳ

(қатъий)

Йўқ, саркарда — Қутбиддин Ўзлигшоҳ, кенжам.

Ж а л о и д д и н

Қани ўша?

Х а л қ

Чийиллар бешикда бегам.

(Кизиқ кулги.)

Ж а л о л и д д и н

Халойиқ, йўл берингиз жўнасин султон,
Йўлларда бор кўп заҳмат, хатар, биёбон!

Султон гуруҳи жўнаб кетади. Саҳнадан ҳарам хотинлари ўтади. Жалолиддиннинг онаси ҳам ўтар экан, ўз канизлари билан тўхтаб қолади.

Она, сўйла, ким ҳақли, отам ёки мен?
Қароримга ишонай, сўйла, токи сен!

О на

(тумор беради.)

Ўғлим, жавоб туморни армугон қилиш,
Отанг бўлсан берардим дудама қилич!
Тиз чўкмайсан дўзахдан келса фотиҳ ҳам,
Оқ сутимни оқлагин, сенга фотиҳам!

(Она ўпид ўтади.)

Ж а л о л и д д и н

Хоразмшоҳ йўқ деса, ҳа, дер хотини,
Жалолиддин онаси дерлар отини.
Бу дунёда онасиз туғилган ким бор?
Жон берганга жон бермоқ мардларга даркор!
Онамизнинг онаси бўлса шу Ватан —
Кўрлик афзал бу юртни асир кўрмоқдан.

Х а л қ

Ёшулли Мангуберди!
Ёшулли Жалолиддин!

Темур Малик ҳам Элборс паҳлавон биринчи
ки мулозим билан кириб келадилар.

Ж а л о л и д д и н

Хўжанднинг баҳодири шу Темур Малик,
Эй одамлар, севинглар уни менчалик!
Агар чидамасайди Хўжанд мардона,
Аллақачон бўлурди Урганч вайронга!
Билинг, аввал бу менинг катта оғамдир,
Сўнгра Темур сардорим, машҳур дорғамдур.

(Кучоқлашадилар.)

Х а л қ

Темур Малик ёшулли!

Н а с а в и й

Қуюшгандай Жайҳун ҳам Сайҳун баробар,
Хоразм денгизида мисли биродар,
Хоразм саркардаси, Хўжанд сардори,
Бирга бўлса қуrimас элнинг мадори.

Х а л қ

Жалолиддин ёшулли!
Темур Малик ёшулли!

Темур Малик

Улуг сардор, амрингни келтирдим бажо,
Хозир недур амрингки, менман муҳайё!
Етмиш минг ёв бўғилди, қочди, тарқалди!

Элборс

У оролда фақат бир кўр қуён қолди.

Халқ

Темур Малик ёшулули!

Жалолиддин

(Элборсни кўриб, кулиб)

Ҳа, Элборс ота,
Каптардан келтирмабсан дейман бу сафар.

Элборс

Сизга учиб келди-ю, минг-минглаб капитар.

Кулги.

(Халқни кўрсатиб)

Юз минг киши юраги, шаҳзодам, етар!

Темур Малик

(Элборсни имлаб)

Унутдириди азобни най чалиб нуқул,
Битта ўзи ўлдириди юз эллик мўгул!

Элборс

Чўпонларнинг қариси мендурман балки!

Жалолиддин

Шер минг йил кексайса ҳам бўлмайди тулки!
Темур Малик, кўрайлик қалъани бирга.

(*Маҳрамга.*)

Сипоҳийлар киришсин айтган тадбирга!

Жалолиддин, Темур Малик, Элборслар
кетади. Орқаларидан халқ ва сипоҳлар ҳар ёққа тар-
қалишади. Султонбегим бир канизаги билан ўта туриб
тўхтайди. Ердан бир ҳовуч тупроқ олиб ўпади.

Султонбегим

Ватан, ватан, ажралмоқ тупрогингдан, оҳ!
Бу жазога сазовар қилдим ие гуноҳ?
Гарчи эдим Хоразмшоҳ қасрига безак,
Бахтиёрман бу ерда қолсам канизак.
Беданадай талашар қўнглимда ҳислар,
Тош отилган бир кўлдай қайнайди эслар!
Эрга севги, оғамга меҳру муҳаббат,
Ватангча-чи? Унга ҳам ишқим зўр албат!
Севги, ишқ ҳам муҳаббат... Қандай ажиб ҳол!
Амударё сувидек қоришди хаёл!
Азиз тупроқ, оҳ, яна сени қучмоқлик,
Насибамми чашмангдан сувлар ичмоқлик?
Мабодо шу бўлмаса қурийди шўрим,
Ҳеч бўлмаса қўйнингда кош, бўлса гўрим!

(*Бадриддин шошилиб келади.*)

Бадриддин

Султонбегим, бу не ҳол?
Кутмоқликка йүқ мажол!
Кечикдик-ку, биз тоза,
Бекилгуси дарвоза?

(*Уни қўлтиқлаб элта бошлайди.*)

Султонбегим

Йўқ қолмоққа мадорим,
Хайр юртим, сардорим!

Кетадилар. Жалолиддин, Темур Малик, Элборс, қисман
силоҳлар ва халқ тўплана бошлайди.

Махрам

(*чопиб келиб*)

Султонбегим даргоҳдан чиққан, шаҳзодам,
Амир Бадри бирла у кетганмиш бақам!

Жалолиддин

(*ўзича*)

Синглимга сўнг бўса ҳам бўлмади насиб,
Ким ўлару ким қолар, тақдир кўп ажиб!

Темур Малик

Буюрингиз шаҳзода, бориб шитобан
Дарвозани бекитай, тўхтасин карвон,
Қайтарайин шоҳни ҳам, сипоҳини ҳам,
Йўлни тўссам, ўтолмас улар бир қадам!

Ж а л о л и д д и н

(ўйланиб)

Иўқ, кетсин сарой аҳли, бизга не даркор,
Лекин синглим қолса-чи?.. Ҳа... не фойдаси бор?
Узук таққан у нозик бармоқларга, бил,
Үқ-камонни тортмоқлик бағоят мушкул!

(Халққа)

Бу юрт учун ўлмакка бўлинг муҳайё,
Обизамзам дейсизлар шу Амударё —
Дўзахийлар лабидан бўлгайми мурдор!

Х а л қ

Иўқ, биз жангга тайёрмиз, эй улуг сардор!

Ж а л о л и д д и н

Сўл қанотнинг сардори Темур Малиқдир,
Мен саркарда, зафарга гаров-бирликдир!

(Тўраларга)

Тўдаларни жам қилинг, лашкарлар тузинг,
Қўшилмаган бекларни бостиринг, бузинг!

Н а с а в и й

Султон қочди, сизларга сарвар, баҳодир,
Буюк Мангубердидур, Жалолиддиндур!

И м о м Ш а ҳ о б и д д и н

Истамам лаънат билан мени қилсин ёд,
Ислом мачитларида аҳли эътиқод!
Газовотга қўзголинг, ё айоҳаниос,
Ғозийларга шарофат, шаҳидга ўроз!

Минорларда тақбир садолари. Йигитлар Насавий олди-
га келишади. У рўйхатга ола бошлиди. Қизлар, келин-
лар Жалолиддин маҳрамига қимматбаҳо буюмлари-
ни — ҳалқа, узук, иеиргаларини бермоқдалар.

Б и р қ е л и н

Олинг, тўрам, келиннинг олтин узуги —
Эмас унинг ягона зийнат-безаги!

Ж а л о л и д д и н

Еттидан етмишгача қўзгал эл, ўлка,
Ҳурриятнинг ишқида бошлийин йўлга!

Х а л қ

Улуг сардор, сен бўлгин бизга најоткор!

Ж а л о л и д д и н

Киличлар дами ўткир, садақа ўқ бор,
Қуласа ҳам бош эгмас бу шаҳри азим,
Эрлар ўлар, қилмайди Чингизга таъзим!

Х а л қ

Ёшули!

П а р д а

УЧИНЧИ ПАРДА

БИРИНЧИ КҮРИНИШ

Парда очилганда хароб бир манзара күринади. Бу ерда ийиқиқ деворлар, чўкик иморатлар, кесик дарахтлар жатта бир фалокатдан дарак бермоқда, уфқда ёнган боғлар ва тепалар күринади. Парда очиларкан, саҳна орқасидан бир чолнинг ғамгийн ашуласи эшитилади.

Ч о л

Ўйла бир девонаман, мендан қочар девоналар,
Естигим тошу тикан, хонам бўлиб вайроналар.
Сувда гар аксимни кўрсам, ўз-ўзимдан алҳазар,
Ҳаста соямдан чўчиб, солмасман унга бир назар!

Саҳнага паришон сочли, девонасифат б и р ч о л кириб
келади. Ашулани давом эттириб.

Эл хароб, умид сароб, давлат туроб, кўнглим кабоб,
Ё худо, мен тобакай кутгим самовотдан жавоб?
Бир замон инсон аро одам эдим мен пурвиқор,
Хонумон, номусу ном, имон бўлибдур тору мор.

Сафар кийимида Султонбегим бир мулозим
 билан кириб келади.

Султонбегим

Сўйла, бобо, сен кимсан, бу ер қайси юрт, ўлка?
Нега чўккан ҳар ёққа кўп паришон бир кўлка?

Ч о л

Сўрамай қўй, оҳ, қизим, тирнамагин ярамни,
Дўзахийман, йўқотдим гўё Боги Эрамни,
Не қиласан номимни, унутибман ўзим ҳам,
Алланима дердилар, эсдан чиққан тамоман.
Бошим кўрган балони кўрса эди битта фил,
Эриб сичқон бўлурди, ўлмаганд... Тингла, бил!
Бу офатга Азройил, мўғул хони Чингизхон,
Дунёдаги қоплонлар уругига у хоқон.
Кўз олдимда сўйилди авлодларим, хотиним,
Ёш қизгинам зўрланди, мен урилдим бетиним.
Ўглим ҳалок этилди боғланиб от думига,
Бир қизим қайнатилди ташланиб хум сувига.
Кичик ўглим кўмилди тириклайн тупроққа,
Бундан кейин не керак умр мендай аҳмоққа?

С у л т о н б е г и м

(маъюс)

Каттамиди айбингиз?

Ч о л

Инсон эдим, вассалом.
Улар қонга хумори, ташнадирлар бил, болам.
На фалакдан жавоб бор, на дуодан савоб бор,
Кўп маҳкам кулфатланган илоҳий баланд дарбор!
Хафа бўлдим оламнинг худосидан, раббидан,
Кўп истидод сўрадим пайгамбардан, набиидан.
Ҳайҳот, улар кар экан, инсоф дарбадар экан,
Дунёда нафас олиш ўзи серхатар экан.

Құл — бутоги кесилған самарасиз бир түнка —
Мана менман... Яшамоқ лозиммикан ҳеч менга?
Умримда ягона бир маңни бўлса — интиқом.

С у л т о н б е г и м

(ўйланиб.)

Ох, бечора ватаним бир ағсона бўлибдур,
Мўйсафидлар девона, бог вайрона бўлибдир.
Қаерларга қочибдур у газалхон булбуллар,
Йўлларимда кўрганим ўлик эрлар ва туллар.
Сув қуриган, чўл куйган, бўғилгандир мироблар,
Дилим торин уздилар бу сарсари, хароблар.
Иигламайин ўтарми бундан гариб бир йўлчи,
Бу девона ота ҳам шум хабарчи, бир фолчи.

(Чолга)

Бобо айт, шу тепанинг қанақа бир номи бор?

Ч о л

Аташга улгурмадик, кўп ғалати бир минор,
Чол тепадан бир кесакни олиб, Султонбегимга кўр-
сатади.

С у л т о н б е г и м

(қалтираб)

Ох, бу кесак әмас-ку... Аллақандай бир калла!

Ч о л

Каллалардан бу минор... Пайқадинг, баракалла!
Шу қишлоқда аҳоли тўламаган эди бож,

Мўгул кесиб бошларин, шундай топди тез илож.
Бу ерда истиқомат қилар битта девона
Ва бадбаҳт бойқушларки, ихлоスマнди вайрониа!

Султонбегим

(тиграб)

Оҳ, бу даҳшат!

Мулозим

(қиличини ушлаб)

Тез юриинг, йўлдан билсак бир хабар!

Султонбегим

Бобо сўйла, қаерда Жалолиддин ўрдаси?

Чол

У сойнинг чап ёнида, ҳув тепанинг орқаси!
Аммо бу йўл кўп сирли, ётлар бундан бехабар!

Султонбегим

(кета туриб)

Сир олган ўзга эмас, қизингиз, кўп мўътабар!

Султонбегим ва мулозим кетадилар. Чол зоҳиран ҳеч ажратиб бўлмайдиган бир горга кириб, тешикни бекитади. Фор ичидан чолнинг яна ғамгин ашуласи.

Чол

Ўйла бир девонаман, мендан қочар девоналар,
Естигим тошу тикан, хонам ўлуб вайроналар!

**Яроқбек тўра ва унинг орқасидан бир тўда
мўғул изчилари кириб келади.**

Қодогон нўён

(Яроқбекка)

Хоразм кийимида икки киши эдилар,
Изма-из пойлаб келиб, қўп йўл босдим баробар,
Шунда ниҳон бўлдилар...

(Ерга ётиб изларни исқаб олади ва туриб сой томонни
имлайди.) Сой томон кетган улар...

(Яроқбекка.)

Шу томонда бор экан, яширин сўқмоқ йўллар,
Сен мулозим, соқчилар сендан шубҳа қилмаслар.

(Бир бўғча беради.)

Буни Султонбегимнинг тухфаси деб берасан!

(Бир ханжар беради.)

Буни улуг хоқоннинг жазоси деб урасан!

Яроқбек

Мен отамнинг табаррук хуни учун қасоскор!

Қодогон нўён

Бари бир-ку, хоқонга бу зарбангда хизмат бор.
Менга қара,

(Күр күзини күрсатиб)

Үйлама, мен тугаси шундай күр,
Темур Малик ўқидан бу күзимдан учди нур!

Я р о қ б е к

Темур Малик?!

Қ од оғон и ў ё н

Биламан у отангнинг қотили,
Унинг ҳам бор пайида ёронлардан бир хили.
Аммо сен-чи? Бургутлар бошлигига ханжар ур,
Сўнгра хоқон қасрида султонларча давлат сур!

Я р о қ б е к

(кета туриб)

Е, омад!

(Кетади.)

Қ од оғон и ў ё н

Хизмат қилгин мўғулга жоҳил, тентак мусулмон,
Олқишилаймиз шу туеда бир-бировга итсимон!
Темур Малик күзимга ўқни узиб деганди:
Қахримизни кўрмоққа бир кўзинг бас, кет энди!
Шу бир кўзнинг ўзи ҳам душман изин пайқади,
Шу йўл улуг душманга тўғри олиб чиқади.

(Қайтиб кетади.)

Ч о л

(гордан чиқади.)

Илоҳим, ҳар ёқда хиёнат, пастлик,
Одамзод қонидан кўзларда мастилик.
Ўлимлар шоҳиди — кўзлар девона,
Фикрим-чи? Кўр эмас, фаҳмим — нишона!

(Кочиб кетади.)

П а р д а

ИККИНЧИ КЎРИНИШ

Парда очилади. Жалолиддин қароргоҳи. Чодирлар,
Жалолиддин сипоҳий қиёғада бир тўнка устида ўти-
риди. Бир четда Насавий ўз дафтарига сўнгги
чоғларнинг воқеаларини ёзмоқда.

Ж а л о л и д д и н

Ўқигин ёзганингни, дўстим Насавий,
Шерикдур қилич бирла қалам иккови.

Н а с а в и й

(дафтарга қараб)

«Хоразмшоҳ воз кечди жангдан, жанггоҳдан,
Лаққа балиқ қочгандай ютқич тимсоҳдан.
Хароб бўлди Бухоро, маҳв ўлди Урганч,
Пок тупроқни топтади мажусий жирканч.
Аммо шер Жалолиддин тортди наърасин,
Тиг сутуриб ўпирди мўғул маррасин.

Бешта улуг жангларда қочди ёв — ваҳший,
Рост дебдилар: мўгулни қочирган киши!»

Жа л о ли д д и н

Хийла бизни мақтабсан, дўстим тарихчи!

Н а с а в и й

Тарихни сиз ясайсиз, бизлар ёзамиш,
Ишингизга яраша бор андозамиш.

(Чиқади.)

М а ҳ р а м

Келибдир қалъадан Яроқбек тўра!

Жа л о ли д д и н

Айт, кирсин!

(Чиқади.)

Кўрай-чи, қочиқдан сўнгра —
Қайси ноибига сигинмиш султон?

(Яроқбек киради.)

Я р о қ б е к

Ассалом! Валиахд, сардори замон!

Жа л о ли д д и н

Нечук хабарлар бор узоқ элларда?

Яроқбек

Ишингиз бўлмишdir достон тилларда,
Сизни кутмакдадир эзилган ўлка,
Боқар интизор-ла доимо йўлга.
Сизга ҳасадкорлар тамом пушаймон,
Онангиз, синглингиз қалъада омон.
Сизга юбордилар сипоҳий хильъат,
Сафарда ярар деб сардорга, албат.
Кўп дуо айтишди малика хоним!..

(Бўғчадан тўнни олади.)

Ўзим кийинтирай шудир армоним!

Жалолиддин

(хурсанд.)

Ха, мени кўп ўйлар азизаларим,
Афсуски, айирди бу жанг, шу ганим.

Орқасини ўгиради. Яроқбек чопон остидан ханжар
чиқаради.

Яроқбек

Отам қонин унутмасман ҳеч!

Ханжарни ўқталади. Шу чоқда девона чол отилиб ки-
ради. Яроқбекнинг орқасидан пичоқ санчади. Орқаси-
дан маҳрам, Насавий кириб келади.

Чол

Шукрим, мададкор қолмаптикан кеч!
Эшитинг аввало, ўлдиринг кейин,

Ха! Мен-ку, қотилман, аммо бу хоин...
Умримда илк одам ўлдиришим шу.
Аммо нажот топди бир эл, ёшуллу!
Форимда пойладим мен яширинча —
Битта күр нүёну шу малъун бача
Озурда эканлар Темур Маликдан,
Сизга қасед қилгали бўлишди бир тан.
Ханикар ўқталганга қададим ништар,
У ёги маълумдир, ҳикоят етар!

Ж а л о л и д д и н

Тугул Жалолиддин кўкрагини сан,
Қутқардинг лашкарнинг юрагини сан!
Инъомлар берилсиин чолга фаровон!

Ч о л

Не лозим, шаҳзодам, улуг қаҳрамон,
Керакмас менга ҳеч тухфа, инъомлар...
Керакмас унвонлар, олий мақомлар,
Садойинг эшитдим, ўзга керакмас,
Кимсасиз кўнглимга шунинг ўзи бас!

(Қочиб кетади.)

Ж а л о л и д д и н

Кошки шундай бўлса жумла оталар!

Н а с а в и й

Шу хил ота бўлса барча катталар!

Насавий чиқади, мулозимлар Яроқбек жасадини олиб
чиқадилар.

Ж а л о л и д д и н

Афесе, бадбаҳт бўлса бир ўлка агар,
Унинг ўғиллари кўр бўлур ё кар.
Шундай бузуқларни фитнакор Чингиз
Макр ила тузоққа олди у хунрез.
Аммо менга ботмас наизаю ханжар,
Мени ўлдиролмас қилич ё заҳар,
Сувларга чўкмайман, жардан йиқилмам,
Номард қўлидаги ханжардан не гам?

Н а с а в и й

(*киради.*)

Сизга ажиб бир совга, сардор.

Ж а л о л и д д и н

Чингизнинг калласими, уфунат, мурдор?

Н а с а в и й

Йўқ, бошқа!

Ж а л о л и д д и н

Хўш, мўгул тутқинларми?

Н а с а в и й

Йўқ, бошқа!

Ж а л о л и д д и н

Ҳа, ёрдам қўшиналарими?
Қўшиналарки, кутаман Ғиёсиддиндан?

Насавий

Йўқ, бошқа!

Жалолиддин

Куттирма! Дарҳол сўйла сен!

Насавий чодирнинг дарпардасини кўтаради. У ерда
Султонбеким кўринади. Насавий чиқади.

Султонбеким

Йўқ, оғам бу на амир,
На мўғулдан бир асир,
Ва на Чингиз калласи...
Бу бир қизнинг ҳийласи.
Бу урганчлик гариб қиз —
Танирмисиз?

(Қучоқлашиб кўришадилар.)

Жалолиддин

(ҳазилона)

Жажжи келин, бу қандай жаҳонгашталик?
Куёв жонга тегдими? Севги шунчалик!

Султонбеким

Еrim бирдур ва лекин оғам ҳам битта,
Туғилмайди иккинчи оғам албатта.
Сиз жанг ичра, ҳар лаҳза ҳолингиз қалтис!
Дийдорингиз ганимат, ният шу ёлғиз!

Ж а л о ли д д и н

Сўйлагин саргузаштинг, бўлайин огоҳ!

С у л т о н б е г и м

Чиқдик Хоразмдан ғурбатга, эвоҳ,
Яшириндик онам-ла мулки Эронда,
Хаёлим уйида Урганч ҳар онда.
Шоҳ зиёратига кетди Бадриддин,
Мен эса оғамни соғиниб ғамгин,
Ҳижронга чидолмай чиқдим қалъадан,
Ўтдим дарёлардан, боғу даладан,
Йўлимда учради вайрона-ю, дашт,
Насиб бўлди дийдор, мана, саргузашт.

Ж а л о ли д д и н

Кўп улуг совғасан, азизим, сингил,
Келишинг яхши фол мен учун, билгил.

С у л т о н б е г и м

Ўзим бўлсам ҳамки кўп улуг совға,
Сизга бир армуғон келтирдим, оға!

(Унга бир узук чўзиб.)

Ғалати бир узук, ўзи ҳам тумор,
Низову жангларда ҳар дам халоскор,
Ким буни бармоққа бир тақса агар
Ўлимлар, яралар бўлур бехатар.
Самарқанд шаҳрида улуг аллома
Буни Бадриддинга қилмиш иона.
У жангда юрмаса узук не керак?
Саркарда оғамга берур деб кўмак —

Бир омад келди-ю, қўлга туширдим,
Эсадалик қатори сизга келтирдим.

Ж а л о л и д д и н

(узукка қараб)

Кўп нағис, мунаққаш, сеҳрли узук!

С у л т о н б е г и м

Үстида дуоси, ундан ҳам тузук!
Лекин ўқиб бўлмас мушкул муаммо!

Ж а л о л и д д и н

Муллага ечмоқлик осондур аммо!
Ҳазрат Насавий!

(Насавий узукни олиб давотдаги сиёғни унинг кўзига
суркади ва, сўнгра ипақ қоғозга босиб, Жалолиддинга
кўрсатади.)

Н а с а в и й

Сардор, бу муҳрдир, кечиринг мени,
Ло ҳавло... Сиз ўқинг шу калимани!

Узук ва қоғозни топшириб чиқади.

Ж а л о л и д д и н

(қоғозга қараб)

✓ «Подшо Бадриддин шоҳи барру баҳр,
Султони Самарқанд, Мовароуннаҳр».

(Султонбегимга)

Эрингта шоҳликни сўз берган Чингиз,
Бу ҳам хўжасига ишилаган шаксиз.
Юртига сарлашкар бўлишдан кўра —
Шоҳлик номи билан мўғулга тўра...
«Фалати бир узук — ўзи ҳам тумор».
Эмиши: «Ўлимларга қарши мададкор»,
Энди шу узукда очилди тилсим,
Оҳ, ёмон даҳшатдир газабим, ҳирсим!
Унинг бир бошига юз марта ўлим!..
Эринг бир сотқиндуру, бечора синглим!

Султонбегим

Вой, энди тушундим, сўйларди доим,
Самарқанд тахтида бўлурмиз қоим,
Бош эгмай ҳеч кимга мустақил, эркин!

Жалолиддин

Зоҳиран пок сўзу, маъноси чиркин,
Покиза лабингга сен-ку, ҳамиша,
Қўндирмай юрадинг ҳаттоки пашша,
Энди кўр, лабингга лаб қўйган малъун,
Ялади Чингизнинг у қонли қўлин.

Узукни ерга ташлаб чиқади. Султонбегим чуқур алам
ичида узукни ердан олади.

Султонбегим

Тўй куни жанг чиқиб, дилпора бўлдим,
Юртдан йироқ тушиб овора бўлдим,
Эвоҳ, номард экан суюлган ёрим!..
Энди бас, энди бас, эй, биру борим.

(Кўлидаги узукни бармогига тақиб)

Шунча жилвакорсан мунаққаш, нозик,
Кўп юрдинг сен унинг қўлида, узук!
Лекин олмос кўзинг шунча бемаъни,
Уларда хиёнат ўқилар яъни.
Илойим, чиройнинг замирида ҳам,
Чиркинилик яшайди ифлос, номаҳрам!

(Узукка қараб)

Сенга нишон босмиш севги, дейдилар,
Сени ишқ қасридан белги, дейдилар.
Лекин воқиф бўлгач махфий муҳрингдан,
Воз кечдим ҳуснингдан, ишқу меҳрингдан,
Воз кечдим у нокас соҳибингдан ҳам.
Сени ташлагандай тупроқса оғам —
Чиқардим бармоқдан, дилдан, хотирдан,
Сен ҳам хароб бўлгин, йўқолгин бирдан!

Узукни бармогидан чиқариб ташлаб, чодирдан чиқади,
Жалолиддин ва Элборс кириб келадилар.

Ж а л о л и д д и н

Гапиргин, гапиргин Темур Маликдан,
Офарин, у доим мардликка яктан!

Э л б о р с

Бизни кўп овора қилди зўр қалъа,
Тўгри ҳамла қилди...

Ж а л о л и д д и н

Ҳа, баракалла!

Элборс

Ўзи Темур Малик ўтиб дарадан,
 Қувди мўгулларни катта маррадан,
 Олинди Банокент қалъаси дарҳол,
 Тушди қўлимизга кўп асир, кўп мол,
 Сойда тўлган эди минг кесик калла,
 Ёвларнинг калласи...

Жалолиддин

Ҳа, баракалла!

Элборс

Ниҳоят ўн яра еса ҳам сардор
 Тушмади отидан, турди устивор,
 Мен ҳам қўлда ханжар, оғзимда ялла,
 Бақадри имкон...

Жалолиддин

Ҳа, баракалла!

Элборс

Ҳозир ҳамма лашкар катта ўрмонда,
 Тургай пистирмада, тайёр шу онда...
 Амир Бадриддин бирла кенгашиб...

Жалолиддин

Ким, ким?

Э л б о р с

Шоҳ номидан келибди шошиб...

Ж а л о л и д д и н

Нима қилар унда у шайтон, сотқин?
У ё мурдор бўлсин ва ёки тутқин!
Оҳ, Темур Малик кўп улуг сардор
Ва лекин дилсода, ҳийлада начор.
Мулозим!

(*M y л o з i m к i r a d i .*)

Отлангин туркман отига,
Бориб айт, қўшиннинг сўл қанотига —
Ўрмондан чиқсинлар, сойга ўтсинлар,
Бадриддин хоинни дарҳол тутсинлар!
У, Темур Маликка бир ҳийла қурган,
Ёмон бир ниятда у ерда юрган.

(*M y л o з i m ч i k a d i .*)

Чиқ жарнинг бўйига, Элборс паҳлавон,
Йиртқич тўда бирла тур унда пинҳон!

(*Элборс паҳлавон ч i k a d i .*)

Мулозим!

(*Иккинчи мулозим к i r a d i .*)

Отланиб жўнагин, чиққин сен тоққа,
Қўшин тогдан тушсин орқа қишлоққа.

(*M y л o з i m ч i k a d i .*)

Ж а л о л и д д и н

(ўзича)

Бизнинг мавқеларни ҳам бирин-кетин,
Ёвга маълум қилган сотқин Бадриддин!

(Ўйлаб)

Адир бўйи ётар аскар жим,
Кун ботмасдан қиласман ҳужум,
Шапоқ отдай ёввойи мўғул,
Кунга қараб юролмас нуқул.

(Ҳ а с а в и й киради.)

Султонбегим ҳозир серқайғу,
Чодирида тинч ухласин у.
Сўраб қолса мени башарти,
Тагин ошиб кетмасин дарди...
От соламан бостириб ёвга,
Унга, мени чиқди де, овга!

(Ҳ а с а в и й чиқади. Ҳансираф б и р ч о н а р киради.)

М у л о з и м

Ёмон хабар келтирдим ҳозир,
Темур Малик бўлмишдир асир!

Ж а л о л и д д и н

А, Бадриддин, амир Бадриддин?!
Қани, қўлга тушдими хоин?!

Ч о п а р

Дарвозани Бадриддин очган,
Сардор асир тушгач, у қочган.

Ж а л о л и д д и н

Оҳ, даҳшатли, кўп ёмон хабар,
Минг ўлимдан минг марта баттар.
Бир қанотим синди Темурсиз,
Гўё қолди бир кўзим нуреиз.

(Мулозимга)

Дарҳол қўйинг бедовга эгар,
Хужум учун шайлансин лашкар!

Мулозим чиқади, узоқда ҳужум қилаётган аскарларнинг «оллоҳ-оллоҳ!», «ур-ур!» садолари... Жанговар кийинган Султонбеким ва орқасидан Насавий киради.

Н а с а в и й

Унамайди, шаҳзода, бегим!

Ж а л о л и д д и н

Ким бўйсунмас саркардага, ким?

С у л т о н б е г и м

Оғам, оғам, жанговар оғам,
Мен ҳам сизга бўлгайман ҳамдам.
Кўп хафасиз, мен хабардорман,
Мен синглингиз, мен ҳам сардорман!
Сизга жон ва сут берган у она —

Наҳот бўлса менга бегона?!
Айбим нима? Аёллигимми?
Кокилимми?

Ж а л о л и д д и н

(уни қучоқлаб)

Баракалла, синглим! Ким дейди
Жалолнинг йўқдир иниси?..
Тухматдур бу... Мана ботир эр.

(Мулозимга)

Бир от беринг, тез чопар, бардам,
Жалолиддин синглисига ҳам!

М у л о з и м чиқади. Ж а л о л ва с и н г л и с и ч одир
эшигига чиқадилар. Узокда жанг-ғавғо садоси. Бошқа
мулозим чопиб келади.

М у л о з и м

Эровуллар суриб кетдилар,
Даштга қочар мўғул дарбадар.

Ж а л о л и д д и н

(севиниб)

Оҳ... Оҳ...
Қасам бўлсин тангрига биллоҳ,
Тирикликда энг ширин ҳолат —
Ев қочишин кўрмоқдир фақат.

Жалолиддин қиличини сугуриб, ўпиб баланд кўтаради.
Синглиси ҳам шундай қиласи. Жалолиддин нариги
томонга қараб буйруқ беради.

Хұжумға құшын!
Қон — қасос учун
Қилични сүгур,
Душманни ур-ур!

Жалолиддин ва Султонбеким югуриб кетадилар. Үзокда катта оломон Жалолиддин буйругини тақрорлаб, «Хұжум құй-шын!» «Ә оллох, ё ҳақ!» дея нидолар құтаради, отлар кишинашы ва қилич, қалқон қарсиллаши әшитилиб тураркан, өздер ичида якка ва тикка турған Насавий дафтариға нималаридир ёзмоқда.

Н а с а в и й

Ха... Шу йүсін туғилар тарих.

П а р д а

ТҮРТИНЧИ ПАРДА

БИРИНЧИ КҮРИНИШ

Парда очилади. Чингизхон қароргоҳи. Босиб олинган шаҳарлардан биттасидаги кошона. Хоқоннинг аъён, нўён ва навкарлари камарбаста турибди. Чингизхон таҳтда ўтирибди. Деворда қатор михларга қоқилган каллалар кўринади.

ЧИНГИЗХОН

Фалаклар ёзгандай бўлдим оламгир,
Одамзод туғилган бўлай деб асир.
Нега мавжуд эрур кўҳна дунёлар
Ким айтар маъносин, аё донолар?
Оёғим тагида қадимги тоҷлар,
Ўлкалар ҳам ўлар, ҳам тўлар божлар.
Мени жаллод дейди олам бариси,
Хатодир, мен ўзим ўлим тангриси. ✓
Адолат ё инсоф нима деган у?
Тупурдим буларга, минг карра тпу!
Бу дунё бир жанглал, мен уста қоплон,
Итимни алишмам юз инсон билан.
Рангларда ширин ранг, ранги — хуниндур,
Ким нола тингласа уники ҳузур.
Бирдан ўлдирмасам дейман кишини,
Дарҳол битирмасам санъат ишини.
Даставвал кессаму олмасам жонин,
Менга ёлворса-ю, мен ичсам қонин.

Құлымда инграса, энди мен бүгсам,
Үлмағдан бурунроқ оташда ёқсам,
Ва сүнгра кулларин олиб ҳидласам,
Ана кайфу лаззат, ана баҳтли дам.

(Нүёнларга.)

Қани Жалолиддин? Қани ваъдалар?
Ётсам ҳам қулоққа наъраси келар.
Эҳ сизлар, мақтанчоқ, магрур нўёнлар,
Сизга устоз бўлмиш қайси қуёнлар?

(Ўзича)

Менинг ўғилларим, уларни денг-чи,
Улар саркардами ва ёки кўнчи!
Беш тобқир қочирди мўғулни Жалол,
Адашсам мени ҳам қиласарди қамол.

1 - и ў ё н

Ғам еманг, ғам еманг, эй улуг хоқон,
Уни маҳв айламак сизга кўп осон.
Бир наъра торсангиз бўлур паришон
У сахро ўгриси...

Чингиҳон

Елғондур, ёлғон!
Жалол қандай даҳшат, сен ўзинг иқрор,
Номини эшитсам мен ҳам бекарор.

(Нүёнга истеҳзо қилиб)

✓ Дарёда наҳангдур, сахрода арслон,
Хайрият у эмас юртида султон.

Кўп ҳам таажжубдир дунёниг иши:
Яхши инъом олар нолойиқ киши.
Хоразмшоҳ учун шундай бир фарзанд,
Отаси не онглар, не бўлур хурсанд.
Оҳ, кошки тўрт ўғил ўрнига ғалак —
Менга бирин берса Жалолиддиндек.

(Хаёлга ботиб)

У гарчи душмандир, аммо улуг ёв,
Агар у қўлимга тушса, беаёв
Ериб кўкрагини, ичардим хунин,
Сўнгра... Тиз чўкардим олдида унинг!
Хўш, борми дараклар Хоразмшоҳдан?

1 - и ўён

Қочар бир қалъага бир хилватгоҳдан,
Кетидан изма-из отлиқлар чопар,
Сичқон инидан ҳам бир куни топар...
Лекин асир этдим ҳарамхонасин.

Чингизхон

Офарин!

(Хазинадорга)

Динордан ўн минг донасин —
Нўёнга берасан шу хизматига,
Ва лекин шу қилган жиноятига —
Хой жаллод! Уз бунинг калласин ҳамон!
Хушомадгўйликда айтилган ёлғон —
Кўшинга хиёнат қилишдан ёмон.

1 - и ў ё н

(тиз чўкиб)

Менинг хизматларим, хоқон, марҳамат!

Ч и и г и з х о н

Ўлсанг ибрат бўлур, бу ҳам бир хизмат!

(Жаллод нўённи олиб чиқади.)

Душмани кўзига илмаган сардор,
У сардор эмасдур, мақтанчоқ, айёр.
Билингиз, сиз тамон ўтса бир сотқин
Ундан фойдаланинг, усталик қилинг —
Аммо адо бўлгач қиласлик иши,
Ўлдиринг, керакмас ундаи бир киши;
Ўзининг юртини сотса у агар —
Бир куни сизларни сотгуси баттар.
Шу тахлит айладим элларни ишғол,
Майдонда мен енга олмасам дарҳол —
Ўртага туширдим заҳар ё ханжар,
Ё пора, ё олтин, ширин ваъдалар.
Душманлар сафига сололдим нифоқ,
Неъмату давлатдан, қуролдан тузоқ!
Шундай олмоқчиман бутун дунёни,
Хон бўлур мўгулнинг ҳар бир нўёни,
Мўгул отларининг туёги босган —
Ҳар бир ер хоқонга мулкдир ё маскан.

(Ҳа в қ а р кираðи.)

Н а в қ а р

Қабулга мунтазир амир Бадриддин!

Ч и н г и з х о н

Ҳай-ҳай, кириб келсин, кириб келсин, денг!

Бадриддин кириб таъзим қилади ва бориб Чингизнинг
қўлини ўпади.

Б а д р и д д и н

Олий хизматингда, айтай хоқоним,
Бажо келтирилди аҳду паймоним,
Мен Темур Маликни туширдим асир!

Ч и н г и з х о н

Самарқанд тахтининг ярмиси ҳозир!
А, Жалолиддин-чи?

Б а д р и д д и н

Қийин жуда ҳам!
Чунки Жалолиддин менинг қайногам,
Бу ишни пайқаса синглиси албат —
Менга лаънат ўқир у илал-абад.

Ч и н г и з х о н

(қаҳқаҳа ва истеҳзо билан)

Муҳаббат, муҳаббат! Аҳмоқона сўз!
Бошқа хотинларда йўқми қош ва кўз?
Муҳаббат? Бу сўзни кимлар тўқиган?
Гўл шоир ёзгану тентак ўқиган.
Сен агар шоҳ бўлсанг, юзлаб гулузор —
Ётогинг бошида ялангоч тайёр.

Келсин асиралар!

Хоразмшоҳнинг ҳарам аҳли — хонимлари кириб
келади. Улар гўзал, кибор кийимли, лекин маъюс ва
пажмурда.

Чингизхон

(иблисона қағқаға билан)

Ана Хоразмшоҳ бодидан гуллар,
Менинг бир зарбамдан ҳаммаси туллар!

Чингизхон бир коса май ичади. Туриб, айланиб ҳар
қайси аёлга яқиндан қараб ўтади. Унинг даҳшатли
қарашлари олдида хотинлар букилиб, мункайиб қола-
дилар.

Мунгли бир ашула айтинглар, қани?
Инглангиз, эзилинг, қулдиринг мени!

Асиralар жим. Чингизхон ишораси билан ясовуллар
асиralар тепасидан қамчиларини шувиллатадилар.
Улар қўрқиб ашула бошлайдилар.

Асиralар

(хор)

Қалъанинг дарвозаси
Очиқ экан кечаси,
Очиқ экан кирибди —
Мажусийнинг итбачаси.

Оҳ, тўрам, воҳ тўрам,
Қайда қолдинг бекарам?

Шабадаҳон секин эс,
Ҳолимизни сўраб кез,
Ҳолимизни сўрагач —
Үрганч ёққа элтгин тез!

Оҳ, тўрам, воҳ тўрам,
Қўлим сиқар номаҳрам!

Кўз ёшим томчисидан,
Кўл бўлди томчисидан,
Биллоҳ елкам ярадур —
Мажуснинг қамчисидан!

Оҳ тўрам, воҳ тўрам,
Гўрга элтар бу ярам!

Ч и н г и з х о н

Энди ўйинга ҳам тушинглар, кўрай,
Нозик баданларинг ўзим текширай!

Хоразмча рақс. Бу рақсда асиralарниг мусибати ифодаланган. Сўнгра мўғул баковуллари ва чавандозлари ҳам «Қамчи рақси»ни ўйнаб, хотинлар ўртасига тушадилар.

(Май ичиб)

Сўйлагин бу кимдур, амир Бадриддин?

(Битта хотинни қўлидан ушлаб й

Б а д р и д д и н

Олтинчи хотини Хоразмшоҳнинг!

Ч и н г и з х о н

Жаллод, мандан сенга кўп ширин туҳфа,
Сенга ҳам каниздур ҳам юмшоқ кўрпа!
Сўйлагин бу қимдир, ана буниси?

Бадриддин

Бу Хоразмшоҳнинг тўртинчи қизи!

Чингизхон

Баковул, ол сенга шу дўндиқча қиз,
Унга тинчлик берма кечаю кундуз.

(Олиб кетади.)

Қани, буниси ким, амир Бадриддин?

Бадриддин

Кенжак хотинидур Хоразмшоҳнинг!

Чингизхон

(Бадриддинга)

Ниманг кам ё Султон, Хоразмшоҳдан?
Ол, сенга хушбўй гул узганман шоҳдан,
Сенинг-ку, сирларинг оламга аён,
Энди босқинларга бел боғла ҳамон.
Ўзинг савалашгин Жалолиддин-ла,
Иқболинг кулмоқда, сўзимни тингла!
Сени кутиб тураг тоғ Самарқандда!

Бадриддин

(ўзича)

Бу тожнинг заҳмати шунчалар катта!

(Чингизга)

Амрингга ҳозирман хоқоним ҳар дам!

Ч и н г и з х о н

(хотинларни кўрсатиб)

Жўнасин ҳарамга қолган аёллар.

(Ўзича)

Асалга ўч бўлур одатда чоллар!

Бошқа хотинларни баковуллар суриб чиқарадилар,
Бадриддин ҳам Кенжаконим қолади. Чингиз ҳам ярим
маст чиқади.

Б а д р и д д и н

(хонимни қучоқламоқчи бўлиб)

Бу кеча меники бўласан, хоним,
Чун сени илтифот қилди хоқоним.
Шукр қил, ўйнашинг эмас гадой, оч,
Қўйнингга киргувчи бу соҳиби тож!

К е н ж а х о н и м

(нафрат билан)

Йўқолгин сен номард, домод эмас, ёт,
Шоҳнинг хотинига таклиғинг уёт!

Б а д р и д д и н

Сиз шоҳга қирқинчи хотин эдингиз,
Энди-чи, султонга севикли каниз!

Кенжә хоним

Беномус, эсингни едими мүгүл?
Белингда камарсиз юрганинг маъқул!
Султонмиш? Беватан, белашкар бир қул!

Бадриддин

(газабли.)

Шоҳ — қочоқ, тахт — барбод, нечун бу даъво?
Қатлингга боисдур кибринг бенаво!
Ҳой навкар, сен яхши каллакесарсан,
Болтангни шу чечак бирла безарсан.

Кенжә хоним

(кетаркан)

Беватан банда!

(Олиб кетадилар. Бадриддин ҳам орқаларидан чиқади.)

Оғир музика остида и ўёнла р кириб келишади. Қўл-оёқлари кишланланган Темур Маликни итариб кирги-
задилар.

Қодогон и ўён

(унга яқинлашиб)

Танидингми, менман Қодогон и ўён?

(Темур Малик жим.)

Бир кўзимни соғ қўйган замон,
Ўйламабсан, танирман сени —
Кишланларда сўроқлар куни.

(*Темур Малик жим.*)

Сен хоқонни айладинг сарсон,
Қирдинг мүғул лашкарин бесон,
Яширмагин, сен Темур Малик,
Камтар турмоқ энди шунчалик!

Т е м у р М а ли к

Гуноҳкорлар гуноҳдан тонар,
Мен сардорман, тиг сурмак ҳунар!
Гувоҳ бўлар ер бирла осмон
Янчганимда сизни қуртсимон —
Гувоҳлигинг кўр шайтон, бекор!
Ҳа, мендурман, бил Темур сардор,
Шундай жавоб хонга ҳам тайёр!

Чингизхон маҳрамлари билан кириб келади.
Ҳамма тиз чўқади. Темур Малик тикка туриб қолади.
Чингиз тахтга ўтиради.

Қ од о г о н и ў ё н

Тиз чўқ асир, бандалик кўрсат!

Т е м у р М а ли к

Сардорларда йўқ бундай одат!
Букилмайди тиззамиз ҳеч вақт!

Ч и н г и з х о н

(*ўзича*)

Кўп сазовор ёвуз жангари,
Афсус, эмас Чингиз сардори.

(Деворни кўрсатиб Темур Маликга.)

Боқ, барчаси соҳиби фармон!
Ана будур шоҳи Туркистон,
Ана будур Қошгорнинг хони,
Бу бадбаҳт бош қипчоқ султони,
Бу Эроннинг сипоҳсолори,
Бу-чи, аҳмоқ Чин ҳукмдори.
Ё менга сен бўлурсан сардор,
Ёки бир мих сенга ҳам тайёр!

Темур Малик

Ҳукмингни тез чиқар, жаллодга буюр,
Ўлимдан қўрқмайди шу Малик Темур.
Ва билки, қўлимга тушсанг агар сен,
Хўкиздай сўярдим ўзим бўғзингдан.

Чингизхон

Ботирсан ва лекин ақлинг кам, эвоҳ!
Қадрингга етдими, айт, Хоразмшоҳ?
Ўт менга, бўлурсан қўшин улуги,
Сенга беш қалъада ийёнлик туғи!

Темур Малик

Хоразмшоҳга мен бўлмадим сардор,
Жалол амри билан мен аламбардор!
Юртимга навкарлик улугворликдир,
Қалъамда эрк туғи чин тұғдорликдир.
Ватанга құлчилик — шоҳона мансаб,
Ғазотдан қайтмасман билгил, бадмазҳаб!

Чингизхон

Биласан, ягона фарзандинг асири?!

Темур Малик

Ох, даҳшат, бу хабар мотамангиз сир!

Чингизхон

Эҳтимол, сенда бордур оталик меҳри,
Ҳа, десанг ўғлингни омонда умри.

Темур Малик

Ўглим тириқ қолса, балки умрбод —
Мени лаънат бирла айласинми ёд?
Ийқ, йўқ, бундан кўра у бўлсин барбод —
Ўларкан, раҳмат, деб мени қилсун ёд.
Шарафдан кўз юмиб топилган најот,
Ўгридан садақа сўрашдай уёт!

(Чингизхон Қодогон нўёнга ишора қиласиди.)

Чингизхон

Миргазаб ўзинг бўл, Қодогон нўён!

Қодогон нўён

Темурлар эригай панжамда.

Донишманд

(саҳна орқасидан)

Кўзларим... кўзларим куяди, имдод!

Темур Малик

(ўзича)

Донишманд... э фалак, дастингдан фарёд!
Кошки қулоқларим бекилса кардек,
Чида, Темур Малик, чида, эй юрак!

Ч и н г и з х о н

(заҳарханда үла)

Билки, у кўр эмас ҳали унчалик,
«Ҳа!» де, рози бўлгин, эй, Темур Малик!

Т е м у р М а л и к

Билардим, сен қонли қассоби одам,
Энди тушундимки, кабобпазсан ҳам!

(Боланинг ғолоси.)

Ч и н г и з х о н

Билки, ҳали унинг бир кўзи тирик,
«Ҳа» де, рози бўлгин, эй, Темур Малик!

Т е м у р М а л и к

Кошки қулоқларим бекилса кардек!
Чида, Темур Малик, чида, эй юрак!

(Бола ғолоси.)

Даҳшатли урушларни кўрдим,
Бир шери гаррон каби бўкирдим,
Аммо шу қадар азобни асло,
Берган эмас эди ҳақ-таоло,
Е раббано!

Д о н и ш м а н д

(орқадан)

Ота! Ота!..

Темур Малик

Эвоҳ, куяр у нуридийдам,
Аламдан аммо қуриди кўзимда ёш-нам!
Ўглим, мени сен эшит, чидам бер,
Шербаччанинг ҳам бўлур дили шер!
Сабр эт, сенга чора этгали мен
Тўтиё келтиргали Ямандан,
Отлансан эдим бедовга чиндан,
Нур жавҳари топардим Ҳинддан.

(Ўзича)

Ҳайҳот, сиқар қўлимни занжир,
Майдонда тутиб бухорий шамшир,
Ё раббано!

Чингизхон

(навқарларни чақириб)

Навқарлар, нега сиз ишламайсиз соз?

Навқар

Қанча ҳам куйдирсак, чиқармас овоз!

Чингизхон

Лаънат, нафрат, ҳазар, бу юрт, бу элдан,
Келтиринг!

(Юз-кўзи қонли Донишмандни келтирадилар.)

Донишманд

Вой, бир кўзим билан танидим сени!

Темур Малик

Отанг сотқин эмас, гувоҳ бўл ўзинг!

Чингиҳон

Ўйинг!

(Кизиган темирни Донишманднинг кўзига боса бошлийди.)

Темур Малик

Жигар қонга ботди мотам ичидা,
Чида, Темур Малик, эй юрак, чида!

(Ўрлига)

Жим тургин, Донишманд, чин ўғлим эрсанг,
Гарчи жуссанг кичик, ўзинг зўр эрсан.
Буюраман, эрдай ва шердай ўлгин,
Хоҳишм бирла сен тугилган эдинг,
Жим туриб ўлишинг энди хоҳишм!

(Навкарлар болани қийнайди, лекин бола жим.)

Донишманд

Эриб куйса ҳамки димогим, тишим,
Дада, сен буюрдинг, мен жимман, ишон?

Темур Малик

(Ўзича)

Сардор бўладиган ўгил бегумон!

Чингиҳон

Чекингиз түхтөвсиз күзига милни,
То сүқир қилайин бу юрт, бу элни!

(Донишмандни олиб чиқадилар.)

Темур Малик

Сукунатинг била енг аблак мүғулни!
Гар Темур Маликнинг күр бўлса ўгли,
Авлоди кўзлари бўлур ёругли.

Навкар кириб Чингизга секин сўзлайди, Чингиз газаб
билин навкарни итаради.

Чингизхон

Ҳа, қаердан ўтибди дединг?!
Жалолиддин, ҳа... Жалолиддин?!

2 - на в кар

(кириб)

Ёвлар сойда!

Чингизхон

Қани Чигатой?

2 - на в кар

Қўшинлари қочар пойма-пой!

Чингизхон

Уҳ, уч ойлик меҳнатим барбод.

Чоп, қўшинлар қайтиб чиқсан бот!

Темур Малик

(таъна билан)

Тутқун шерга дўқ қилмоқ осон,
Эркин шердан бўлдинг ҳаросон?!

Чингизхон

Фурсат берма, чиқариб маҳв эт,
Кетмоғимга бўлмасин шоҳид!

Темур Малик

(чиқа туриб)

Жалолиддин ўлмас қаҳрамон,
Юрт яшаркан, ўлсам йўқ армон!

Чингизхон

Жалолиддин боемиш баногоҳ,
Жанг қилмаймиз, чидамас сипоҳ!
Ташланг қасру чодирга дарҳол —
Хазиналар, либослар, зар, мол!
Улар бўлсин бунга саргардон!
Чекилсинлар қўшинлар ҳамон!

Чингизхон ва аъёнлари шошилиб чиқиб кетадилар.
Мулозимлар қимматли буюм, тилла ва жавоҳирларни
сошиб, уларнинг кетидан кетадилар. Тащарида жанг
сурони эшитилади.

Парда

БЕШИНЧИ ПАРДА

БИРИНЧИ КҮРИНИШ

Жалолиддин қароргоҳи. Чодирлар... Урушдан қайтган құролли сарбозлар икки қатор сағ тортиб туради. Зафар марши чалинади. Түлқинли ва бардам музика оғанғи остида «Жалолиддин», «Жалолиддин!» деган Табрик нидолари әшитилади. Жалолиддин, унинг орқасидан Султонбеким, амирлар ва сардорлар кириб келади.

Жалолиддин

Раҳмат сизга, сипоҳлар, раҳмат, амирлар,
Дам олинг, амрим кутинг, азamat эрлар.

(Аскарлар тарқалиб кетади.)

Насавий

Султонбеким күрсатди улуг жасорат,
Душманларга етказди зарап, маломат.

Султонбеким

Карасам бир чеккада бир душман — аъён,
Бир танқолик изларди бамисли қуён.
Тұғри отни солдириб айладим асир!

Ж а л о л и д д и н

(шүх)

Сен менга сардор эдинг, энди бир вазир!

(Насавийга)

У асирни бу ёққа олиб келтиргил!

(Насавий чиқади.)

Қани бўлса сендайин яна юз сингил.

С у л т о н б е г и м

Ҳаммаси ҳам вазирми?

Ж а л о л и д д и н

Иёқ, бу кўп мушкул.

Ҳар соҳиби мансабга фуқаро керак.

С у л т о н б е г и м

Хўш, биттасин чин севиб қолса-чи, юрак?

Ж а л о л и д д и н

Наҳотки севмак гуноҳ? Мен кимдан ёмон?

Яхши севса яхшироқ урушар ўғлон.

Лекин Султонбегимдай бўлсин, вассалом,
Хусни, феъли сен билан баробар тамом!

Султонбегимнинг қалпогини кўтаради. Қалин кокилла-
ри елкага тушади. Жалолиддин кокилларни қўлига
олиб.

**Яна бир шарт, кокили кокилинг монанд,
Менинг саркаш кўнглимга бўлолсин каманд.**

(*Асирни келтирадилар. У сояда. Юзи кўринмайди.*)

Султонбегим

**Сени асир айлаган менман — бир аёл,
Сен ким?**

(*Асир жим.*)

Жалолиддин

Сен ким?

(*Асир жим.*)

Султонбегим

**Баён айла, сен кимсан, мўғул нўёни?
Бергай токи жаззангни ҳукми раббоний!**

Насавий

**Бу сукут аломати — ризодир, сардор,
Айтинг, жазоси қандай жазодир, сардор!**

Жалолиддин

Қонли ёвнинг жазоси — итлар ўлими!

**Асир тиз чўкади. Ёргуда юзи кўринади. Бу Бадриддин.
Унинг бир қўлида сугурилган қилич, иккинчи қўлида
кафан.**

Бадриддин

Хеч қасдим йўқ, шу қилич ёдгорингиз,
 Шу — кафаним, ўлдиринг, ихтиёрингиз!
 Асир бўлиб тушувдим мўгуулга ногоҳ,
 Чунки ярадор эдим хоҳу иноҳоҳ.

Султонбегим

Йўқ, гапингиз ёлғондур, тўғрисин айтинг,
 Мен биламан, сиз эмас амир Бадриддин!

Бадриддин

Боқинг, менман, унутмоқ шунча тез, эвоҳ!

Султонбегим

Сиз Бадриддин эмассиз, сиз Бадриддиншоҳ!

(Амир Бадриддинда ўзгариш.)

Муҳрингизда шундай-ку! Сиз Бадриддиншоҳ!

Насавий

Хиёнат деб аталар сиз қилган гуноҳ!

Бадриддин

(Султонбегимга)

Эслагин севгимизни, висол чоғларин,
 Самарқанднинг ойдинли, гулзор боғларин!

Сұлтонбегим

Қани ваъданг, вафодор бўлгайман девдинг,
Маъшуқанинг қалбими нажот умидинг?

Бадриддин

Олиҳиммат дейдилар севги даргоҳин,
Үерда афв этарлар ошиқ гуноҳин!

Жалолиддин

(Бадриддинга)

Ватан, севги, садоқат назарингда ҳеч,
Ўйлаганинг тож бўлди сенинг эрта-кеч!
Сотдинг Темур Маликни, ишлатдинг найранг,
Сўйла, недур хоиннинг жазоси, сўйла!

(Бадриддин андишада. Худайчилар кирадилар.)

Худайчи

Хоразмпоҳ шу онда
Қалъаи «Сар жаҳон»да,
Яширинча омонда.
Күёвнинг аҳволидан —
Хабар олгач у шу дам —
Тартиб бўлди шу фармон:
Амирга амну омон.
Бўшатилсан тез куёв,
Қалъага борсин дарров!

Фармонни Жалолиддинга беради. Бадриддин хурсанд.
У Худайчига бир халтacha олтин ташлайди.

Бадриддин

Аҳсан олло, олиҳиммат шоҳимизга оғарин!

Соқчилар уни узр билан бўшатмоқчи бўладилар. Жалолиддин бирдан қатъий қарор билан.

Жалолиддин

Модомики шоҳ жангдан қочар овора,
Фармони ҳам соқитдир, бу бир хатпора.

(Фармонни йиртиб ташлайди.)

Бадриддин

Шаҳанишоҳнинг амрига бу исёнкорлик,
Бу исломда фитнадур, оқ-падарлик!

Насавий

Шомонийлар бутига чўқинган «ислом!»

Жалолиддин

Чирик ғармон йиртилар, йиртдим, вассалом!

(Худайчига)

Шундай нажоткор экан ҳазрати султон,
Нега қиласар хоинга нажотни эҳсон?
Асоратда юраркан ҳарамхонаси,
Унга кимдур ўлканинг бир бегонаси?!
Иёқдур мендан бошқа ҳеч соҳиби фармон,
Огоҳ бўлгай азмимдан дарбадар султон!

(Худайчилар кетади.)

Насавий

На кун кўрган, на кеча шундай даҳшатни,
Қурт ер экан ичидан кекса дарахтни!
Ағесус, буюқ бир давлат бўлса-да, Хоразм,
Тахтнишинлар бўлдилар бегайрат, беазм.

Жалолиддин

Буюр, синглим, ҳукмингни, буюр шу маҳал —
Ижро қиласай ҳукмингни мен ҳам беҳаял!

Султонбегим

У ишиқидан айниди, айнидим ундан,
Унинг юзин унудим мен ўша кундан!
Шу қалбаки севги-чун топталди кўнглим,
Шу хорланган севгим дер: хабисга ўлим!

(Чодирдан чиқади.)

Жалолиддин

Аммо абраҳ тулкининг яна айби бор:
Юртфурушлик учун у ўлсин икки бор —
Икки марта ўлдиргин буни жаллод тез,
Аввал ўқ-ла михлагин, сўнгра бошин кес!

Бадриддин

Мусулмонлар, қўйманглар, мен шоҳга домод!

Насавий

Домодликнинг ипини уздинг сен бадзод!

Ж а л о л и д д и н

Калласини айлантири, күрсиин эл-диёр,
Билсинларки, хоинга шу оқибат бор!

Б а д р и д д и н

Тавба қылдим валиахд, умримни аянг,
Бу бир хато, жаҳолат, маъзурман дилтанг.

(Жаллодлар Бадриддинни олиб чиқади.)

Ж а л о л и д д и н

Қўрқоқ ўлар ҳар лаҳза, мард фақат бир гал.
Соя янглиғ юради биз билан ажал.
Ундан қочсанг қувади, қувсанг қочади,
Ялинмоқни, ажабо, борми ҳожати?

Н а с а в и й

Кошки ҳеч туғилмаса хоинлар дейман!

Ж а л о л и д д и н

Тугилса ҳам бари бир қириб ҳайдайман!
Кўрганмисан, Насавий, Амударёда
Баъзан соҳил бўйида ётган бир хода
Тегишади сувларнинг саркаш лабига,
Шунда ўша ходани секин-оҳиста,
Қимирлатиб судрайди сувлар кўп уста.
Тепиб-тепиб ташлагач сувнинг бағрига,
Полвон дарё ортади уни сағрига —
Бўгиб, эзигир добда ўйнатар тошлиар,
Хоразм денгизига муттасил бошлиар!
Мен ҳам Амударёман, ўжар, қасоскор,

Йўлларимда ҳар тўғон бўлур тор-тор.
Фармоним шу: дам олсин бир оз лашкарлар.
Янги ҳужум амрида кутсин хабарлар!

Жалолиддин чодирга, Насавий бошқа томонга чиқиб
кетади. Амир Ағроқ бир гурӯҳ қипчоқ сар-
бозлари билан кириб келади.

Ағроқ

Аммо ёмон бўлмади, йигитлар, ўлжа!

1 - с и п о ҳ

(ўзича)

Бирорга хазина, бирорга қулча!

2 - с и п о ҳ

Менга бопта ўлжа-чи, ёвнинг қочиши!

Ағроқ

(саҳна орқасини имлаб)

Ўша тулпор отни-чи, шоҳона бедов!

Саҳна орқасида шовқин. Амир Музаффарнинг овози.

Музофар

(саҳна орқасидан)

Хо... хо... қонни тўккан биз, мазахўр қипчоқ,
Яёв чопган бизлару, от минсин олчоқ!

(Үз сарбозлар и билан кириб келади.)

Амир Сайфиддин Ағроқ, ҳақорат етар,
Қызимга тажовуздан бу ишинг баттар.
Писиб бординг орқамдан, бизлар қон тўқдик,
Менга тегиш тулипорни минмаклик нечук.

Ағроқ

Бадбаҳт ғурлар, ҳаромхўр, амир мақтанчоқ,
Биз шаҳаншоҳ тағоси, аслимиз қипчоқ!

Музофофар

Ваҳший қипчоқ, дашти Гул!

Ағроқ

Жим, ҳаромзода! (Қамчи билан савайди.)
Тилингни қисе, ўгри ғур!

Музофофар

(кета туриб)

Ҳа, шундайми ғур бўлақ, қипчоқ ҳам бошқа,
Тагойилар бир ўзи қолсанн савашга.
Юринг, ғурлар, керакмас бизга шон-шуҳрат!

(Кетадилар.)

2 - синопҳ

(кета туриб.)

Тагойилар бир ўзи кўрсатсан ғайрат!

Ағроқ

Бизга тұхмат, адоват, уларға давлат,
Юринг Дашти Қипчоққа, унда бор омад.

(Қипчоқлар ҳам кетадилар.)

Жалолиддин

(чодирдан чиқиб келиб)

Яна менинг уйқумга иблис қылди рашиқ,
Гүё жанжал... Балки бу сипоҳ қылган машқ!
Хафталар мобайнида мизгидим бир оз,
Тушлар күрдим қайгули, ғамгин жонгудоз.
Үлим мангу уйқудир дейди шоирлар,
Аччиқ хато: ўлмасдан буни ким билар?
Туш олами бир бөгдур, хаёллар, қушлар,
Аммо ағесус гүрларга кирмайди тушлар!
Күрдим чаман... Урганчда... Амударёда —
Аргувоний косада хүшбүй бир бода,
Менга тутиб қадим дүст дер эди кулиб:
Күп согиндим, шаҳзода, сендан айрилиб!
Яна бир бор ичайлик, сувдан кечайлик...
Майни ичдим, танидим. Ү — Темур Малик!
Иигламас деб ўйлады мени одамлар,
Аммо чақмоқтошга ҳам қўнар шабнамлар.
Яшириб мен оламдан кўз ёшларимни,
Кечалари эслайман йўлдошларимни!

Насавий

(кириб)

Тонг ёриша бошлади ҳазрати сардор!

Ж а л о л и д д и н

(кулиб)

Тарихчига шарт эрүр бўлмоқлик бедор,
Ўтиб қолса басавлат бирон ҳангома —
Кўрмай қолсанг бануқсон бўлади нома.
Менга айт-чи, урушдик, шунча жанг қилдик,
Гоҳо ёвни йиқитдик, гоҳо йиқилдик,
Қалъаларни фатҳ этдик, лашкарни эздик,
Боди сар-сар сингари элларда кездик,
Калламизни кесдилар, каллалар кесдик,
Саҳроларда югурдик, дарёда суздик,
Босдик, енгдик, енгилдик ва яна енгдик,
Қилич ўпид, ўқ узиб, айғирлар миндик.
Шуни ютиб кетмасми бевафо замон,
Жайҳун — сойга ташланган бир кесаксимон?
Хўш, ёзганинг не бўлур, кимларга етар?

Н а с а в и й

(дафтарни кўрсатиб.)

Кўп юлдузлар ўчади, ўчмас бу дафтар!..
Ўқир азиз авлодлар юз-юз йилларда!

Ж а л о л и д д и н

Ўқийдими?

Н а с а в и й

Албатта!

Ж а л о л и д д и н

Ўқийдими?

Н а с а в и й

Ха!..

Ж а л о ли д д и н

Бўлмаса ёз: шиддатли олти жанг бўлди,
Чингиз қочди Жалолдан, ҳоли танг бўлди.
Бугунги тарихни ёз еттинчи жанг деб,
Кимга қилар худованд зафарни насиб?

(Туриб айланади. Уфққа қарайди. Уфқда саҳар қуёши.)

Шундай тузоқ қурганман Чингизга, билсанг,
Ногаҳоний ҳамламдан бўлур ҳанг-манг.
Чақир, келсун амирлар.

(Насавий кетади.)

Қуршаб олай бу ерда уч ёқдан тамом,
То оламдан бу мараз биткай вассалом.

(Насавий, Элборс ва бир неча амирлар
келади.)

Қани бошқа амирлар, қани Музaffer?

Н а с а в и й

Хафалашиб кетибди ғурлар баробар.

Ж а л о ли д д и н

Қани Балхий қўшини, қаерда Аъзам?

Н а с а в и й

Чиқишполмай кетмишлар бундан улар ҳам.

Ж а л о ли д д и н

Қани, қипчоқ амири Сайфиддин Ағроқ?

Н а с а в и й

У ҳам кетди ва кетган лашкари қипчоқ!
Низо чиққан ўртада ўлжа туфайли!

Ж а л о л и д д и н

Амирларнинг ўлжага кўп нафси, майли,
Ургулар ўртасида чиққани низо —
Зафарнинг маррасида даҳшатли қазо!

М у л о з и м

(югурниб киради.)

Сардор, бўлинг хабардор!
Тоғ йўлидан мўғуллар келмоқда, сардор.

Ж а л о л и д д и н

Сафлаб қолган лашкарни, тузинглар тўғон!
Довонни эгаллаб тур Элборс паҳлавон,
Орқамиз Жайҳун сойи ва гурбат эллар,
Маҳкам туринг, бўлгайман ўзим сарлашкар!

(Ҳ а м м а кетади, Жалолиддин ёлғиз. Султонбегим келади.)

С у л т о н б е г и м

Ога, сиздан севинчи, азиз, меҳрибон —
Онам келди қалъадан эсон ва омон!

Ж а л о л и д д и н

Ҳар чоқ хурсанд бўлай десанг, сингилжон
Бир мусибат юз берар бизга ногаҳон.
Қочиб кетди амирлар, келмоқда мўғул,
Онасини шу ҳолда кутарми ўғил?

(Она келади. Марым ашёларни өодирга киригади.)

Она

Сени кўрмак охири бўлди мұяссар,
Ўғилгинам, энди мен ўлеам йўқ қадар!

Жалолиддин

(құчоқлаб)

Кулфатли бир лаҳзада ташриф буюрдинг,
Елғиз қолмиш майдонда, бил, Жалолиддин.

(Үзича)

Онамни қутқазайми дарёдан ўтиб,
Ехуд яна урушай сафларни тутиб?!
Яхши ўғил яхшими, ё яхши сардор?
Яхши ўғил майдонда тургай устивор!

(Онасига)

Ана, қара, яъжуждай бўлишиб ғужум —
Бир тўдага мўгуллар қилмоқда ҳужум.

Она, фотиҳа бер!
Бўлсун покиза дуонг жангда мададкор.

Она

Худо ёр бўлсин.

Жалолиддин

(Синглисига)

Посбон бўл онамга, жангга тайёр бўл!

(Онасини ўпнб кетади.)

Хұжум қүшин, қон-қасос учун!
Килични суғур, ганимни ур!

(Султонбегим ва она тепаликдан уфққа қарайдилар.)

С у л т о н б е г и м

Қара, оғам отини жангга суради.

О на

Күзим яхши күрмайды, дилим күради!

С у л т о н б е г и м

Қара, оғам шер каби зарба уради!

О на

Күзим яхши күрмайды, дилим күради!

С у л т о н б е г и м

Боқ, ўнг ёқда мүгүллар қочар паришон.

О на

Ев онаси йиғласин, қирғин беомон!

С у л т о н б е г и м

Ох, фалокат, сүл ёқдан қочиб ағонлар,
Душман ёққа ўтдилар, тез берай хабар!

(Кетади.)

О на

Энди қиласай сизни деб қиблага дуо!
Шояд ижобат бүлгай ниёз — муддао.

(Дарё лабига бориб құлларини осмонга құтаратади.)

Икки лочин етказиб бўлдим номдор:
Битта қизу бир ўғил — иккови сардор.
Битта сийна шунчалик парвариш қилур,
Битта она кўп қиласа шунчча иш қилур.

(Чодирга кириб кетади. Султонбегим қайтади.)

Султонбегим

Душман кўпдур бағоят, мусулмонлар оз,
Минг калхатга не қилур битта шунқорбоз?

(Кетмоқчи бўлур.)

Огам билан ўлганим қўлма-қўл яхши!..

(Ўйлаб)

Лекин онам, онам-чи... мен унга соқчи!

О на

(кириб келади.)

Буни бергин оғангга, айтгин, бу маъжун.

(Бир шиша беради.)

Билмасин, томиридан олинган соғ хун!
У очликка йўлиқса сафарда агар,

Бүннинг битта ютуми унга жонпарвар.
Энди сизлар борингиз турбат элларга,
Тутқун ватан дардини чертиб дилларга.
Қайтиб келгач гүрларга солинг бир назар,
Балки унда сунбулу райхонлар ўсар.
Мўгулларга бир оқсоч бўлишдан кўра
Балиқларга ем бўлсам — афзал минг карра.
Дунёга олдин келган, олдин ҳам кетар
Яшашим етар!

Ўзини сувга ташлайди. Султонбегим югуриб соҳилга
йиқилади.

С у л т о н б е г и м

Она, она, оҳ, даҳшат... Тўхтанг тўлқинлар!
Тўхта дарё, ҳеч онанг йўқмидир магар?

Ж а л о л и д д и н

(Бир неча маҳрам билан қайтиб келади. Кўзи Султон-
бекимга тушади.)

Султонбеким, не бўлди, онамиз қани?

С у л т о н б е г и м

(дарёни кўрсатиб)

У бир мурда, на гўр бор ва на кафани!

Ж а л о л и д д и н

(Тиз чўкиб, бошини ушлайди.)

Ватан дея курашдим, онадан кечдим,
Унисидан сут ичдим, бу деб қон ичдим.

Мудҳиши толе бермишdir Җалолга оллоҳ,
На она бор, на юрт бор, на лашкар, эвоҳ!

Узоқдан жанг садолари. Җалол туриб, юрагини
ушлайди.

Кўтара олармикин шу дардни юрак?
Иўқ. Қасосни олай деб яшамоқ керак!
Сарбоз, қара, дарёда борми қайиқлар?

(*Мулозим чиқади.*)

Султонбегим

(*шишани беради.*)

Бир маъжун, берган эди онам — ёдигор,
Деди қачон қилисангиз ғурбат ихтиёр,
Оч қолеа Җалолиддин, ичсин маъжундан,
Тоқатсизлик ва очлик даф бўлур ундан.

Жалолиддин

(*шишани ўпади.*)

Балки юрак қонидур, ёки бир эксири,
Бир эксирики, багишлар абадий умр.
Азиз она, қайдасан, ўлсанг ҳам тингла,
Қаерда мен тиз чўкай қабрингга, сўйла!
Билдим сенинг қабрингдур бутун шу Ватаи,
Дарё сенинг тобутинг, кўпиклар кафан.
Соҳиллар иззат ила кўтаринг елка,
Жайҳун тўғри элтади тобутни элга!
Қуёш ўзи гувоҳки азалдан бери,
Амударё оққанмас асло тескари!

Насавий

(Ярадор бўлиб келади.)

Бешта оғир ярам бор, ярам ўлдирав,
Жангдан чиқдим, йўқолиб қолмасин дафтар!

(Дафтарни чиқариб ёза бошлиайди.)

Жалолиддин

Бир мушт каби юмилмай қолди салтанат,
Қабила-ю, уруғга тушди адоват!

Насавий

(Беҳол)

Нафас битар, Азройил, йўқол, бадбуруш!

(Сардорга)

Нима билан тугади еттинчи уруш?
Нима ёзай, сардорим... ўчар нафас, хуш!

(У беҳол ерга ётади.)

Жалолиддин

Ёзгин, ҳали битганмас еттинчи уруш!

Насавий

(Кўкрак ярасидаги қон билан ёзади.)

Сийна қонидан ёзай сўнг фожиани!

(Иккилиб ўлади. Дафтар қўлидан тушади.)

Ж а л о л и д д и н

(*Унинг совуқ қўлини ўтиб*)

Шундай умринг тугади, буюқ тарихчи,
Улуг жангга васиқа шу қўлнинг иши.

С у л т о н б е г и м

Кўмсак ватан ерида биз уни дарров,
Қайтиб келишимизга бу турфа гаров!

Ўликни олиб чиқадилар. Элборс паҳлавон уст-бошлари
қон, қўлидаги қиличи ҳам қондан қип-қизил бўлгани
ҳолда келиб, ҳолсизланиб ўтиради ва қиличини ташлаб.

Э л б о р с

Кирмоқ билан тугамас бу яъжуж — душман,
Тирик қолиб не қиласай, жангда ўлгайман.

Ж а л о л и д д и н

(*Насавий ташлаган дафтарни олиб*)

Йўқ, сен яша, бу ерда қол мардонавор!
Биз айлаймиз йиглабон ғурбат ихтиёр!

(*Кучоқлашиб хайрлашади.*)

Э л б о р с

Қайтиб келгин, эл бутун бўлмагай мурда,
Куйимга қиём қилур ўликлар гўрда!

(*Кетади.*)

М у л о з и м

(*кириб*)

Хеч қаёқда кўринмас қайиқлар, сардор!

Ж а л о л и д д и н

Дарҳол, дарҳол эгарланг чопогон тулпор!

М у л о з и м

Эгарлардан узилган жангда айиллар,
Дарёнииг суви тошқин, қутурмиш селлар!

С у л т о н б е г и м

(Бирдан ханжарини чиқариб, ўз кокилларини кесади.)

Арқонга ҳам ярайди шу қалин кокил,
Ўн беш отга чиқади бемалол айил!

(Кокилини беради.)

Ж а л о л и д д и н

Фидо этдинг ҳуснингни, баҳодир синглим!

С у л т о н б е г и м

(Қалпогини кийиб)

Кокил яна ўсгуси, бўлмасин ўлим!

(Жалолиддин бир қўлида китобни кўтариб, бошқа қўли
билин Султонбегимни қўлтиқлаган ҳолда.)

Гурбатларга йўл олмоқ учун мусибат,
Гурбатда ҳам армондир Ватанга хизмат!
Ҳали адo бўлмапти улуғ ҳангома,

Насавий битирмасдан қолди жангнома.
Бир бўлсайди салтанат, эл-уруглар бир,
Даҳшат сочиб бўлардик жангда оламгир.
Мангуликдан жой олган — яшар абадий,
Мен-ку, Мангубердиман, олам билади.
Кўкларданми, сувдами, ё ер тагидан,
Балки сахро бағридан, тог этагидан,
Бир кун пайдо бўламан шу юрт, шу ерда,
Юрт шайдоси кўмилмас ғурбатда — гўрда.
Улугвор ниятларга кор қилмас ажал,
Ким юртдан ёвни қувса — мендурман ўшал.

(*Maҳram киради.*)

М а ҳ р а м

Отлар тайёр, фурсат оз, тез бўлинг, сардор.

Узоқдан Элборснинг найи эшитилади. Жалолиддин
синглисининг қўлини ушлаб.

Ж а л о л и д д и н

Эшит, халқ ҳам у куйдай, мангу пойдор!
Биласанми, биз қайтар кунда у мақом
Йўлимизни белгилар! У кунга салом!

Найнинг узоқдан чалинаётган садоси ва мўғулларнинг
кучайиб турган нидоси асносида иккаласи жарга
тушиб кетади.

П а р д а

ИЗОҲЛАР¹

«Жалолиддин Мангуберди» тарихий драмаси Улугъ Ватан урушининг энг қизғин бир даврида — 1944 йилда яратилди. Драма ўтмишда чет эл босқинчилариға қарши халқимиз олиб борган мардонавор қурашнинг ёрқин саҳифаларидан бирини бадиий саҳна асари воситасида тирилтириш ва уни Улугъ Ватан уруши йилларининг жанговар вазифалариға ҳамоҳанг идрок этиш борасида катта тарбиявий аҳамиятга эга бўлди. Драмада XIII асрнинг биринчи чорагида Ўрта Осиё ерларига бостириб кирган Чингизхонга қарши мустақиллик учун олиб борилган қурашнинг энг характерли даври акс эттирилган. Асар воқеаси асосан 1217—1224 йиллар орасида бўлиб ўтган тарихий ҳодисаларни ўз ичига олади.

Мазкур драма 1945 йил январида Ҳамза номидаги Ўзбек давлат академик драма театрида саҳналаштирилди, уни томошабинлар ва кенг адабий жамоатчилик қизғин кутиб олди. «Қўпдан буён узун умрли, бадиий салмоқдор саҳна асарларини орзу қиласр әдик. «Жалолиддин» бу орзумизга жавоб беришга қодир», деб ёзган әдилар академик ёзувчиларимиз Ойбек билан Фадур Гулом.

Султон Муҳаммад Аловуддин Хоразмшоҳ — хоразмшоҳлардан Текешнинг ўғли, Ўрта аср шарқида вужудга келган құдратли феодал давлатларидан бирининг ҳукмдори (1200—1220). Султон Муҳаммад мўғул босқинини даф қилиш учун салтанат тақдирни ҳақида жиддий ташвиш чеккан билимдан сиёсий арбобларнинг оқилона маслаҳатларига амал қилмади. Аксинча, ўз манбаати ва шаън-шавкати учун қайғурган сарой зодагонларининг сўзига кирди. Ўша давр Шарқ давлатлари орасида энг құдратли қўшинга эга бўлган Султон Муҳаммад (беш юз мингдан ортиқроқ) ўз қуролли кучларини бирлаштириб ёвга зарба бериш ўрнига, аскарларини мамлакатнинг турли қалъаларига бўлиб юборади. Душманга қарши фаол ҳужум қил-

¹ Изоҳлар муаллифи М.— Зокиров.

майди, балки мудофаа жанги тактикасини ағзал күради. Истеъдодли саркарда, донишманд давлат арбоби ва бағоят довюрак катта ўғли Жалолиддинни қўшинга бошлиқ қилиб тайинламай, онаси Туркон хотин ва тоғалари — қипчоқ амирларининг сўзига кириб, уни валиаҳдликдан маҳрум этади. Натижада, жуда катта бир мамлакатда парокандалик юз беради. Халқ кимнинг фармонига бўйсуниб, нима иш қилишини билмай саросимага тушади. Султон Муҳаммад қочиб бориб, охири Каспий денгизидаги бир кимсасиз оролга яширинади ва 1220 йилда шу ерда зотилжам касалидан вафот этади.

Жалолиддин — Султон Муҳаммад Аловуддиннинг катта ўғли. Ўша давр тарихчилари, айниқса, унинг шахсий котиби ва тарихчиси Муҳаммад Насавийнинг «Тарихи Жалолия» китобида ёзилишича, Султон Муҳаммаднинг вафоти хабарини эшитган мамлакат аъёллари Жалолиддинни Хоразм салтанатининг султони деб эълон қиласидилар (1220). Шундан бошлаб Жалолиддин Чингиз босқинига қарши курашга отланган барча кучларга бошчилик қиласиди. Мўғул аскарлари Ўрта Осиёда ўз ҳукмронлигини ўрнатгандан сўнг ҳам Жалолиддин таслим бўлишни хаёлига келтирмайди. Курашни Эрон, кейин Ҳиндистон ерларида давом эттиради.

Жалолиддин кураш давомида Чингиз аскарларига қарши биринчи қақшатғич зарбани 1221 йил аввалида Насса (ҳозирги Ашхобод) шаҳри ёнида беради. Шундан сўнг Фазна томон кетиб, у ерда ўз қўшинини 60 минг кишига етказади. Мўғул қўшинлари билан жиддий тўқнашув 1221 йил ўрталарида Афғонистоннинг Панҷшир водийсида, Парвон мавзеида бўлиб ўтади. Бу жангда Жалолиддин машҳур мўғул саркардаси Шики Хутуху аскарларини бутунлай тор-мор қиласиди. Бироқ, мўғуллардан олинган ўлжани тақсимлаш пайтида Жалолиддин қўшини таркибида жанижал кўтарилади. Ўзбилармон, манман амир ва бекларни яраптириб, уларнинг бошини бир ерга қовуштиришга Жалолиддин қанчалик уринмасин, натижа чиқмайди. Бир неча бек ва амирлар аразлаб, ўз аскарларини олиб, Жалолиддиннинг қароргоҳидан кетиб қолади. Оқибатда Жалолиддиннинг кучи анча заифлашади. Лекин бу ҳолат Жалолиддин иродасини бўшаштирмади. У ўзининг қолган кучлари билан Синд (Ҳинд) дарёси томон юради, 1221 йилнинг ноябрь ойида Синд

дарёси бўйида ҳал қилувчи даҳшатли жанг юз берди. Мўғул қўшинларига бевосита Чингизхоннинг ўзи раҳбарлик қилди. Аввалига Жалолиддиннинг қўли баланд келди. Аммо, Чингиз томонидан қўйилган ўн минг кишилик пистирма жанг оқибатини ҳал қилди. Жалолиддин енгилди. Лекин таслим бўлмади. Онаси, хотини ва синглиси Султонбекимни мўғуллар қўлига асир тушиб, хўрланишини истамаган Жалолиддин уларни Синд дарёсига гарқ қиласди, ўзи оти билан сувга сакраб, дарёнинг у қирғоғига сузиб чиқади. У билан бирга тўрт мингга яқин аскарлар ҳам омон-эсон ҳинд ерига сузиб ўтишади.

Муҳаммад Насавийнинг ёзишича, Жалолиддиннинг довюраклигидан ҳайратда қолган Чингизхон ёнида ҳозир бўлган ўғилларига қараб: «Агар шундай ўғлим бўлганда, ўзимни... дунёдаги энг бахтиёр оталардан ҳисоблардим», дейди.

Жалолиддин ҳинд ерларида 1224 йилгача яшади, яна қўшин тўплаб, 1227 йилга қадар мўғуллар билан жангни давом эттириди. 1227 йилда Эрон орқали Кавказга ўтади, у ерда вақтинчалик ўз ҳукмронлигини ўрнатади. Аммо ўзи орзу қилганча қудратли давлат тузишга эришолмай, 1231 йилда Курдистон тоғларида ов пайтида фожиона равишда ҳалок бўлади.

Темур Малик — Хўжанд ҳокими. Мўғул қўшинларига қарши олиб борилган кураш баҳодирларидан бири. Жалолиддиннинг яқин дўсти ва содиқ саркардаси. Хўжанд мудофаасида ажойиб сабот-матонат кўрсатди. Қоронги бир тунда 70 та кемага қурол-яроғ, озиқ-овқат ва қолган аскарларини жойлаб, Сирдарёнинг қуи оқими томон сузиб кетди ва мўғуллар қамалидан қутулди. Кўп машаққатлардан сўнг 1220 йилда Урганчга етиб борди ва Жалолиддинга қўшилди.

Тарихчи Ал-Жувайнининг хабар беришича, Темур Малик мўғулларга қарши кўпгина жангларда фаол қатнашди, аммо Жалолиддин қўшинлари енгилгач, мўғулларга итоат этишни истамаган бу саркарда Ўрта Шарқ мамлакатларига кетди. Бир неча вақт Сурия, Ироқ ва Арабистонда сўфиёна дарвешлар либосида дарбадар умр ўтказди. Қариб қолгач, тахминан 1245 йилларда ўз юрти Хўжандга қайтди. Мўғуллардан қўрқсан хўжандликлар уни қабул қилишдан бош тортиб, гўё танимасликка олдилар. Сўнг, у Чингизхондан кейин улуғ хоқон бўлиб қолган Ўктоҳоннинг ўғли Қодаҳоқон ҳузурига бориб, ўч олиш мақсадида унинг

сайройига хизматга киради. Аввалги жангларда Темур Малик ўқидан кўзи кўр бўлиб қолган бир мўғул нўёни (аскарбоши) уни таниб қолади. Ба ниҳоят Темур Малики тутиб, тахминан 1250 йилда қатл этадилар. Бу халқ қаҳрамони ҳақида Садриддин Айнийнинг «Темур Малик» рисоласидан муфассал маълумот топиш мумкин.

Султонбегим — Жалолиддиннинг туғишган синглиси. Ўша давр тарихчиларининг хабар беришича, ғоят гўзал, оқила, довюрак ва тадбиркор аёл бўлган. Акаси Жалолиддин билан биргаликда Чингизхонга қарши жангларда кўп марта иштирок этган.

Муҳаммад Насавий — Жалолиддиннинг яқин аъёнларидан. Машҳур тарихчи. Унинг тақдири қизиқ. 1221 йил ноябрда Синд дарёси бўйида бўлган машҳур жангда қаттиқ яраланиб, мурдалар орасида қолади. Мўгуллар уни ўлган ҳисоблаб, эътибор бермайдилар. Ўзининг ёзишича, Чингизхоннинг Жалолиддин жасоратидан ҳайратланиб айтган гапларини ўз қулоги билан эшитган. Насавий Жалолиддиндан сўнг анча яшаб умр кўрган ва машҳур китоби —«Тарихи Жалолия»ни ёзган.

Имом Шаҳобиддин Хевақий — мўгулларга қарши мардонавор курашда Урганчда қаҳрамонларча ҳалок бўлган руҳоний арбоблардан, шайхулислом.

Чингизхон — асли оти Тимучин бўлган. Ўртаҳол мўғул феодалининг ўғли, хитойлар билан бўлган бир жангда асир тушиб, 24 ёшигача қулликда умр кечирди. Сўнг асирикдан қочиб, мўғул ерига келади ва майдамайда мўғул князликларини бирлаштиришга киришади. XII асрнинг охириларига келиб, феодаллар қурутойида унга Чингизхон (буюк хон, хонлар хони) унвони берилади. Мўғул мамлакатининг ягона ҳукмдори бўлиб қолади. Қудратли қўшин тузиб, Хитой, Шарқий Туркистон каби қўшни мамлакатларни босиб олади. 1218 йилдан бошлаб Ўрта Осиё ерларига бостириб киради. 1224 йилда Ўрта Осиёда ўзининг тўла сиёсий ҳукмронлигини ўрнатади.

Чингизхон 1227 йилда вафот этди. Ундан кейин Ўрта Осиёда унинг иккинчи ўғли Чигатайхон ва авлодлари бир асрдан ортиқроқ ҳукмронлик қилдилар. 1363 йилда Ўрта Осиёда Темурнинг ҳокимият тепасига келиши натижасида Чингизхон сулоласи ҳукмронлигига барҳам берилди,

МУНДАРИЖА

<i>Мұхсин Зокиров.</i> Умрлар бўладики	3
Шеър чин гўзаллик экан..	6
ШЕЪРЛАР	
Хаёт дафтиридан	8
Кўзлар	11
Кремль соати	12
Юлдузларга бўлдим ҳамсоя	14
Баҳорда ёмғир	15
Мени ака дейдилар	17
Ўртоқ Навоий	19
Мисранинг туғилиши	23
Кураш нечун	26
Берлинда суд бўлғуси	28
Капитан Гастелло	30
Қуёш шарқдан чиқади	33
Чорак аср	35
Фарҳодга хат	38
Икки шеър	40
Саломат қол	43
Йўқ, мен ўлган әмасман	45
Боғон	48
Етти юз ўттиз кун	49
Муқимий	52
Хаританг олдида	54
Олма	56
Мактубинг	57
Уч истак	59
Ой	60
Генералнинг хотираси	61
Аксисадо	63
Муаллим	65
Баракат	66
Оқшом	68
Мирза	69
Ватан	70
Тириклик шаънида	72
Товус пари	74
Кўр куйчи балладаси	76
Севги ва тинчлик	79
Шоир	81
Яхшилик	82
Луқма	84
Қўшиқ	86

Фонтан	88
Чароғонларга	90
Уч табассум	93
Унинг қалби	96
Рақамларнинг ҳуснига доир	99
Чой	101
Лубнон, Лубнон	103
Бу кеча	105
Ҳакимнинг ҳисоби	107
Бош масала	110
Коммунизм манзили ёношар ҳар дақиқа	112
Сен билан ўшиликнинг	113
Еттилик балладаси	114
Мен Ленинни кўрганларни кўрганман	116
Йилларни кузатиб, йилларни кутиб	119
Шоир қалби дунёни тинглар	121
Қилич — шамшир эриб йўқолсин	124
Кремлнинг садоси	125
Кўряпман ҳар дамда уни	127
Хамзаободда икки манзара	128
Қўшиқ ўрнида	129
Бир мактуб, бир тилак ва мингта адрес	130
Икки дўст ва бир таржимон	133
Қуёшнинг йўли	135
Излар	137
Намастэ, Ҳиндистон	141
Булбул	142
Соҳилда ўйланишлар	144
Бомбайда	147
Уфқлар	149
Йилларнинг саломин йилларга элтиб	150
Хоразмда қиши бўлмас экан	152
Фонуслар	154
Товушлар	155
Партбилет	160
Бинафша	165
Шамолни кўз билан кўриб бўлмайди	166
«Бетинч ҳамда исёнкор одамнинг...»	168
Кечир мени, «Майли!» де	169
Сен — ер юзининг шўх табассуми	171
Сен ўзинг — шеър	173
Симлар, қалдирғочлар ва қизлар	175
Сиёҳдоним	177
Унинг давоми	179
Лениннинг умрига қўшилди бир йил	181

Күёш дерки	182
Қўллар	184
Марказкомга салом	186
Инсон, шеър ва шоир	189
Асримизга розилик	191
Биласанми?	193
Гулдаста	195
Барча яхши ҳодисалар ундан туғилди	197
Күёш, оқшом ва денгиз	199
Хиёбон	201
Келажакнинг саволлариға жавоб	203
Кўрфаз, ёмғир ва чой	206
Кашф	207
Чунки	210
Қалам	212
Денгизнинг ахлоқи	214
Дунё боқий	215
Күёш билан ой...	218
Ғафурга хат	220
Айрилиқ	224
Ўрмоң, туман ва у	225
Бўсанинг уруғи	226
Камтарлик	228
Ҳофизнинг иккинчи умри	229
Рикшанинг қўшиғи	230
Рубоийлар ва тўртликлар	232
Яхшилар қадри	238
ДОСТОИНЛАР	
Оқсоқол	240
Тошкентнома	247
ДРАМА	
Жалолиддин Мангуберди	297
Изоҳлар	416

На узбекском языке

Максуд Шейхзаде МИР ВЕЧЕН
Стихотворения, Поэмы, Драма

Редактор Р. Абдуллашид, Рассом В. Шумилов. Расмлар редактори
M. Карпузас. Техн. редактор Э Сайдов. Корректор О. Турдубекова
 ИБ 3903

Босмахонага берилди 27.08.87. Босишга рухсат этилди 24.12.87.
 Формати $70 \times 90 \frac{1}{32}$. Босмахона қозоги №1. Янги оддий гарни-
 тура. Юқори босма. Шартли босма л. 16,23+0,8 вил. Шарт. кр.—
 оттиск. 15,53. Нашр л. 16,12+0,02вил. Тиражи 10000. За-
 зак № 1046. Баҳоси 2 с 20 т, Шартнома № 96-87. Ғафур Гулом
 номидаги Адабиёт ва санъат нашриёти. 700129. Тошкент,
 Навоий кўчаси, 30.

Ўзбекистон ССР Наприёт, полиграфия ва китоб савдоси иши-
 лари давлат комитети «Матбуот» полиграфия ишлаб чиқариш-
 бирлашмасининг Баш корхонаси. Тошкент—700129. Навоий
 кўчаси, 30.